



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>


NYPL RESEARCH LIBRARIES




3 3433 07437277 6



A  
yuan  
-








8



**L V S O N I I**  
**BVRDIGALENSIS**  
**O P E R A**



D. MAGNI  
AVSONI I  
BVRDIGALENSIS

O P \_ E R A

EX EDITIONE

IN VSSVM

D E L P H I X I



MANNHEMII,  
Cura & Sumptibus Societatis Literatae  
MDCCCLXXXIL

486 | 05

NOV 19 1988  
OLIGOMER  
MANUFACTURERS

---

# V I T A   A V S O N I I

EX

A V S O N I A N I S   L E C T I O N I B V S

I . O . S .   S C A L I G E R I .

ΙVLIVS Ausonius, patria Cossione Vasatum,  
domo Burdigala, arte medicus, uxorem du-  
xit Aemiliam Aeoniām, natam Aquis Tar-  
bellicis, patre Caecilio Argicio Arborio Ae-  
duo, primarii generis viro in Sequanis, qui  
temporibus tyrannicis, cum summa rerum  
recidisset in Tetricos, proscriptus, omnibus-  
que facultatibus lapsus venit in Aquitaniam,  
ad civitatem Tarbellorum Aquas, quod est  
oppidum ad aestuaria Aturri fluminis situm.  
Ibi usus conditione honestae mulieris, sed  
in tenui re, Aemiliae Corinthiae Maurae,  
ex ea suscepit liberos Aemilium Magnum.

Arborium, & Aemiliam Aeoniām, quae  
nupta fuit Iulio Ausonio Vafatensi. Ex hoc  
matrimonio quatuor liberi suscepiti, Aemilia  
Melania, Decius Magnus Ausonius, Iulia  
Dryadia, Avitianus. In his Aemilia Melania  
lactens obiit. Avitianus vixdum pubertatem  
egressus, magnae spei adolescens, magnis-  
que tum in arte medicina progressibus, in  
mediis parentum votis, acerba morte inter-  
ceptus est: duobus superstibis, forore  
Dryadia, ac D. Magno Ausonio. Dryadia  
Pomp. Maximo rhetori nupsit, quo adhuc  
juvenis viduata permanxit in coelibatu ad  
sexagesimum usque annum, quo ultimam  
diem obiit.

Fuit Iulius homo sane domi nobilis, &  
apud suos maximus tum arte, quam profi-  
tebatur, in qua tum primas obtinebant ho-

mines in palatio noti Siburrus, vir praefectorius, Eutropius ac Iulius Ausonius ipse; tum etiam praefectura Illyrici, quam ei detulit Valentinianus senior, a quo artis medicinae causa in palatium arcessitus fuerat: fratribus suis longe felicior. (Quorum alter CL. Contentus ingentem pecuniam, in Britannis fenori occupatam ac immanibus mercedibus multiplicatam, morte praeventus externis hominibus diripiendam reliquit: ita ut nihil ex ea forte ad fratrem Iulium perveniret. Alter autem Iulius Callipio, homo prodigo ingenio, & infreni ac effusissima liberalitate, quam homines scurrae & urbani comitatem solent appellare, patrimonio exhausto, nepotes ex fratre & sorore nomine tenus heredes habuit.)

Vxorem Iulius eam, quam diximus, uni-

cam habuit, cum qua triginta sex annos sine  
ulla animi laesione vixit. Obiit nonagenarius,  
omnibus & membris & sensibus integer: tam  
secundae apud Aquitanos famae, ut ab illis  
cum aliquo septem sapientum contenderetur.  
Atque scitum ejus in ore omnium versabatur:  
*Beatum esse, non qui habet, quae cupid, sed*  
*qui non cupid, quae non habet.* Atque de eo  
jactabant Aquitani: *Quemadmodum Ausonius*  
*neminem sibi proposuit imitandum: ita Auso-*  
*nium nemo nunc potest imitari.* Reliquit libros  
de re medicina, quibus Vindicianus pluri-  
mum se adjutum fuisse testatur. Eloquentiae  
non ita studuit; cum hoc saepius diceret: *Sa-*  
*tius esse, si moribus antiquorum prudentum vi-*  
*veremus, quam si eorum tantum lingua & arte*  
*loqueremur.* Hoc itaque tanto viro nascitur  
Burdigalae D, Magnus Ausonius nomine avi

materni, cognomine patris. Cujus futurae  
indolis ea signa statim data sunt: quod cum  
ejus formam ac thema Caecilius Argieius  
Arborius, avus maternus, vir Mathefeos  
studiis instructissimus, perscripsisset, opi-  
nione hominum majus nescio quid de puero  
statim concipere visus est. Quod alta mente  
repostum ita penitus insedit curioso seni, ut  
etiam amissio filio majore triginta annorum,  
unicum Ausonium nepotulum in amissi so-  
latium sibi relictum esse saepe praedicaret,  
& hanc causam esse, quare patienter filio  
careret. Quare ab ipsis primum lucis rudi-  
mentis cura Aemiliae Corinthiae Maurae,  
aviae suae, diligentissime educatus, ac dua-  
rum materterarum, Hilariae & Iuliae Ca-  
taphroniae, devotee virginitatis seminarum,  
mollibus imperiis subactus, jam disciplinae

maturus, Cæcilio Argicio Magno avunculo traditur, Tolosae & Narbonis rhetori, causarumque apud Hispaniae tribunalia disertissimo actori. Qui & ipse quoque mira deinde Ausonii quotidie praedicare solitus, secum bene agi dicebat, quod Ausonius nepos natus esset: eamque suam felicitatem ducere maximam. Hoc igitur in bonis disciplinis, ac utraque lingua usus praeceptore, eos in illis progressus fecit, ut in tantum & talem poëtam, quantum & qualem viderimus hodie, evaserit. Annos triginta natus primum grammaticus ad docendum Burdigalæ lectus: deinde, cum rhetore Burdigalensibus opus esset, paulo post ad rhetoricae cathedram promotus est, Acilio Glabrone grammatico in ejus locum suffecto. In quo munere docendi permanxit, donec a

alentiniano seniore, cum Julius Ausonius  
ter in Palatio esset, ad docendos liberos,  
atianum ac Valentinianum, acciretur,  
orum signa saepe comitatus est, ita ta-  
en, ut militans aliquid semper scriberet,  
idquid temporis videlicet cessaretur a  
llo. Maxime, cum de praeda ei puella,  
ta forma, nomine Sulpitilla Bissula, obve-  
set, in eam delicatissimis epigrammatis,  
ipsa expeditione, lusit. Quod accidit,  
o tempore ad Lupodunum & Nicri fluvii  
put in finibus Suevorum magna Alema-  
rum & aliorum barbarorum strages a Va-  
tiniano patre & Gratiano Augustis data-  
et. Quaestor ab Augg. patre & filio factus,  
ox duplii praefectura praecinctus, prima  
iliae, altera Galliarnm, cum adhuc esset  
everis, absens consul a Gratiano Sirmij

designatus, declaratus ac prior renunciatus est: eique in Gallias ab eodem Aug. missus palinata, in qua D. Constantius intextus erat. Collegam in consulatu suffectum habuit Olybrium Hermogenianum V. C. ad diu post in Palatio mansit: & proconsul Asice, mox & vicarius dioeceseos Africanae fuit. Paulo ante tempora tyrannica, hoc est, quam Clemens Maximus, in Britanniis Imperator a militibus salutatus, Treveros venisset, adhuc vivente Gratiano, palam beatus ac omnibus honoribus perfunctus, Treveris agens coepit amoenitatem ejus tractus & fluminis Mosellae delicias admirari. Quo argumento mirum in modum oblectans, coepit illud poetica scriptione periclitari; id quod ei, ut alia omnia, feliciter cessit. Exstat ejus ea de re eruditissimus ac venustrissi-

nus Panegyricus. Gratiano de vivis subato fraude Maximi tyranni, coactus adhuc a Palatio manere, postea tamen Maximo d Aquilejam caeso, missione a Theodosio impetrata, in patriam, hoc est, in nidum enectae se contulit. Ibi reliquum aetatis quod fuit, in paternis praediis cum amicis nulliter ac tranquille senex traduxit. Matrimonium unum sancte coluit, ducta Atusia Lucana Sabina, Attusii Lucani Talisi, plendidi civis Burdigalensis, filia: quam ninorem **xxviii** annorum amisit. Eam usque adeo dilexit, ut secundi matrimonii fortunam tentare noluerit: quippe qui amplius **xlv** annos post ejus mortem coelebs vixerit. Liberos ex ea sustulit Ausonium patri & avo cognominem, quem infantem amisit, item Hesperium Aquilium, quem

## xvi AVSONII VITA

obstinato ad taciturnitatem animo sibi toties  
scribenti non responderet. Coluit & Latini-  
num Drepanium Pacatum Aginnatem pro-  
consulari dignitate: cuius nobilissima est  
oratio Theodosio dicta. Tres fundos magni-  
ficiis praetoriis instructos habuit, Lucania-  
cum, Noverogum, Marojaliam. Scripsit  
multa, quorum major pars ad nos perve-  
nit. Fasti, quos ab urbe condita ad suum  
consulatum scripserat, item chronica Cor.  
Nepotis, & apologi Aesopi, quos pedestre  
stile conscripsit, perierunt.



D. MAGNI

D. M A G N I  
A V S O N I I  
BVRDIGALENSIS  
E P I G R A M M A T A

---

De Augusto. Epigramma I.

PHOEBE potens numeris, praeses Tritonia bellis,  
Tu quoque ab aërio praepes Victoria lapsu,  
Come serenatam duplice diademe frontem;  
Serta ferens, quae dona togae, quae praemia pugnae,  
Bellandi fandique potens Augustus, honorem  
Bis meret: ut geminet titulos, qui proelia Musis  
Temperat, & Geticum moderatur Apolline Martem.  
Arma inter Chunosque truces, furtoque nocentes  
Sauromatas, quantum cessat de tempore belli,  
Indulget Clariis tantum inter castra Camoenis.  
Vix posuit volucres stridentia tela sagittas:  
Musarum ad calamos fertur manus, otia nescit:  
Et commutata meditatur arundine carmen.

A

Sed carmen non molle modis; bella horrida Ma  
 Odrysii, Thressaeque viraginis arma retractat.  
 Exulta Aeacide, celebraris vate superbo  
 Rursum: Romanusque tibi contingit Homerus.

De fera a Caesare interfecta. II.

Cedere quae lato nescit fera saucia ferro,  
 Armatique urget tela cruenta viri:  
 Quam grandes parvo patitur sub vulnere mortes,  
 Et solam leti vim probat esse manum!  
 Mirantur casusque novos, subitasque ruinas:  
 Quaeritur, & fallit lumina plaga recens.  
 Nec contenta ictsos letaliter ire per artus,  
 Conjungit mortes una sagitta duas.  
 Plurima communi pereunt si fulminis ictu:  
 Haec quoque de caelo vulnera missa putas.

Danubius Augg. alloquitur. III.

Illyricis regnator aquis, tibi, Nile, secundus  
 Danubius laetum profero fonte caput.  
 Salvere Augustos jubeo, natumque, patremque,  
 Armiferis alui quos ego Pannoniis.

Nuncius Euxino jam nunc volo currere ponto:  
 Ut sciat hoc Superum cura secunda Valens;  
 Caede, fuga, flammis stratos periisse Suevos;  
 Nec Rhenum Gallis limitis esse loco.  
 Quod si lege maris refuus mihi curreret amnis;  
 Huc possem vicos inde referre Gothos.

Idem eosdem alloquitur. IV.

Danubius penitis caput occultatus in oris,  
 Totus sub vestra jam ditione fluo:  
 Qua gelidum fontem mediis effundo Suevis,  
 Imperiis gravidas qua feco Pannonias:  
 Et qua dives aquis Scythico solvo ostia ponto.  
 Omnia sub vestrum flumina mitto jugum.  
 Augusto dabitur sed proxima palma Valenti.  
 Inveniet fontes hic quoque, Nile, tuos.

Sub Valentianii Iunioris signo  
 marmoreo. V.

Nunc te marmoreum pro sumptu fecimus: at cum  
 Augustus frater remeaverit, aureus esto.

Picturae subditi, ubi Leo una a Gratiano  
fagitta occisus est. VI.

Quod leo tam tenui patitur sub arundine letum,  
Non vires ferri, sed ferientis agunt.

De matre Augusti. VII

Ante omnes alias felix tamen hoc ego dicar:  
Sive deum peperi femina, sive virum.

Exhortatio ad modestiam. VIII.

Fama est futilibus coenasse Agathoclea regem,  
Atque abacum Samio saepe onerasse luto.  
Fercula gemmatis quum poneret horrida vasis;  
Et misceret opes, pauperiemque simul:  
Quaerenti causam, respondit: Rex ego, qui sum  
Sicaniae, figulo sum genitore satus.  
Fortunam reverenter habe, quicunque repente  
Dives ab exili progrediere loco.

De suis poëmatis. IX.

Est jocus in nostris, sunt seria multa libellis:  
Stoicus has partes, has Epicurus agit.

## EPIGRAMMATA

5

**S**alva mihi veterum maneat dum regula morum;  
Ludat permisso sobria Musa jocis.

### In Eumpintam adulteram. x.

**T**oxica zelotypo dedit uxor moecha marito:  
Nec satis ad mortem credidit esse datum.  
Miscuit argenti letalia pondera vivi:  
Cogeret ut celerem vis geminata necem.  
Dividat haec si quis, faciunt discreta venenum.  
Antidotum sumet, qui sociata bibet.  
Ergo inter se se dum noxia pocula certant,  
Cessit letalis noxa salutiferae.  
Protinus & vacuos alvi petiere recessus,  
Lubrica dejectis qua via nota cibis.  
Quam pia cura deum! prodest crudelior uxor.  
Et, quum fata volunt, bina venena juvant.

### Echo ad pictorem. xi.

**V**ane, quid affectas faciem mihi ponere, pictor,  
Ignotamque oculis sollicitare deam?  
Aëris & linguae sum filia, mater inanis  
Indicii, vocem quae sine mente gero.

**E**xtremos pereunte modos a fine reducens,

Ludificata sequor verba aliena meis.

**A**uribus in vestris habitu penetrabilis Echo:

Et, si vis similem pingere, pingue sonum.

In simulachrum Occasionis & Poenitentiae. XII.

**C**ujus opus? Phidias, qui signum Pallados, ejus

Quique Jovem fecit, tertia palma ego sum.

Sum dea, quae rara, & paucis OCCASIO nota.

Quid rotulae insistis? Stare loco nequeo.

Quid talaria habes? Volucris sum. Mercurius quae  
Fortunare solet, tardo ego, quum volui.

Crine tegis faciem. Cognosci nolo. Sed heus tu  
Occipiti calvo es. Ne tenear fugiens.

Quae tibi juncta comes? Dicat tibi. Dic rogo, quae sis.

Sum dea, cui nomen nec Cicero ipse dedit.

Sum dea, quae facti, non factique exigo poenas,

Nempe ut poeniteat. Sic METANOEA vocor.

Tu modo dic, quid agat tecum? Si quando volavi,  
Haec manet. Hanc retinent, quos ego praeterii.

Tu quoque, dum rogitas, dum percontando moraris;  
*Elapsum dices me tibi de manibus.*

Ad Gallam puellam jam senescentem. XIII.

Dicebam tibi: Galla, senescimus. Effugit aetas.

Vtere vere tuo; casta puella, anus est.

Sprevisti. Obrepstis non intellecta senectus.

Nec revocare potes, qui periere, dies.

Nunc piget: & quereris, quod non aut ista voluntas

Tunc fuit: aut non est nunc ea forma tibi:

Da tamen amplexus: oblitaque gaudia junge.

Da, fruar, &, si non quod volo, quod volui.

De lepore capto a cane marino. XIV.

Trinacrii quondam currentem in littoris ora

Ante canes leporem caeruleus rapuit.

At lepus: In me omnis terrae, pelagique rapina est,

Forsitan & caeli; si canis astra tenet.

De Pergamo scriptore fugitivo, qui captus fuerat. XV.

Tam segnis scriptor, quam lentus, Pergame, curvor,

Fugisti: & primo captus es in stadio.

Ergo notas scripto tolerasti, Pergame, vultu:

Et quas neglexit dextera, frons patitur.

## In eundem Pergamum. XVI.

Pergame, non recte punitus. Fronte subiisti  
 Supplicium, lentae quod meruere manus.  
 At tu, qui dominus, peccantia membra coerce.  
 Injustum, falsos excruciare reos.  
 Aut inscribe istam, quae non vult scribere, dextram:  
 Aut profugos ferri pondere nocte pedes.

## De Myrone &amp; Laïde. XVII.

Canus rogabat Laïdis noctem Myron:  
 Tulit repulsam protinus.  
 Causamque sensit: & caput fuligine  
 Fucavit atra candidum.  
 Idemque vulta, crine non idem Myron,  
 Orabat oratum prius.  
 Sed illa, formam cum capillo cōparans,  
 Similemque, non ipsum rata,  
 Fortasse & ipsum, sed volens ludo frui,  
 Sic est adorta callidum:  
 Inepte, quid me, quod recusavi, rogas?  
 Patri negavi jam tuo.

E P I G R A M M A T A ,

De fe & uxore. XVIII.

Laïdas, & Glyceras, lascivae nomina famae,  
Conjux in nostro carmine quum legeret;  
Ludere me dixit, falsoque in amore jocari.  
Tanta illi nostra est de probitate fides.

Ad uxorem suam. XIX.

Vxor, vivamus, quod viximus: & teneamus  
Nomina, quae primo sumpsimus in thalamo,  
Nec ferat ulla dies, ut commutemur in aevo:  
Quin tibi sim juvenis, tuque puella mihi:  
Nestore sim quamvis proiectior, aemulaque annis  
Vincas Cumanam tu quoque Deiphoben:  
Nos ignoremus, quid sit matura senectus.  
Scire aevi incertum, non numerare decet.

In Meroën anum ebriosam. XX.

Qui primus MEROË nomen tibi condidit, ille  
Thesidae nomen condidit Hippolyto.  
Nam divinare est, nomen componere, quod sit  
Fortunae, morum, vel necis iadicium.

**P**rotephilæ, tibi nomen sic fata dederunt:  
 Victima quod Trojae prima futurus eras.  
**I**dmona quod vatem, medicum quod Iapida dicunt:  
 Discendas artes nomina praeveniunt.  
**E**t tu sic, Meroë: non quod sis atra colore,  
 Ut quae Niliaca nascitur in Meroë:  
 Infusum sed quod vinum non diluis undis,  
 Potare immixtum sueta, merumque merum.

**N**emesis, e Graeco. XXI.

**M**agis lapidem quondam Persæ advexere, tropaeum  
 Ut fierem bello: nunc ego sum NEMESIS.  
**A**t sicut Graecis victoribus adsto tropaeum:  
 Punio sic Persas vaniloquos Nemesis.

**D**e varietate fortunæ, e Graeco. XXII.

**T**hesauro invento, qui limina mortis inibat,  
 Liquit ovans laqueum, quo periturus erat.  
**A**t qui, quod terræ abdiderat, non repperit aurum,  
 Quem laqueum invenit, nexuit: & periit.

## Idem aliter. xxiii.

**Q**ui laqueum collo neſtebat, repperit aurum:  
 Thesaurique loco depositum laqueum.  
 At qui condiderat, postquam non repperit aurum,  
 Aptavit collo, quem reperit laqueum.

## De Thrasybulo Lacedaemonio. xxiv.

**E**xcipis adverso quod pectore vulnera septem:  
 Arma supereheris quod, Thrasybule, tua;  
 Non dolor hic patris: Pitanae sed gloria major.  
 Rarum, tam pulchro tunere posse frui.  
 Quem postquam moesto socii posuere feretro,  
 Talia magnanimus edidit orsa pater:  
 Flete alios. Natus lacrymis non indiget ullis,  
 Et meus, & talis, & Lacedaemonius.

## De Lacaena matre. xxv.

**M**ater Lacaena clipeo obarmans filium,  
 Cum hoc, inquit, aut in hoc redi.

In divitem quendam. xxvi.

**Q**uidam superbus opibus, & fastu tumens,  
 Tantumque verbis nobilis,  
 Spernit vigentis clara saecli nomina,  
 Antiqua captans stemmata,  
 Martem, Remumque, & conditorem Romulum,  
 Primos parentes nuncupans.  
 Hos ille Serum veste centexi jubet,  
 Hos caelat argento gravi,  
 Ceris inurens januarum limina,  
 Et atriorum pegmata.  
**C**redo, quod illi nec pater certus fuit:  
 Et mater est vere lupa.

**A**ntisthenes Cynicus Philosophus. xxvii.

**I**nventor primus Cynices ego. Quae ratio istaec?  
 Alcides multo dicitur esse prior:  
 Alcida quondam fueram doctore secundus:  
 Nunc ego sum Cynices primus, & ille deus.

## Idem. xxviii.

**D**iscipulus melior nulli, meliorve magister,

Εἰς ἀρετὴν συνέβη, καὶ Κυνικὴν σοφίην.

**D**icere me novit verum, qui novit utrumque,

Καὶ θέου Αλκειδῆν, καὶ κύνα Διογένην.

## Libero patri. xxix.

**A**ιγάπης μὲν Ὀσιρις ἐγώ, Μυσῶν δὲ Φανάκης,

Βάκχος ἐνὶ ζωοῖσιν, ἐνὶ Φθιμένοις Ἄιδωνεὺς,

Πυρογενῆς, δίκερως, τιτανολέγης, Δίόνυσος.

Myobarbum Liberi patris, signo marmoreo  
in villa nostra omnium deorum argu-  
menta habentis. xxx.

**O**gygia me Bacchum vocat.

**O**srin Aegyptus putat.

**M**yfi Phanacen nominant.

**D**ionyson Indi existimant.

**R**omana sacra Liberum.

**A**rabica gens Adoneum.

**L**ucaniacus Pantheum.

## In Corydonem marmoreum. xxxi.

**A**ἰξ, χίμαρος, πήρη, ποιμὴν, ἁυθδεῖχος, ἐλαῖη,  
Ἐλ; λιθος. Ἐκ πάντων λιτὸς ἐγώ Κορύδων.

## In simulachrum Sapphus. xxxii.

**L**esbia Pieris Sappho soror addita Musis,  
Ἐιμ' ἐνέρη Λυρικῶν, Αονίδων δεκάτη.

## Deae Veneris. xxxiii.

**O**rta salo, suscepta folo, patre edita Coelo,  
Aeneadum genetrix, hic habitus alma Venus.

## Ad libellum suum de Proculo. xxxiv.

**S**i tineas, cariemque pati te, charta, necesse est,  
Incipe versiculis anteperire meis.

**M**alo, inquis, tineis. Sapis, aerumnose libelle,  
Perfungi mavis qui leviore malo.

**A**st ego damnosae nolo otia perdere Musae,  
Iacturam somni quae parit, atque olei.

**V**tilius dormire fuit, quam perdere somnum,  
Atque oleum. Bene ais: causa sed ista mihi est;

Irascor Proculo, cuius facundia tanta est,  
 Quantus honor. Scripsit plurima, quae cohibet.  
 Hunc studeo ulcisci: & prompta est haec ultio vati:  
 Qui sua non edit carmina, nostra legat.  
 Hujus in arbitrio est, seu te juvenescere cedro,  
 Seu jubeat duris vermis esse cibum.  
 Huic ego, quod nobis superest ignobilis otium,  
 Deputo: sive legat, quae dabo, sive tegat.

De nomine cuiusdam Lucii, sculpto in  
 marmore. XXXV.

Lucius una quidem, geminis sed diffusa punctis  
 Littera: praenomen sic L.. nota sola facit.  
 Post M. incisum est; puto sic M., non tota videtur.  
 Diffiluit saxi fragmine laesus apex.  
 Nec quisquam, Marius, seu Marcius, anne Metellus  
 Hic jaceat, certis neverit indiciis.  
 Truncatis convulsa jacent elementa figuris,  
 Omnia confusis interiere notis.  
 Miremur periisse homines? monumenta fatiscunt,  
 Mors etiam faxis, nominibusque venit.

## De Sabina uxore. XXXVI.

**S**ive probas Tyrio textam subtegmine vestem:  
 Seu placet inscripti commoditas tituli:  
**I**p̄ius hoc dominae concinnat utrumque venustas,  
 Has geminas artes una Sabina colit:

## De eadem Sabina. XXXVII.

**L**audet Achaemenias Orientis gloria telas:  
 Molle aurum pallis, Graecia, texe tuis;  
**N**on minus Ausoniam celebret dum fama Sabinam,  
 Parcentem magnis sumptibus, arte parem.

## De eadem Sabina. XXXVIII.

**L**icia qui texunt & carmina; carmina Musis,  
 Licia contribuunt, casta Minerva, tibi.  
**A**st ego rem sociam dissociabo, Sabina:  
 Versibus inscripsi, quae mea texta meis.

## Qualem velit amicain. XXXIX.

**H**anc volo, quae non volt: illam, quae volt, ego nolo:  
 Vincere volt animos, non fatiare Venus.

Obla-

Dblatas sperno illecebras, detrecto negatas.

Nec satiare animum, nec cruciare volo.

Nec bis cincta Diana placet, nec nuda Cythere.

Illa voluptatis nil habet, haec nimium.

Callida sed mediae Veneris mihi venditet artem

Femina, cui jungar; quod volo, nolo vocet.

### De Chresto & Acyndino fratribus. XL.

**X**ρῆσος, Ακινδυνος, εἰσὶν ἀδελφεοι οἵτρα δέ τέκνα;

Moribus ambo malis, nomina falsa gerunt.

Ουδὲ ἔτος χρειός, καὶ δὲ ἔτος ἀκίνδυνός ἐτιμ.

Vna potest ambos littera corrigeret.

Αἴκεν Χρῆσος ἔλη, καὶ Ακινδυνος ἄλφ' ἀπολέσσῃ:

Κάιδυνος hic fiet: frater **Αχρῆσος** erit.

### De iisdem. xli.

**G**ermani fratres sunt, Chrestos, Acindynos alter.

Falsum nomen utriusque: sed ut verum sit utriusque,

Alpha suum Chresto det Acindynos: ipse sine alpha

Permaneat; verum nomen uterque geret.

## De Pallade, &amp; Venere armata. XLII.

**A**rmatam vidit Venērem Lacedaemone Pallas.

Nunc certemus, ait, judice vel Paride.

Cui Venus: Armata tu me, temeraria, temnis,

Quae, quo te vici tempore, nuda fui?

## Idem aliter. XLIII.

**A**rmatam Pallas Venerem Lacedaemone visens,

Visne, ut judicium sic ineamus? ait.

Cui Venus arridens: quid me galeata lacefis?

Vincere si possum nuda, quid arma gerens?

## Ad Philomusum grammaticum. XLIV.

**E**mptis quod libris tibi bibliotheca referta est;

Doctum, & grammaticum te, Philomuse, putas?

Hoc genere & chordas, & plectra, & barbita conde.

Omnia mercatus, cras citharoedus eris,

In statuam Rufi rhetoris semiviri &  
elinguis. XLV.

**R**hetoris haec Rufi statua est: nil verius; ipsa est.  
Ipsa adeo linguam non habet, & cerebrum.  
Et riget, & surda est, & non videt. Omnia Rufi.  
Vnum dissimile est: mollior ille fuit.

In tabulam, ubi erat picta imago Rufi  
rhetoris. XLVI.

**E**linguem quis te dicentis imagine pinxit?  
Dic mihi, Rufe: taces. Nil tibi tam simile est.

De eadem tabula. XLVII.

**H**aec Rufi tabula est: nil verius. Ipse ubi Rufus?  
In cathedra. Quid agit? Hoc, quod & in tabula.

De eodem Rufo. XLVIII.

**R**EMINISCO Rufus dixit in versu suo.  
COR ergo versus, immo Rufus non habet.

Idem. XLIX.

**Q**ui REMINISCO putat se dicere posse Latine;  
Hic, ubi CO scriptum est, legeret COR; si cor haberet,

De eodem Rufo. L.

**R**ufus vocatus Rhetor olim ad nuptias,  
Celebri (fit ut) convivio,  
Grammaticae ut artis se peritum ostenderet,  
Haec vota dixit nuptiis:  
Et masculini, & feminini gignite,  
Generisque neutri filios.

Imago Rufi rhetoris. LI.

**O**re pulchro, & ore muto, scire vis quae sim? Volo.  
Imago Rufi rhetoris Pictavici.  
Diceret sed ipse, vellem, rhetor hoc mi. Non potest.  
Cur? Ipse rhetor est imago imaginis.

De eadem Rufi statua. LII.

**R**hetoris haec Rufi statua est. Si faxea, Rufi.  
Cur id ait? Semper faxeus ipse fuit.

## De Diogene Cynico philosopho. LIII.

**P**era, polenta, tribon, baculus, scyphus, arcta supeller  
Ista fuit Cynici: sed putat hanc nimiam.

Namque cavis manibus cernens potare bubulum,  
Cur, scyphe, te (dixit) gesto supervacuum?

## De Croeso &amp; eodem Diogene. LIV.

**E**ffigiem, rex Croese, tuam, ditissime regum,  
Vidit apud manes Diogenes Cynicus.

Constitit utque procul, solito majore cachinne  
Concussus, dixit: Quid tibi divitiae

Nunc profunt, regum rex o ditissime, quum sis  
Sicut ego solus, me quoque pauperior?

Nam quaecunque habui, mecum fero: quum nihil ipse  
Ex tantis tecum, Croese, feras opibus.

## Laïs dicans Veneri speculum suum. LV.

**L**aïs anus Veneri speculum dico: dignum habeat se  
Aeterna aeternum forma ministerium.

At mihi nullus in hoc usus; quia cernere tales,  
Qualis sum, nolo: qualis eram, nequeo.

## De Castore, Polluce &amp; Helena. LVI.

Istos, tergemino nasci quos cernis ab ovo,  
 Patribus ambiguis & matribus assere natos.  
 Hos genuit Nemesis: sed Leda puerpera fovit.  
 Tyndareus pater his, & Iupiter. Hic putat; hic scit.

## De imagine Veneris sculpta a Praxitele. LVII.

Vera Venus Gnidiam quum vidit Cyprida, dixit:  
 Vidisti nudam me, puto, Praxitele.  
 Non vidi, nec fas: sed ferro opus omne polimus:  
 Ferrum Gradiyi Martis in arbitrio.  
 Qualem igitur domino scierant placuisse Cytheren,  
 Talem fecerunt ferrea caela deam.

## In buculam aereum Myronis. LVIII.

Bacula sum, caelo genitoris facta Myronis  
 Aerea: nec factam me puto, sed genitam.  
 Sic me taurus init: sic proxima bucula mugit:  
 Sic vitulus sitiens ubera nostra petit.  
 Miraris, quod fallo gregem? Gregis ipse magister  
 Inter pascentes me numerare solet.

## De eadem bucula. LIX.

V  
bera quid pulsas frigentia matris ahenae,  
O vitule, & succum laetis ab aere petis?  
Hunc quoque praestarem: si me pro parte parasset  
Exteriore Myron, interiore Deus.

## Ad Daedalum de eadem bucula. LX.

D  
aedale, cum vana consumis in arte laborem?  
Me potius clausae subjice Pasiphae.  
Illecebras verae si vis dare, Daedale, vaccae;  
Viva tibi species vacca Myronis erit.

## Eadem de se. LXI.

E  
rrasti, attendens haec ilia nostra, juvence.  
Non manus artificis lac dedit uberius.

## Eadem. LXII.

P  
asce greges procul hinc, ne, quaeso bubulces,  
Myronis  
Aes, veluti spirans, cum bubus exagites.

## Eadem. LXIII.

**M**e vitulus cernens, immugiet. Irruet in me  
Taurus amans. Pastor cum grege mittet agena.

## De eadem Myronis bucula. LXIV.

**A**erea mugitum poterat dare vacca Myronis:

Sed timet artificis deterere ingenium.

Fingere nam similem vivae, quam vivere, plus est:  
Nec sunt facta dei mira, sed artificis.

## Eadem bucula de se. LXV.

**A**erea bos steteram, maestata est vacca Minervae:

Sed Dea proflatam transstulit huc animam.

Et modo sum duplex: pars aerea, pars animata.

Haec manus artificis dicitur, illa Deae.

## Ad taurum eadem bucula. LXVI.

**Q**uid me, taure, paras, specie deceptus, inire?  
Non sum ego Minoae machina Pasiphaeae.

## De eadem Myronis bucula. LXVII.

**N**eecdum caduco sole, jam sub vespere,  
Ageret juvencas quum domum pastor suas,  
Suam relinquens, me minabat, ut suam.

## De eadem bucula. LXVIII.

**V**nam juvencam pastor forte amiserat;  
Numerumque jussus reddere,  
Me defuisse conquerebatur; sequi  
Quae noluissem caeteras.

## Quae sexum mutarint. LXIX.

**V**allebanae (nova res & vix credenda poëtis:  
Sed quae de vera promititur historia)  
Femineam in speciem convertit masculus ales;  
Pavaque de pavo constitit ante oculos.  
Cuncti admirantur monstrum: sed mollior agna  
Astigit in tenerum de grege versa marem.  
Quod stolidi ad speciem notae novitatis hebetis?  
An vos Nasonis carmina non legitis?  
Caenida convertit proles Saturnia Consus:  
Ambiguoque fuit corpore Tiresias.

Vidit semivirum fons Salmacis Hermaphroditum :

Vidit nubentem Plinius Androginum.

Nec satis antiquum, quod Campana in Benevento

Vnus epheborum virgo repente fuit.

Nolo tamen veteris documenta arcessere famae.

Ecce ego sum factus femina de puer.

Ad Pythagoram de Marco. lxx.

\* \* \* \* \* \* \* \* \* \*

~~Subscriptum~~ picturae Crispae mulieris  
impudicae. LXXI.

\* \* \* \* \* \* \* \* \* \*

De Achilla, qui dissecuit calvariam.

LXXII.

Abjecta in triviis inhumati glabra jacebat

Testa hominis, nudum jam cute calvitium.

Fleverunt alii : fletu non motus Achillas,

Insuper & silicis verbere dissecuit.

Eminus ergo isto rediit lapis ulti ab osse;

Auctorisque sui frontem oculosque petit.

Sic utinam certos manus impia dirigat ictus,  
Autorem ut feriant tela retorta suum.

### De Alcone medico, & Diodoro haruspice.

LXXXIII.

Languenti Marco dixit Diodorus haruspex,  
Ad vitam non plus sex supereesse dies.  
Sed medicus divis fatisque potentior Alcon,  
Falsum convictit illico haruspicium.  
Tractavitque manum victuri, ni tetigisset.  
Illico nam Marco sex periēre dies.

### De signo Iovis, & Alcone medico.

LXXXIV.

Alcon hesterno signum Iovis attigit. Ille,  
Quamvis marmoreus, vim patitur medici.  
Ecce hodie jussus transferri ex aede vetusta,  
Effertur: quamvis sit Deus, atque lapis.

In Eunomum medicum. LXXXV.

Languentem Cajum moriturum dixerat olim  
Eunomus. Evasit fati ope, non medici.

**P**aolo post ipsum videt, aut vidisse putavit  
 Pallentem, & multa mortis in effigie.  
**Q**uis tu Caius? ait. Vivisne? Hic abnuit. At quid  
 Nunc agis hic? Iussu Ditis, ait, venio;  
**V**t, quia notitiam rerumque hominumque tenerem,  
 Accirem medicos. Eunomus obrigit.  
**T**um Caius: Metuas nihil, Eunome. Dixi ego & omnes,  
 Nullum, qui saperet, dicere te medicum.

In hominem vocis absconae. LXXVI.

**L**atratus catulorum, hinnitus fingis equorum,  
 Caprigenumque pecus, lanigerosque greges  
 Balatu adsimilas: asinos quoque rudere dicas,  
 Quum vis Arcadicum fingere, Marce, pecus.  
**G**allorum cantus, & ovantes gutture corvos,  
 Et quidquid vocum bellua & ales habet.  
**O**mnia quum simules ita verè, ut ficta negentur:  
 Non potes hunianae vocis habere sonum.

Ad Crispam. LXXVII.

**D**eformem quidam te dicunt, Crispa: at ego istud  
 Nescio. Mi pulchra es; judice me satis est.

Quin etiam cupio, junctus quia zelus amori est,

Vt videare aliis foeda, decora mihi.

Qualem velit habere amicam. LXXXVIII.

Sit mihi talis amica, velim:

Iurgia quae temerè incipiat:

Nec studeat quasi casta loqui:

Pulchra, procax, petulante manu:

Verbera quae ferat, & regerat;

Caesaque ad oscula configuiat.

Nam nisi moribus his fuerit:

Casta, modesta, pudenter agens;

(Dicere abominor) uxor erit.

Ad Cupidinem, ex Graeco. LXXXIX.

Hoc quod amare vocant, misce, aut dissolve, Cupido;

Aut neutrum flammis ure, vel ure duos.

Ad Dionem de amore suo. LXXX.

Aut restinguere ignem, quo terror, alma Dione;

Aut transire jube: vel face utrimque parem.

**E**x Graeco, ἀρχὴ τὸ ημισυ παντός. LXXXI.

**I**ncipe. Dimidium facti est, coepisse. Superfuit

**D**imidium. Rursum hoc incipe; & efficies.

**E**x Graeco, ἀ χάρισ ἀ βραδύπες ἀ χαρίς.

**χάρις.** LXXXII.

**G**ratia quae tarda est, ingrata est. Gratia namque

Cum fieri properat, gratia grata magis.

**I**dem. LXXXIII.

**S**i bene quid facias, facias cito. Nam cito factum

Gratum erit. Ingratum gratia tarda facit.

In saltatorem ineptum. LXXXIV.

**D**eceptae felix casus se miscuit arti.

Histrion, saltavit qui Capanea, ruit.

**I**dem qui Nioben saltavit faxeus, ut tum

Spectator veram crediderit Nioben.

**I**ta Canace, visus multo felicior ipsa:

Quod non hic gladio viscera dissecuit.

## De eodem. LXXXV.

Daphnen & Nioben saltavit simius idem,  
Ligneus ut Daphne, faxeus ut Niobe.

## Dodralis potio. LXXXVI.

Dodra ex dodrante est; sic collige: jus, aqua, vinum,  
Sal, oleum, panis, mel, piper, herba, novem.

## De eadem. LXXXVII.

Dodra vecor. Quae causa? Novem species gere.  
Quae sunt?  
Ius, aqua, mel, vinum, panis, piper, herba, oleum, sal.

## De eadem dodra potionе. LXXXVIII.

Δέδρα πότος καὶ ἀριθμὸς, ἔχω μέλι, οἶνον, ἑλαιον,  
Ἄρετον, ἄλας, βοτάνην, ζωμόν, ὕδωρ, πέπερι.

De Iurisconsulto, qui uxorem habebat  
adulteram. LXXXIX.

Jurisconsulto, cui vivit adultera conjux,  
Papia lex placuit: Iulia displicuit.

**Quaeritis, unde haec sit distantia? Semivir ipse  
Scatiniam metuens, non metuit Titiam.**

**Ad Zoilum, qui uxorem moecham  
duxerat. xc.**

\* \* \* \* \* \* \* \* \*

**Ad Venerem θυσεως. xci.**

**Hanc amo, quae me odit: contra, hanc, quoniam  
me amat, odi.**

**Compone inter nos, si potes, alma Venus.**

**Perfacile id faciam: mores mutabo, & amores.**

**Oderit haec, amet haec. Rursus idem patiar.**

**Vis ambas ut ames? Si diligit utraque, vellem.**

**Hoc tibi tu praesta, Marce; ut ameris, ama.**

**Item. xcii.**

**Suauissi, Venus ecce, duas dyferos ut amarem.**

**Odit utraque: aliud da modo consilium.**

**Vince datis ambas. Cupio: verum arcta domi res.**

**Pellice promissis. Nulla fides inopi.**

**Attestare deos. Nec fas mihi fallere divos.**

**Pervigila ante feres. Nocte capi metuo.**

**Scribe**

Scribe elegos. Ne queo, Musarum & Apollonis expers.  
 Frange fores. Poenas judicii metuo.  
 Stulte ab amore mori pateris, non vis ob amorem.  
 Malo miser dici, quam miser atque reus.  
 Suasi quod potui: tu alios modo consule. Dic quos?  
 Quod sibi suaserunt, Phaedra & Elissa, dabunt.  
 Quod Canace, Phyllisque, & fastidita Phaoni.  
 Hoc das consilium? Tale datur miseris.

## Pulchrum dei responsum. XCIII.

Doctus Hylas caesu, Phegeus catus arte palaestrae,  
 Clarus Olympiacis & Lycus in stadiis,  
 An possent omnes venturo vincere agone,  
 Hammonem Libyaे consuluerre deum.  
 Sed deus, ut sapiens: Dabitur victoria vobis  
 Indubitate quidem, si caveatis, ait,  
 Ne quis Hylam caesu, ne quis certamine luctae  
 Phegea, ne cursu te, Lyce, praetereat.

## De Hermiones zona. XCIV.

Punica turgentes redimibat zona papillas  
 Hermiones: zonae textum elegion erat.

**Qui legis hunc titulum, Paphie tibi mandat;**  
**ames me;**  
**Exemplaque tuo neminem amare vetes.**

**De Hyla, quem Najades rapuerunt. xciv.**

**A**spice quam blandae necis ambitione fruatur,  
 Letifera experiens gaudia, pulcher Hylas!  
**Oscula & infestos inter moriturus amores,**  
**Ancipites patitur Najadas Eumenidas.**

**Ad Nymphas, Narcissum persequentes.**

xcvi.

**F**uritis procaces Najades  
 Amore saevo & irrito.  
**Ephebus iste flos erit.**

**De Narcisso, qui sui ipsius amore captus  
 erat. xcviil.**

**S**i cuperes alium, posses, Narcisse, potiri.  
 Nunc tibi amoris adest copia: fructus abest.

## De eodem. XCIII.

**Q**uid non ex hujus forma pateretur amator,  
Ipse suam qui sic deperit effigiem?

**I**n Echo dolentem propter mortem Nar-  
cissi. XCIX.

**C**ommoritur, Narcisse, tibi resonabilis Echo,  
Vocis ad extremos exanimata modos.  
Et pereuntis adhuc gemitum refecuta querelis,  
Ultima nunc etiam verba loquentis amat.

## De Hermaphrodito. c.

**M**ercurio genitore satus, genitrice Cythere,  
Nominis ut mixti, sic corporis Hermaphroditus,  
Concretus sexu, sed non perfectus, utroque:  
Ambiguae Veneris, neutro potiundus amoris.

**D**e coniunctione Salmacis cum Herma-  
phrodito. CI.

**S**almacis optato concreta est nymphæ marito.  
Felix virgo, sibi si scit inesse virum.

Et tu formosae juvenis permixte puellae,  
Bis felix, unum si licet esse duos.

Ad Apollinem, de Daphne puella fu-  
giente. cii.

Pone arcum Paean, celeresque reconde sagittas:  
Non te virgo fugit, sed tua tela timet.

Ad corticem, quo Daphne tegeba-  
tur. ciii.

Invide cur properas cortex operire puellam?  
Laurea debetur Phoëbo, si virgo negatur.

In duas sorores diversorum morum. civ.

Delia, vos miramur: & est mirabile, quod tam  
Dissimiles estis, tuque sororque tua.

Haec habitu casto, quum non sit, casta videtur;  
Tu praeter cultum nil meretricis habes.

Quum casti mores tibi sint, huic cultus honestus:  
Te tamen & cultus damnat, & actus eam.

## Ad Gallam. cv.

**V**ado, sed sine me, quia te sine: nec, nisi tecum,  
**T**otus ero; pars quam sim altera, Galla, tui.  
**V**ado tamen, sed dimidius. Vado minor ipso  
**D**imidio: nec me jam locus unus habet.  
**N**am tecum fere totus ero, quocumque recedam.  
**P**ars veniet mecum quantulacumque mei.  
**S**eparor unus ego: sed partem sumo minorem.  
**I**pse mei; tecum pars mea major abit.  
**S**i redeam, tibi totus ero: pars nulla vacabit,  
**Q**uae mox non redeat in tua jura. Vale.

## In Venerem Anadyomenen. CVI.

**E**mersam pelagi nuper genitalibus undis  
**C**yprin Apellei cerne laboris opus:  
**V**t complexa manu madidos salis aequore crines  
**H**umidulis spumas stringit utraque comis.  
**I**am tibi nos, Cypri, Iuno inquit, & innuba Pallas,  
**C**edimus: & formae praemia deferimus.

In puerum formosum. CVII.

Dum dubitat natura, marem, faceretne puellam,

Factus es, ô pulcher penè puella puer.

In scabiosum Polygitonem. CVIII.

\* \* \* \* \* \* \* \* \* \*

De quodam Silvio Bono, qui erat Brito. CIX.

Silvius ille Bonus, qui carmina nostra lacefuit,

Nostra magis meruit disticha Brito Bonus.

Item. CX.

Silvius hic Bonus est. Quis Silvius? iste Britannus.

Aut Brito hic non est Silvius, aut malus est.

Item. CXI.

Silvius iste Bonus fertur, ferturque Britannus:

Quis credat civem degenerasse bonum?

Item. CXII.

Nemo bonus Brito est. Si simplex Silvius esse

Incipiat, simplex definit esse Bonus.

## Item. CXIII.

**S**ilvius hic Bonus est. Sed Brito est Silvius idem.  
Simplicior res est, credite, Brito malus.

## Item. CXIV.

**S**ilvi, Brito, Bonus: quamvis home non bonus esse  
Ferris; nec se quit jungere Brito Bono.

## In Furipum. cxv.

**P**ars te Furippum vocitat, pars vero Furippum,  
Altera producens, altera corripiens.  
**E**lige utrum malis: aut tende, aut corripe nomen.  
Conveniet quodvis, fur, furiose, tibi.

## Epicuri opinio. cxvi.

**Q**uod est beatum, morte & aeternum carens,  
Nec sibi parit negocium, nec alteri.

## De homine pigro. cxvii.

**S**anus piger febrente multo est nequior.  
Potat duplum, dapesque duplices devorat.

In Didūs imaginem. cxviii.

Illa ego sum Dido vultu quem conspicis, hospes,  
Assimilata modis pulchraque mirificis.  
  
Talis eram: sed non, Maro quam mihi finxit, era  
mens;  
  
Vita nec incestis laeta cupidinibus:  
Namque nec Aeneas vidit me Troius unquam,  
Nec Libyam advenit classibus Iliacis.  
  
Sed furias fugiens atque arma procacis Iarbas,  
Servavi, fateor, morte pudicitiam  
Pectore transfixo: castus quod perculit ensis,  
Non furor, aut laeso crudus amore dolor.  
Sic cecidisse juvat. Vixi sine vulnere famae.  
Ulta virum, positis moenibus, oppetii.  
Invida cur in me stimulasti Muſa Maronem,  
Fingeret ut noſtræ damna pudicitiae?  
Vos magis historicis, lectores, credite de me,  
Quam qui furta deūm concubitusque canunt  
Falsidici vates; temerant qui carmine verum;  
Humanisque deos assimilant vitiis.

De tribus incestis. cxix.

\* \* \* \* \* \* \* \* \*

In Castorem. cxx.

\* \* \* \* \* \* \* \* \*

De amissa puella. cxxi.

Tres fuerant Charites: sed dum mea Lesbia vixit,  
Quattuor. Ut periret, tres numerantur item.

- In Faustulum staturaे brevis Anicii  
Probini. cxxii.

Faustulus insidens formicae, ut magno elephanto,  
Decidit, & terrae terga supina dedit.  
Moxque idem ad mortem est multatus calcibus ejus;  
Perditus ut posset vix retinere animam.

Vix tamen est fatus: quid rides, improbe Livor,  
Quod cecidi? Cecidit non aliter Phaëthon.

In Eunum liguritorem. cxxiii.

\* \* \* \* \* \* \* \* \*

In eundem Eunum. cxxiv.

\* \* \* \* \* \* \* \* \* \*

In eundem Eunum. cxxv.

\* \* \* \* \* \* \* \* \* \*

In eundem. cxxvi.

\* \* \* \* \* \* \* \* \* \*

In eundem Eunum. cxxvii.

\* \* \* \* \* \* \* \* \* \*

Ad eundem paedagogum liguritorem.

cxxviii.

\* \* \* \* \* \* \* \* \* \*

In Medeae imaginem. cxxix.

Medeam vellet quum pingere Timomachi mens,

Volventem in natos crudum animo facinus;

Immanem exhausit rerum in diversa laborem,

Fingeret affectum matris ut ambiguum.

Ira subest lacrymis, miseratio non caret ira.

Alterutrum videoas, ut sit in alterutro.

Cunctantem satis est. Nam digna est sanguine mater

Natorum; tua non dextera, Timomache.

## In eandem. cxxx.

Quis te pictorum simulavit, pessima Colchis,  
 In natos crudum volvere mente nefas?  
 Vsque adeone sitis puerorum haurire cruentem,  
 Ut ne picta quidem parcere caede velis?  
 Numnam te pellex stimulat? numne alter Iason,  
 Altera vel Glauce sunt tibi causa necis?  
 Quin ne picta quidem sis barbara. Namque tui vim  
 Cera tenax zeli concipit immodicam.  
 Laudo Timomachum: matrem quod pinxit in ense  
 Cunctantem, prolis sanguine ne maculet.

In quendam qui levia sibi inguina faciebat.

## cxxxI.

\* \* \* \* \*

## In caecum &amp; claudum. cxxxII.

Insidens caeco graditur pede claudus utroque.—  
 Quo caret alteruter, sumit ab alterutro.  
 Caecus namque pedes clando gressumque ministrat:  
 At claudus caeco lumina pro pedibus.

**Idem. cxxxiii.**

**A**mbulat insidens caeco, pede captus utroque:  
Atque alterna subit munia debilitas.

**N**am caecus claudio, pede commodat: ille vicissim  
Mutua dat caeco lumina pro pedibus.

**D**e divite & paupere. cxxxiv.

**N**on est dives opum dives: nec pauper inopsque  
Infelix: alio nec magis alter eget.  
Dives eget gemmis, Cereali munere pauper.  
Sed quum egeant ambo, pauper egens minus est.

**D**e Penelope. cxxxv.

**I**ntemerata procis, & tot servata per annos  
Oscula, vix ipsi cognita Telemacho.  
Hinc mea virginitas facibus tibi luxit adiutis:  
Arsit & invidia principe verus amor.  
Saepè ego mentitis tremui nova femina somnis;  
Lapsaque non merito sunt mihi verba fono.  
Et tamen ignotos sensi experrecta dolores,  
Strataque tentavi sicca pavente manu.

Nam tibi anhelanti, supremaque bella moventi,  
Paruit indulgens & sine voce dolor;  
Dente nihil violare fero, nihil unguibus ausae:  
Foedera nam tacita pace peregit amor.  
Denique non aviam tremulo clamore vocavi:  
Nec prior obsequio serva cucurrit anus.  
Ipsa verecundo tetigi pallore puellas,  
Impositum teneri fasfa pudoris opus.

## In grammaticum. cxxxvi.

Felix grammaticus non est: sed nec fuit unquam;  
Nec quisquam est felix nomine grammaticus.  
At si quis felix praeter fatum extitit unquam:  
Is demum excessit grammaticos canonas.

## De infausto matrimonio grammatici.

## cxxxvii.

Arma virumque docens, atque arma virumque peritus  
Non duxi uxorem, sed magis arma, domum.  
Namque dies totos, totasque ex ordine noctes  
Litibus oppugnat meque, meumque larem;  
Atque ut perpetuis dotata a Marte duellis,  
Arma in me tollit, nec datur ulla quies.

Iamque, repugnanti dedam me: ut denique viatum  
Iurget ob hoc solum, jurgia quod fugiam.

De Auxilio grammatico. cxxxviii.

**E**mendata potest quaenam vox esse magistri,  
Nomen qui proprium cum vitio loquitur?  
Auxilium te nempe vocas. Inscite magister,  
Da rectum casum: jam Solicimus eris.

De fratribus Thebanis. cxxxix.

**N**ec Stygiis lucis ineunt sua foedera fratres  
Oedipodianidae, de misero ah miseri!  
Namque etiam ex uno surgentes aggere flammæ  
In diversa sui diffiliunt cineris.  
Infandos juvenes! quos nec discordia cassos  
Luce, nec in semet linquit atrox animus.  
Atque utinam & Thebas quiscent partirier ipsas,  
Regnorum & metas, ut cinerum nebulas!

De ingratis, ex Menandro. cxl.

**N**il homine terra pejus ingratu creat.  
Vicus, hospes, notus, ignotus, cliens,  
*Et si* quæ genera civium sunt id genus;

*Si quid petenti promptus opis impertias,  
Vt misereare, gratia actutum perit.*

De Demosthene. CXLI.

*Discere si cupis, a doctis quam multa licebit.  
Quae nosti, meditando velis inolescere menti.  
Quae didicisti, haud dum dicendo absumere tendas.*

De uxore deformi. CXLII.

\* \* \* \* \* \* \* \* \*

De fortunae varietate. CXLIII.

*Fortuna nunquam sifit in eodem statu.  
Semper movetur: variat & mutat vices.  
Et summa in imum vertit, ac versa erigit.*

In Stellam. CXLIV.

*Stella prius superis fulgebas Lucifer: at nunc  
Extinctus, cassis lumine Vesper eris.*

Ex Menandro. CXLV.

*Re fruere, ut hatus mortalis: dilige sed rem,  
Tanquam immortalis. Sors est in utroque verenda.*

## Ad notarium velocissime excipientem


CXLVI.

**P**uer notarum praepetum  
**S**ollers minister, advola.  
**B**ipatens pugillar expedi,  
**C**ui multa fandi copia,  
**P**unctis peracta singulis,  
**V**t una vox absolvitur.  
**E**volvo libros uberes,  
**I**nstarque densae grandinis  
**T**orrente lingua perstrepo.  
**T**ibi nec auges ambigunt,  
**N**eoc occupatur pagina.  
**E**t mota parce dextera  
**V**olat per aequor cereum.  
**Q**uum maxime nunc proloquor  
**C**ircumloquentis ambitu,  
**T**u sensa nostri pectoris,  
**V**t dicta jam ceris tenes.  
**S**entire tam velox mihi  
**V**ellem dedisset mens mea,  
**Q**uam praepetis dextrae fuga

Tu

u me loquentem praevenis.  
uis, quaeſo; quis me prodiſit?  
uis iſta jam dixit tibi,  
uae cogitabam dicere?  
uae furta corde in intimo  
tercerat ales dextera?  
uis ordo rerum tam novus,  
eniat in aures ut tuas,  
uod lingua nondum absolverit?  
œſtrina non haec praefitit:  
ſc illa tam velox manus  
leripedis compendii.  
itura munus hoc tibi,  
eſque donum tradidit:  
uae loquerer, ut ſciens prius;  
emque velles, quod volo.





# AVSONII EPIGRAMMATA IV.

QVIBVS  
FASTORVM A SE DIGESTORVM  
MEMINIT

---

Ausonius Hesperio filio salutem. I.

**I**GNOTA aeternae ne sint tibi tempora Romae,  
Regibus, & Patrum ducta sub imperiis,  
Digessi Fastos, & nomina perpetis aevi  
Sparsa jacent Latiam si qua per historiam.  
Sit tuus hic fructus, vigilatas accipe noctes.  
Obsequitur studio nostra lucerna tuo.  
Tu quoque venturos per longum confere Ianos,  
Vt mea congescit pagina praeteritos.  
Exemplum jam patris habes: ut protinus & te  
Aggeret Ausoniis purpura consulibus.

**Supputatio ab urbe condita in consulatum  
nostrum. II.**

**A**nnis undecies centum conjunge quaternos,  
Vndecies unumque super, trieterida nocte.  
Haec erit aeternae series ab origine Romae.

**De eodem ad Proculum. III.**

**V**rbis ab aeternae deductam rege Quirino  
Annorum seriem quum, Procule, accipies;  
Mille annos, centumque, & bis fluxisse novenos  
Consulis Aufonii nomen adusque leges.  
Fors erit, ut, lustrum quum se cumulaverit istis,  
Confectam Proculus signet Olympiadem.

**In fine ejusdem libri additi. IV.**

**H**aec tenus adscripti Fastos. Si fors volet, ultra  
Adjiciam: si non, qui legis, adjicies.  
Scire cupis, qui sim? titulum, qui quartus ab imo est,  
Quaere; leges nomen Consulis Aufonii.



## AVSONII

BVRDIGALENSIS

EPHEMERIS,

ID EST,

Totius diei negotium.

MANE jam clarum referat fenestras.

Iam strepit nidis vigilax hirundo.

Tu velut primam, mediamque noctem,  
Parmeno, dormis.

Dormiunt glires hyemem perennem:

Sed cibo parcunt; tibi causa somni

Multa quod potas, nimiaque tendis  
Mole faginam.

Inde nec flexas sonus intrat aures:

Et locum mentis sopor altus urget,

Nec coruscantis oculos laceſſunt

Fulgura lucis.

Annuam quondam juveni quietem,  
 Noctis & lucis vicibus manentem,  
 Fabulae fingunt, cui Luna somnos  
     Continuarit.  
 Surge, nugator, lacerande virgis:  
 Surge; ne longus tibi somnus, unde  
 Non times, detur. Rape membra molli,  
     Parmeno, lecto.  
 Fors & haec somnum tibi cantilena  
 Sapphico suadet modulata versu.  
 Lesbiae depelle modum quietis  
     Acer lambe.

### Item Parecbasis.

Puer eja surge: & calceos,  
 Et linteum da sindonem.  
 Da, quidquid est, amictui  
 Quod jam parasti, ut prodeam.  
 Da rore fontano ablueam  
 Manus, & os, & lumina.  
 Pateatque, fac, sacrarium  
 Nullo paratu extrinsecus.

**Pia verba, vota innoxia,**  
**Rei divinae copia est.**  
**Nec tus cremandum postulo,**  
**Nec liba cruxi mellei:**  
**Foculumque vivi cespitis**  
**Vanis relinquo altaribus.**  
**Deus precandus est mihi,**  
**Ac filius summi Dei,**  
**Majestas uniusmodi,**  
**Sociata sacro Spiritu.**  
**Et ecce jam vota ordior:**  
**Et cogitatio, numinis**  
**Praesentiam sentit pavens.**  
**Pavetne quidquam spes, fides?**

### Oratio.

**Omnipotans, solo mentis mihi cognite cultu,**  
**Ignorate malis, & nulli ignote piorum:**  
**Principio, extremoque carens: antiquior aevo,**  
**Quod fuit, aut veniet, cuius formamque modumque**  
**Nec mens complecti poterit, nec lingua profari:**  
**Cernere quem solus, coramque audire jubentem**

Fas habet, & patriam propter considere dextram:  
Ipse opifex rerum, rebus causa ipse creandis,  
Ipse Dei Verbum, Verbum Deus, anticipator  
Mundi, quem facturus erat: generatus in illo  
Tempore, quo tempus nondum fuit: editus ante  
Quam jubar, & rutilus caelum illustraret Eous:  
Quo sine nil actum; per quem facta omnia: cuius  
In caelo solium: cui subdita terra sedenti,  
Et mare, & obscurae Chaos insuperabile noctis:  
Irrequies, cuncta ipse movens, vegetator inertum:  
Non genito genitore Deus, qui fraude superbi  
Offensus populi, gentes in regna vocavit,  
Stirpis adoptivae meliore propage colendus:  
Cernere quem licuit proavis: quo numine viso,  
Et patrem vidisse datum: contagia nostra  
Qui tulit, & diri passus ludibria leti,  
Esse iter aeterna docuit remeabile vitae:  
Nec solam remeare animam, sed corpore toto  
Caelestes intrare plagas, & inane sepulchri  
Arcanum vacuis adopertum linquere terris.  
Nate patris summi, nostroque salutifer aevo,  
Virtutes patrias genitor cui tradidit omnes,

Nil ex invidia retinens, plenusque datorum;  
 Pande viam precibus, patriasque haec perfer ad aures.  
 Da Pater invictam contra omnia crimina mentem,  
 Vipereumque nefas nocituri averte veneni.  
 Sit fatis, antiquam serpens quod perdidit Evas,  
 Deceptumque adjunxit Adam: nos sera nepotum  
 Semina, veridicis aetas praedicta prophetis,  
 Vitamus laqueos, quos letifer implicat anguis.  
 Pande viam, quae me post vincla corporis aegri  
 In sublime ferat: puri qua lactea caeli  
 Semita ventosae superat vaga lumina Lunae.  
 Qua proceres abiere pii, quaque integer olim  
 Raptus quadrijugo penetrat super aethera currus  
 Helias, & solido cum corpore praevius Enoch.  
 Da Pater aeterni speratam luminis auram:  
 Si lapides non juro Deos, unumque verendi  
 Suscipiens altare sacri, libamina vitae  
 Intemerata fero: si te Dominique, Deique  
 Vnigenae cognosco patrem, missumque duobus,  
 Qui super aequoreas volitabat spiritus undas.  
 Da, genitor, veniam, cruciataque pectora purga:  
 Si te non pecudum fibris, non sanguine fuse

Quaero: nec arcanis numen conjecto sub extis:  
Si scelere abstineo, errori ebnoxius, & si  
Opto magis, quam fido, bonus purusque probari.  
Confessam dignare animam: si membra caduca  
Execror, & tacitum si poenitet: altaque sensus  
Formido excruciat, tormentaque sera gehennae.  
Anticipat, patiturque suos mens saucia manes.  
Da, Pater, haec nostro fieri rata vota precatu.  
Nil metuam, cupiamque nihil: satis hoc rear esse,  
Quod satis est. Nil turpe velim: nec causa pudoris  
Sim mihi. Non faciam cuiquam, quae tempore eodem  
Nolim facta mihi. Nec vero crimine laedar,  
Nec maculer dubio: paullum distare videtur  
Suspectus vereque reus. Male posse facultas  
Nulla sit: at bene posse adsit tranquilla potestas.  
Sim tenui vietu, atque habitu. Sim carus amicis.  
Et semper genitor, sine vulnere nominis hujus.  
Non animo doleam, non corpore: cuncta quietis  
Fungantur membra officiis: nec saucius ullis  
Partibus amissum quicquam desideret usus.  
Pace fruar. Securus agam. Miracula terrae  
Nulla putem. Suprema mihi quam venerit hora,

Nec timeat mortem bene conscientia vita, nec optet.  
 Purus ab occultis quum te indulgente videbor,  
 Omnia despiciam: fuerit quum sola voluptas  
 Iudicium sperare tuum; quod dum sua differt  
 Tempora, cunctaturque dies, procul exige saevum  
 Insidiatorem blandis erroribus anguem.  
 Haec pia, sed moesto trepidantia vota reatu,  
 Christe, apud aeternum placabilis assere patrem,  
 Salvator, Deus, ac Dominus, mens, gloria, Verbum,  
 Filius, ex vero verus, de lumine lumen,  
 Aeterno cum Patre manens, in saecula regnans.  
 Confona quem celebrant modulati carmina David:  
 Et responsuris ferit aera vocibus, Amen.

### Egressio.

Satis precum datum Deo.  
 Quamvis satis nunquam rei  
 Fiat precatu Numini.  
 Habitum forensem da puer.  
 Dicendum amicis est Ave,  
 Valeque; quod fit mutuum.  
 Quod quum per horas quattuor

Inclinet ad meridiem;  
Monendus est jam Sofias.

### Locus invitationis.

**T**empus vocandi namque amicis appetit;  
**N**e nos, vel illi, demoremur prandium:  
**P**ropere per aedes curre vicinas puer.  
**S**cis ipse, qui sint: jamque dum loquor, redi.  
**Q**uinque advocavi. Sex enim convivium  
**C**um rege justum: si super, convicium est.  
**A**biit; relicti nos sumus cum Sofia.

### Locus ordinandi coqui.

**S**ofia prandendum est. Quartam jam totus in horam  
Sol calet: ad quintam flectitur umbra notam.  
**A**n vegeto madeant condita obsonia gustu,  
(Fallere namque solent) experiundo proba.  
**C**oncute ferventes palmis volventibus ollas,  
Tinge celer digitos jure calente tuos:  
**V**ibranti lambat quos humida lingua recursu.



*Defunt multa.*

\* \* \* \* \*

**Quadrupedum & volucrum, vel cum terrena marinis  
Monstra admiscentur: donec purgantibus Euris  
Diffitatae liquidum tenuentur in aëra nubes.  
Nunc fora, nunc lites, lati modo pompa theatri  
Visitur: & turmas equitum, caedesque latronum  
Perpetior: iacerat nostros fera bellua vultus;  
Aut in sanguinea gladio graffamur harena.  
Per mare navifragum gradior pedes: & freta cursu  
Transilio, & subitis volito super aëra pennis.  
Infandas etiam veneres,incestaque noctis  
Dedecora, & tragicos patimur per somnia coetus.  
Perfugium tamen est, quotiens portenta soporum  
Solvit rupta pudore quies, & imagine foeda  
Libera mens vigilat: totum bene conscientia lectum  
Pertraçtat secura manus: probrosa recedit  
Culpa tori, & profugi minuiscunt crimina somni.  
Cerno, triumphantes inter; me plaudere; rursum  
Inter captivos trahor exarmatus Alanos.  
Templa Deūm, sanctasque fores, palatiaque aurea  
Specto, & Sarrano videor discumbere in ostro:  
*Et mox fumosis conviva accumbet popinis.***

Divinum perhibent vatem, sub frondibus ulmi  
Vana ignavorum simulachra locasse soporum,  
Et geminas numero portas: quae fornice eburne  
Semper fallaces glomerat super aëra formas:  
Altera, quae veros emittit cornea visus.  
Quod si de dubiis conceditur optio nobis:  
Deesse fidem laetis melius, quam vana timeri.  
Ecce ego jam malim falli. Nam, dum modo semper  
Tristia vanescant, potius caruisse fruendis,  
Quam trepidare malis. Satis est bene, si metus absit.  
Sunt & qui fletus, & gaudia controversa  
Conjectent: varioque trahant eventa relatu.  
Ite per obliquos caeli, mala somnia, mundos;  
Irrequieta vagi qua difflant nubila nimbi:  
Lunares habitate polos; quid nostra subitis  
Limina, & angusti tenebrosa cubilia testi?  
Me finite ignavas placidum traducere noctes,  
Dum redeat roseo mihi Lucifer aureus ortu.  
Quod si me nullis vexatum nocte figuris  
Mollis tranquillo permulserit aëre somnus;  
Hunc lucum, nostro viridis qui frondet in agro  
Vlmeus, excubiis habitandum dedico vestris.

---

A V S O N I - I  
BVRDIGALENSIS  
P A R E N T A L I A

---

Praefatio.

**S**cio versiculis meis evenire, ut fastidiose legantur: quippe sic meritum est eorum. Sed quosdam solet commendare materia; & aliquotiens fortasse lectorem solum lemma sollicitat tituli, ut festivitate persuasus, & ineptiam ferre contentus sit. Hoc opusculum nec materia amoenum est, nec appellatione jucundum. Habet moestam religionem, qua carorum meorum obitus tristi affectione commemo. Titulus libelli est, PARENTALIA. Antiquae appellationis hic dies, & jam inde ab Numa cognitorum inferiis institutus: nec quicquam sanctius habet reverentia superstitionis, quam ut amissos venerabiliter recordetur.

## Item praefatio versibus adnotata.

Nomina carorum jam condita funere justo,  
Fleta prius lacrymis, nunc memorabo modis,  
Nuda, sine ornatu, fandique carentia cultu.  
Sufficit inferiis exsequialis honos.  
Naenia funereis satis officiosa querelis,  
Annua ne tacitus munera praetereas:  
Quae Numa cognatis solemnia dedicat umbris;  
Vt gradus aut mortis postulat, aut generis.  
Hoc satis & tumulis, satis & telluris egenis;  
Voce ciere animas funeris instar habet.  
Gaudent compositi cineres sua nomina dici:  
Frontibus hoc scriptis & monumenta jubent.  
Ille etiam, moesti cui defuit urna sepulchri,  
Nomine ter dicto penè sepultus erit.  
At tu quicunque es lector, qui fata meorum  
Dignaris moestis commemorare Elegis,  
Inconclusa tuae percurras tempora vitae:  
Et praeter justum funera nulla fleas.

## Iulius Ausonius, pater. I.

**P**rimus in his pater Ausonius; quem ponere primum,  
 Etsi cunctetur filius, ordo jubet.  
**C**ura Dei, placidae functus quod honore senectae,  
 Vndecies binas vixit Olympiadas.  
**O**mnia quae voluit, qui prospera vidit: & idem  
 Optavit quicquid, contigit, ut voluit.  
**N**on quia fatorum nimia indulgentia: sed quod  
 Tam moderata illi vota fuere viro.  
**Q**uem sua contendit septem Sapientibus aetas:  
 Quorum doctrinam moribus excoluit;  
**V**iveret ut potius, quam diceret arte sophorum,  
 Quamquam & facundo non rudis ingenio.  
**P**raeditus & vitas hominum ratione medendi  
 Porrigere, & fatis amplificare meras.  
**I**nde & perfunctae manet haec reverentia vitae;  
 Aetas nostra illi quod dedit hunc titulum:  
**V**t nullum Ausonius, quem sectaretur, habebat:  
 Sic nullum, qui se nunc imitetur, habet.

Aemilia

## Aemilia Aeonia, mater. II.

**P**roxima tu genitrix Aeonia, sanguine mixta  
 Tarbellae matris, patris & Aeduici.  
**M**origerae uxoris virtus cui contigit omnis;  
 Fama pudicitiae, lanificalaque manus,  
 Conjugiique fides, & natos cura regendi,  
 Et gravitas comis, laetaque serietas.  
**A**eternum placidos Manes complexa mariti,  
 Viva thororum quondam, functa fove tumulum.

## Aemilius Magnus Arborius, avunculus. III.

**C**ulta mihi est pietas, patre primum & matre vocatis.  
 Dicere sed rea fit, tertius Arborius;  
**Q**uem primum memorare nefas mihi, patre secundo:  
 Kursum non primum ponere, penè nefas.  
**T**emperies adhibenda \* \* \* \* \*  
 Ante alios: quamquam patre secundus erit.  
**T**u frater genitricis, & unanimis genitoris:  
 Et mihi qui fueris, quod pater, & genitrix.  
**Q**ui me lactantem, puerum, juvenemque, virumque  
 Artibus ornasti, quas didicisse juvat.

Te sibi Palladiae antetulit toga docta Tolofae:  
 Te Narbonensis Gallia praeposuit,  
 Ornasti cujus Latio sermone tribunal,  
 Et fora Hiberorum, quaeque Novempopolis.  
 Hinc, tenus Europam fama crescente, perito  
 Constantinopolis rhetore te viguit.  
 Tu per mille modos, per mille oracula fandi  
 Dextus, facundus, tum celer, atque memor.  
 Tu, postquam primis placui tibi traditus annis,  
 Dixisti, nato me, satis esse tibi.  
 Me tibi, me patribus clarum decus esse professus,  
 Dictasti fatis verba notanda meis.  
 Ergo vale, Elysiam fortius avuncule sedem.  
 Haec tibi de Musis carmina libo tuis.

Caecilius Argicius Arborius, avus. iv.  
 Officiosa pium ne desere, pagina, munus.  
 Maternum post hos commemoremus avum  
 Arborium, Aeduico ductum de stemmate nomen,  
 Complexum multas nobilitate domus:  
 Qua Lugdunensis provincia, quaque potentes  
 Aedues, Alpino quaque Vienna jugo.

Invida sed nimium, generique opibusque superbis,  
 Aerumna incubuit. Namque avus & genitor  
 Proscripti, regnum quum Victorinus haberet  
 Victor; & in Tetricos recidit imperium.  
 Tum profug in terris, per quas erumpit Aturru,  
 Tarbellique furor perstrepit Oceani;  
 Grassantis dudum fortunae tela paventem  
 Pauperis Aemiliae conditio implicuit.  
 Mox tenuis multo quaesita pecunia, nisu,  
 Solamen fesso, non & opes tribuit.  
 Tu caeli numeros, & conscia sidera fati  
 Callebas, studium dissimulanter agens.  
 Non ignota tibi nostras quoque formula vitae,  
 Signatis quam tu condideras tabulis;  
 Prodicta non unquam: sed matris cura retexit,  
 Sedula quam timidi cura tegebat avi.  
 Tu novies denes vitam quum duxeris annos,  
 Expertus Fortis tela cavenda deae,  
 Amissum flesti post tria decennia natum.  
 Saucius, atque uno lumine cassus eras.  
 Dicebas sed te solatia longa fovere;  
 Quod mea praecipuus fata maneret honos.

**E**t modo conciliis animarum mixte piorum

Fata tui certe nota nepotis habes.

**S**entis quod quaestor, quod te praefectus, & idem

Consul, honorifico munere commemoro.

**A**emilia Corinthia Maura, avia. v.

**A**emiliam nunc fare aviam, pia cura nepotis;

Conjux praedicto quae fuit Arborio.

**N**omen huic joculare datum: cute fusca quod, elingit

Aequales inter Maura vocata fuit.

**S**ed non atra animo; qui clarior esset olore,

Et non calcata qui nive candidior.

**H**aec non deliciis ignoscere prompta pudendis,

Ad perpendiculum seque suosque habuit.

**H**aec me praereptum cunis, & ab ubere matris,

Blanda sub austerioris imbuuit imperiis.

Tranquillos aviae cineres praestate quieti

Aeternum Manes, si pia verba loquor.

**A**emilia Hilaria, materterta, virgo devota. vi.

**T**uque gradu generis materterta, sed vice matris,

Affectu nati commemoranda pio,

Aemilia in cunis Hilari cognomen adepta,  
 Quod laeta, & pueri comis ad effigiem,  
 Reddebas verum non dissimulantur ephebum,  
 More virum medicis artibus experiens.  
 Feminei sexus odium tibi semper: & inde  
 Crevit votae virginitatis amor;  
 Quae tibi septenos novies est culta per annos.  
 Quique aevi finis, ipse pudicitiae.  
 Haec, quia uti mater monitis & amore fovebas,  
 Supremis reddo filius exsequiis.

## Cl. Contentus, &amp; Iulius Calippio, patrui. VII.

Et patruos Elega meos reminiscere cantu;  
 Contentum, tellus quem Rutupina tegit;  
 Magna cui & variae quaesita pecunia fortis,  
 Haeredis nullo nomine tutu perit.  
 Raptus enim laetis, & adhuc florentibus annis,  
 Trans mare, & ignaris fratribus oppetiit.  
 Iulius in longam produxit fata senectam,  
 Affactus damnis innumerabilibus;  
 Qui comis, blandusque, & mensa commodus fucta;  
 Haeredes solo nomine nos habuit.

Ambo pii, vultu similes, joca seria mixti,  
 Aevi fortunam non habuere parem.  
 Discreti quamquam tumulis; & honore jacetis?  
 Commune hoc verbi munus habete, Vale.

Attusius Lucanus Talifius, ficer. VIII.

Qui proceres, veteremque volet celebrare Senatum;  
 Claraque ab exortu stemmata Burdigalas:  
 Teque, tuumque genus memoret, Lucane Talifi:  
 Moribus ornasti qui veteres proavos.  
 Pulcher honore oris, tranquillo pectore, comis,  
 Facundo civis major ab ingenio.  
 Venatu, & ruris cultu, vietusque nitore,  
 Omne aevum peragens; publica despiciens.  
 Nosci inter primos cupiens, prior esse recufans.  
 Ipse tuo vivena segregus arbitrio.  
 Optabas tu me generum florente juventa:  
 Optare hoc tantum, non & habere datum.  
 Vota probant Superi, meritisque faventia sanctis  
 Implet fata, viri quod voluera boni.  
 Et nunc perpetui sentis sub honore sepulchri,  
 Quam reverens natae, quamque tui maneam.

**Coelebs** namque gener nunc haec pia munera solvo:  
Nam & coelebs nunquam desinet esse gener.

**Attusia Lucana Sabina, uxor. ix.**

**H**aec tenus ut caros, ita justo funere fletos  
Functa piis cecinit naenia nostra modis.  
**N**unc dolor, atque cruces, nec contrectabile fulmen,  
Conjugis erectae mors memoranda mihi.  
**N**obilis a preavis, & origine clara Senatus;  
Moribus usque bonis clara Sabina magis.  
**T**e juvenis primis luxi deceptor in annis,  
Perque novem coelebs te fleo Olympias.  
**N**ec licet obductum senio sopire dolorem:  
Semper crudescit nam mihi poena recens.  
**A**dmitunt alii solatia temporis aegri:  
Haec graviora facit vulnera longa dies.  
**T**orqueo deceptos ego vita coelibe canos;  
Quoque magis solus, hoc mage moestus ago.  
**V**ulnus alit, quod muta domus silet, & thorus alget;  
Quod mala non cuiquam, non bona participo.  
**M**oereo, si conjux alii bona: moereo contra,  
Si mala: ad exemplum tu mihi semper ades.

Tu mihi crux ab utraque venis : five est mala, quod tu  
 Dissimilis fueris : seu bona, quod similis.  
 Non ego opes cassas, & inania gaudia plango:  
 Sed juvenis juveni quod mihi rapta viro.  
 Laeta, pudica, gravis, genus inclyta, & inclyta forma:  
 Et dolor, atque decus conjugis Ausonii.  
 Quae modo septenos quater impletura Decembres,  
 Liquisti natos, pignora nostra, duos.  
 Illa favore Dei, sicut tua vota fuerunt,  
 Florent, optatis accumulata bonis.  
 Et precor, ut vigeant: tandemque, superstite utroque,  
 Nunciet hoc cineri nostra favilla tuo.

### Ausonius parvulus, filius. x.

Non ego te infletum memori fraudabo querela,  
 Primus nate meo nomine dicte puer:  
 Murmura quem primis meditantem absolvere verbis,  
 Indolis ut plenaे planximus exsequiis.  
 Tu gremio in proavi funus commune locatus,  
 Iavidiam tumuli ne paterere tui.

## Pastor, nepos ex filio. xi.

**T**u quoque maturos, puer immature, dolores  
 Irrumpis moesti luctus acerbus avi.  
**P**astor charē nepos, spes cujus certa fuit res,  
 Hesperii patris tertia progenies.  
**N**omine quod casus dederat: quia fistula primunt  
 Pastorale melos concinuit genito.  
**S**ero intellectum vitae brevis argumentum:  
 Spiritus afflatis quod fugit e calamis  
 Occidis emissae percussus pondere testae:  
 Abjecit tecto quam manus artificis.  
**N**on fuit artificis manus haec; manus illa cruentī  
 Certa fuit fati, suppositura reum.  
**H**eu quae vota mihi! quae rumpis gaudia, Pastor!  
 Illa meum petiit tegula missa caput.  
**D**ignior ô! nostrae gemeres qui fatā senectae;  
 Et quererēre meas moestus ad exsequias.

## Iulia Dryadia, soror. xii.

**S**i qua fuit virtus, cuperet quam femina prudens  
 Esse suam, soror hac Dryadia enituit.

Quin etiam multas habuit, quas sexus habere  
 Fortior optaret, nobilitasque virum.  
 Docta satis vitamque colo, famamque tueri;  
 Docta bonos mores ipsa, suosque docens.  
 Et verum vita cui carius, unaque cura,  
 Nosse Deum, & fratrem diligere ante alios.  
 Conjuge adhuc juvenis caruit: sed seria vitam  
 Moribus austeras aequiparavit anus.  
 Produxit celerem per sena decennia vitam:  
 Inque domo, ac tecto, quo pater, oppetiit.

Avitianus, frater. XIII.

Avitianum, Musa, germanum meum  
 Dona querela funebri:  
 Minor iste natu me, sed ingenio prior  
 Artes paternas imbibit.  
 Verum juventae flore laeto perfui,  
 Aevique supra puberis  
 Exire metas, vetuit infesta Atropos.  
 Heu quem dolorem sauciis!  
 Heu quanta vitae decora, quem cultum spei  
 Germane pubes deferis!

**Germane carnis lege, & ortu sanguinis;**

**Amore penè filius,**

**Val. Latinus Euronius, gener. XIV.**

**O generis clari decus, ô mihi funus acerbum,**

**Euroni, è juvenum lete cohorte gener;**

**Occidis in primae raptus mihi flore juvetnae,**

**Lactentis nati vix bene note pater.**

**Tu procerum de stirpe satus, praegressus & ipsos,**

**Vnde genus clarae nobilitatis erat.**

**Ore decens, bonus ingenio, facundus, & omni**

**Dexteritate vigens, praecipuusque fide.**

**Hoc praefedurae sedes, hoc Illyris ora**

**Praefide te experta est, fiscus & ipse cliens.**

**Nil aevi brevitate tamen tibi laudis ademptum:**

**Indole maturus, funere acerbus obis.**

**Pomponius Maximus, adfinis. XV.**

**Et te germanum, non sanguine, sed vice fratris,**

**Maxime, devinctum naenia nostra canet.**

**Conjux namque meae tu consociate sorori**

**Aevi fruge tui destituis viduam.**

Non domus hoc tantum sensit tua: sensit acerbum  
 Saucia proh! casum curia Burdigalae;  
 Te primore vigens, te deficiente relabens,  
 Inque Valentinum te moriente cadens.  
 Heu! quare nato, cur fruge & flore nepotum  
 Ereptus nobis, Maxime, non frueris?  
 Sed frueris: divina habitat si portio Manes;  
 Quaeque futura olim gaudia, nosse datur.  
 Longior hic etiam laetorum fructus habetur,  
 Anticipasse diu, quae modo participas.

Veria Liceria, uxor Arborii fororis filii. XVI.  
 Tu quoque vel nuruis mihi nomine, vel vice natae  
 Veria, supremi carmen honoris habe.  
 Cujus si probitas, si forma & fama, fidesque  
 Morigeras uxor, lanificaeque manus,  
 Nunc laudanda forent: procul & de Manibus imis  
 Arcessenda esset vox proavi Eusebii:  
 Qui quoniam functo jam pridem conditus aevo,  
 Transcripsit partes in mea verba suas;  
 Accipe funereas neptis defleta querelas,  
 Conjux Arborii commemoranda mei.

Qui parva ingentis luctus solatia linquens  
Destituis natum, quo magis excrucias.  
At tibi dilecti ne desit cura mariti,  
Iuncta colis thalamo nunc monumenta tue.  
Hic ubi primus hymen, sedes ibi moesta sepulchriz  
Nupta magis dici, quam tumulata potes.

Pomponius Maximus Herculanus, sororis  
filius. XVII.

Nec Herculatum genitum germana mea,  
Modulamine naenia tristi  
Tacitum sine honore relinquat:  
Super indole cuius adulti  
Magnae bona copia laudis.  
Verum memorare magis, quam  
Functum laudare decebit.  
Decus hoc matrisque, meumque,  
In tempore puberis aevi  
Vis perculit invida fati.  
Eheu! quem, Maxime, fructum?  
Facunde, & musice, & acer,  
Mente bonus, ingenio ingens,

Volucet pede, corpore pulcher,  
 Lingua catus, ore canorus;  
 Cape munus triste parentum,  
 Lacrimabilis orsa querelae;  
 Quae funereum modulatus  
 Tibi moestus avunculus offert.

Fl. Sanctus, Maritus Pudentillae, quae  
 foror Sabinae meae. XVIII.

**Q**ui joca laetitiamque colis, qui tristia damnas,  
 Nec metuis quenquam, nec metuendus agis;  
 Qui nullum insidiis captas, nec lite lacefisis,  
 Sed justam & clemens vitam agis, & sapiens;  
 Tranquillos Manes, supremaque mitia Sancti  
 Ore pio, & verbis advenerare bonis:  
 Militiam nullo qui turbine sedulus egit;  
 Praefide laetus quo Rutupinus ager.  
 Octoginta annos cuius tranquilla senectus  
 Nullo mutavit deteriore die.  
 Ergo precare favens: ut, qualia tempora vitae,  
 Talia & ad Manes otia Sanctus agat.

## Namia Pudentilla, adfinis. xix.

Tuque Pudentillam verbis adfare supremis,  
 Quae famae curam, quae probitatis habes.  
 Nobilis haec, frugi, proba, laeta, pudica, decora,  
 Conjugium Sancti jugiter haec habuit.  
 Inviolata tuens castae paeconia vitae,  
 Rexit opes proprias, otia agente viro.  
 Non ideo exprobrans, aut fronte obducta, marito,  
 Quod gerere totam femina sola domum.  
 Heu! nimium juvenis, sed laeta superstite nato,  
 Atque viro, patiens fata suprema obiit.  
 Vnanimis nostrae & quondam germana Sabinae,  
 Et mihi inoffenso nomine dicta soror.  
 Nunc etiam Manes placidos pia cura retractat;  
 Atque Pudentillam fantis honore colit.

## Lucanus Talisius curam\* filii. xx.

Nec jam tu metris, spes unica, ephebe Talis,  
 Consobrine, meis immemoratus eris.  
 Ereptus primis aevi florentis in annis:  
 Iam tamen & conjux, jam properate pater.

**F**estinasse putes fatum; ne funus acerbum  
Duceret hoc genitor, tam cito factus avus.

**A**ttusia Lucana Talisia. Erminiscius Re-  
gulus, adfinis. XXI.

**N**otitia exilis nobis, Attusia, tecum,  
Cumque tuo plane conjugé nulla fuit.

**V**erum tu nostrae soror es germana Sabinae;  
Adfinis quoque tu, Regule, nomen habes.

**S**ortitos igitur tam cara vocabula nobis,  
Stringamus moesti carminis obsequio.

**Q**quamvis Santonica procul in tellure jacentes  
Pervenit ad Manes exsequialis honos.

**S**everus Censor Iulianus, confocer.

XXII.

**D**efinite, & veteres, Calpurnia nomina, Frugi,  
Ut proprium hoc vestrae gentis habere decus.

**N**ec solus semper Censor Cato, nec sibi solus  
Iustus Aristides his placeant titulis.

**N**am sapiens quicunque fuit, verumque fidemque  
Qui coluit, comitem se tibi Censor agat.

Tu

**Tu** glavis, & comis, cum justiaque remissus,

Austeris doctus jungere temperiem.

**Tu** non adscito tibi me, nec sanguine juncto,

Optasti nostras confociare domos.

**Nempe** aliqua in nobis morum simulachra tuorum

Effigies nostri praebuit ingenii:

**Aut** jam fortunae sic se vertigo rotabat,

Vt pondus fatis tam bona vota darent.

**Si** quid apud Manes sentis, fovet hoc tibi mentem;

Quod fieri optaras, id voluisse Deum.

Paulinus & Dryadia, filii Paulini & Me-

gentirae, sororis filiae. XXIII.

**Qui** nomen vultumque patris, Pauline, gerebas,

Amissi specimen qui genitoris eras:

Propter quem luctus miserae decidere matris

Cooperat; offerret quum tua forma patrem;

Redderet & mores, & moribus adderet illud,

Paulinus caruit quo pater, eloquium:

Eriperis laetis & pubescentibus annis;

Crudaque adhuc matris pectora sollicitas.

Flemus enim raptam thalami de sede fororem,

Heu! non maturo funere, Dryadiam.

Flemus: ego in primis, qui matris avunculus, & vo

Natorum tanquam diligo progeniem.

Illa manus inter genitricis, & oscula patris

Occidit, Hispana tum regione procul.

Quam tener, & primo, nove flos, decerperis aevo

Nondum purpureas cinctus, ephebe, genas!

Quattuor ediderat nunc facta puerpera partus:

Funera sed tumulis jam geminata dedit.

Sit satis hoc, Pauline pater. Divisio facta est:

Debetur matri caetera progenies.

Paulinus, fororis gener. XXIV.

Qui laetum ingenium, mores qui diligit aequos,

Quique fidem sancta cum pietate colit;

Paulini manes mecum veneratus, amicis

Inroret lacrymis, annua liba ferens.

Aequaevus, Pauline, mihi; natamque fororis

Indeptus thalamo: si mihi penè gener.

Stirpis Aquitanae mater tibi. Nam genitori

Coffio Vasatum, municipale genus.

Scrinia praefecti meritus, rationibus inde  
Praepositus Lybicis, praemia opima capis.  
Nam Correcturae tibi Tarraco Hibera tribunal  
Praebuit, affectans esse clienta tibi.  
Tu socrum pro matre colens, adfinis haberis  
Non poteras; nati cum fruerēre loco.  
Inter concordes vixisti fidus amicos,  
Duodeviginti functus Olympiadas.

Aemilia Dryadia, materterea. xxv.

T<sub>e</sub> quoque Dryadiam materteram,  
Flebilibus modulis,  
Germana genitus, prope filius,  
Ore pio veneror.  
Quam thalamo, taedisque jugalibus  
Invida mors rapuit:  
Mutavitque torum feretri vice  
Exequialis honor.  
Discebas in me, materterea,  
Mater uti fieres.  
Vnde modo hoc moestum tibi defero  
Filius officium.

## Iulia Cataphronia, amita. xxvi.

**Q**uin & funereis amitam impartire querelis,  
Musæ, Cataphroniam.

Innuba devoteæ quæ virginitatis amorem,  
Parcaque anus coluit.

Et mihi quod potuit, quamvis de paupere summa:  
Mater uti, attribuit.

Ergo commemorata, Ave; moestumque vocata  
Pro genitrice, Vale.

## Iulia Veneria, amita. xxvii.

**E**t amita Veneria properiter obiit:  
Cui brevia mela modifica recino.  
Cinis uti placidula supera vigeat,  
Loca tacita celeripes adeat Erebi.

## Iulia Idalia, consobrina. xxviii.

**P**arva etiam fuit Idalia;  
Nomine praedita quæ Paphiae,  
Et speciem meruit Veneris;

Quae genita est mihi penè soror.

Filia nam fuit haec amitae,

Quam celebrat sub honore pio

Naenia, carmine funereo.

Aemilia Melania, soror. xxix.

Aemilia hos, vix nota mihi soror, accipe questus.

Debent quos cineri moesta Elegéa tuo.

Conjunxit nostras aequaeva infantia cunas:

Vno quamvis tu consule major eras.

Invida sed nimium Lachesis properata peregit.

Tempora; & ad Manes funera acerba dedit.

Praemissa ergo vale; Manesque verére parentum;

Qui majore aevo, quiique minore venit.

Pomponia Vrbica Consocrus, uxor Iuliani  
Censoris. xxx.

Vt generis clari, veterum sic femina morum

Vrbica, Censoris nobilitata toro;


Ingenitis pollens virtutibus, austaque & illis

Quas docuit conjux, quas pater, & genitrix.

86 AVSONII PARENTALIA

Quas habuit Tanaquil, quas Pythagorea Theano,  
Quaeque sine exemplo est in nece functa viri.  
Et tibi si fatum sic permutare dedisset,  
Viveret hoc nostro tempore Censor adhuc.  
Sed neque tu viduo longum cruciata sub aevo,  
Protinus optato fine secuta virum.  
Annua nunc moestis ferimus tibi justa querelis,  
Cum genero & natis confocer Ausonius.





# COMMEMORATIO PROFESSORVM BVRDIGALENSIVM

---

## Praefatio.

**V**os etiam, quos nulla mihi cognatio junxit,  
 Sed fama, & cara relligio patriae,  
 Et studium in libris, & sedula cura docendi,  
 Commemorabo, viros morte obita celebres.  
 Fors erit, ut nostros Manes sic adserat olim,  
 Exemplo cupiet qui pius esse meo.

**Tiberius Victor Minervius, orator. I.**

**P**rimus Burdigalae column dicere, Minervi,  
 Alter rhetoricae Quintiliane togae.  
 Illustres quondam quo praceptor fuerunt  
 Constantinopolis, Roma, dehinc patria,  
 Non equidem certans cum maiestate duarum;  
 Solo sed potior nomine, quod patria.

**A**dferat usque licet Fabium Calagurris alumnū:  
 Non sit Burdigalæ dum cathedra īſerior.  
 Mille foro dedit haec juvenes; bis mille senatus  
 Adjeçit numero, purpureisque togis;  
 Me quoque: sed quoniam multa est prætexta, silebo  
 Teque canam de te, non ab honore meo.  
 Sive Panegyricos placeat contendere libros,  
 In Panathenaicis tu numerandus eris.  
 Seu libeat fictas ludorum evolvere lites,  
 Ancipitem palmam Quintilianus habet.  
 Dicendi torrens tibi copia: quae tamen aurum,  
 Non etiam luteam volveret illuviem.  
 Et Demosthenicum, quod ter primum ille vocavi  
 In te sic viguit, cedat ut ipse tibi.  
 Anne & divini bona naturalia doni  
 Adjiciam? memori quam fueris animo?  
 Audita ut, vel lecta semel, ceu fixa teneres;  
 Auribus & libris esset ut una fides?  
 Vidimus & quondam tabulae certamine longo,  
 Omnes qui fuerant, enumerasse bolos;  
 Alternis vicibus quos præcipitante rotatu  
 Fundunt excisi per cava buxa gradus:

**Narrantem fido per singula puncta recursu,**

**Quae data, per longas quae revocata moras.**

**Nullo felle tibi mens divisa, tum sale multo**

**Lingua dicax, blandis & sine lite jocis.**

**Mensa nitens, quam non censoria regula culpet:**

**Nec nolit Frugi Piso vocare suam.**

**Nonnunquam pollens natalibus, & dape festa:**

**Non tamen angustas ut tenuaret opes.**

**Quanquam haeredis egens, bis sex quinquennia  
functus,**

**Fletus es a nobis, ut pater, & juvenis.**

**Et nunc, sive aliquid post fata extrema superfit,**

**Vivis adhuc; aevi, quod periit, meminens.**

**Sive nihil supereft, nec habent longa otia sensus,**

**Tu tibi vixisti: nos tua fama juvat.**

**Latinus Alcimus Alethius, rhetor. II.**

**Nec me nepotes impii silentii**

**Reum ciebunt, Alcime:**

**Minusque dignum, non & oblitum ferent**

**Tuae ministrum memoriae;**

Opponit unum quem viris prioribus  
 Aetas recentis temporis.  
 Palmae forensis, & Camoenarum decus,  
 Exemplar unum in litteris;  
 Quas aut Athenis docta coluit Graecia,  
 Aut Roma per Latium colit.  
 Moresne fabor, & tenorem regulae,  
 Ad usque vitae terminum?  
 Quod laude clarus, quod paratus litteris,  
 Omnem refugisti ambitum?  
 Te nemo gravior, vel fuit comis magis,  
 Aut liberalis indigis:  
 Danda salute, si forum res posceret;  
 Studie docendi, si scholam.  
 Vivent per omnem posterorum memoriam,  
 Quos tu sacrae famae dabas.  
 Et Lulianum tu magis famae dabis,  
 Quam sceptra, quae tenuit brevi.  
 Sallustio plus conferent libri tu,  
 Quam consulatus addidit.  
 Morum tuorum, decoris, & facundiae  
 Formam dedisti filiis.

**I**gnosce, nostri laesus obsequio stili:

Amoris hoc crimen tui est;

**Q**uod digna nequiens promere, officium colo,

Injurious sedulus.

**Q**uiisce placidus, & caduci corporis

Damnum repende gloria.

**L**uciolum, rhetor. III.

**R**hetora Luciolum condiscipulum, atque magistrum,

Collegamque dehinc, naenia moesta refer;

Facundum, doctumque virum, seu lege metrorum

Condita, seu profis solveret orsa modis:

Eripuit patri Lachesis quem funere acerbo,

Linquentem natos sexui utroque duos:

Nequaquam meritis cuius responderit haeres,

Obscuros quamvis nunc tua fama juvet.

Mitis amice, bonus frater, fidissime conjux,

Nate pius: genitor, poenitet, ut fueris.

Comis convivis, nunquam inclamare clientes,

Ad famulos nunquam tristia verba loqui.

Vt placidos mores, tranquillos sic cole Manes;

Et cape ab Ausonio munus, amice, Vale.

## Attius Patera pater, rhetor. IV.

Aetate quamquam viceris dictos prius,  
 Patera, fandi nobilis:  
 Tamen, quod aevo floruisti proximo,  
 Juvenisque te vidi senem,  
 Honore moestae non carebis naeniae,  
 Doctor potentum rhetorum.  
 Tu Bajocassis stirpe Druidarum satus,  
 Si fama non fallit fidem,  
 Beleui sacramum ducis e templo genus:  
 Et inde vobis nomina:  
 Tibi Paterae: sic ministros nuncupant  
 Apollinatis mystici.  
 Fratri, patrique nomen a Phoebo datum:  
 Natoque de Delphis tuo.  
 Doctrina nulli tanta in illo tempore,  
 Cursusque tot fandi & rotae.  
 Memor, disertus, lucida facundia  
 Canore, cultu praeditus;  
 Salibus modestus, felle nullo perlitus,  
 Vini, cibique abstemius,

Laetus, pudicus, pulcher: in senio quoque, ut  
Aquilae senectus, aut equi.

Attius Tiro Delphidius, rhetor. v.

Facunde, docte, lingua & ingenio celer,  
Iocis amoene, Delphidi,  
Sebtextus esto flebili threno patris,  
Laudi ut subibas aemulus.

Tu penè ab ipsis orsus incunabulis  
Dei poëta nobilis,  
Sertum coronaë präferens Olympiae,  
Puer celebrasti Iovem.

Mox inde cursim more torrentis freti,  
Epos ligasti metricum:  
Vt nullus aequa lege liber carminum  
Orationem texeret.

Celebrata varie cuius eloquentia  
Domi forisque claruit:  
Seu tu cohortis Praefulem prætoriae,  
Provinciarum aut judices  
Coleres, tuendis additus clientibus,  
Famae & salutis sauciis.

Felix, quietis si maneres litteris,  
Opus Camoenarum colens:  
Nec odia magnis concitata litibus  
Armaret ulti impetus:  
Nec inquieto temporis tyrannici  
Palatio te attolleret.  
Dum spem remota hū semper accersis tibi,  
Fastidiosus obviae,  
Tuumque mavis esse, quam fati, bonum;  
Desiderasti plurima;  
Vagus per omnes dignitatum formulas,  
Meritusque plura, quam gerens.  
Vnde infuscato criminum motu gravi,  
Donatus aerumnis patris:  
Mox inde rhetor, nec docendi pertinax,  
Curam fecellisti patrum;  
Minus malorum munere expertus Dei,  
Medio quod aevi raptus es:  
Errore quod non deviantis filiae,  
Poenaque laetus conjugis.

## Alethio Minervio, filio, rhetori. vi.

O flos juvenum,	Clara cohortis
Spes laeta patris,	Vexilla regens,
Nec certa tuae	Post Nazarium,
Data res patriae,	Postque Pateram;
Rhetor Alethi.	Major utroque,
Tu primaevis	Non sine morsu
Doctor in annis,	Gravis invidiae,
Et praeceptor	Cuncta habuisti
Tempore, quo te	Commoda fati.
Discere adulturn	Non mansuris
Non turpe foret.	Ornate bonis;
Praetextate	Omnia praecox
Iam genitori	Fortuna tibi
Conlatus eras.	Dedit, & rapuit.
Ille superbae	Solstitialis
Moenia Romae	Velut herba solet,
Fama & meritis.	Ostentatus
Inclytus auxit.	Raptusque simul,
Tu Burdigalae	Pubere in aevo
Laetus patriae,	Deseruisti

Vota tuorum,	Vtriusque domus
Et rhetorica	Sine heredē tuo.
Floris adulti	Quam fatiloquo
Fruge carentem,	Dicte profatu
Et connubium	Versus Horatī!
Nobile saceri,	Nihil est ab omni
Sine pace patris;	Parte beatum.
Et divitias	

Leontius, grammaticus, cognomento  
*Lascivus.* VII.

Qui colis laetos, hilarosque mores,  
 Qui dies festos, joca, vota, ludum,  
 Annuūm functi memora Leontī  
 Nomine threnum.

Iste LASCIVVS patiens vocari,  
 Nomen indignum probitate vitae  
 Abnuit nunquam: quia gratum ad aures  
 Effet amicas.

Litteris tantum titulum affecutus,  
 Quantus exili satis est cathedrae;  
 Posset infertus numero ut videri

Grammaticorum.

Tu

Tu meae semper socius juventae,  
 Pluribus quamvis cumulatus annis,  
 Nunquam quoque in nostris recales medullis,  
 Blande Leonti:  
 Et juvat tristi celebrare cura  
 Flebilem cantum memoris querelae:  
 Munus ingratum, tibi debitumque  
 Carmine nostro.

Grammaticis Graecis Burdigalensibus. VIII,  
 Romulum post hos prius, an Corinthi,  
 Anne Sperchei, pariterque nati  
 Atticas Musas memorem Menesthei  
 Grammaticorum?  
 Sedulum cunctis studium docendi;  
 Fructus exilis, tenuisque sermo:  
 Sed, quia nostro docuimus in aevo,  
 Commemorandi.  
 Tertius horum mihi non magister;  
 Caeteri primis docuimus in annis,  
 Ne forem vocum rudis, aut loquendi;  
 Sed sine cultu.

Obsttit nostrae quia, credo, mentis  
 Tardior sensus: neque disciplinis  
 Appulit Graecis puerilis aevi  
 Noxius error.

Vos levis cespes tegat, & sepulchri  
 Tefta defendant cineres opertos:  
 At meae vocis titulus supremum  
 Reddat honorem.

Iucundo, grammatico Burdigalensi,  
 fratri Leontii. IX.

**E**t te, quem cathedram temere usurpasse loquuntur  
 Nomen grammatici nec meruisse putant;  
 Voce ciebo tamen, simplex, bone, amice, sodalis  
 Iucunde, hoc ipso care magis studio,  
 Quod quamvis impar nomen tam nobile amasti,  
 Es meritos inter commemorande viros.

---

Grammaticis Latinis Burdigalensibus philologis , Macrino , Phoebicio , Concordio , Sucuroni , Ammonio , Anastasio grammatico Pictaviorum . x.

Nunc , ut quemque mihi  
 Flebilis officii  
 Religiosus honor  
 Surgeret , expediam .  
 Qui , quamvis humili  
 Stirpe , loco , ac meritis ,  
 Introtulere tamen  
 Grammaticae studium  
 Ingeniis hominum  
 Burdigalae rudibus .  
 Permaneat series ;  
 Sit Macrinus in his ,  
 Sobrius & puerorum  
 Vtilis ingeniis .  
 Huic mea principio  
 Credita puerities .  
 Nec reticebo senem

Nomine Phoebicum;  
Qui Beleni aedituus,  
Nil opis inde tulit.  
Sed tamen, ut placitum,  
Stirpe satus Druidum,  
Gentis Aremoricae,  
Burdigalae cathedram  
Nati opera obtinuit.  
Et tu, Concordi,  
Qui profugus patria,  
Mutasti sterilem  
Urbe alia cathedram.  
Et libertina  
Sucuro progenies;  
Qui rūdibus pueris  
Prima elementa dabas.  
Pange & Anastasio  
Fleibile, Musa, melum;  
Et memora tenuem  
Naenia grammaticum:  
Burdigalae hunc genitum,  
Transtulit ambitio,  
*Pictonicaeque dedit;*

P R O F E S S O R E S

XOB

Pauper ubi, & tenuem  
Victum habitumque colens,  
Gloriolam exilem  
Et patriae, & cathedrae  
Perdidit in senio:  
Doctrina exiguis,  
Moribus implacidis,  
Proinde, ut erat meritum,  
Famam habuit tenuem:  
Sed tamen hunc noster  
Commemoravit honos.  
Religiosum etenim  
Commemorare meae  
Grammaticum patriae;  
Ne pariter tumulus  
Nomen & ossa tegat.

Herculano, sororis filio, grammatico  
Burdigalensi. XI.

Herculanus, qui profectus gremio de nostro & schola  
rem magis, quam rem fruendam praebuisti avunculo,  
principes scholae, & cathedrae penè successor meae;

Lubricaे nisi te juventae praecipitem flexus daret,  
 Pythagorei non tenentem tramitis rectam viam:  
 Ego placidus, & quietis Manibus sedem fove,  
 Iam mihi cognata dudum inter memoratus nomina.

Thalasso, grammatico Latino, Burdigalensis. XII.

Officium, nomenque tuum, primaeve Thalasse,  
 Parvulus audivi: vix etiam memini,  
 Qua forma, aut merito fueris, qua stirpe parentum.  
 Aetas nil de te posterior celebrat.  
 Grammaticum juvenem te tantum fama ferebat,  
 Tum quoque tam tenuis, quam modo nulla manet.  
 Sed quicunque tamen, nostro quia doctor in aevo  
 Vixisti, hoc nostrum munus habeto, Vale.

Citario, Siculo Syracusano, grammatico  
 Burdigalensi, Graeco. XIII.

Et Citari dilecte, mihi memorabere, dignus  
 Grammaticos inter qui celebrere bonos.  
 Esset Aristarchi tibi gloria, Zenodotique  
 Grajorum, antiquus si sequeretur honos.

Carminibus, quae prima tuis sunt condita in annis,  
 Concedit Cei Musa Simonidei.  
 Vrbe satus Sicula, nostram peregrinus adisti:  
 Excultam studiis quam prope reddideras.  
 Conjugium nactus cito nobilis, & locupletis  
 Invidia fati non genitor moreris.  
 At nos defunctum memori celebramus honore:  
 Fovimus ut vivum munere amicitiae.

**Censorio Attico Agricio, rhetori. XIV.**

Eloquii merito primis aequande, fuiſſi  
 Agrici hic positus posteriore loco:  
 Aevo qui quoniam genitus functusque recenti,  
 Dilatus nobis, non & omissus eras.  
 Quocunque in numero, tristi memorabere threno:  
 Vnus honos tumuli ferus, & ante datus.  
 Tam generis tibi celsus apex, quam gloria fandi.  
 Gloria Athenaei cognita fede loci;  
 Nazario, & claro quondam delata Paterae,  
 Egregie multos excoluit juvenes.  
 Conjuge nunc, natisque superstibibus, generoque,  
 Majorum Manes, & monumenta foves.

Nepotiano, grammatico, eidem rhetor

## XV.

**F**acete, comis, animo juvenali senex,  
**C**ui felle nullo, malle multo mens madens,  
**A**evum per omne nil amarum miscuit:  
**N**ostri medela, Nepotiane, pectoris;  
**T**am seniorum quam jecorum particeps,  
**T**aciturne, Amyclas qui silendo viceris.  
**T**e fabulantem non Vlyxes linqueret,  
**L**iquit canentes qui melodas virgines.  
**P**robe, & pudice, parce, frugi, abstemie,  
**F**acunde, nulli rhetorum cedens stylo,  
**E**t disputator ad Cleanthen Stoicon:  
**S**caurum, Probumque corde callens intime:  
**E**t Epirote Cinea memor magis.  
**S**odalis, & convictor, hospes jugiter:  
**P**arum quod hospes; mentis agitator meas,  
**C**onsilia nullus mente tam pura dedit,  
**V**el altiore conditu texit data.  
**H**onore gesti praesidatus inclytus,  
**D**ecies novenas functus annorum vices,  
**D**uos relinquens liberos, mortem oppetis;  
**D**olorre multo, tam tuorum, quam meo.

**Aemilius Magnus Arborius, rhetor Tolosae.**

XVI.

**I**nter cognatos jam fletus, avuncule, Manes:

Inter rhetoricos nunc memorandus eris.

Illud opus pietas, istud reverenda virorum

Nomina, pro patriae religione habeant.

Bis meritum duplici celebremus honore parentem

Arborium; Arborio patre, & avo Argicio.

Stemma tibi patris Aeduici; Tarbellica Maura

Matris origo fuit: ambo genus procerum.

Nobilis & dotata uxor, domus, & schola, cultae

Principum amicitiae contigerunt juveni.

Dum Constantini fratres opulenta Tolosa

Exilii specie sepositos cohibet.

Byzanti inde arcem, Thressique Propontidis urbem

Constantinopolim fama tui pepulit.

Illic dives opum, doctoque ibi Caesare honorum

Occumbis patribus, Magne, superstitibus.

In patriam sed te sedem, ac monumenta tuorum

Principis Augusti restituit pietas.

Hinc renovat causam lacrymis, & flebile munus,

Annuus migrata religione dies.

## Exuperius, rhetor Tolosae. XVII.

Exuperi memorande mihi, facunde sine arte,  
Incessu gravis & verbis ingentibus, ore  
Pulcher, & ad summam, motuque habituque venus  
Copia cui fandi longe pulcherrima; quam si  
Auditu tenus acciperes, deflata placeret:  
Discussam scires solidi nihil edere sensus.  
Palladiae primum toga te venerata Tolosae,  
Mox pepulit levitate pari. Narbo inde recepit.  
Illic Dalmatio genitos, fatalia regum  
Nomina, tum pueros grandi mercede docendi  
Formasti, rhetor, metam prope puberis aevi.  
Caesareum qui mox indepti nomen, honorem  
Praefidis, Hispanumque tibi tribuere tribunal.  
Decedens, placidos mores, tranquillaque vitae  
Tempora praedives finisti sede Cadurca.  
Sed patriae te jura vocant, & origo parentum,  
Burdigalae ut rursum nomen de rhetore reddas.

**M**arcello, Marcelli filio, grammatico  
Narbonensi. XVIII.

**N**ec te' Marcello genitum, Marcella, filebo;  
Aspera quem genitrix urbe, domo, pepulit:  
Sed fortuna potens cito reddidit omnia, & auxit,  
Amissam primum Narbo dedit patriam.

Nobilis hic hospes Clarentius indole motus,  
Egregiam natam conjugio attribuit.  
Mox schola, & auditor multus praetextaque pubes,  
Grammatici nomen, divitiisque dedit.  
Sed nunquam jugem cursum fortuna secundat,  
Praesertim pravi nacta virum ingenii.

Verum oneranda mihi non sunt: memoranda recepi  
Fata. Sat est dictum, cuncta perisse simul:  
Non tamen & nomen, quo te non fraudo, receptum  
Inter grammaticos praetenuis meriti.

**S**edatus, rhetor Tolosanus. XIX.

**R**elligio est, tacitum si te, Sedate, relinquam:  
Quamvis docendi munus indepte es foris.  
Communis patria est tecum mihi: forte potentis  
Fati Tolosam nactus es sedem scholae.

Illic conjugium, natique, opulensque senectus,  
 Et fama, magno qualis est par rhetori.  
 Quamvis externa tamen a regione reducit  
 Te patria, & civem morte obita repetit:  
 Qumque vagantem operam divisae impenderis urbi,  
 Arbitrium de te sumit origo suum.  
 Est tua nunc soboles, moremque secuta parentis,  
 Narbonem, ac Romam nobilitat studiis.  
 \* \* \* \* \* \* \* \* \* sed  
 Fama, velit nolit, Burdigalam referet.

Staphylius rhetor, civis Auscius. xx.  
 Hactenus observata mihi lex commemorandi  
 Cives, sive domi, seu docuere foris.  
 Externum sed fas conjungere civibus unum  
 Te, Staphyli, genitum stirpe Novempopolis.  
 Tu mihi quod genitor, quod avunculus; unus  
 utrumque:  
 Alter ut Ausonius, alter ut Arborius.  
 Grammatice ad Scaurum, atque Probum, promptissi-  
 me rhetor,  
 Historiam callens Livii & Herodoti.

**Omnis doctrinae ratio tibi cognita ; quantum  
Condit sexcentis Varro voluminibus.**  
**Aurea mens, vox suada tibi, tum sermo quietus,  
Nec cunctator eras, nec properante fono.**  
**Pulchra senecta, nitens habitus, procul ira, dolusque ;  
Et placidae vitae congrua meta fuit.**

**Crispus & Vrbicus, grammatici Latini &  
Graeci. XXI.**

**Tu quoque in aevum, Crispe, futurum  
Moesti venies commemoratus  
Munere threni.**  
**Qui primaevos, fandique rudes  
Elementorum prima docebas  
Signa novorum.**  
**Creditus olim fervere mero,  
Ut Virgilii Flaccique locis  
Aemula ferres.**  
**Et tibi Latiis posthabite orsis  
Vrbice, Grajis celebris, carmen  
Sic ἐλέλσω.**

Nam tu Crispo conjuncte tuo  
 Prosa solebas, & versu loqui  
 Impete eodem.

Priscos ut & Heroës olim  
 Carmine Homeri commemoratos  
 Fando referres:

Dulcem in paucis ut Plistheniden,  
 Et torrentis ceu Dulichii  
 Ninguida dicta,  
 Et mellitae nectare vocis  
 Dulcia fatu verba canentem  
 Nestora regem.

Ambo loqui faciles, ambo omnia carmina docti,  
 Callentes mythωn plasmata, & historiam.  
 Liberi & ambo genus: sed quos meruisse deceret  
 Nancisci, ut cluerent patribus ingenuis.

Victorio subdoctori, sive proscholo. xxii.

Victori studiose, memor, celer, ignoratis  
 Assidue in libris, nec nisi operta legens;  
 Exeſas tineis, opicasque evolvere chartas,  
 Major quam promptis cura tibi in studiis.

**Quod jus Pontificum, quae foedera, stemma quod olim  
Ante Numam fuerat sacrificia Curibus:**

**Quod Castor cunctis de regibus ambiguis, quod  
Conjugis e libris ediderat Rhodope:**

**Quod jus Pontificum, veterum quae scita Quiritum,  
Quae consulta patrum; quid Draco, quidve Solon  
Sanxerit; & Locris dederit quae jura Zaleucus.**

**Sub Iove quae Minos, quid Themis ante Iovem;  
Nota tibi potius, quam Tullius & Maro nostri,  
Et quidquid Latia conditur historia.**

**Fors istos etiam tibi lectio longa dedisset:  
Supremum Lachesis ni celerasset iter.**

**Exili nostras fucatus honore cathedras,  
Libato tenuis nomine Grammatici:**

**Longinquis posthac Romae defunctus in oris:  
Ad quas de Siculo littore transieras.**

**Sed modo nobilium memoratus in agmine, gaudet:  
Pervenit ad Manes si pia cura tuos.**

**Dynamio Burdigalensi, qui in Hispania  
docuit & obiit. XXIII.**

**Sed neque te moesta, Dynami, fraudabo querela,  
Municipem patriae causidicumque meae.**

**Crimina adulterii quem saucia fama fugavit;**  
**Parvula quem latebris fovit Ilerda suis.**  
**Quem locupletavit conjux Hispana latentem;**  
**Namque ibi mutato nomine rhetor eras.**  
**Rhetor Flavini cognomine dissimulatus,**  
**Ne posset profugum prodere culpa suum.**  
**Reddiderat quamvis patriae te sera voluptas,**  
**Mox residem rursum traxit Ilerda domus.**  
**Qualiscumque tuae fuerit fuga, famaque vitae;**  
**Iungeris antiqua tu mihi amicitia.**  
**Officiumque meum, sensus si Manibus ullus,**  
**Accipe jam verus morte obita Dynami.**  
**Diversis quamvis jaceas defunctus in oris,**  
**Commemorat moestis te pia cura elegis:**

**Acilio Glabroni, grammatico jun. Burdi-**  
**galensi. XXIV.**

**Doctrinae vitaeque pari brevitate caducum,**  
**Glabrio, te moestis commemorabo elegis.**  
**Stemmata nobilium deductum nomen avorum,**  
**Glabrio Aquilini Dardana progenies.**  
**Tu quondam puero compar mihi discipulo: mox**  
**Me dehinc facto rhetore, grammaticus.**

Inque foro tutela reis, & cultor in agris,  
 Digne, diu partis qui fruereris bonis.  
**Commode, laete, benigne, abstemie, tam bone dandis**  
 Semper consiliis, quam taciturne datis.  
**Tam decus omne tuis, quam mox dolor, omnia acerbe**  
 Funere praereptus, Glabrio, destituis:  
**Vxore & natis, genitore & matre reliftis,**  
 Eheu quam multis perdite nominibus!  
**Flete diu nobis, nunquam satis, accipe acerbum,**  
 Glabrio in aeternum commemorate, V A L E.

## Coronis. xxv.

**Quos legis a prima deductos menide libri,**  
 Doctores patriae scito fuisse meae.  
**Grammatici in studio, vel rhetoris, aut in utroque;**  
 Quos memorasse mihi, morte obita, satis est.  
**Viventum inlecebra est laudatio. Nomina tantum**  
 Voce ciere, suis sufficiet tumulis.  
**Ergo qui nostrae legis otia tristia chartae,**  
 Eloquium tu ne quaere, sed officium,  
**Quo claris doctisque viris pia cura parentat:**  
 Dum decora egregiae commeminit patriae.

Poëta. XXVI.

Valete manes inclytorum rhetorum:

Valete doctores probi:

Historia si quos, vel poëticus stilus,

Forumve fecit nobiles:

Medicae vel artis, dogma vel Platonicum,

Dedit perenni gloriae:

Et si qua cunctis cura viventum placet,

Iuvatque honor superstitionis:

Accipite moestum carminis cultum mei,


Textum querela flegili.


Sedem sepulchris servet immotus cinis.

Memoria vivat nominum:

Dum remeat illud, judicis dono Dei,

Commune cum Dis saeculum.





# E P I T A P H I A

## H E R O V M ,

Q V I

## B E L L O T R O I C O

I N T E R F V E R V N T

---

Ausonius lectori suo S.

**A**D rem pertinere existimavi, ut vel vanum opusculum materiae congruentis absolverem, & libello, qui commemorationem habet eorum, qui vel peregrini Burdigalae, vel qui Burdigales peregre docuerunt, epitaphia subnefterem, scilicet titulos sepulchrales HEROV M, qui bello Troïco interfuerunt. Quae antiqua quum apud philologum quendam reperisse, Latino sermone converti, non ut inservirent ordini persequendi, sed ut cohaererent libere, nec aberrarent.

## Agamemnoni. I.

**R**ex regum Atrides, fraternae conjugis ulti,  
 Oppetii manibus conjugis ipse meae.  
**Q**uid prodest Helenes raptum punisse dolentem,  
 Vindicem adulterii quum Clytemnestra necet?

## Menelao. II.

**F**elix ó Menelae, Deūm cui debita sedes,  
 Decretumque piis Manibus Elysium.  
**T**yndareo dilecte gener, dilecte Tonanti:  
 Conjugii vindex, ulti adulterii:  
**A**eterno pollens aevo, aeternaque juventa,  
 Nec leti passus tempora, nec senii.

## Ajaci. III.

**A**jacis tumulo pariter tegor obruta Virtus,  
 Inlacrymans bustis funeris ipsa mei:  
**I**ncomptas lacerata comas, quod pravus Atrides  
 Cedere me structis compulit insidiis.  
**I**am dabo purpureum claro de sanguine florem,  
 Testantem gemitu crimina judicii.

## Achilli. iv.

**N**on una Aeaciden tellus habet, ossa teguntur

**L**ittore Sigeo, crinem Larissa cremavit.

**P**ars tumuli \* \* \* \* \*

**O**rbe sed in toto \* \* Homer \* \* \*

## Vlixi. v.

**C**onditus hoc tumulo Laërtia natus Vlixes.

Perlege Odyssean, omnia nosse volens.

## Diomedi. vi.

**C**onditur hic, genitore bono melior, Diomedes;

**C**rimen ob uxoris pulsus dotalibus Argis,

**A**rgyripam, clarosque viris qui condidit Arpos:

**C**larior urbe nova, patriae quam sede vetusta.

## Antilocho. VII.

**C**onsiliis, belloque bonus, quae copula rara est,

**C**arus & Atridis, carus & Aeacidis:

**P**raemia virtutis simul & pietatis adeptus,

**S**ervato Antilochus Nestore patre, obii.

Non hic ordo fuit: sed justius ille superest,  
 Troja capi sine quo perfida non poterat.

## Nestori. VIII.

Hoc tegor in tumulo, quarti jam prodigus aevi  
 Nestor, consilio clarus, & eloquio.  
 Objecit sese cuius pro morte peremptus  
 Filius: & nati vulnere vivo pater.  
 Eheu! cur fatis disponere sic placet aevum,  
 Tam longum, ut nobis; tam breve, ut Antiloche.

## Pyrrho. IX.

Orbe tegor medio, major virtute paterna,  
 Quod puer & regis Pyrrhus opima tuli.  
 Impius ante aras quem fraude peremit Orestes:  
 Quid mirum, caesa jam genitrice furens?

## Euryalo. X.

Nec me non dignum titulo Pleuronia credit:  
 Cui communis erat cum Diomede domus,  
 Euryalo, & Sthenelo. Nam tertius hoc ego regnum  
 Posedi: de quo nunc satis est tumulus.

Guneo. XI.

**G**unea pontus habet, tumulus sine corpore nomen.

Fama homines inter; caelum animus repetit.

Cuncta elementa duci tanto commune sepulchrum.

Quae? caelum, & tellus, & mare, & ora virum.

Protesilao. XII.

**F**atale adscriptum nomen mihi Protesilao.

Nam primus Danaum bello obii Phrygio,

Audaci ingressus Sigeia littora saltu,

Captus pellacis Laertiadae insidiis.

Qui, ne Trojanæ premeret pede littora terræ,

Ipse super proprium desiliit clypeum.

Quid queror? hoc letum jam tum mea fata caneabant,

Tale mihi nomen quum pater imposuit.

Deiphobo. XIII.

**P**roditus ad poenam, sceleratae fraude Lacenæ,

Et deformato corpore Deiphobus,

Non habeo tumulum, nisi quem mihi voce vocantis

Et pius Aeneas, & Maro composuit.

## Hectori. XIV.

**H**ectoris hic tumulus : cum quo sua Troja sepulta est,  
Conduntur pariter , qui periere simul.

## Astyanacti. XV.

**F**los Asiae , tantaque unus de gente superstes ,  
Parvulus , Argivis sed jam de patre timendus ,  
Hic jaceo Astyanax , Scaeis dejectus ab altis .  
Pro dolor ! Iliaci Neptunia moenia muri  
Viderunt aliquid crudelius Hectore trasto .

## Sarpedoni. XVI.

**S**arpedon Lycius , genitus Iove , numine patris  
Sperabam caelum ; sed tegor hoc tumulo ,  
Sanguineis fletus lacrymis : pro ferrea fata !  
Et patitur luctum , qui prohibere potest ?

## Nasti &amp; Amphimacho. XVII.

**N**astes , Amphimachusque , Nomionis inclyta proles ,  
Ductores quondam , pulvis & umbra sumus .

## Troilo. XVIII.

**H**ectore prostrato, nec dis, nec viribus aequis  
 Congressus saevo Troilus Aeacidae,  
 Raptatus bigis, fratriis conjungor honori.  
 Cujus ob exemplum nec mihi poena gravis.

## Polydoro. XIX.

**C**ede procul, myrtumque istam fuge nescius hospes,  
 Telorum seges est sanguine adulta meo.  
 Confixus jaculis, & ab ipsa caede sepultus,  
 Condor in hoc tumulo bis Polydorus ego.  
 Scit pius Aeneas, & tu, rex impie: quod me  
 Thracia pena premit, Troia cura tegit.

## Euphemo. XX.

**E**uphemum Ciconum ductorem Troia tellus  
 Condidit hastati Martis ad effigiem.  
 Nec satis est, titulum faxo incidiisse sepulchri:  
 Insuper & frontem mole onerant statuae.  
 Ocyus ista ruunt, quae sic cumulata locantur;  
 Major ubi est cultus, magna ruina subest.

Hippothoo & Pyleo, in horto sepultis. XXI.

Hippothoum, Pyleumque tenet gremio infima tellus;  
Caulibus & malvis terga superna virent.

Nec vexat cineres horti cultura quietos:  
Dum parcente manu molle holus excolitur.

Ennomo & Chromio. XXII.

Ennomus hic, Chromiusque jacent; queis Mygia  
regnum,

Queis pater Alcinus, Oceanusque atavus.  
Nobilitas quid tanta juvat? quo clarius istis  
Est genus, hoc mortis conditio gravior.

Priamo. XXIII.

Hic Priami non est tumulus: nec condor in ista  
Sede: caput Danai diripucre meum.  
Aut ego quum lacerum sine nomine funus haberem,  
Confugi ad cineres Hectoreos genitor.  
Illic & natos, Trojamque, Asiamque sepultam  
Inveni, & nostrum quicquid ubique jacet.

Item Priamo. XXIV.

Qui tumulum Priami quaerit, legat Hectoris ante.  
Ille meus, nato quem prius ipse dedi.  
Hectoris, & patris simul est commune sepulchrum,  
Amborum quoniam juncta ruina fuit.

Hecubae. XXV.

Quae regina fui, quae claro nata Dymante,  
Quae Priami conjunx, Hectora quae genui;  
Hic Hecuba injectis peri superobruta saxis.  
Sed rabie linguae me tamen ulta prius.  
Fidite ne regnis, & prole, & stirpe parentum:  
Quicunque hoc nostrum σῆμα κυνός, legitis.

Polyxenae. XXVI.

Troas Achilleo conjuncta Polyxena busto,  
Malueram nullo cespite functa tegi.  
Non bene discordes tumulos miscetis, Achivi.  
Hoc violare magis, quam sepelire fait.

A L I Q V O T A L I O R V M  
E P I T A P H I A

Niobae, in Sipylo monte juxta fontem  
sepultae. XXVII.

**T**hebarum regina fui, Sipyleia cautes  
Quae modo sum; laesi numina Latoidum.  
Bis septem natis genitrix laeta atque superba,  
Tot duxi mater funera, quot genui,  
Nec satis hoc divis: duro circundata faxo  
Amisi humani corporis effigiem.  
Sed dolor, obstructis quamquam vitalibus, haeret:  
Perpetuasque rigat fonte pio lacrymas.  
Pro facinus! tantaene animis coelestibus irae?  
Durat adhuc luctus, matris imago perit.

Eidem. XXVIII.

**V**ivebam: sum facta filex; quae deinde polita  
Praxitelis manibus, vivo iterum Niobe.  
Reddidit artificis manus omnia, sed sine sensu.  
Hunc ego, quum laesi numina, non habui.

Eidem.    XXIX.

Habet sepulchrum non id intus mortuum.

Habet nec ipse mortuus bustum super.

Sibi sed est ipse hic sepulchrum , & mortuus.

Didoni.    XXX.

Infelix Dido , nulli bene nupta marito :

Hoc pereunte fugis , hoc fugiente peris.

Diogeni Cynico , in cuius sepulchro , pro  
titulo , canis signum est.    XXXI.

Dic , canis , hic cuius tumulus ? Canis . At canis hic quis ?  
Diogenes . Obit ? Non obit , sedabit .

Diogenes , cui pera penus , cui dolia fedes ,  
Ad Manes abiit ? Cerberus ire vetat .

Quonam igitur ? Clari flagrat qua stella Leonis ,  
Additus est justae nunc canis Erigonae .

Sedecenni matronae.    XXXII.

Omnia quae longo vitae cupiuntur in aeo ,  
Ante quater plenum consumpsit Anicia lustrum .

Infans lactavit. Pubes & virgo adolevit.  
 Nupsit, concepit, peperit, jam mater obivit.  
 Quis mortem accuset? Quis non accuset in ista?  
 Aetatis meritis anus est, aestate puella.

Glauciae, immatura morte praevento.

XXXIII.

Laeta bis octono tibi jam sub consule pubes  
 Cingebat teneras, Glaucia adulte, genas.  
 Et jam desieras puer, anne puella, videri:  
 Quum properata dies abstulit omne decus.  
 Sed neque functorum socius miscebere vulgo:  
 Nec metues Stygios flebilis umbra lacus.  
 Verum aut Persephonae Cinyreius ibis Adonis:  
 Aut Iovis Elysi tu catamitus eris.

Callicrateae. XXXIV.

Viginti atque novem genitrici Callicrateae  
 Nullius sexus mors mihi visa fuit.  
 Sed centum & quinque explevi bene messibus annos,  
 Intremulam baculo non subeunte manum.

Equo admirabili, jussu Augusti. xxxv.

Phosphore, clamosi spacioſa per aequora Circi  
Septenas solitus viator obire vias:  
Impróperanter agens primos a carcere cursus,  
Fortis praegressis ut poterēris equis.  
Promptum & veloceſ erat anticipare quadrigas:  
Victores etiam vincere, laus potior.  
Hunc titulum vani solatia ſume ſepulchri,  
Et gradere Elysios praepes ad alipedes.  
Pegasus hic dexter currat tibi. Laevus Arion  
Funalis. Quartum det tibi Caſtor equum.

In tumulo hominis felicis. xxxvi.

Sparge mero cineres, bene olentis & unguine nardi,  
Hospes, & adde roſis balsama puniceis.  
Perpetuum mihi ver agit illacrymabilis urna.  
Et commutavi faecula, non obii.  
Nulla mihi veteris perierunt gaudia vitae:  
Seu meminaiſſe putas omnia, ſive nihil.

Sepulchrum Cari vacuum. xxxvii.

**M**e sibi, & uxori, & natis commune sepulchrum  
Constituit feras Carus ad exsequias.

Iamque diu monumenta vacant, fitque ista querela  
Longior: & veniat ordine quisque suo,  
Nascendi qui lege datus: placidumque per aevum  
Condatur, natu qui prior, ille prior.

Ex sepulchro Latinae viae. xxxviii.

**N**on nomen, non quo genitus, non unde, quid egi.  
Mutus in aeternum sum, cinis, ossa, nihil.  
Non sum, nec fueram: genitus tamen e nihilo sum.  
Mitte, nec exprobres singula, talis eris.

A V S O N I I  
 DE  
 XII C A E S A R I B V S,  
 P E R  
 SVETONIVM T R A N Q V I L L V M  
 S C R I P T I S

---

Ausonius Hesperio filio, S. D.

C A E S A R E O S proceres, in quorum regna, secundis  
 Consilibus, dudum Romana potentia cessit,  
 Accipe bis senos, sua quenque monosticha signant,  
 Quorum per plenam seriem Suetenius olim  
 Nomina, res gestas, vitamque, obitumque peregit,

Monosticha de ordine XII imperatorum.

P rimus regalem patetfecit I V L I V S aulam  
 Caesar, & A v c v s t o nomen transcripsit, & arcom;

Pavignus post hunc regnat NERO CLAVDIVS,

a quo

CAIUS, cognomen Caligas cui castra dederunt.

CLAVDIVS hinc potitur regno. Post quem NERO  
faetus

Vtimus Aeneadum. Post hunc tres, nec tribus annis;

GALBA senex, frustra socio confisus inertis:

Mollis OTHO, infami per luxum degener aevo:

Nec regno dignus, nec morte VITELLIUS ut vir.

His decimus, fatoque accitus VESPASIANVS.

Et TITVS imperii felix brevitate. Secutus

Frater, quem CALVVM dixit sua Roma NERONEM.

Tempus imperii XII Caesarum.

IVLIVS, ut perhibent, divus trieteride regnat.

AUGUSTVS post lustra decem sex prorogat annos.

Et ter septenis geminos NERO CLAVDIVS addit.

Tertia finit hyems grassantia tempora CAII.

CLAVDIVS hebdomadem duplarem trahit: &  
NERO dirus


Tantumdem: summae Consul sed defuit unus.

GALBA senex, OTHO lascivus, & famosus VITELLI,

Tertia vos Latio regnantes nesciit aestas,  
 Interitus dignos vita properante probrofa.  
 Implet fatalem decadem sibi VESPASIANVS.  
 Ter, dominante TITVS, cingit nova laurea Ianum:  
 Quindecies faevis potitur dum FRATER habenis.

## De mortibus eorum.

IVLIVS interiit CAESAR grassante senatu.  
 Addidit AVGVSTVM divis matura senectus.  
 Sera senex Capreis exsul NERO fata peregit.  
 Exegit poenas de CAESARE Chaerea mollis.  
 CLAVDIVS ambiguo conclusit fata veneno.  
 Matricida NERO proprii vim pertulit ensis.  
 GALBA senex periit, saevo prostratus OTHONE.  
 Mox Otho famosus, clara sed morte potitus.  
 Prodigia succedant perimendi sceptrta VITELLI.  
 Laudatum imperium, mors lenis VESPASIANO.  
 At TITVS, orbis amor, rapitur florentibus annis.  
 Sera trucem perimunt, sed justa piacula, FRATREM.



E I V S D E M A V S O N I I  
T E T R A S T I C H A,

a Julio Caefare usque ad tempora sua.

Nunc & praedictos, & regni sorte sequentes  
Expediam, series quos tenet imperii.  
Incipiam ab Divo, percurramque ordine cunctos,  
Novi Romanae quos memor historiae.

Iulius Caesar. I.

Imperium, binis fuerat sollempne quod olim  
Consulibus, Caesar Iulius obtinuit.  
Sed breve jus regni, sola trieteride gestum,  
Perculit armatas factio saeva togae.

Octavius Augustus. II.

Vitor, successorque dehinc Octavius, idem  
Caesar: at Augusti nomine nobilior.  
Longaeva, & nunquam dubiis violata potestas,  
In terris positum credidit esse deum.

## Tiberius Nero. III.

Praenomen Tiberi natus Nero prima juventas  
 Tempora laudata gestit in imperio.  
 Frustra dehinc solo Caprearam clausus in auro,  
 Quae prodit vitiis, credit operta locis.

## Cajus Caligula. IV.

Post hunc castrensis caligae cognomine Caesar  
 Successit saevo faevior ingenio:  
 Caedibus, incestisque dehinc maculosus, & omni  
 Crimine pollutum qui superavit avum.

## Claudius Caesar. V.

Claudius irrisae privato in tempore vitae,  
 In regno specimen prodidit ingenii.  
 Libertina tamen, nuptarum & crimina passus,  
 Non faciendo nocens, sed patiendo fuit.

## Nero. VI.

Aeneadum generis qui sextus & ultimus haeres,  
 Polluit, & clausit Iulia sacra Nero.  
 Nomina quo pietas, tot habet quoque crimina vitae.  
 Disce ex Tranquillo, quae meminisse piget.

## Servius Galba. VII.

**S**pem frustrate senex, privatus sceptræ mereri  
Visus es; imperia proditus inferior:  
Fama tibi melior juveni: sed justior ordo est,  
Complacuisse dehinc, displicuisse prius.

## Marcus Otho. VIII.

**A**emula polluto gesturus sceptra Neroni,  
Obruitur celeri raptus Otho exitio.  
Fine tamen laudandus erit: qui morte decore  
Hoc solum fecit nobile, quod periiit.

## Aulus Vitellius. IX.

**V**itas ut fors, mors foedâ tibi, nec digne Vitel  
Qui fieres Caesar. Sic sibi fata placent.  
**V**mbra tamen brevis imperii, quia praemia reg  
Saepe indignus adit, non nisi dignus habet.

## Divus Vespasianus. X.

**Q**uaerendi attentus, moderato commodus usu,  
Auget nec reprimit Vespasianus opes.  
**O**lim qui dubiam privato in tempore famam,  
Rarum aliis, princeps transitulit in melius.



## Titus Vespasianus. XI.

**F**elix imperio, felix brevitate regendi,  
 Expers civilis sanguinis, orbis amor.  
 Vnum dixisti moriens te crimen habere;  
 Sed nulli de te, non tibi credidimus.

## Domitianus. XII.

**H**actenus edideras dominos gens Flavia justos  
 Cur duo quae dederant, tertius eripuit?  
 Vix tanti est habuisse illos, quia dona bonorum.  
 Sunt brevia; aeternum, quae nocuere, dolent.

## Nerva. XIII.

**P**roximus extincto moderatur sceptrum tyranno  
 Nerva senex, princeps nomine, mente parens.  
 Nulla viro soboles. Imitatur adoptio prolem,  
 Quam legisse juvet, quam genuisse velit.

## Trajanus. XIV.

**A**ggreditur regimen viridi Trajanus in aevo,  
 Belli laude prior, caetera patris habens.  
 Hic quoque prole carens, sociat sibi forte legendi,  
 Quem fatearē bonum, diftateare parem.

## Aelius Hadrianus. xv.

Aelius hinc subiit mediis praefignis in actis:

Principia & finem fama notat gravior.

Orbus & hic; sociisque virum documenta datus;

Adsciti quantum praemineant genitia.

## Antoninus Pius. XVI.

Antoninus abhinc regimen capit: ille vocatus

Consultisque PRIVS, nomen habens meriti.

Filius huic fato nullus: sed lege suorum

A patria sumpfat, qui regeret patriam.

## Marcus Antoninus. XVII.

Post Marco tutela datur; qui scita Platonis

Flexit ad imperium, patre PIO melior.

Successore suo moriens, fed principe pravo,

Hoc solo patriae, quod genuit, nocuit.

## Commodus. XVIII.

Commodus insequitur, pugnis maculosus harenas,

Threcidico princeps bella movens gladio.

Eliso tandem persolvens gutture poenas,

Criminibus fassus matris adulterium.

## Helvius Pertinax. xix.

**H**elvi, judicio & consulto lette senatus,  
 Princeps decretis prodite, non studiis.  
**Q**uod doluit malefida cohors; errore probato,  
 Curia quod castris cesserat imperio.

## Didius Julianus. xx.

**D**ii bene, quod spoliis Didius non gaudet opinis:  
 Et cito perjuro praemia adempta seni.  
**T**uque, Severe pater, titulum ne horrefce novantie.  
 Non rapit imperium vis tua, sed recipit.

## Severus Pertinax. xxi.

**I**mpiger egeido movet arma Severus ab Histro,  
 Ut parricidae regna adimat Didio.  
**P**unica origo illi: sed qui virtute probaret,  
 Non obstat locum, quum valet ingenium.

## Bassianus Antoninus Caracalla. xxii.

**D**issimilis virtute patri, & multo magis illi,  
 Cujus adoptivo nomine te perhibes.  
**F**ratri morte nocens, punitus fine cruento,  
 In risu populi tu Caracalla magis.

## Opilius Macrinus. XXIII.

Principis hinc custos, sumptum pro Caesare ferru  
 Vertit in auctorem eae de Macrinus iners.  
 Mox cum prole ruit. Gravibus pulsare querelis  
 Cesset perfidiam. Quae patitur, meruit.

## Antoninus Heliogabalus. XXIV.

Tune etiam Augustae sedis penetralia foedas.  
 Antoninorum nomina falsa gerens?

\* \* \* \* \* \* \* \* \* \*

*Reliqua desiderantur.*



**A V S O N I I**  
**BVRDIGALENSIS**  
**ORDO NOBILIVM**  
**V R B I V M**

---

Roma. I.

**P**RIMA urbes inter, divum domus, aurea Roma.

Constantinopolis & Carthago. II.

**C**onstantinopoli assurgit Carthago priori,  
 Non toto cessura gradu: quia tertia dici  
 Fastidit, non ausa locum sperare secundum,  
 Qui fuit ambarum. Vetus hanc opulentia praefert,  
 Hanc fortuna recens. Fuit haec, subit ista; novisque  
 Excellens meritis, veterem praestringit honorem:  
 Et Constantino concedere cogit Elissam.  
 Accusat Carthago, deos jam plena pudoris,  
 Nunc quoque si cedat, Romam vix passa priorem.

**C**omponat vestros fortuna antiqua tumores.  
**I**te pares, tandem memores, quod numine divum  
**A**ngustas mutatis opes & nomina: tu quum  
**B**ysantina Lygos, tu Punica Byrsa fuisti.

**Antiochia & Alexandria. III.**

**T**ertia Phoebeae lauri domus Antiochia,  
**V**ellet Alexandri si quarta colonia ponit.  
**A**mbarum locus unus: & has furor ambitionis  
**I**n certamen agit vitiorum. Turbida vulgo  
**V**traque, & amentis populi male sana tumultu.  
**H**aec Nilo munita quod est, penitusque repotis  
**I**nsinuata locis, fecunda, & tuta superbit.  
**I**lla quod infidis opponitur aemula Persis.  
**E**t vos ite pares: Macetumque attollite nomen.  
**M**agnus Alexander te condidit: illa Seleucum  
**N**uncupat. Ingenuum cujus fuit anchora signum,  
**(**Qualis inusta solet) generis nota certa, per omnem  
**N**am sobolis seriem nativa cucurrit imago.

## Trevieri. IV.

**A**rchipotens dudum celebrari Gallia gestis:  
 Trevericaeque urbis solium, quae proxima Rheno,  
 Pacis ut in mediae gremio secura quiescit:  
 Imperii vires quod alit, quod vestit & armat.  
 Lata per extentum procurrunt moenia collem.  
 Largus tranquillo praelabitur amne Mosella,  
 Longinqua omnigenae vestans commercia terrae.

## Mediolanum. V.

**E**t Mediolani mira omnia, copia refum,  
 Innumerae cultaeque domus, facunda virorum  
 Ingenia & mores laeti. Tum duplice muro  
 Amplificata loci species, populique voluptas  
 Circus, & inclusi moles cuneata theatri:  
 Tempia, Palatinaeque arces, opulensque Moneta,  
 Et regio Herculei celebris sub honore lavacri,  
 Cunctaque marmoreis ornata peristyla signis,  
 Moeniaque in valli formam circumdata labore.  
 Omnia quae magnis operum velut aemula formis  
 Excellunt: nec juncta premit vicinia Romae.

## Capua. VI.

Nec Capuam pelago, cultuque, penuque potentem,  
 Deliciis, opibus, famaque priore filebo;  
 Fortuna variante vices: quae freta secundis,  
 Nescivit servare modum. Nunc subdita Romae,  
 Aemula tunc. Fidei memor, an ne infida, senatum  
 Sperneret, an coleret dubitans, sperare curules  
 Campanis ausa auspiciis, unoque suorum  
 Consule: ut imperium divisi attolleret orbis.  
 Quin etiam rerum dominam, Latiique parentem  
 Appetit bello: ducibus non freta togatis.  
 Hannibal's jurata armis; deceptaque in hostis  
 Servitium demens specie transivit herili.  
 Mox ut in occasum vitiis communibus acti  
 Corruerunt Poeni luxu, Campania fastu,  
 (Heu nunquam stabilem fortita superbia sedem!)  
 Illa potens, opibusque valens, Roma altera quondam,  
 Comere quae paribus potuit fastigia conis;  
 Octavum rejecta locum vix pene tuetur.

## Aquileja. VII.

Non erat iste locus: merito tamen aucta recenti,  
 Nona inter claras Aquileja ciebris urbes,  
 Itala ad Illyricos objecta colonia montes,  
 Moenibus & portu celeberrima: sed magis illud  
 Eminet, extremo quod te sub tempore legit,  
 Solveret exacto cui sera piacula lustro  
 Maximus, armigeri quondam sub nomine lixae.  
 Felix, quae tanti spectatrix laeta triumphi  
 Punisti Ausonio Rutupinum marte latronem.

## Arelas. VIII.

Pande, duplex Arelate, tuos blanda hospita portus,  
 Gallula Roma Arelas: quam Narbo Martius, & quam  
 Accolit Alpinis opulenta Vienna colonis.  
 Praecipitis Rhodani sic intercisa fluentis,  
 Ut medium facias navalii ponte plateam.  
 Per quem Romani commercia suscipis orbis,  
 Nec cohibet: populosque alios & moenia ditas:  
 Gallia quis fruitur, gremioque Aquitania lato.

## Emerita. ix.

**C**lara mihi post has memorabere nomen Iberum  
**E**merita: aquoreus quam praeterlabitur amnis,  
 Submittit cui tota suos Hispania fasces.  
**C**orduba non, non arce potens tibi Tarraco certat,  
 Quaeque sinu petagi jaftat se Bracara dives.

## Athenae. x.

**N**unc & terrigenis patribus memoremus Athenas,  
 Pallados & Consi quondam certaminis arcem,  
 Paciferae primum cui contigit arbor olivae.  
 Attica facundae cuius mera gloria linguae.  
 Vnde per Ioniae populos & nomen Achaeum,  
 Versa Graja manus, ceatum se effudit in urbes.

## Catina &amp; Syracusae. xi.

**Q**uis Catinam fileat? quis quadruplices Syracusas?  
 Hanc ambustorum fratrum pietate celebrem,  
 Illam complexam miracula fontis & amnis.  
 Qua maris Ionii subter vada salsa meantes

Cenio-

**C**onfociant dulces placita fibi sede liquores,  
Incorruptarum miscentes oscula aquarum.

Tolosa. XII.

**N**on unquam altricem nestri reticebo Tolosam,  
**C**oetilibus muris quam circuit ambitus ingens,  
**P**erque latus pulchro praelabitur amne Garumna:  
**I**nnumeris cultam populis, confinia propter  
**N**inguida Pyrenes, & pinea Gaebennarum,  
**I**nter Aquitanas gentes & nomen Iberum.  
**Q**uae modo quadruplices ex se quum effuderit urbes,  
**N**on ulla exhaustae sentit dispendia plebis:  
**Q**uos genuit cunctos gremio complexa colonos.

Narbo. XIII.

**N**ec tu Martie Narbo filebere: nomine cuius  
**F**usa per immensum quondam Provincia regnum,  
**O**btinuit multos dominandi jure colonos.  
**I**nfinuant qua se Sequanis Allobrogos oris:  
**E**xcluduntque Italos Alpina cacumina fines:  
**Q**ua Pyrenaicis nivibus dirimuntur Iberi:  
**Q**ua rapitur praeceps Rhodanus genitore Lemanno,

Interiusque premunt Aquitanica rura Cebennae,  
 Visque in Tectosagos primaevō nomine Volcas,  
 Totum Narbo fuit. Tu Gallia prima togati  
 Nominis attollis Latio proconsule fasces.  
 Quis memoret portusque tuos, montesque lacusque  
 Quis populos vario discrimine vestis, & oris?  
 Quodque tibi quondam Pario de marmore templum  
 Tantae molis erat, quantam non sperneret olim  
 Tarquinius, Catulusque iterum, postremus & ille,  
 Aurea qui statuit Capitolī culmina Caesar?  
 Te maris Eoi merces, & Iberica ditant  
 Aequora: te classes Libyci, Siculique profundi:  
 Et quidquid vario per flumina, per freta cursu  
 Advehitur, toto tibi navigat orbe κατάπληξ.

### Burdigala. XIV.

Impia jam dudum condemnō silentia, quod te,  
 O patria, insignem Baccho, fluviisque, virisque,  
 Moribus, ingeniiisque hominum, procerumque senatu,  
 Non inter primas memorem: quasi conscius urbis  
 Exiguae immeritas dubitem contingere laudes.  
 Non pudor hinc nobis. Nec enim milii barbara Rheni

Ora, nec Arctoo domus est glacialis in Haemo.,  
 Burdigala est natale solum: clementia caeli  
 Mitis ubi, & riguae larga indulgentia terrae;  
 Ver longum, brumaeque breves, juga frondea subsunt.  
 Fervent aequoreos imitata fluenta meatus.  
 Quadrua murorum species, sic turribus altis  
 Ardua, ut aërias intrent fastigia nubes.  
 Distinctas interne vias mirere, domorum  
 Dispositum, & latas nomen servare plateas,  
 Tum respondentes directa in compita portas,  
 Per mediumque urbis fontani fluminis alveum.  
 Quem pater Oceanus refluo quum impleverit aestu,  
 Adlabi totum spectabis classibus aequor.  
 Quid memorem Pario, contextum marmore fontem  
 Euripi fervere freto? quanta umbra profundi!  
 Quantus in amne tumor! quanto ruit agmine praeceps  
 Margine contenti biffena per ostia cursus,  
 Innumeros populi non unquam exhaustus ad usus!  
 Hunc cuperes, rex Mede, tuis contingere castris,  
 Flumina consumpto quum defecere meatu:  
 Hujus fontis aquas peregrinas ferre per urbes,  
 Vnum per cunctas solitus portare Choaspem.

148 AVSONII CLARAE VRBES

Salve, fons ignote ortu, facer; alme, perennis,  
Vitree, glauche, profunde, sonore, illimis, opace,  
Salve urbis genius, medico potabilis haustu,  
**DIVONA** Celthrum lingua, fons addite Divis.  
Non Aponus potu, vitrea non luce Nemausus  
Purior; aequoreo non plenior amne Timavus.  
Hic labor extremus celebres collegerit urbes.  
Utque caput numeri Rôma inclyta, sic capite isto  
Burdigala ancipiti confirmet vertice sedem.  
Haec patria est: patrias fed Roma supervenit omnes.  
Diligo Burdigalam: Romam colo, civis in hac sum,  
Consul in ambabus. Cunae hic, ibi sella curulis.



# L V D V S

## S E P T E M S A P I E N T V M

Ausonius consul Latino Drepanio Pacato  
proconsuli.

**I**GNOSCENDA isthaec, an cognoscenda rearis,

Attento, Drepani, perlege judicio.

Aequanimus fiam te judice: five legenda,

Sive tegenda putes carmina, quae dedimus.

Nam primum est meruisse tuum, Pacate, favorem:

Proxima defensi cura pudoris erit.

Possim ego censuram lectoris ferre feveti:

Et possim modica laude placere mihi.

Novit equus plausae sonitum cervicis amare:

Novit & intrepidus verbera lenta pati.

Maeconio qualem cultum quaeſivit Homero

Censor Aristarchus, normaque Zenodoti.

Pone obelos igitur spuriorum ſtigmata vatum.

Palmas, non culpas eſſe putabo meas:

Et correcta magis, quam condemnata vocabo,  
 Apponet docti quae mihi lima viri.  
 Interea arbitrii subiturus pondera tanti,  
 Optabo, ut placeam: si minus, ut taceam.

## Prologus.

Septem sapientes, nomen quibus illud dedit  
 Superior aetas, nec sequuta sustulit,  
 Hodie in orchestram palliati prodeunt.  
 Quid erubescis tu, togate Romule,  
 Scenam quod introibant tam clari viri?  
 Nobis pudendum hoc, non & Atticis quoque:  
 Quibus theatrum curiae praebet vicem.  
 Nostris negotiis sua loca sortito data:  
 Campus comitis, ut conscriptis curia:  
 Forum, atque rostra separatis civium.  
 Vna est Athenis, atque in omni Graecia,  
 Ad consulendum publici sedes loci:  
 Quam in urbe nostra sero luxus condidit.  
 Aedilis olim scenam tabulatam dabat  
 Subito excitatam nulla mole faxea.  
 Muraena sic, & Gallius: nota eloquar.

**P**ostquam potentes, nec verentes sumptuum,  
**N**omen perenne crediderunt, si semel  
**C**onstructa moles saxeо fundamine  
**I**n omne tempus conderet ludis locum:  
**C**uneata crevit haec theatri immanitas.  
**P**ompejus hanc, & Balbus, & Caesar dedit  
**O**ctavianus, concertantes sumptibus.  
**S**ed ego quid istaec? Non hac causa huc prodii,  
**V**t expedirem, quis theatra, quis forum,  
**Q**uis condidisset privas partes moenium:  
**S**ed ut verendos, diisque laudatos viros  
**P**raegrederer, ac referrem, quid vellent sibi.  
**P**ronunciare suas solent sententias,  
**Q**uas quisque providentium anteverterit.  
**S**citis profecto quae fint: sed si memoria  
**R**ebus vetustis cludit, veniet Ludius  
**E**difierator harum, quas teneo minus.

### Ludius.

**D**elphis Solonem scripsа famа est Atticum,  
**T**υѡς; σεαυθѡν, quod Latinum est, Nosce te.  
**M**ulti hoc Laconis esse Chilonis putant.

Spartane Chilon sit tuum, nec ne ambiguat,  
 Quod introfertur, ὅφε τέλος μακρῷ βίᾳ,  
 Finem intueri longae vitae quo jubes.  
 Multi hoc Solonam dixe Croeso existimant.  
 Et Pittacum dixisse fama est Lesbium,  
 Γίγνωσκε καιρὸν. Tempus ut noris, jubet.  
 Sed καιρὸς iste, tempestivum tempus est.  
 Bias Prieneus dixit, αἱ πλεῖσται κακοὶ:  
 Quod est Latinum, Plures hominum sunt mali:  
 Sed imperitos scita, quos dixit malos.  
 Μελέτη τὸ πᾶν, Periandri est Corinthii:  
 Esse meditationem totum qui putat.  
 Ἀριστοῦ μέτρον esse dixit Lindius  
 Cleobulus; hoc est, Optimus cunctis modus.  
 Thales, ἐγγύα πάρεσι ἄγη protulit.  
 Spondere qui nos, noxa quod praefest, vetat.  
 Hoc nos monere, foeneratis non placet.  
 Dixi; recedam: legifer venit Solon.

Solon.

De more Graeco prodeo in scenam Soloa,  
 Septem Sapientum fama cui palmam dedit.

Sed fama non est judicii severitas.  
 Neque me esse primum horum, nec imum existimor;  
 Aequalitas quod ordinem nescit pati.  
 Recte olim ineptum Delphicus jussit deus  
 Quaerentem, quisnam primus sapientum foret,  
 Ut in orbe tereti nomina eorum incideret;  
 Ne primus esset, ne vel imus quispiam.  
 Eorum e medio prodeo gyro Solon:  
 Ut quod dixisse Croeso regi existimor,  
 Id omnis hominum secta sibi dictum putet  
 Graece coactum: ἦρα Κέλος μακρῷ βίᾳ:  
 Quod longius fit, si Latine edifferas:  
**S P E C T A R E** vitae jubeo cunctos terminum.  
 Proinde miseros, aut beatos dicere  
 Evita: quod sunt semper anticipiti statu.  
 Id adeo sic est. Si queam, paucis loquar.  
 Rex, an tyrannus, Lydiae Croesus fuit  
 His in beatis, dives insanum in modum,  
 Lateribus aureis templa qui divis dabat.  
 Is me evocavit. Venio dicto obediens,  
 Meliore ut uti rege possint Lydii.  
 Rogat, beatum prodam, si quem noverim,

Telana dico civem non ignobilem.  
 Pro patria pugnans iste vitam objecerat.  
 Despexit. Alium quaerit. Inveni Aglaum,  
 Fines, qui agelli proprii nunquam excederat.  
 At ille ridens: quo dein me ponis loco,  
 Beatus orbe toto qui solus vocor?  
 Spectandum dico terminum vitae prius:  
 Tum judicandum, si manet felicitas.  
 Dictum moleste Croesus accepit.. At ego  
 Relinquo regem. Bellum ille in Persas parat.  
 Profectus, vinctus, vincitus, regi deditus.

\* \* \* \* \* \* \* \* \* \* \* \* \*  
 At ille captus, funeris ipse instar sui.

\* \* \* \* \* \* \* \* \* \* \* \*  
 Quin flamma totum se per ambitum dabat,  
 Volvens in altum fumidos aestu globos.  
 At pene sero Croesus ingenti sono,  
 O vere vates, inquit: ô Solon, Solon!  
 Clamore magno ter Solonem nuncupat.  
 Qua voce Cyrus motus, extingui jubet  
 Gyrum per omnem, & destrui ardentem pyram:  
 Et commodum profusus imber nubibus.

Repressit ignem. Croesus ad regem illico  
 Deductus lectam per ministrorum manum,  
 Interrogatus, quem Solonem diceret,  
 Et quam ciendi causam haberet nominis,  
 Seriem per omnem cuncta regi edisserit.  
 Miseratur ille: vimque fortunae videns,  
 Laudat Solonem: Croesum in amicis habet.  
 Vinctumque pedicis aureis secum jubet  
 Reliquum quod esset vitae, totum degere.  
 Ego duorum regum testimonio  
 Laudatus, & probatus ambobus fui.  
 Quodque uni dictum est, quisque sibi dictum putet.  
 Ego jam peregi, qua de causa huc prodiui.  
 Venit ecce Chilon. Vos valete, & plaudite.

### Chilon.

Lumbi sedendo, oculique spectando dolent,  
 Manendo Solonem quoad se se recipiat.  
 Hui, quam pauca quam diu loquuntur Attici!  
 Vnam trecentis versibus sententiam  
 Tandem peregit; meque respectans abit.  
 Spartanus ego sum Chilo, qui nunc predea.

Brevitate nota, qua Lacones utimur,  
 Commendo nostrum γνῶθι σεαυτὸν, NOSCE TE,  
 Quod in columna jam tenetur Delphica.  
 Labor molestus iste, fructi est optimi;  
 Quid ferre possis, quidve non, dignoscere:  
 Noctu, diuque quae geras, quae gefferis,  
 Ad usque puncti tenuis instar querere,  
 Officia cuncta, pudor, honor, constantia,  
 In hoc: & illa spreta nobis gloria.

Dixi. Valete memores. Plausum non moror.

### Cleobulus.

Cleobulus ego sum, parvae civis insulae,  
 Magnae sed auctor, qua cluo, sententiae:  
 "Αριστον μέτρον quem dixisse existimant.  
 Interpretare tu, qui orchestrae proximus,  
 Gradibus propinquus in quatuordecim sedes:  
 "Αριστον μέτρον, an sit OPTIMVS MODVS.  
 Dic. Annuisti. Gratiam habeo. Persequar  
 Per ordinem. Poeta dixe isthoc loco  
 Afer videtur vester: VT NE QVID NIMIS.  
 Et noster quidam, μηδὲν ἔγειν. Hac pertinet.

Vterque sensus, Italus, seu Dorius.

Fandi, tacendi, somni vigiliae est modus,

Beneficiorum, gratiarum, injuriae,

Studii, laborum, vita in omni quidquid est,

Istum requirit optimae paucae modum.

Dixi. Recedam, ut sit modus. Venit Thales.

### Thales.

Milesius Thales sum: A Q V A M qui principem  
Rebus creandis dixi, ut vates Pindarus.

\* \* \* \* \* \* \* \* \*

Dedere pescatores extractum mari.

Namque hi jubente Delio me legerant:

Quod ille munus hoc sapienti miserat.

Ego recusans non recepi: at reddidi

Ferendum ad alios, quos priores crederem.

Dein per omnes septem sapientes viros

Missum, ac remissum, rursus ad me referunt.

Ego receptum consecravi Apollini.

Nam si sapientem deligi Phoebus jubet,

Non hominem quemquam, sed deum credi decet.

Is igitur ego sum. Causa sed in scenam fuit

Mihi prodeundi, quae duobus ante me,  
**Affertor ut sententiae fierem meae.**  
**Ea displicebit; non tamen prudentibus,**  
**Quos docuit usus, & peritos reddidit.**  
**Nos ἄγγελοι πάπεις δὲ ἀττῆ, dicimus:**  
**Latinum est, SONDRE: NOXIA EST PRAESTO tibi.**  
**Per mille possum currere exempla, ut probem**  
**Praedes vadesque poenitutinis reos.**  
**Sed nolo quēmquam nominatim dicere.**  
**Sibi quisque vestrum dicat, & secum putet,**  
**Spondere quantis damno fuerit & malo.**  
**Gratum hoc officium maneat ambobus tamen.**  
**Pars plaudite ergo: pars offensi explaudite.**

## Bias.

**Bias Prieneus dixi, οἱ πλεῖστοι νακοί.**  
**Latine dictum suspicor, PLVRES MALLI.**  
**Dixisse nolle. VERITAS ODIVM PARIT.**  
**Malos sed imperitos dixi, & barbaros,**  
**Qui jus, & aequum, & sacros mores negligunt.**  
**Nám populus iste, quo theatrum cingitur,**  
**Totus bonorum est. Hostium tellus habet,**

Dixisse quos me creditis, plures malos.  
 Sed nemo quisquam tam malus judex fuat,  
 Qui non bonorum partibus se copulet.  
 Sive ille verè bonus est, seu dici studet,  
 Iam fugit illud nomen invisum mali.  
 Abeo. Valete, & plaudite, plures boni.

## Pittacus.

Mitylena oriundus Pittacus sum Lesbius.  
 Τίγυωνε καιρὸν, qui dixi sententiam.  
 Sed iste καιρὸς, tempus ut noris, monet.  
 Et esse καιρὸν, tempestivum quod vocant.  
 Romana sic est vox, VENITO IN TEMPORE.  
 Vester quoque ille comicus Terentius,  
 Rerum omnium primum esse tempus autumat,  
 Ad Antiphilam quo venerat servus Dromo  
 Nullo impeditam, temporis servans vicem.  
 Reputate cuncti, quotiens offendam incidat,  
 Spectata cui non fuerit opportunitas.  
 Tempus me abire, ne molestus. Plaudite.

## Periander.

Ephyra creatus *huc Periander prodeo,*  
 Maléry τὸ τῶν qui dixi: & qui dictum probo,  
 MEDITATIONEM id esse totum, quod geras.  
 Is quippe solus rei gerendae est efficax,  
 Meditatur omne qui prius negotium.  
 Adversa rerum, vel secunda praedicat  
 Meditanda cunctis comicus Terentius.  
 Locare sedes, bellum gerere, aut ponere:  
 Magnas, imodicasque res etiam, parvas quoque  
 Agere volentem, semper meditari decet.  
 Nam segniores omnes in cooptis novis,  
 Meditatio si rei gerendae defuit.  
 Nihil est, quod ampliorem curam postulet,  
 Quam cogitare, quid gerendum sit. Dehinc  
 Incogitantes fors, non consilium regit.  
 Sed ego me ad partes jam recipio. Plaudite,  
 Meditati, ut vestram rem curetis publicam.

---

E O R V N D E M  
**SEPTEM SAPIENTVM  
SEN TENTIA E,**  
**SEPTENIS VERSIBVS  
AB EODEM AVSONIO  
EXPLICATAE**

---

Bias Prieneus.

**Q**uaenam summa boni? Mens, quae sibi conscientia recti,  
Pernicies homini quae maxima? Solus homo alter.  
Quis dives? Qui nil cupiat. Quis pauper? Avarus.  
Quae dos matronae pulcherrima? Vita pudica.  
Quae casta est? De qua mentiri fama veretur.  
Quod prudentis opus? Quum possit, nolle nocere.  
Quod stulti proprium? Non posse, & velle nocere.

Pittacus Mityleneus.

**L**oqui ignorabit, qui tacere nesciet.  
Bono probari malo, quam multis malis.

**Demens** superbis invidet felicibus.  
**Demens** dolorem ridet infelicium.  
**Pareto** legi, quisque legem sanxeris.  
**Plures** amicos re secunda compara.  
**Paucos** amicos rebus adverbis proba.

**Cleobulus Lindius.**

**Quanto** plus liceat, tam libeat minus.  
**Fortunae** invidiae est immeritus miser.  
**Felix** criminibus nullus erit diu.  
**Ignoscas** aliis multa: nihil tibi.  
**Parcit** quisque malis, perdere vult bonos.  
**Majorum** meritis gloria non datur:  
**Turpis** saepe datur fama minoribus.

**Periander Corinthius.**

**N**unquam discrepat utile a decoro.  
**Plus** est sollicitus magis beatus.  
**Mortem** optare malum, timere pejus.  
**Faxis**, ut libeat, quod est necesse.  
**Multis** terribilis, caveto multos.  
**Si** fortuna juvat, caveto tolli.  
**Si** fortuna tonat, cavete mergi.

## Solon Atheniensis.

Dico tunc beatam vitam, quum peracta fata sint.  
 Par pari jugator conjux. Quidquid impar, diffidet.  
 Non erunt honores unquam fortuiti muneris.  
 Clam coarguas propinquum, propalam laudaveris.  
 Pulchrius multo parari, quam creari nobilem.  
 Certa si decreta fors est, quid cavere proderit?  
 Sive sint incerta cuncta, quid timere convenit?

## Chilo Lacedaemonius.

Nolo minor me timeat, despiciatque major.  
 Vive memor mortis, uti sis memor & salutis,  
 Tristia cuncta exsuperans aut animo, aut amico.  
 Tu bene si quid facias, non meminisse fas est.  
 Quae benefacta accipias, perpetuo memento.  
 Grata senectus homini, quae parilis juventas.  
 Illa juventa est grayior, quae similis senectae.

## Thales Milesius.


Turpe quid ausurus, te sine teste time.  
 Vita perit, mortis gloria non moritur.

Quod facturus eris, dicere sultuleris.  
 Crux est, si metuas, vincere quod nequeas.  
 Quum verè objurgas, sic inimice juvas:  
 Quum falso laudas, tunc & amice noces.  
 Nil nimium. Satis est: ne sit & hoc nimium.

De iisdem septem Sapientibus, e Graeco.

Septenis patriam Sapientum, nomina, voces,  
 Versibus expediam: sua quemque monosticha dicent;  
 Chilo, cui patria est Lacedaemon, Noscere seipsum.  
 Periander, Trepidam moderare, Corinthius, iram.  
 Ex Mitylenaeis, Nimium nil, Pittacus oris.  
 Mensuram optimum, ait Cleobulus Lindius, in rea  
 Expectare Solon finem docet, ortus Athenis.  
 Plures esse Bias pravos, quem clara Priene.  
 Miletii, fugisse Thales vadimonia, alumnus.

~~164~~



A V S O N I I.  
BVRDIGALENSIS  
E D Y L L I A

---

Versus Paschales Procodisti. i.

SANCTA salutiferi redeunt solemnia CHRISTI:  
Et devota pii celebrant jejunia mystae.  
At nos aeternum cohibentes pectore cultum,  
Intemeratorum vim continuamus honorum.  
Annua cura sacris, jugis reverentia nobis.  
Magne Pater rerum, cui terra, & pontus, & aér,  
Tartaraque & pīcti servit plaga lacaea caeli:  
Noxia quem scelerum plebes tremit, almaque tursum  
Concelebrat votis animarum turba piarum:  
Tu brevis hunc aevi cursum, celeremque caducae  
Finem animae donas aeternae munere vitae.  
Tu mites legum monitus, sacrosque prophetas  
Humano impertis generi, servasque nepotes,

Deceptum miseratus Adam: quem capta venenis  
 Implicitus solum blandis erroribus Eva.  
 Tu Verbum, Pater alme, tuum, natumque, Deumque  
 Concedis terris totum, similemque, paremque,  
 Ex vero verum, vivaque ab origine vivum.  
 Ille tuis doctus monitis hoc addidit unum:  
 Ut super aequoreas nabit qui Spiritus undas,  
 Pigra immortali vegetaret membra lavacro.  
 Trina fides auctore uno, spes certa salutis  
 Hunc numerum junctis virtutibus amplectenti.  
 Tale & terrenis specimen spectatur in oris  
 Augustus genitor, geminum fator Augustorum.  
 Qui fratrem, natumque pio complexus utrumque  
 Numine, partitur regnum, neque dividit unum,  
 Omnia solus habens, atque omnia dilargitus.  
 Hos igitur nobis trina pietate vigentes,  
 Rectores terrae placidos, caelique ministros,  
 Christe apud aeternum placabilis affere patrem.

AVSONIVS lectori suo S. D.

Post Deum semper patrem colui: secundamque  
 reverentiam genitori meo debui. Sequitur ergo hanc

summi Dei venerationem Epicedion patris mei. Titulus a Graecis auctoribus, defunctorum honori dicatus, non ambitiosus, sed religiosus: quem commendabo lectori meo, sive is filius est, seu pater, sive utrumque. Neque ut laudet exigo, sed ut amet, postulo. Neque vero nunc patrem meum laudo, quod ille non eget, & ego fundum oblectatione viventium onerare non deboeo. Neque dico, nisi quod agnoscant, qui parti aetatis ejus interfuerunt. Falsum me autem, morte ejus obita, dicere, & verum tacere, ejusdem piaculi existimo. Imaginis ipsius hi versus subscripti sunt: neque minus in opusculorum seriem relati. Alia omnia mea dispercent mihi: hos relegisse amo. Vale.

Epicedion in patrem suum Iulium Ausonium. II.

Nomen ego Ausonius, non ultimus arte medendi:  
 Et mea si nosset tempora, primus eram.  
 Vicinas urbes colui patriaque domoque,  
 Vasates patria, sed lare Burdigalam.

Curia me duplex, & uterque senatus habebat  
Muneris exfortem, nomine participem.  
Non opulens, nec egens, parcus sine fodiibus egi.  
Vixum, habitum, mores semper eadem habui.  
Sermone impromptus Latio: verum Attica lingua  
Suffecit culti vecibus eloquii.  
Obtuli opem cunctis poscentibus artis inemptae:  
Officiumque meum cum pietate fuit.  
Iudicium de me studui praestare bonorum:  
Ipse mihi nunquam, judice me, placui.  
Officia in multos diverso debita cultu,  
Personis, meritis, tempore distribui.  
Litibus abstinui: non auxi, non minui rem.  
Indice me nullus, sed neque teste perit.  
Invidi nunquam. Cupere atque ambire refugi,  
Iurare, aut falsum dicere, par habui.  
Factio me fibi non, non conjuratio junxit.  
Sincero colui foedere amicitias.  
Felicem scivi, non qui, quod vellet, haberet:  
Sed qui per fatum non data non cuperet.  
Non occursator, non garrulus, obvia cernens,  
Valvis & velo condita non adii.

Namam, quae posset vitam lacerare bonorum,  
 Non finxi: & veram si scierim, tacui.  
 Ira procul: spes vana procul: procul anxia cura;  
 Inque bonis hominum gaudia falsa procul.  
 Vitati coetus, ejuratique tumultus,  
 Et semper fictae principum amicitiae.  
 Deliquisse nihil nunquam laudem esse putavi,  
 Atque bonos mores legibus antetuli.  
 Irasci promptus, properavi condere metum:  
 Atque mihi poenas pro levitate dedi.  
 Conjugium per lustra novem sine crimine concors,  
 Vnum habui, gnatos quattuor edidimus.  
 Prima obiit lactens. At qui fuit ultimus aevi,  
 Pubertate rudi non rudit interiit.  
 Maximus ad summum culmen pervenit honorum,  
 Praefectus Gallis, & Libyae, & Latio,  
 Tranquillus, clemens, oculis, voce, ore serenus,  
 In genitore suo mente animoque pater.  
 Hujus ego & natum & generum pro Consule vidi.  
 Consul ut ipse foret, spes mihi certa fuit.  
 Matronale decus possedit filia, cuius  
 Egregia & nuptiae laus erat, & viduae;

Quae nati, generique & progeneri, simul omnium  
Multiplici illustres vidiit honore domos.  
Ipse nec affectans, nec detrector honorum,  
Praefectus magni nuncupor Illyrici.  
Haec me fortunae larga indulgentia sua sit,  
Numine adorato, vitae abitum petere.  
Ne fortunatae spatiū inviolabile vitae  
Fatali admorsu stringeret ulla dies.  
Obtinui: auditaeque preces: spem, vota, timorem,  
Sopitus placido fine, relinquo aliis.  
Inter moerentes, sed non ego moestus, amicos  
Dispositis jacui funeris arbitriis.  
Nonaginta annos baculo sine, corpore toto  
Exegi, cunctis integer officiis.  
Haec quicunque leges, non aspernabere fari:  
Talis vita tibi, qualia vota mihi.

---

*Quum de palatio, post multos annos honoratissimus,  
quippe jam consul, redisset ad patriam villulam,  
quam pater reliquerat, introgressus, his versibus  
luisit, Luciliano stilo.*

Ausonii villula. III.

**S**alve herediolum majorum regna meorum,  
Quod proavus, quod avus, quod pater excoluit.  
Quod mihi jam senior, properata morte, relinquit,  
Heheu nolueram tam cito posse frui.  
Iusta quidem series patri succedere: verum  
Esse simul dominos, gratior ordo piis.  
Nunc labor & curae mea sunt. Sola ante voluptas  
Partibus in nostris. Caetera patris erant.  
Parvum herediolum, fateor. Sed nulla fuit res  
Paix unquam aequanimis: adde etiam, unanimis.  
Ex animo rem stare aequum puto, non animum ex re,  
Cuncta cupit Croesus, Diogenes nihilum;  
Spargit Aristippus mediis in Syrtibus aurum;  
Aurea non satis est Lydia tota Midae.  
Cui nullus finis cupiendi est, nullus habendi.  
Ille opibus modus est, quem statuas animo.

Verum ager iste meus quantus sit, noscere: etiam me  
 Noveris, & noris te quoque, si potis es:  
 Quamquam difficile est se noscere. Γνῶθι σεαυτόν,  
 Quam propere legimus, tam cito negligimus.  
 Agri bis centum colo jugera. Vinea centum  
 Iugeribus colitur, prataque dimidium.  
 Sylva supra duplum quam prata, & vinea, & arvum.  
 Cultor agri nobis nec superest, nec abest.  
 Fons propter, puteusque brevis, tum purus & amnis.  
 Naviger hic refluxus me vehit, ac revexit.  
 Conduntur fructus geminum mihi semper in annum.  
 Cui non longa penus, huic quoque prompta fames:  
 Haec mihi non procul urbe sita est, nec prorsus ad  
 urbem:  
 Ne patiar turbas, utque bonis potiar.  
 Et quoties mutare locum fastidia cogunt,  
 Transeo: & alternis rure, vel urbe fruor.

### AVSONIVS Hesperio filio.

**L**IBELLVM, quem ad nepotulum meum, sororis  
 tuae filium, instar protreptici luseram, venturus  
 ipse praemisi legendum. Hoc enim malui, quam

**I**pse recitare: esset ut tibi censura liberior, quae duabus causis impediri solet: quod aures nostras audita velocius, quam lecta praeterireunt; & quod sinceritas judicandi praesentia recitantis oneratur. Nunc tibi utrumque integrum est. Quia & legenti tibi libera mora est: & judicaturo non obstat nostri verecundia. Sed heus tu, fili dulcissime, habeo quod admoneam. Si qua tibi in his versiculis videbuntur. (nam versor, ut multa sint) fucatius concinnata, quam verius; & plus coloris quam succi habere: ipse sciens fluere permisi, venustrula ut effsent magis, quam forticula; instar virginum,

— *quas matres student*

*Demissis humeris esse, vincito pectore, ut graciles sient;*  
*Nosti caetera. Supereft igitur, ut dicas: quid moraris iudicationem meam de eo, quod ipse pronuncias esse mendosum? Dicam scilicet me hujusmodi  
 versibus foris erubescere, sed intra nos minus verecundari: namque ego haec annis illius magis,  
 quam meis scripsi: aut fortasse & meis. Δις παιδες  
 οι γέροντες. Ad summam, valeat auctoritas tua. Mihi cum infante ratio est. Vale, fili dulcissime.*

Ad nepotem Ausonium protrepticon de  
studio puerili. IV.

Sunt etiam Musis sua ludrica. Mista Camoenis  
Otia sunt, mellite nepos; nec semper acerbi  
Exercet pueros vox imperiosa magistri.  
Sed requie studiique vices rata tempora servant.  
Et satis est puero memori legisse libenter.  
Et cessare licet. Grajo schola nomine dicta est,  
Iusta laboriferis tribuantur ut otia Musis.  
Quo magis alternum certus succedere ludum,  
Disce libens, longum delenitura laborem  
Intervalla damus. Studium puerile fatiscit,  
Laeta nisi austoris varientur festa profestis.  
Disce libens, tetrici nec praceptoris habenas  
Detestere nepos. Nunquam horrida forma magistri.  
Ille licet tristis senio, nec voce serenus,  
Aspera contractae minitetur jurgia frontis,  
Nunquam immanis erit: placita assuetudine vultus,  
Qui semel imbuerit. Rugas nutricis amabit,  
Qui refugit matrem. Pappos, aviasque trementes  
Anteferunt patribus seri nova cura nepotes.  
Sic neque Peliden terrebat Achillea Chiron

Thessalico permixtus equo : nec pinifer Atlas  
Amphitryoniadem puerum : sed blandus uterque  
Mitibus alloquiis teneros mulcebat alumnos.  
Tu quoque ne metuas : quamvis schola verbere multe  
Increpet , & truculenta senex gerat ora magister.  
Degeneres animos timor arguit : at tibi consta  
Intrepidus ; nec te clamor , plagaque sonantes,  
Nec matutinis agitet formido sub horis :  
Quod sceptrum vibrat ferulae, quod multa supellex  
Virgea, quod fallax scuticam praetexit aluta :  
Quod fervent trepido subsellia vestra tumultu.  
Pompa loci , & vani fugiatur scena timoris.  
Haec olim genitorque tuus , genitrixque secuti  
Securam placido mihi permulgere senectam.  
Tu senium , quodcunque super labentibus annis  
Fata dabunt , qui nomen avi geris indole prima,  
Prime nepos , vel re vel spe mihi porge fruendum.  
Nunc ego te puerum , mox in juvenilibus annis,  
Iamque virum cernam , si fors ita jusserit; aut si  
Invidia est , sperabo tamen , nec vota fatiscent,  
Ut patris, utque mei non immemor , ardua semper  
Praemia Musarum cupias : facundus & olim

Hac gradiare via, qua nos praeceſſimus: & cui  
 Proconsul genitor, praefectus avunculus instant.  
 Perlege quodcunque eſt memorabile. Priva monebo.  
 Conditor Iliados, & amabilis orsa Menandri  
 Evolvenda tibi. Tu flexu & acumine vocis  
 Innumerous numeros doctis accentibus effer.  
 Affectusque impone legens. Distinctio ſenſum  
 Auget, & ignavis dant intervalla vigorem.  
 Ecquando iſta meae contingent dona ſeneſtæ?  
 Quando obliſa mihi tot carmina, totque per aevum  
 Connexa historiae, ſoccos aulaeaque regum,  
 Et melicos, lyriſque modos praefando, novabis,  
 Obduſtosque ſeni facies puerascere ſenſus?  
 Te praeeunte, nepos, modulata poēmata Flacci,  
 Altifonumque iterum fas eſt didicisse Maronem.  
 Tu quoque, qui Latium lecto ſermone Terenti  
 Comis, & aſtricto percurris pulpita ſocco,  
 Ad nova vix memorem diverbia coge ſeneſtam.  
 Iam facinus, Catilina, tuum, Lepidique tumultum,  
 Ab Lepido & Catulo jam res & tempora Romae  
 Orſus, bis ſenos ſeriem connecto per annos.  
 Iam lego civili miſtum mavorte duellum,

Movit

Movit quod socio Sertorius exful Ibero.  
 Nec rudis hoc avus admoneo, sed mille docendo  
 Ingenia expertus. Multos lactantibus annis  
 Ipse alui: gremioque fovens, & murmura solvens,  
 Eripui tenerum blandis nutricibus aevum.  
 Mox pueros molli monitu, & formidine leni  
 Pellexi, ut mites peterent per acerba profectus,  
 Carpturi dulcem fructum radicis amarae.  
 Idem vesticipes motu jam puberis aevi,  
 Ad mores, artesque bonas, fandique vigorem  
 Produxi: quanquam imperium cervice negarent  
 Ferre, nec insertis praeberent ora lupatis.  
 Ardua temperies, durâ experientia, rarus  
 Eventus, longo rerum spectatus ab usu,  
 Ut regat indocilem mitis censura juventam.  
 Quae tolerata mihi, donec jam aerumna juvaret,  
 Leniretque usu bona consuetudo laborem.  
 Donec ad Augustae pia munera disciplinae  
 Accirer, varioque accingerer auctus honore:  
 Aurea quum parere mihi palatia jussum.  
 Absistat Nemesis: ferat & fortuna jocantem.  
 Praesedi imperio, dum praetextatus in ostro,

Et sceptro, & folio, sibi praefert jura magistri,  
 Majoresque putat nostros Augustus honores.  
 Quos mox sublimi maturus protulit auctu:  
 Quaeſtor ut Augustis, patri, natoque crearer:  
 Ut praefecturam duplēm, ſellamque curulem,  
 Ut trabeam, piftamque togam, mea praemia, consul  
 Induerer: fastisque meis praelatus haberer.  
 His ego quaeſivi meritum quam grande nepoti  
 Consul avus: lumenque tuae praeluceo vitae.  
 Quamvis & patrio jamdudum nomine clarus,  
 Posſes ornatus, posſes honoratus haberi:  
 Accessit tamen ex nobis honor inclytus. Hunc tu  
 Effice, ne sit onus: per te ut connixus in altum  
 Conſcendas; ſperesque tuos, te consule, fasces.

Genethliacon ad eundem Ausonium  
 nepotem. v.

Carmina prima tibi quum jam puerilibus annis  
 Traderet affidui permulcens cura magistri,  
 Imbueretque novas aureis, ſenſusque ſequaces;  
 Ut respondendas docili quoque murmure voces  
 Emendata rudi proferret lingua palato,

**A**ddidimus nil triste senes : ne cura monendi  
**L**aederet, aut dulceis gustus vitiaret amaris.  
**A**t modo, quum motu vigeas jam puberis aevi,  
**F**ortiaque a teneris possis fecernere ; & ipse  
**A**dmonitor morumque tibi, fandique videri :  
**A**ccipe non praecepta quidem, sed vota precantis  
**Q**uin gratantis avi, festum ad sollemne nepotis.  
**A**dnuito, ut reducem fatorum a fine senectam  
**S**ospes agam: festumque diem dubitataque cernam  
**S**idera, deposito prope conclamatus in aevo.  
**H**oc, mellite nepos, duplicato foenore partum  
**N**atali accedente tuo, munusque salutis  
**P**lenius hoc nostrae, quod jam tibi puberis aevi  
**C**rescit honos, juvenemque senex jam cerno nepotem.  
**S**exta tibi haec primo remeat trieteris ab anno,  
**S**eptembres notis referens natalibus Idus.  
**I**dua alma dies, geniis quoque culta deorum.  
**S**extiles Hecate Latonia vendicat Idus ;  
**M**ercurius Majas superorum adjunctus honori.  
**O**ctobres olim genitus Måro dedicat Idus.  
**I**dua saepe colas bissenis mensibus omnes,  
**A**usonii quicunque mei celebraveris Idus.  
**V**ale, nepos dulcissime.

## AVSONIVS Grégorio filio S.

**E**N unquam vidisti nebulam pictam in pariete? Vidisti utique, & meministi. Treveris quippe in triclinio Aeoli fucata est pictura haec: Cupidinem crucifixum mulieres amatrices, non haes de nostro saeculo, quae sponte peccant: sed illae Heroicae, quae sibi ignoscunt, & plectunt deum: quarum partem in lugentibus campis Maro noster enumerat. Hanc ego imaginem specie & argumento miratus sum. Deinde mirandi stuporem transtuli ad ineptiam poetandi. Mihi, praeter lemma, nihil placet. Sed commendabo tibi errorem meum. Naevos nostros & cicatrices amamus: nec soli nostro vitio peccasse contenti, affectamus, ut amentur. Verum quid ego huic eclogae studiose patrocinor? Certius sum, quod cunque meum scieris, amabis. Quod magis specto, quam ut laudes. Vale.

## Cupido cruci affixus. VI.

**A**eris in campus, memorat quos Musa Maronis,  
Myrteus amentes ubi lucus opacat amantes,

Orgia ducebant Heroïdes, & sua quaeque,  
Ut quondam occiderant, leti argumenta gerebant,  
Errantes sylva in magna, & sub luce maligna  
Inter arundineasque comas, gravidumque papaver,  
Et tacitos sine labe lacus, sine murmure rivos:  
Quorum per ripas nebuloso lumine marcent  
Fleti olim regum & puerorum nomina flores,  
Mirator Narcissus, & Oebalides Hyacinthus,  
Et Crocus auricomans, & murice pictus Adonis,  
Et tragicò scriptus gemitu Salaminius Aeas.  
Omnia, quae lacrymis & amoribus anxia moestis  
Exercent memores obita jam morte doloris:  
Rursus in amissum revocant Heroïdas aevum.  
Fulmineos Semele decepta puerpera partus  
Deficit, & ambustas lacerans per inania cunas  
Ventilat ignavum simulati fulminis ignem.  
Irrita dona querens, sexu gavisa virili,  
Moeret in antiquam Caenis revocata figuram.  
Vulnera siccata adhuc Procris: Cephalique cruentam.  
Diligit & percussa manum. Fert fumida testa  
Lumina Sestiaca praeceps de turre puella.  
Et de nimboso saltum Leucate minatur

Mascula Lesbias Sappho peritura sagittis.  
Harmoniae cultus Eriphyle moesta recusat,  
Infelix nato, nec fortunata marito.  
Tota quoque aëriae Minoia fabula Cretas,  
Picturarum instar tenui sub imagine vibrat.  
Pasiphaë nivei sequitur vestigia tauri.  
Licia fert glomerata manu deserta Ariadne.  
Respicit abjectas desperans Phaedra tabellas.  
Haec laqueum gerit: haec vanae simulacra coronae:  
Daedaliae pudet hanc latebras subiisse juvencae.  
Praereptas queritur per inania gaudia noctes  
Laodameia duas, vivi funtique mariti.  
Parte truces alia strictis mucronibus omnes  
Et Thisbe, & Canace, & Sidonis horret Elissa.  
Conjugis haec, haec patris, & haec gerit hospitis  
ensem.  
Errat & ipsa olim, qualis per Latmia saxa  
Endymioneos solita affectare sopores  
Cum face, & astrigero diademate Luna bicornis.  
Centum aliae veterum recolentes vulnera amorum,  
Dulcibus & moestis refovent tormenta querelis.  
Quas inter medias furvae caliginis umbram

Dispulit inconsultus Amor stridentibus alis.  
 Agnovere omnes puerum: memorique recursu  
 Communem sensere reum, quanquam humida circum  
 Nubila & auratis fulgentia cingula bullis,  
 Et pharetram, & rutilae fuscarent lampados ignem.  
 Agnoscent tamen: & vanum vibrare vigorem  
 Occipiunt: hostemque unum loca non sua noctum,  
 Quum pigros ageret densa sub nocte volatus,  
 Facta nube premunt. Trepidantem & cassa parantem  
 Suffugia, in coetum mediae traxere catervae.  
 Eligitur moeste myrtus notissima luco,  
 Invidiosa deum poenis. Cruciaverat illic  
 Spreta olim memorem Veneris Proserpina Adonin.  
 Hujus in excelsa suspensum stipite Amorem,  
 Devinctum post terga manus, substrictaque plantis  
 Vincula moerentem, nullo moderamine poenae  
 Affigunt. Reus est sine criminе, judice nullo  
 Accusatus Amor. Se quisque absolvere gestit,  
 Transferat ut proprias aliena in crimina culpas:  
 Qunctae exprobrantes tolerati insignia leti  
 Expediunt; haec arma putant, haec ultio dulcis,  
 Ut quo quaeque perit, studeat punire dolore.

**Haec laqueum tēnet, haec speciem mucronis inanem**  
**Ingerit: illa cavos amnes, rupemque fragosam,**  
**Insanique metum pelagi, & sine fluctibus aequor.**  
**Nonnullae flamas quatiant, trepidoque minantur**  
**Stridentes nullo igne faces. Rescindit adultum**  
**Myrrha uterum lacrymis lugentibus: inque paventem**  
**Gemmea fletiferi jaculatur succina truncī.**  
**Quaedam ignoscētūm specie ludibria tantum**  
**Sola volunt: stilus ut tenuis sub acumine puncti**  
**Eliciat tenerum, de quo Rosa nata, crōrem;**  
**Aut pubi admoveant petulantia lumina lychni.**  
**Ipsa etiā simili genitrix obnoxia culpae**  
**Alma Venus tantos penetrat secura tumultus.**  
**Nec circumvento properans suffragia nato**  
**Terrorem ingeminat, stimulisque accedit amaris**  
**Ancipites Furias: natique in crimina cōnfert**  
**Dedecus ipsa suum: quod vincula caeca mariti**  
**Deprenso Mavorte tulit: quod pube pudenda**  
**Hellestiōiaci ridetur forma Priapi.**  
**Quod crudelis Eryx; quod semivir Hermaphroditus.**  
**Nec satis in verbis. roseo Venus aurea fert**  
**Moerentem pulsat puerum, & graviora paventem.**

Olli purpureum mulcato corpore rōrem  
 Sutilis expressit crebro rosa verbere: quae, jam  
 Tincta prius, traxit rutilum magis ignea fucum.  
 Inde truces cecidere minae: vindictaque major  
 Crimine visa suo, Venerem factura nocentem.  
 Ipsae intercedunt Heroïdes, & sua quaeque  
 Funera crudeli malunt adscribere fato.  
 Tum grates pia mater agit, cessisse dolentes,  
 Et condonatas pueros dimittere culpas.  
 Talia nocturnis olim simulacra figuris  
 Exercent trepidam cassio terrore quietem.  
 Quae postquam multa perpersus nocte Cupido  
 Effugit, pulsā tandem caligine somni  
 Evolat ad superos, portaque evadit eburna.

## AVSONIUS Paulo suo S. P. D.

PERVINCIS tandem: & operta musarum meatum,  
 quae initiorum velabat obscuritas, quanquam non  
 prophanus, irrumpis, Paule carissime. Quamvis  
 enim te non ejus vulgi existimem, quod Horatius  
 arcet ingressu. tamen sua cuique sacra: nec idem

Cereri quod Libero, etiam sub iisdem cultoribus.  
 Poëmatia, quae in alumnam meam luseram, rudia,  
 & inchoata ad domesticae solatium cantilenæ, quum  
 sine metu arcana securitate fruerentur, proferre ad  
 lucem, caligantia coëgisti. Verecundiae meae scilicet  
 spolium concupisti: aut quantum tibi in me juris  
 esset, ab invito indicari. Ne tu Alexandri Mace-  
 donis pervicaciam supergressus: qui fatalis jugi lora  
 quum solvere non posset, abscidit: & Pythiae spe-  
 cum, quo die nefas erat patere, penetravit. Vtore  
 igitur ut tuis, pari jure, sed fiducia dispari; quippe  
 tua possunt populum non timere; meis etiam intra  
 me erubesco.

Vt volaisti, Paule, cunctos Bissulae versus habes:  
 Lusimus quos in Suevae gratiam virgunculae,  
 Otium magis foventes, quam studentes gloriae.  
 Tu molestus flagitator lege molesta carmina.  
 Tibi, quod intristi, exedendum est; sic vetus verbum  
 jubet;  
 Compedes, quas ipse fecit, ipsus ut gestet faber.

## Ad lectorem hujus libelli.

**C**arminis incompti tenuem lecture libellum,  
 Pone supercilium.  
**S**eria contractis expends poëmata roris.  
 Nos Thymelen sequimur.  
**B**isfula in hoc schedio cantabitur, aut Erasimus.  
 Admoneo, ante bibas.  
**I**ejunis nil scribo. Meum post pocula si quis  
 Legerit, hic sapiet.  
**S**ed magis hic sapiet, si dormiet: & putet ista  
 Somnia missa sibi.

**A**ufonii Bisfula. Vbi nata sit, & quomodo  
 in manus domini venerit. VII.

**B**isfula trans gelidum stirpe & lare profata Rhenum,  
 Conscia nascentis Bisfula Danubii,  
**C**apta manu, sed missa manu, dominatur in ejus  
 Deliciis, cuius bellica praeda fuit.  
**M**atre carens, nutricis egens, nescivit herai  
 Imperium \* \* \* \* \*

Fortunae ac patriae quae nulla opprobria sensit,

Illico inexperto libera servitio.

Sic Latii mutata bonis, Germana maneret

Vt facies, oculos caerulea, flava comas.

Ambiguam modo lingua facit, modo forma puellam,

Haec Rheno genitam praedicat, haec Latio.

### De eadem Bissula.

Delicium, blanditiae, ludus, amor, voluptas,

Barbara, sed quae Latias vincis alumna pupas,

Bissula nomen tenerae rusticulum puellae,

Horridulum non solitis, sed domino venustum.

### Ad pictorem de Bissulae imagine.

Bissula nec ceris, nec fuco imitabilis ullo,

Naturale decus fictae non commodat arti.

Sandyx, & cerussa, alias simulate pueras;

Temperiem hanc vultus nescit manus. Ergo age  
pictor,

Puniceas confunde rosas, & lilia misce.

Quique erit ex illis color aëris, ipse sit oris.

## Ad eundem.

Pingere si nostram, pictor, meditaris alumnam,  
Aemula Cecropias ars imitetur apes.

Precatio Aufonii consulis designati, pridie  
Kal. Ianuarii fascibus sumptis. VIII.

Iane, veni: novus anne, veni: renovate veni Sol,  
Consulis Aufonii Latiam visure curulem.

Ecquid ab Augusta nunc majestate secundum,  
Quod mireris, habes? Roma illa, domusque Quirini,  
Et toga purpurei rutilans praetexta senati,  
Hoc capite aeternis signat sua tempora Fastis.

Anne, bonis coepte auspiciis, da vere salubri  
Apricas ventorum animas, da roscida Cancro  
Solstitia, & gelidum Boream Septembribus horis.

Mordeat Autumnas frigus subtile pruinias;  
Et tenuata modis cefset mediocribus Aestas.

Sementem Notus humificet: sit Bruma nivalis,  
Dum pater antiqui renovatur Martius anni.

Spiret odorato florum nova grátia Maëo.  
Iulius & segetes coquat, & mare temperet Euris.

Sirius ardentem non augeat igne Leonem.  
 Discolor arboreos variet Pomona sapores.  
 Mitiget Autumnus, quod maturaverit Aestas,  
 Et genialis Hyems parta sibi dote fruatur.  
 Pacem mundus agat: nec turbida sidera regnent.  
 Nulla tuos Gradive offendat stella penates.  
 Quae non aequa tibi; non Cynthia, non celer Arcas  
 Finitimus terris: non tu, Saturne, supremo  
 Ultimo circuitu. Procul a Pyroente remotus  
 Tranquillum properabis iter. Vos cominus ite  
 Stella salutigeri Iovis, & Cythereie Vesper.  
 Nonnunquam hospitibus facilis Cyllelius adsit.

Iane, veni: novus anne, veni: renovate veni Sol.  
 Hostibus edomitis, qua Francia mixta Suevis  
 Certat ad obsequium, Latiis ut militet armis:  
 Qua vaga Sauromates sibi junxerat agmina Chuni,  
 Quaque Getes sociis Histrum adsultabat Alanis,  
 (Hoc mihi praepetibus victoria nuntiat alis.)  
 Iam venit Augustus, nostros ut comat honores,  
 Officio exornans, quos participare cupisset.  
 Iane, veni: novus anne, veni: renovate veni Sol.  
 Autea venturo Sol porridge gaudia Iano:

**F**ascibus Ausonii succedet Caesar in annum,  
**Q**uintam Romulei praetextam habiturus honoris.  
**E**cce ubi se cumulat mea purpura (mitibus audi  
**A**uribus hoc Nemesis) post me dignatur oriri  
**A**ugustus consul. Plus quam conferre videtur  
**M**e sibi: qui jussit nostros praecedere fasces.  
**I**ane, veni: novus anne, veni: renovate veni Sol.  
**C**oge secuturos bis fena per ostia menes.  
**T**u tropicum soli da cedere; rursus & illum  
**T**erga dare, ut duplex tropicus varietur ab astro,  
**E**t quater a ternis properet mutatio signis.  
**A**estivos impelle dies, brumamque morantem  
**N**octibus adceleret promissus Caesaris annus.  
**I**llum ego si cernam, tum terque quaterque beatus,  
**T**unc ero bis consul, tunc tangam vertice coelum.

Item precatio Kalendis Ianuariis. IX.

**A**nne, bonis coepte auspiciis, felicia cernis  
**C**onsulis Ausonii primordia: prome coruscum  
**S**ol aeterne caput: solitoque inlustrior, almo  
**L**umine purpureum jubar exere lucis eoae.  
**A**nne, pater rerum, quas Iani mensa bifrontis

Volvis in hybernum glaciali fine Decembrem,  
 Anne, veni, & festum veteris novus adspice Iani.  
 Solemnes pervade vias, biffenaque mundo  
 Curricula æquatis varians per tempora signis,  
 Praecipitem aeterna perfer vertigine cursum;  
 Sic prono raptate polo, contraria Phoebus  
 Ut momenta ferat servata parte dierum,  
 Et novus hyberno reparet sua lumina pulsu.  
 Menstrua ter decies redeunt dum cornua Lunae,  
 Exertus, obitusque manu volente rotabis,  
 Legitimum Phoebi cohibens per signa meatum.

Aufonii Mosella. x.

Transieram celarem nebulofo lumine Navam,  
 Addita-miratus veteri nova moenia vico:  
 Aequavit Latias ubi quondam Gallia Cannas:  
 Infletaeque jacent inopes super arva catervae.  
 Vnde iter ingrediens nemorosa per avia solum,  
 Et nulla humani spectans vestigia cultus,  
 Praetereo arentem sitientibus undique terris  
 Dumnissum, riguasque perenni fonte Tabernas,  
 Arvaque Sauromatum nuper metata colonis:

Et

Et tandem primis Belgarum conspicor oris  
 Nivomagum, adivi castra inclyta Constantini.  
 Purior hic campis aër: Phoebusque sereno  
 Lumine purpureum referat jam sudus Olympum.  
 Nec jam, consertis per mutua vincula ramis,  
 Quaeritur exclusum viridi caligine caelum:  
 Sed liquidum jubar, & rutilam visentibus aethram  
 Libera perspicui non invidet aura diei.  
 In speciem quum me patriae, cultumque nitentis  
 Burdigalae, blando pepulerunt omnia visu,  
 Culmina villarum pendentibus edita ripis,  
 Et virides Baccho colles, & amoena fluenta  
 Subterlabentis tacito rumore Mosellae.

Salve amnis laudate agris, laudate colonis,  
 Dignata imperio debent cui moenia Belgae:  
 Amnis odorifero juga vitea confite Baccho,  
 Confite gramineas amnis viridissime ripas:  
 Naviger, ut pelagus; devexas pronus in undas,  
 Ut fluvius; vitroque lacus imitate profundo;  
 Et rivos trepido potis aequiparare meatu,  
 Et liquido gelidos fontes praecellere potu,  
 Omnia solus habes, quae fons, quae rivus, & amnis,

Et lacus, & bivio refluus manamine pontus.

Tu placidis prolapsus aquis, nec murmura venti  
Villa, nec occulti pateris luctamina faxi.

Non superante vado rapidos reparare meatus  
Cogeris, extantes medio non aequore terras  
Interceptus habes: justi ne demat honorem  
Nominis, exclusum si dividat insula flumen.

Tu duplices sortite vias, & quum amne secundo  
Defluis, ut celeres feriant vada concita remi:  
Et quum per ripas nusquam cessante remulco  
Intendunt collo malorum vincula nautae.

Ipse tuos quotiens miraris in amne recursus,  
Legitimosque putas prope segnius ire meatus?  
Tu neque limigenis ripam praetexeris ulvis,  
Nec piger immundo perfundis littora coeno:  
Sicca sed in prima aspergis vestigia lympha.

I nunc, & Phrygiis sola levia confere crustis,  
Tendens marmoreum laqueata per atria campum.  
Ast ego despectis, quae census opesque dederunt,  
Naturae mirabor opus, non cura nepotum,  
Laetaque jacturis ubi luxuriatur egestas.



lidae sternunt humentia littora harenæ,

**Nec retinent memores vestigia pressa figuræ.**  
**Spectaris vitrea per levia terga profundo,**  
**Secreti nihil amnis habens, utque almus aperto**  
**Panditur intuitu liquidis obtutibus aër,**  
**Nec placidi prohibent oculos per inania venti:**  
**Sic demersa procul durante per intima visu**  
**Cernimus, arcanique patet penetrale fluenti:**  
**Quum vada lene meant, liquidarum & lapsus aquarum**  
**Prodit caerulea dispersas luce figuræ:**  
**Quod sulcata levi crispatur harena meatu:**  
**Inclinata tremunt viridi quod gramina fundo.**  
**Vtque sub ingenuis agitatae fontibus herbae**  
**Vibrantes patiuntur aquas: lucetque, latetque**  
**Calculus: & viridem distinguit glarea muscum.**  
**Nota Caledoniis talis pictura Britannis,**  
**Quum virides algas, & rubra corallia nudat**  
**Aestus, & albentes concharum germina baccas,**  
**Delicias hominum locupletum, quaeque sub undis**  
**Assimulant nostros imitata monilia cultus.**  
**Haud aliter placidae subter vada laeta Mosellæ,**  
**Detegit admixtos non concolor herba lapillos.**  
**Intentos tamen usque oculos errore fatigant**

Et lacus, & bivio refluu-

Tu placidis prolapsus aqua-

Villa, nec occulti pateris'

Non superante vado rapi'

Cogeris, extantes medio

Interceptus habes: justi ne

Nominis, exclusum si divid

Tu duplices sortite vias, &

Defluis, ut celeres feriant vad

Et quum per ripas nusquam ce

Intendunt collo malorum vinc

Ipse tuos quotiens miraris in

Legitimosque putas prope segni

Tu neque limigenis ripam pro

Nec piger immundo perfundis

Sicca sed in prima aspergis v

I nunc, & Phrygiis sola le

Tendens marmoreum laqueat.

Ast ego despectis, quae censu-

Naturae mirabor opus, non co-

Laetaque jaetoris ubi luxuriatur

Hic solidae sternunt humentia li-

Transferim, latae cuius vaga verbera caudae  
 Gurgite de medio summas referuntur in undas,  
 Occultus placido cum proditur aequore pulsus.  
 Tu loricato squamosus pectore, frontem  
 Lubricus, & dubiae facturus fercula coenae,  
 Tempora longarum fers incorrupte morarum,  
 Praesignis maculis capitis: cui prodiga nutat  
 Alvus, opimatoque fluens abdomine venter.  
 Quaeque per Illyricum, per stagna binominis Istri,  
 Spumarum indiciis caperis Mustella natantum,  
 In nostrum subiecta fretum, ne lata Mosellae  
 Flumina tam celebri defraudarentur alumno.  
 Quis te naturae pinxit color? atra superne  
 Puncta notant tergum, quae lutea circuit Iris.  
 Lubrica caeruleus perducit tergora fucus.  
 Corporis ad medium fartim pingueſcis: at illinc  
 Vixque sub extremam squallet cutis arida caudam.  
 Nunc te delicias mensarum Perca filebo,  
 Nos inter pisces dignande marinis,  
 Uniceis facilis contendere Mullis:  
 Ieque gustus iners, solidoque in corpore partes  
 Marinis evanescunt, sed dissociantur aristis.

Interludentes examina lubrica pisces.  
 Sed neque tot species, obliquatosque natatus,  
 Quaeque per adversum succedunt agmina flumen,  
 Nominaque, & cunctos numerosae stirpis alumnos  
 Edere fas. Haud ille finit: cui cura secundae  
 Sortis, & aequorei cessit tutela tridentis.

Tu mihi flumineis habitatrix Naës in oris,  
 Squamigeri gregis ede choros, liquidoque sub alveo  
 Differe caeruleo fluitantes amne catervas.

Squameus herbosas Capito interlucet harenas  
 Viscere præ tenero fartim congestus aristis,  
 Nec duraturus post bina trihora mensis.  
 Purpureisque Salar stellatus tergora guttis,  
 Et nullo spinae nociturus acumine Redo.  
 Effugiensque oculos celeri levis Vmbra natatu.  
 Tuque per obliqui fauces vexate Saravi,  
 Qua bis terna fremunt scopulosis ostia pilis,  
 Quum defluxisti famae majoris in annem,  
 Liberior laxos exerces Barbe natatus.  
 Tu melior pejore aevo; tibi contigit omni  
 Spirantum ex numero non inlaudata senectus.  
 Nec te puniceo rutilantem viscere Salmo

**T**ransierim, latae cuius vaga verbera caudae  
**G**urgite de medio summas referuntur in undas,  
**O**ccultus placido cum proditur aequore pulsus.  
**T**u loricato squamosus pectore, frontem  
**L**ubricus, & dubiae facturus fercula coenae,  
**T**empora longarum fers incorrupte morarum,  
**P**raesignis maculis capitisi: cui prodiga nutat  
**A**lvus, opimatoque fluens abdomine venter.  
**Q**uaeque per Illyricum, per stagna binominis Istri,  
**S**pumarum indiciis caperis Mustella natantum,  
**I**n nostrum subiecta fretum, ne lata Mosellae  
**F**lumina tam celebri defraudarentur alumno.  
**Q**uis te naturae pinxit color? atra superne  
**P**uncta notant tergum, quae lutea circuit Iris.  
**L**ubrica caeruleus perducit tergora fucus.  
**C**orporis ad medium fartim pingueſcis: at illinc  
**V**isque ſub extremam iſquallat cutis arida caudam.  
**N**ec te delicias mensarum Perca filebo,  
**A**mnigenos inter pisces dignande marinis,  
**S**olus puniceis facilis contendere Mullis:  
**N**am neque gustus iners, ſolidoque in corpore partes  
**S**egmentis coēunt, fed diſſociantur aristis.

Hic etiam Latio risus praenomine, cultor  
 Stagnorum, querulis vis infestissima ranis  
 Lucius, obscuras ulva coenoque lacunas  
 Obsidet. Hic nulos mensarum lectus ad usus,  
 Fervet fumosis olido nidore popinis.  
 Quis non & virides volgi solatia Tincas  
 Norit, & Alburnos praedam puerilibus hamis,  
 Tridentesque focis opsonia plebis Alaustas?  
 Teque inter species geminas, neutrumque, &  
 utrumque,  
 Qui necdum Salmo, nec jam Salar, ambiguusque  
 Amborum medio Fario intercepte sub aevo?  
 Tu quoque flumineas inter memorande cohortes  
 Gobio, non major geminis sine pollice palmis,  
 Praepinguis, teres, ovipara congestior alvo:  
 Propexique jubas imitatus Gobio Barbi.  
 Nunc pecus aequoreum celebrabere magne Silure:  
 Quem velut Actaeo perductum tergora olivo  
 Amnicolam Delphina reor. Sic per freta magnum  
 Laberis, & longi vix corporis agmina solvis,  
 Aut brevibus defensa vadis, aut fluminis ulvis.  
 Aut quum tranquillos moliris in amne meatus,

Te virides ripae, te caerulea turba natantum,  
 Te liquidae mirantur aquae. Diffunditur alveo  
 Aestus, & extremi procurrunt margine fluctus.  
 Talis Atlantiaco quondam Balaena profundo,  
 Quum vento motuve suo telluris ad oras  
 Pellitur, exclusum fundit mare; magna que surgunt  
 Aequora; vicinique timent decrescere montes.  
 Hic tamen, hic nostrae mitis Balaena Mosellae,  
 Exitio procul est: magnoque honor additus amni.

Iam liquidas spectasse vias, & lubrica pisces  
 Agmina, multiplicesque satis numerasse catervas.  
 Inducant aliam spectacula vitea pompam:  
 Sollicitentque vagos baccheia munera visus:  
 Qua sublimis apex longo super ardua traxit  
 Et rupes, & aprica jugi, flexusque, sinusque,  
 Vitibus assurgunt, naturalique theatro.  
 Gauranum sic alma jugum vindemia vestit.  
 Et Rhodopen, proprioque nitent Pangaea Lyaeo.  
 Sic viret Ismarius super aequora Thracia collis.  
 Sic mea flaventem pingunt vineta Garumnam.  
 Summis quippe jugis tendentis in ultima clivi,  
 Conseritur viridi fluvialis margo Lyaeo.

Laeta operum plebes, festinantesque coloni  
 Vertice nunc summo properant, nunc dejuge dorso,  
 Certantes stolidis clamoribus: Inde viator  
 Riparum subiecta terens, hinc navita labens,  
 Probra canunt feris cultoribus; adstrepit ollis  
 Et rupes, & sylva tremens, & concavus amnis.

Nec solos hominum delectat scena locorum.  
 Hic ego & agrestes Satyros, & glauca tuentes  
 Naïdas, extremis credam concurrere ripis,  
 Capripedes agitat cum laeta protervia Panas,  
 Insultantque vadis, trepidasque sub amne sorores  
 Terrent, indocili pulsantes verbere fluctum.  
 Saepe etiam mediis furata e collibus uvas  
 Inter Oreïadas Panope fluvialis amicas,  
 Fugit lascivos paganica numina Faunos.  
 Dicitur, & medio quum sol stetit igneus orbe,  
 Ad commune fretum, Satyros, vitreasque sorores,  
 Confortes celebrare choros: quum praebuit horas  
 Secretas hominum coetu flagrantior aestus.  
 Tunc insultantes sua per freta ludere Nymphas,  
 Et Satyros mersare vadis, rudibusque natandi  
 Per medias exire manus; dum lubrica falso

Membra petunt, liquidosque fovent pro corpore  
fluctus.

Sed non haec spectata ulli, nec cognita visu,

Fas mihi sit pro parte loqui: secreta tegatur,

Et commissa suis lateat reverentia rivis.

Illa fruenda palam species, quum glaucus opaco

Respondet colli fluvius: frondere videntur

Fluminei latices, & palmite consitus amnis.

Quis color ille vadis, seras quum protulit umbras

Hesperus, & viridi perfundit monte Mosellam?

Tota natant crispis juga motibus, & tremit absens

Pampinus, & vitreis vindemia turget in undis:

Adnumerat virides derisus navita vites,

Navita caudiceo fluitans super aquora lembo,

Per medium, qua fese amni confundit imago

Collis, & umbrarum confinia conserit amnis.

Haec quoque quam dulces celebrant spectacula  
pompas,

Remipedes medio certant quum flumine lembi,

Et varios ineunt flexus, viridesque per oras

Stringunt attonsis pubentia germina pratis!

Puppibus, & proris alacreis gestire magistros,

Impubemque manum super amnica terga vagantem  
Dum spectat, transire diem, sua feria, ludo  
Post habet: excludit veteres nova gratia curas.  
Tales Cumano despectat in aequore ludos  
Liber, sulphurei quum per juga consita Gauri,  
Perque vaporiferi graditur vineta Vesevi:  
Quum Venus Aetiacis Augusti laeta triumphis,  
Ludere lascivos fera praelia jussit Amores;  
Qualia Niliacae classes, Latiaeque triremes  
Subter Apollineae gesserunt Leucados arces:  
Aut Pompejani Mylasena pericula belli  
Euboicae referunt per Averna sonantia cymbae,  
Innocuos ratium pulsus, pugnasque jocantes  
Naumachiae, Siculo quales spectante Peloro  
Caeruleus viridi reparat sub imagine pontus.  
Non aliam speciem petulantibus addit ephebis  
Pubertasque amnis, & picti rostra phaselli.  
Hos Hyperionio quum sol perfuderit aestu,  
Reddit nautales vitreo sub gurgite formas,  
Et redigit pandas inversi corporis umbras.  
Vtque agiles motus dextra, laevaque frequentant,  
Et commutatis alternant pondera remis,

Vnde refert alios simulacra humentia nautas.  
 Ipsa suo gaudet simulamine nautica pubes.  
 Fallaces fluvio mirata redire figuræ.  
 Sic ubi compositos ostentatura capillos,  
 Cudentem late speculi explorantis honorem  
 Quam primum caræ nutrix admovit alumnae,  
 Laeta ignorato fruitur virguncula ludo,  
 Germanaeque putat formam spectare puellæ:  
 Oscula fulgenti dat non referenda metallo:  
 Aut fixas prætentat acus; aut frontis ad crânum  
 Vibratis coepiat digitis extendere crines:  
 Talis ad umbrarum ludibria nautica pubes  
 Ambiguis fruitur veri falsique figuræ.

Iam vero accessus facileis qua ripa ministret,  
 Scrutatur toto populatrix turba profundos  
 Heu male defensus penetrati humine pescat  
 Hic medio procul anno trahens humentia linea,  
 Nodosis decepta plagiæ examina verrit;  
 Ast hic tranquillo qua labitur agmina humon,  
 Dicit corticeis fluitantia retia signis.  
 Ille autem scopulis subjectas pronus in undas,  
 Inclinat lentæ convexa cacumina virgæ,

Indutos efcis jaciens letalibus hamos.  
Quos ignara doli postquam vaga turba natantum  
Rictibus invasit, patulaeque per intima fauces  
Sera occultati senserunt vulnera ferri:  
Dum trepidant, subit indicium: crispoque tremori  
Vibrantis setae nutans consentit harundo.  
Nec mora: & excussam stridenti verbere praedam  
Dextera in obliquum raptat puer. Excipit istum  
Spiritus, ut fractis quondam per inane flagellis  
Aura crepat, motoque adsibilat aëre ventus.  
Exsultant udae super arida saxa rapinae,  
Luciferique pavent letalia tela diei.  
Quinque sub amne suo mansit vigor, aëre nostro  
Segnis anhelatis vitam consumit in auris.  
Iam piger invalido vibratur corpore plausus;  
Torpida supremos patitur jam cauda tremores,  
Nec coēunt rictus: haustas sed hiatibus auras  
Reddit mortiferos exspirans branchia fatus.  
Sic ubi fabriles exercet spiritus ignes,  
Accipit alterno cohibetque foramine ventos  
Lanea fagineis alludens parma cavernis.  
Vidi egomet quosdam leti sub fine trementes,

Collegisse animas : mox in sublime citatos,  
 Cernua subiectum preeeps dare corpora in amnem  
 Desperatarum potentes rursus aquarum.  
 Quos impos damni puer inconsultus ab alto  
 Impetit, & stolido captat prensare natatu.  
 Sic Anthedonius Boeotia per freta Glaucus  
 Gramina gustatu postquam exitialia Circes  
 Expertus , carptas moribundis piscibus herbas  
 Sumpfit, Carpathium subiit novus accola pontum.  
 Ille hamis & rete potens , scrutator operti  
 Nereos, aequoream solitus converrere Tethyn ,  
 Inter captivas fluitavit praedo catervas.  
 Talia despectant longo per caerula tractu  
 Pendentes saxis instanti culmine villae.  
 Quas medius dirimit sinuosis flexibus errans  
 Amnis : & alternas comunt praetoria ripas.  
 Quis modo Sestiacum pelagus Nepheleidos Helles  
 Aequor , Abydeni freta quis miretur ephebi ?  
 Quis Chalcedonio constratum ab littore pontum ,  
 Regis opus Magni , mediis euripus ubi undis ,  
 Europaeque Asiaeque vetat concurrere terras ?  
 Non hic dira freti rabies , non saeva furentum

Proelia Caurorum. Licit hic commercia linguae  
Iungere, & alterno sermonem texere pulsu.  
Blanda salutiferas permiscent littora voces,  
Et voces, & penè manus: resonantia utrinque  
Verba refert, medlis concurrens fluctibus Echo.

Qui potis, innumeros cultusque habitusque retexens,  
Pandere tectonicas per singula praedia formas?  
Non hoc spernat opus Gortynius aliger, aedis  
Conditor Euboïcae, casus quem fingere in auro  
Conantem Icarios, patrii pepulere dolores.  
Non Philo Cecropius: non qui laudatus ab hoste,  
Clara Syracosii traxit certamina belli.  
Forsitan & insignes hominumque operumque labores  
Hic habuit decimo celebrata volumine Marci  
Hebdomas. Hic clari viguere Menecratis artes,  
Atque Ephesi spectata manus: vel in arce Minervae  
Ictinus; magico cui Noctua perlita fuco  
Allicit omne genus volucres, perimitque tuende.  
Conditor hic forsan fuerit Ptolemaïdos aulae  
Dinochares: quadro cui in fastigia cono  
Surgit, & ipsa suas consumit Pyramis umbras.  
Iussus ob incesti qui quondam foedus amoris

Arsinoen Pharii suspendit in aëre templi.  
 Spirat enim tecti testudine Cœrus Achates,  
 Afflictamque trahit ferrato crine puellam.  
 Hos ergo aut horum similes est credere dignum  
 Belgarum in terris scenas posuisse domorum,  
 Molitos celsas fluvii decoramina villas.  
 Haec est nativi sublimis in aggere faxi.  
 Haec procurrentis fundata crepidine ripae.  
 Haec refugit, captumque sinu sibi vindicat amnem.  
 Illa tenens collem, qui plurimus imminet amni,  
 Vsurpat faciles per culta, per aspera, visus:  
 Utque suis fruitur dives speculatio terris.  
 Quin etiam riguis humili pede condita pratis  
 Compensat celsi bona naturalia montis,  
 Sublimique minans irrumpit in aethera tecto,  
 Ostentans altam, Pharos ut Memphitica, turrim.  
 Huic proprium est clausos conseruo gurgite pisces  
 Apricas scopulorum inter captare novales.  
 Haec summis innixa jugis labentia subter  
 Flumina despiciunt jam caligante tuetur.  
 Atria quid memorem viridantibus assita pratis?  
 Innumerisque super nitentia tecta columnis?

Quid quae fluminea substructa crepidine fumant  
 Balnea, ferventi cum Mulciber haustus operto  
 Volvit anhelatas tectoria per cava flamas,  
 Inclusum glomerans aestu exspirante vaporem?  
 Vidi ego defessos multo sudore lavacri  
 Fastidisse lacus, & frigora piscinarum,  
 Ut vivis fruerentur aquis; mox amne refotos  
 Plaudenti gelidum flumen pepulisse natatu.  
 Quod si Cumanis huc afforet hospes ab oris,  
 Crederet Euboicas simulacula exilia Bajas  
 His donasse locis: tantus cultusque nitorque  
 Allicit, & nullum parit oblectatio luxum.

Sed mihi qui tandem finis tua glauca fluenta  
 Dicere? dignandumque mari memorare Mosellam?  
 Innumeris quod te diversa per ostia late  
 Incurrunt amnes? Quanquam differre meatus  
 Possent: sed celerant in te consumere nomen.  
 Namque & Pronaeae Nemesaeque, adjuta meatu  
 Sura tuas properat non degener ire sub undas,  
 Sura interceptis tibi gratificata fluentis:  
 Nobilius permixta tuo sub nomine, quam si  
 Ignoranda patri confunderet ostia ponto.

Te rapidus Gelbis, te marmore clarus Erubrus  
 Festinant famulis quam primum adlambere lymphis,  
 Nobilibus Gelbis celebratus piscibus: ille  
 Praecipi torquens cerealia faxa rotatu,  
 Stridentesque trahens per levia marmora ferras  
 Audit perpetuos ripa ex utraque tumultus.  
 Praestereo exilem Lesuram, tenuemque Drahonum;  
 Nec fastiditos Salmonae usurpo fluores.  
 Naviger undifona dudum me mole Saravus  
 Tota veste vocat: longum qui distulit amnem,  
 Fessa sub Augustis ut voveret ostia muris.  
 Nec minor hoc, tacitum qui per sola pinguia labens  
 Stringit frugiferas felix Alisontia ripas,  
 Mille alii, prout quemque suus magis impetus urget;  
 Esse tui cupiunt. Tantus properantibus undis  
 Ambitus, aut moles. Quod si tibi, dia Mosella,  
 Smyrna suum vatem, vel Mantua clara dedisset:  
 Cederet Iliacis Simois memoratus in oris,  
 Nec praeferre fuos auderet Tibris honores.  
 Da veniam mihi, Roma potens. Pulta, oro, facessat  
 Invidia: & Latiae Nemesis non cognita linguae,  
 Imperii sedem, Romaeque tuere parentes.

Salve magne parens frugumque virumque Mosella.  
 Te clari proceres, te bello exercita pubes,  
 Aemula te Latiae decorat facundia linguae.  
 Quin etiam mores, & laetum fronte severa  
 Ingenium, natura tuis concessit alumnis.  
 Nec sola antiquos ostentat Roma Catones:  
 Aut unus tantum justi spectator & aequi  
 Pollet Aristides, veteresque illustrat Athenas.  
 Verum ego quid laxis nimium spatiatus habenis  
 Vixus amore tui praeconia dero? Conde  
 Musa chelyn, pulsis extremo carmine nervis.  
 Tempus erit, quum me studiis ignobilis otii  
 Mulcentem curas, seniique aprica foventem,  
 Materiae commendet honos: quum facta viritim  
 Belgarum, patriosque canam decora inclyta mores.  
 Mollia subtili nebunt mihi carmina filo  
 Pierides, tenuique aptas subtegmine telas  
 Percurrent: dabitur nostris quoque purpura fusis.  
 Quis mihi tum non dictus erit? Memorabo quietos  
 Agricolas; legumque catos, fandiisque potentes,  
 Praefidum sublime reis; quos curia summos  
 Municipum vidit proceres, propriumque senatum:

Quos praetextati celebris facundia ludi  
 Contulit ad veteris p̄aeconia Quintilianī.  
 Quique suas rexere urbes, purumque tribunal  
 Sanguine, & innocuas illustravere secures;  
 Aut Italum populos, aquilonigenasque Britannos  
 Praefecturarum titulo tenuere secundo.  
 Quique caput rerum Romam, populumque patresque  
 Tantum non primo rexit sub nomine; quamvis  
 Praefuerit primis, festinat solvere tandem  
 Errorem, fortunæ, tuum, libataque supplens  
 Praemia jam, veri fastigia reddet honoris  
 Nobilibus repetenda nepotibus. At modo coeptum  
 Detexatur opus: dilata & laude virorum,  
 Dicamus laeto per rura virentia tractu  
 Felicem fluvium, Rhenique sacremus in undis.  
 Caeruleos nunc Rhene sinus, hyaloque virentem  
 Pande peplum, spatiumque novi metare fluenti,  
 Fraternis cumulandus aquis. Nec praemia in undis  
 Sola, sed Augustæ veniens quod moenibus urbis  
 Spectavit junctos natique patrisque triumphos,  
 Hostibus exactis Nicrum super, & Lupodunum,  
 Et fontem Latiis ignotum annalibus Histri.

Haec profligati venit modo lauria belli:  
 Mox alias aliasque foret. Vos pergit euncti,  
 Et mare purpureum gemino propellite tractu.  
 Neu vereare minor, pulcherrime Rhene, videri,  
 Invidiae nil hospes habet. Potiere perenni  
 Nomine. Tu fratrem, famae securus, adopta.  
 Dives aquis, dives Nymphis, largitor utriusque  
 Alveus extendet geminis divertia ripis,  
 Communesque vias diversa per ostia fundet.  
 Accedent vires, quas Francia, quasque Chamaves,  
 Germanique tremant: tunc verus habebere limes.  
 Accedet tanto geminum tibi nomen ab amni.  
 Quumque unus de fonte fluas, dicere bicornis.  
 Haec ego, VIVISCA ducens ab origine gentem,  
 Belgarum hospitiis nunc per nova foedera notus,  
 Ausonius, nomen Latium, patriaque, domoque  
 Gallorum extremos inter, celsamque Pyrenen,  
 Temperat ingenuos qua laeta Aquitania mores,  
 Audax exigua fide concino. Fas mihi sacrum  
 Perstrinxisse amnem tenui libamine Musae.  
 Nec laudem affecto. Veniam peto. Sunt tibi multi  
 Alme amnis, sacros qui sollicitare fluores

Aonidum, totamque solent haurire Aganippen.  
 Ast ego quanta mei dederit se vena liquoris,  
 Burdigalam quum me in patriam, nidumque senectae  
 Augustus pater, & natus, mea maxima cura,  
 Fascibus Ausoniis decoratum & honore curuli  
 Mittent, emeritae post tempora disciplinae,  
 Latius Arctoi paeconia persequar amnis.  
 Addam urbes, tacito quas subterlaberis alveo:  
 Moeniaque antiquis te prospectantia muris:  
 Addam, praefidiis dubiarum condita rerum,  
 Sed modo securis non castra, sed horrea Belgis.  
 Addam felices ripa ex utraque colonos,  
 Teque inter medios hominumque boumque labores,  
 Stringentem ripas, & pinguis culta secantem.  
 Non tibi se Liger anteferet, non Axona paeceps;  
 Matrona non, Gallos, Belgasque intersita fines;  
 Santonico refluxus non ipse Carantonus aestu.  
 Concedes gelido Durani de monte volutus  
 Amnis: & auriferum postponet Gallia Tarnem.  
 Insanumque ruens per faxa rotantia late  
 In mare purpureum, dominae tamen ante Mosellae  
 Numine adorato, Tarbellicus ibit Aturrus.

Corniger externas celebrande Mosella per oras,  
 Nec solis celebrande locis, ubi fonte supremo  
 Exeris auratum taurinae frontis honorem:  
 Quaque trahis placidos sinuosa per arva meatus:  
 Vel qua Germanis sub portibus ostia solvis:  
 Si quis honos tenui volet aspirare camenae,  
 Perdere si quis in his dignabitur otia musis,  
 Ibis in ora hominum, laetoque fovebere cantu.  
 Te fontes, vivique lacus, te caerulea noscent  
 Flumina: te veteres pagorum gloria luci;  
 Te Druna, te sparsis incerta Druentia ripis,  
 Alpinique colent fluvii, duplicemque per urbem  
 Qui meat, & Dextrae Rhodanus dat nomina ripae.  
 Te stagnis ego caeruleis, magnumque sonoris  
 Amnibus, aequoreae te commendabo Garumnae.

### AVSONIVS Symmacho S.

**L**ATERBAT inter nugas meas libellus ignobilis:  
 utinamque latuisset; neque indicio suo, tanquam  
 forex, periret. Hunc ego quum, velut gallinaceus  
 Euclionis, situ chartei pulveris eruisse, excussum  
 relegi: atque ut avidus foenerator, improbum num-

mum malui occupare, quam condere. Dein cogitans mecum, non illud Catullianum,

*Cui dono lepidum novum libellum:*  
*sed αμερότερον, & verius:*

*Cui dono illepidum, rudem libellum:*  
non diu quaeſivi. Tu enim occurſisti quem ego,  
ſi mihi potestas fit ex omnibus diligendi unum,  
ſemper elegerim. Mihi itaque ad te frivola, geris  
Siculis vaniora: ut quum agis nihil, haec legas:  
& ne nihil agas, defendas. Igitur iſte nugator libellus, jam diu ſecreta quidem, ſed vulgi lectione laceratus, perveniet tandem in manus tuas. Quem tu aut, ut Aesculapius, redintegrabis ad vitam:  
aut, ut Plato, juvante Vulcano, liberabis infamia,  
ſi pervenire non debet ad famam. Fuit autem in epiolae hujus iſta materia. In expeditione, quod tempus, ut ſcis, licentiae militaris eſt, ſuper mensam meam facta eſt invitatio, non illa de Rubrii convivio, ut Graeco more biberetur; ſed illa de Flacci ecloga, in qua propter mediam noctem, & novam lunam, & Murenae auguratum, ternos tef cyathos attonitus petit vates. Hunc locum de ter-

nario numero illico nostra illa poëtica scabies coepit, exscalpere: cuius morbi quoniam facile contagium est, utinam ad te quoque prurigo commigret: & fuco tuae emendationis adjecto, impingas spongiam, quae imperfectum opus equi male spumantis absolvat. Ac ne me neficias gloriosum, coepitos inter prandendum versiculos ante coenae tempus absolvi: hoc est, dum bibo, & paulo ante quam biberem. Sit ergo examen pro materia & tempore. Sed tu quoque hoc ipsum paulo hilior & dilutior lege; namque injurium est, de poëta male sobrio lectorem abstemium judicare. Neque me fallit fore aliquem, qui hunc jocum nostrum acutis naribus, & caperata fronte condemnet: negetque me omnia, quae ad ternarium & novenarium numeros pertinent, attigisse. Quem ego verum dicere fatebor; juste, negabo. Quippe si bonus est, quae omisi, non oblitam mihi, sed praeterita existimet. Dehinc qualiscunque est, cogitet secum, quam multa de his non reperifset, si ipse quaevisset. Sciat etiam me nec omnibus erutis usum, & quibusdam oblatis abusum. Quam multa enim de ternario sciens neglexi! Tempora, &

personas, genera, & gradus, novem naturalia metra cum trimetris, totam grammaticam, & musicam; librosque medicinae, ter maximum Hermen, & amatorem primum philosophiae, Varronisque numeros, & quicquid prophanum vulgus non ignorat. Postremo, quod facile est, quum ipse multa invenierit, comparet se atque me, occupatum cum ocioso, pransum cum abstemio, jocum & ludum meum, diligentiam & calumniam suam. Alius enim alio plura invenire potest: nemo omnia. Quod si alicui & obscurus videbor: apud eum me sic tuebere. Primum ejusmodi epyllia nisi vel obscura sint, nihil futura; deinde numerorum naturam non esse scir-  
pum, ut sine nodo sint. Postremo, si etiam tibi obscurus fuero, cui nihil neque non lectum est, neque non intellectum: tum vero ego beatus, quod affectavi, assequar, me ut requiras, me desideres, de me cogites. Vale.

### Gryphus Ternarii numeri. xi.

**T**er bibe, vel totiens ternos; sic mystica lex est,  
Vel tria potanti, vel ter tria multiplicanti,

**I**mparibus novies ternis contexere coebum.  
Iuris idem tribus est, quod ter tribus, omnia in istis.  
Forma hominis coepti, plenique exactio partus,  
Quique novem novies fati tenet ultima finis.  
Tres Ope progeniti fratres, tres ordine partae  
Vesta, Ceres, & Juno, secus muliebre, sorores.  
Inde trisulca Iovis sunt fulmina. Cerberus inde;  
Inde tridens: triplexque Helenes cum fratribus ovum.  
Ter nova Nestoreos implevit purpura fusos.  
Et totiens terno cornix vivacior aevo.  
Quam novies terni glomerantem saecula tractus  
Vincunt aeripedes ter terno Nestore cervi,  
Tres quorum aetas superat Phoebeius oscen,  
Quem novies senior Gangeticus anteit ales,  
Ales Cinnamèo radiatus tempora nido.  
Tergemina est Hecate, tria virginis ora Diana:  
Tres Charites. Tria Fata. Triplex vox. Trina elementa.  
Tres in Trinacria Siredones; omnia terna:  
Tres volucres, tres semideae, tres semipuellae:  
Ter tribus ad palmam jussae certare Camoenis,  
Ore, manu, flatu: buxo, fide, voce canentes.  
Tres Sophiae partes: tria Punica bella. Trimestres

Annorum caelique vices: noctisque per umbram  
Tergemini vigiles. Ter clara instantis Eoi  
Signa canit serus depresso Marte satelles.  
Et qui conceptus triplicatae vespera noctis,  
Iussa quater ternis adfixit opima tropaeis.  
Et Lyrici vates numero sunt Mnemosynarum.  
Tres solas quondam tenuit quas dextera Phoebi:  
Sed Citheron totiens ternas ex aere sacravit  
Relligione patrum, qui sex sprevisse timabant.  
Trina Terentino celebrata trinoctia ludo:  
Qualia bis genito Thebis Trieterica Baccho.  
Tres primæ Thracum pugnas tribus ordine sellis,  
Iuniadae patrio inferias misere sepulcro.  
Illa etiam thalamos per trina aenigmata quaerens,  
Qui bipes, & quadrupes foret, & tripes omnia solus,  
Terruit Aoniam volucris, leo, virgo, triformis  
Sphinx, volucris pennis, pedibus fera, fronte puella.  
Trina in Tarpejo fulgent confortia templo.  
Humana efficiunt habitacula tergenus artes,  
Parietibus quae faxa locat, quae culmine tigna,  
Et quae supremo comit testoria cultu.  
Hinc Bromii quadrantal, & hinc Sicana medimna.

Hoc tribus, hoc geminis tribus explicat usus agendi.  
 In Physicis tria prima, deus, mundus, data forma.  
 Tergenus omnigenum, genitor, genitrix, generatum.  
 Per trinas species trigonorum regula currit,  
 Aequilatus, vel crure pari, vel in omnibus impar.  
 Tres coit in partes numerus perfectus: ut idem  
 Congrege ter trino per ter tria dissolvatur.  
 Tres primus, par, impar habet, mediumque: sed ipse  
 Vt tres, sic quinque & septem quoque dividit unus.  
 Et numero in toto positus sub acumine centri,  
 Distinguit solidos coebo pergente trientes,  
 Aequipares dirimens partes ex impare terno,  
 Et paribus triplex medium: quum quattuor & sex  
 Bisque quaternorum secernitur omphalos idem.  
 Ius triplex, tabulae quod ter sanguere quaternae,  
 Sacrum, privatum, & populi commune quod us-  
 quam est.  
 Interdictorum trinum genus: Vnde repulsus  
 Vi fuero, aut Vt robi fuerit, Quorumve bonorum.  
 Triplex libertas, capitisque minutio triplex.  
 Trinum dicendi genus est: sublime, modestum,  
 Et tenui filo. Triplex quoque forma medendi.

*Quo logos, aut methodos, cuique experientia nomen.  
Et medicina triplex, servare, cavere, mederi.  
Tres oratorum cultus, regnata Colosso  
Quem Rhodos, Actaeae quem dilexitis Athenae,  
Et quem de scenis tetrica ad subsellia traxit  
Prosa Asiae, in causis numeros imitata chororum.  
Orpheos hinc tripodes, quia sunt tria, terra, aqua,  
flamma.*

*Triplex sideribus positus, distantia, forma.  
Et modus, & genitrix modularum musica triplex,  
Mixta libris, secreta astris, vulgata theatris.  
Martia Roma triplex; equitatu, plebe, senatu.  
Hoc numero Tribus, & sacro de monte Tribuni.  
Tres equitum turmae: tria nomina nobiliorum.  
Nomina sunt chordis tria: sunt tria nomina mensi.  
Geryones triplex: triplex compago Chimaerae.  
Scylla triplex, commissa tribus, cane, virgine, pisce.  
Gorgones, Harpyaeque, & Erinnyes agmine terno.  
Et tres fatidicae, nomen commune, Sibyllae:  
Quarum tergemini fatalia carmina libri:  
Quos ter quinorum servat cultura virorum.  
Ter bibe. Tres numerus super omnia, ter Deus unus.*

Hic quoque ne ludus numero, transcurrat inertis,  
Ter decies ternos habeat, deciesque novenos.

Technopaegnion. XII.

AVSONIVS Pacato proconsuli.

**S**cio mihi apud alios pro laboris modulo, laudem non posse procedere. Quam tamen si tu indulseris, ut ait Afranius in Thaide: "Majorem laudem, quam laborem invenero". Quae lecturus es, monosyllaba sunt, quasi quaedam puncta sermonum: in quibus nullus facundiae locus est, sensuum nulla conceptio, propositio, redditio, conclusio, aliqua sophistica, quae in uno versu esse non possunt: sed cohaerent ita, ut circuli catenarum separati. Et simul ludicum opusculum texui, ordiri majuscula solitus: sed in tenui labor, at non tenuis gloria, si probantur. Tu facies, ut sint aliquid. Nam sine te monosyllaba erunt, vel si quid minus. In quibus ego, quod ad usum pertinet, lusi: quod ad molestiam, laboravi. Libello Technopaegni nomen dedi: ne aut ludum laboranti, aut artem crederes defuisse ludenti. Vale.

## AVSONIVS Paulino suo.

MISI ad te Technopaegnion, inertis otii mei  
inutile opusculum. Versiculi sunt monosyllabis  
coepti, & monosyllabis terminati. Nec hic modo  
stetit scruepa difficultas, sed accessit ad miseriam  
cogitandi, ut idem monosyllabum, quod esset finis  
extremi versus, principium fieret insequentis. Dic  
ergo &, ô mora, ô poena! rem vanam quippe cu-  
ravi; exigua est, & fastiditur: inconnexa, & impli-  
catur: quum sit aliquid, vel nihili deprehenditur.  
Laboravi tamen, ut haberet aut historicon quip-  
piam, aut dialecticon. Nam poëticam, vel sophisti-  
cam levitatem necessitas observationis exclusit. Ad  
summam, non est quod mireris: sed paucis literis  
additis, est cuius miserearis: neque aemulari velis.  
Et si hoc quoque descenderis, majorem molestiam  
capias, ingenii & facundiae detimento, quam ob-  
lectationem, imitationis affectu. Vale.

Versus monosyllabis coepti, & finiti, ita ut  
a fine versus ad principium recurrent.

**R**es hemiamphæ fragiles alit & regit & perimit fors.

Fors dubia, aeternumque labans: quam blanda

fovet spes.

**S**pæ nullo finita aevo: cui terminus est mors.

Mors avida, inferna mergit caligine quam nox.

**N**ox obitura vicem: remeaverit aurea quum lux.

Lux dono concessa deum: cui prævius est sol.

Sol, cui nec furto Veneris latet armipotens Mars.

Mars nullo de patre satus: quem Thressa colit gens.

Gens infrena virum: quibus in scelus omne ruit fas.

Fas hominem maſtare sacris: ferus iste loci mos.

Mos ferus audacis populi: quem nulla tenet lex.

Lex naturali quam condidit imperio jus.

Ius genitum pietate hominum, jus certa Dei mens.

Mens, quæ coelesti sensu rigat emeritum cor.

Cor vegetum mundi instar habens, animæ vi-

gor ac vis.

Vis tamen hic nulla est: verum est jocus & nihil res.

**PRAEFATIO** monosyllaborum tantum in  
fine positorum.

**V**T in vetere verbo est, Sequitur vara vibiam: similium nugarum subtexo nequitiam. Et hi versiculi monosyllabis terminantur, exordio tamen libero, quamquam fine legitimo. Sed laboravi, ut quantum ejus posset apud aures indulgentissimas, absurdia concinerent, insulsa resiperent, hiulca congruerent: denique haberent & amara dulcedinem, & inamoena venerem, & aspera levitatem. Quae quidem omnia quoniam insuavis materia devenustat, lectio benigna conciliet. Tu quoque mihi tua crede securior, quippe meliora: ut, quod per adagionem coepimus, proverbio finiamus, & Mutuum muli scabant.

Aemula diis, naturae imitatrix, omniparens ars.  
Pacato ut studeat ludus meus, esto operi dux.  
Arcta, inamoena licet, nec congrua carminibus lex,  
Iudice sub tanto fandi tamen accipiet jus.  
Quippe & ridiculis data gloria, ni prohibet foras.

## De membris.

<b>I</b> ndicat in pueris septennia prima novus	dens.
<b>P</b> ubentes annos robustior anticipat	vox.
<b>I</b> nviata & ventis, & solibus est hominum	frons.
<b>E</b> durum nervi cum viscere consociant	os.
<b>P</b> alpitat irrequies, vegetum, teres, acre, calens	cor.
<b>V</b> nde vigent sensus, dominatrix quos vegetat	mens,
<b>A</b> tque in verba refert modulata lege loquax	os.
<b>Q</b> uam validum est, hominis quota portio, cae-	
ruleum	fell.
<b>Q</b> uam tenue, & molem quantam fert corpoream	crus!
<b>P</b> ondere sub quanto nostrum moderatur iter	pes!

## Inconnexa.

<b>S</b> aepè in conjugiis fit noxia, si nimia est	dos.
<b>S</b> exus uterque potens, sed praevalet imperio	mas.
<b>Q</b> ui recte faciet, non qui dominatur, erit	rex.
<b>V</b> exat amicitias, & foedera dissociat	lis.
<b>I</b> ncipe, quidquid agas: pro toto est prima operis	pars.
<b>I</b> nfinuat caelo, diisque inserit emeritos	laus.
<b>E</b> t disciplinis conferta est, & vitiis	urbs.

Vrbibus in tutis munitior urbibus est	arx.
Auro magnus honos, auri pretium tamen est	aes.
Longa dies operosa viro, sed temperies	nox,
Qua caret Aethiopum plaga, pervagil, irrequies gens,	
Semper ubi aeterna vertigine clara nitet	lux.

## De deis.

Sunt & caelicolum monosyllaba. Prima deūm	Fas,
Quae Themis est Grajis. Post hanc Rhea, quae	
Latiis	Ops.
Tum Iovis & Consi germanus, Tartareus	Dis.
Et soror & conjunx fratris, regina deūm,	Vis.
Et qui quadrijugo currū pater invehitur	Sol.
Quique truces belli motus ciet armipotens	Mars:
Quem nunquam pietas, nunquam bona sollicitat	Pax.
Nec cultor nemorum reticebere, Maenalide	Pan,
Nec Genius domuum, Larunda progenitus	Lar:
Fluminibusque Italīs praepollens sulphureus	Nar.
Quaeque piat divūm perjuria, nocticolor	Styx.
Velivolique mari confractor Leuconotos	Libs.
Et nunquam in dubiis hominem bona destituens	Spes.

De cibis.

Nec nostros reticebo cibos, quos priscus habet mos,  
Irritamentum quibus additur aequoreum sal.  
Olim communis pecori cibus, atque homini glans,  
Ante euidem campis quam spicae suppeteret frux.  
Mox ador, atque adoris de polline pultificum far,  
Instruxit mensas quo quondam Romulidum plebs.  
Hinc cibus, hinc potus, cum dilueretur aqua puls.  
Est inter fruges morsu piper aequiparans gith.  
Et Pelusiaco de femine plana, teres lens.  
Et dupli defensa putamine quinquegenus nux.  
Quodque cibo & potu placitum, labor acer  
apum, mel.  
Naturae liquor iste novae: cui summa natat faex.

## De historijs.

Solamen tibi, Phoebe, novum dedit Oebalius	flos.
Flore alio reus est Narcissi morte sacer	fons.
Caedis Adoneae mala gloria fulmineus	Sus.
Perjurum Lapitham Iunonia ludificat	nuba.
Ludit & Aeaciden Parnassia Delphicolae	fors.

Threïcium Lybicum freta Cimmeriumque secat	bos.
Non sine Hamadryadis fato cadit arborea	trabs.
Quo generata Venus, Saturnia defecuit	falx.
Sicca inter rupes Scythicas stetit alitibus	crux,
Vnde Prometheo de corpore sanguineus	ros.
Aspergit cautes, & dira aconita creat	cos.
Ibycus ut periit, vindex fuit altivolans	grus.
Aeacidæ ad tumulum maectata est Andromachæ glos.	
Carcere in Argivo Philopoemena lenta adiit	mors.
Tertia opima dedit spoliatus Aremoricus	Lars.
Sera venenato potu abstulit Hannibalem	nex.
Res Asiae quantas leto dedit immeritas	fraus!
Vltrix flagravit de rupibus Euboïcis	fax.
Stat Iovis ad cyathum, generat quem Dardanius	Tros.
Praepetibus pennis super aëra vextus homo	Cres.
Intulit incestam tibi vim, Philomela, ferus	Thrax.
Barbarus est Lydus, bellax Geta, femineus	Phryx.
Fallaces Ligures: nullo situs in pretio	Car.
Vellera depeftit nemoralia vestifluus	Ser.
Nota in portentis Thebana tricorporibus	Sphinx.
Nota & parvorum cunis, muliebre pecus,	Strix.

## De vere primo.

**A**nus ab exortu cum floriparum referat ver,  
**Ccomum rus:  
**E**t fusura umbras radicitus exigitur stirps.  
**N**on denso ad terram lapsu, glomerata fluit nix.  
**F**lorum spirat odor, Libani ceu montis honor thus.**

## Per interrogationem & responzionem.

Quis subit in poenam capitali judicio? vas.  
Quid si lis fuerit nummaria, quis dabitur? praes.  
Quis Mirmilloni contenditur? aequimanus Thrax.  
Inter virtutes quod nomen Mercurio? fur.  
Thuribula, & paterae, quae tertia vasa deum? lanx.  
Cincta mari quaenam tellus creat Hippocratem? Cos.  
Grex magis, an regnum Minoïda sollicitat? grex.  
Quid praeter nubem Phaeacibus impositum? mons.  
Dic, cessante cibo, somno quis optimior est? glis.  
Tergora dic clypeis accommoda quas faciat? glus.  
Sponte ablativi casus quis rectus erit? spons.  
Quadrupes oscinibus quis jungitur auspiciis? mus.

- Quid fluitat pelago, quod non natat in fluvio? pix.  
 Bissenas partes quis continet aequipares? as.  
 Tertia defuerit si portio, quid reliquum? bes.

De litteris monosyllabis Graecis ac  
 Latinis.

Dvx elementorum studiis viget in Latiis	A.
Et suprema notis ascribitur Argolicis	Ω.
Hta quod Aeolidum, quodque ε valet, hoc Latilae	ε.
Praesto, quod Ε Latium semper breve, Dorica vox	E.
Hoc tersti argutoque sonio negat Attica gens	Ϛ.
Ω quod & ο Graecum compensat Romula vox	O.
Littera sum Iotae similis, vox plena jubens,	I.
Cecropiis ignota notis, ferale sonans	V.
Pythagorae bivium ramis pateo ambiguis	Y.
Vocibus in Grajis nunquam ultima conspicio	M.
Zeta jacens, si surgat, erit nota, quae legitur	N.
Maeandrum, flexusque vagos imitata vagor	ξ.
Dividuum Betae monosyllabon Italicūm	B.
Non formam, at vocem Deltae gero Romuleum	D.
Hostilis quae forma jugi est, hanc efficiet	II.
Ausonium si P scribas, ero Cecropium	P.

Et Rho quod Graecum, mutabitur in Latium	P.
Malus ut antennam fert vertice, sic ego sum	T.
Spiritus hic, flatu tenuissima vivificans	H.
Haec tribus in Latio tantum addita nominibus	K.
Praevaluit postquam Gammae vice functa prius	C.
Atque aliam pro se titulo replicata dedit	Q.
Ansis cincta duabus erit quum Iota, leges	O.
In Latio numerus denarius, Argolicum	X.
Haec gruis effigies Palamedica porrigitur	Φ.
Cappa fuit quondam Boeotia, nunc Latium	K.
Furca, tricornigera specie, penè ultima sum	Ψ.

## Grammaticomastix.

**E** Logodaedalia strides modo qui nimium      trux,  
 Frivola condemnas? nequaquam. Cum pretio est merx,  
 Ennius ut memorat, replet te laetificum      gau,  
 Livida mens hominum concretum felle coquat pus.  
 Dic, quid significant catalecta Maronis? in his      al  
 Celtarum posuit, sequitur non lucidius      tau.  
 Imperium, litem, Venerem, cur una notet res?  
 Estne petegrini vox nominis, an Latii      fil?  
 Et quod germano mistum male letiferum      min?

Lintribus in geminis constratus ponto sit, an pons?  
 Bucolico sepes dixit Maro, cur Cicero seps?  
 Vox solita, & cunctis notissima, si memor es, lac.  
 Cur condemnetur, ratio magis ut faciat laet?  
 An Lybiae ferale malum, sit Romula vox seps?  
 Si bonus est insons, contrarius, & reus est sona?  
 Dives opum cur nomen habet Iove de Stygio Dis?  
 Vnde Rudinus ait, ~~V~~vum domus altisnum cael?  
 Et cuius de more, quod adstruit, endo suam do?  
 Aut de fronde loquens, cur dicit populea frus.  
 Sed quo progredior? quae finis, quis modus & calx?  
 Indulge, Pacate, bonus, doctus, facilis vir.  
 Totum opus hoc sparsum, crinis velut Antiphilae. Pax.

## AVSONIUS PAULO S.

**P**ERLEGE hoc etiam, si operae est, frivolum &  
 nullius pretii opusculum: quod nec labor excudit,  
 nec cura limavit: sine ingenii acumine, & morae  
 maturitate. CENTONEM vocant, qui primi hac  
 concinnatione luserunt. Solae memoriae negotium  
 sparsa colligere, & integrare lacerata: quod ridere  
 magis, quam laudare possis. Pro quo, si per Sigil-

laria in auctione veniret, neque Afranius Napci daret, nec Cicum suum Plautus offerret. Piget enim Virgiliani carminis dignitatem tam joculari dehonestaſſe materia. Sed quid facerem? Jussum erat: quodque est P O T E N T I S S I M U M . I M P E R A N D I G E N V S , rogabat, qui jubere poterat, S. imperator Valentinianus, vir meo judicio eruditus: qui nuptias quondam ejusmodi ludo describerat; aptis equidem versibus & compositione festiva. Experiri deinde volens, quantum nostra contentione praecelleret, simile nos de eodem concinnare paecepit. Quam scrupulosum hoc mihi fuerit, intellige. Neque anteferri volebam, neque posthaberi: quum aliorum quoque judicio detegenda esset adulatio inepta, si cederemus insolentia, si ut aemulus eminerem. Suscepit igitur similis recusanti: feliciterque & obnoxius gratiam tenui, nec vixor offendit. Hoc, die uno & addita lucubratione properatum, modo interliturarios meos quum reperissem, tanta mihi candoris tui & amoris fiducia est, ut severitati tuae nec ridenda subtraherem. Accipe igitur opusculum de inconnexis continuum, de diversis unum, de seriis

ludicum, de alieno nostrum: ne in sacris & fabulis, aut Thyonianum mireris, aut Virbium; illum de Dionysio, hunc de Hippolyto reformatum. Et si pateris, ut doceam docendus ipse, C E N T O quid sit absolvam. Variis de locis, sensibusque diversis, quaedam carminis structura solidatur: in unum versum ut coētant aut caesi duo, aut unus & sequens cum medio. Nam duos junctim locare, ineptum est: & tres una serie, merae nugae. Diffunditur autem per caesuras omnes, quas recipit versus Heroicus, convenire ut possit aut penthemimeris cum reliquo anapaesto: aut trochaice cum posteriore segmento: aut septem semipedes cum anapaestico chorico: aut post dactylum atque semipedem, quicquid restat hexametro. Simile ut dicas ludicro quod Graeci ὄσομάτιων vocavere. Officia ea sunt: ad summam quatuordecim figurās geometricās habent. Sunt enim aequilatera: vel triquetra: extensis lineis: aut rectis angulis, vel obliquis: isoscele: vel isopleura, orthogonia quoque, vel scalena. Harum vertibularum variis coagmentis simulantur species mille formarum: Elephantus bellua, aut Aper bestia,

Anfer volans, & Mirmillo in armis, subsidens Venator, & latrans Canis: quin & Turturis, & Canthus, & alia hujusmodi innumerabilium figurarum, quae alius alio scientius variegant. Sed peritorum concinnatio miraculum est; imperitorum iunctura ridiculum. Quo praedicto, scies, quod ego postriorem imitatus sum. Hoc ergo Centonis opusculum, ut ille ludus tractatur, pari modo, sensus diversi ut congruant: adoptiva quae sunt, ut cognata videantur: aliena ne interluceant: accersita ne vim redarguant: densa ne supra modum protuberent: hiulca ne pateant. Quae si omnia ita tibi videbuntur, ut praeceptum, dices me composuisse Centonem. Et quia sub Imperatore meo tum me qui, procedere mihi inter frequentes stipendum jubebis: sin aliter, aere dirutum facies: ut cumulo carminis in fiscum suum redacto, redeant versus, unde venerunt. Vale.

### Cento nuptialis. XIII.

A. 5. Accipite haec animis: laetasque advertite mentes,

A. II. Ambo animis, ambo insignes praestantibus  
armis:

B. 7. Ambo florentes, \*genus insuperabile A. 4.  
bello.

A. 6. Tuque prior, \*nam te majoribus ire A. 3.  
per altum

A. 3. Auspiciis manifesta fides, \*quo justior A. 1.  
alter.

A. 1. Nec pietate fuit, nec bello major & armis.

A. 4. Tuque puerque tuus, \*magnaes spes A. 12.  
altera Romae.

A. 8. Flos veterum, virtusque virum, \*mea A. 1.  
maxima cura,

A. 12. Nomine avum referens, animo, manibusque  
parentem.

A. 6. Non injussa cano. \*Sua cuique ex- A. 10.  
orsa laborem,

A. 10. Fortunamque ferent. \*Mihi jussa A. 1.  
capeffere fas est.

**NOTA.** Haec & sequentia ex Virgilio confarcinata. Adjectae  
ad utrumque marginem notae libros ejus indicant, A. Aenei-  
dem, B. Batolica, G. Georgica.

## Coena nuptialis.

- A. 5. Expectata dies aderat, \* dignisque A. II.  
hymenaeis.
- A. 6. Matres atque viri, \* juvenesque ante G. 4.  
ora parentum
- A. I. Conveniunt: stratoque super discumbitur  
ostro.
- Dant famuli manibus lymphas, \* one- A. 8.  
rantque canistris
- Dona laboratae Cereris, \* pinguisque A. I.  
ferinae
- A. 8. Viscera tosta ferunt. \* Series longissi- A. I.  
ma rerum:
- A. 8. Alituum, pecudumque genus, \* ca- G. I.  
preaeque sequaces
- G. 3. Non absunt illis, \* nec oves, haedi- G. 4.  
que petulci,
- G. 3. Et genus aequoreum, damae, \* cervi- G. 3.  
que fugaces.
- A. II. Ante oculos, interque manus sunt \* B. I.  
mitia poma.

**A. 8.** Postquam exempta fames, & amor compref-  
sus edendi:

**A. 1.** Crateras magnos statuunt, \* bacchum- **A. 8.**  
que ministrant.

**A. 2.** Sacra canunt. \* Plaudunt choreas: & **A. 6.**  
carmina dicunt.

**A. 6.** Nec non Threicius longa cum veste facerdos  
Obloquitur numeris septem discrimina vocum.

**A. 9.** At parte ex alia,\* biforem dat tibia **A. 10.**  
cantum,

**A. 4.** Omnibus una quies operum; \* cuncti- **A. 8.**  
que reliftis.

Consurgunt mensis, \* per limina laeta **A. 1.**  
frequentes

**A. 9.** Discurrent, variantque vices, \* popu- **A. 9.**  
lusque patresque,

**A. II.** Matronae, pueri, \* vocemque per **A. I.**  
ampla voluntant

Atria: dependent lychni laquearibus **A. I.**  
aureis.

## Descriptio egredientis sponsae.

A. 4. Tandem progreditur \* Veneris justis- A. 10.  
sima cura,

A. 7. Iam matura viro, jam plenis nubilis annis:

A. 1. Virginis os, habitumque gerens, \* cui A. 12.  
plurimus ignem

Subjecit rubor, & calefacta per ora cucurrit:

A. 7. Intentos volvens oculos, \* uritque. G. 3.  
videndo

A. 7. Illam omnis testis, agrisque effusa juventus,  
Turbaque-miratur matrum, \* vestigia A. 5.  
primi

Alba pedis, \* dederatque comam dif- A. 1.  
fundere ventis.

A. 3. Fert picturatas auri subtegmine vestes,

A. 1. Ornatus Argivae Helenae: \* qualisque A. 2.  
videri

A. 2. Caelicolis, & quanta solet \* Venus A. 10.  
aurea contra:

A. 6. Talis erat species. \* Talem se laeta A. 1.  
ferebat

A. 2.

A. 2. Ad sōceros; \* folioque alte subnixa A. I.  
refedit.

Descriptio egredientis sponsi.

A. 9. At parte ex alia \* foribus fese intulit A. II.  
altis

A. 9. Ora puer prima signans intonſa juventa,  
Pictus acu chlamydem auratam, \* quam A. 5.  
plurima circum

Purpura Maeandro duplici Meliboea cucurrit,

A. 10. Et tunicam molli mater quam neverat auro:

A. 1. Os, humerosque deo similis, \* lu- A. 1.  
menque juventae.

A. 8. Qualis ubi oceani perfusus Lucifer unda  
Extulit os sacrum caelo; \* sic ora fe- A. 3.  
rebat

Sic oculos, \* cursuque amens ad li- A. 2.  
mina tendit

A. 2. Illum turbat amor, figitque in virgine vultus.

A. 1. Oscula libavit, \* dextramque ample- A. 8.  
xus inhaesit.

## Oblatio munerum.

- A. 5. Incedunt pueri, pariterque ante ora parentum  
Dona ferunt, \* pallam signis, auro- A. I.  
que rigentem,
- A. II. Munera portantes, aurique eborisque ta-  
lenta,  
Et sellam, \* & pictum croceo vela- A. I.  
men acantho,
- A. I. Ingens argentum mensis, \* colloque A. I.  
monile  
Baccatum, & duplicem gemmis auroque co-  
ronam.
- A. 5. Olli serva datur, \* geminique sub A. 5.  
ubere nati.
- A. IO. Quattuor huic juvenes, \* totidem A. 2.  
inuptaeque puellae:
- A. 5. Omnibus in morem tonsa coma. \* Pe- A. 5.  
store summo  
Flexilis obtorti per collum circulus auri.

## Epithalamium utriusque.

- A. 12. Tum studio effusae matres \* ad limentina ducunt. A. 10.
- G. 4. At chorus aequalis, \* pueri inuptaque puellae, A. 2.
- G. 2. Versibus incomptis ludunt: \* & carmina dicunt. A. 6.
- B. 8. O digno conjuncta viro, \* gratissima conjunx, A. 10.
- A. 1. Sis felix, \* primos Lucinae experta labores, G. 4.
- G. 4. Et mater. Cape Maeonii carchesia Bacchi.
- B. 8. Sparge marite nuces. \* Cinge haec altaria vitta, B. 8.
- A. 8. Flos veterum, virtusque virum: \* tibi ducitur uxor, B. 8.
- A. 1. Omnes ut tecum meritis pro talibus annos Exigat: & pulchra faciat te prole parentem.
- A. 9. Fortunati ambo; \* si quid pia numina possunt. A. 4.

A. 3. Vivite felices. \* Dixerunt, currite, B. 4.  
fusis,

Concordes stabuli fatorum numine Parcae.

Ingressus in cubiculum.

G. 4. Postquam est in thalami pendentia pumice  
tecta

Perventum, \* licito tandem sermone A. 8.  
fruuntur.

A. 8. Congressi jungunt dextras: \* stratis- A. 4.  
que reponunt.

A. 1. At Cytherea novas artes, \* & pro- A. 4.  
nuba Iuno

A. II. Sollicitat: suadetque ignota laceffere bella.

A. 1. Ille ubi complexu \* molli fovet: at- A. 8.  
que repente

Accepit solitam flamمام, \* leustum- A. 4.  
que jugalem:

A. 6. O Virgo, nova mi facies, \* gratissi- A. 10.  
ma conjunx:

A. 6. Venisti tandem, \* mea sola, & sera A. 8.  
voluptas.

A. 2. O dulcis conjunx , non haec sine numine  
divum

A. 12. Proveniunt , \* placitone etiam pu- A. 4.  
gnabis amori?

A. 4. Talia dicentem jam dudum aversa tuetur:

A. 12. Cunctaturque metu : telumque instare tre-  
mescit:

A. 1. Speinque metumque inter: \* fundit- A. 5.  
que has ore loquelas:

A. 10. Per te , per , qui te talem genuere , pa-  
rentes ,

B. 2. O formose puer , \* noctem non am- A. 1.  
plius unam

A. 9. Hanc tu , oro , solare inopem , \* & A. 10.  
miserere precantis.

A. 12. Succidimus. Non lingua valet , non corpore  
notae

Sufficient vires ; nec vox aut verba sequuntur.

A. 9. Ille autem: causas nequicquam neglectis inanes:

A. 12. Praecipitatque moras omnes , \* sol- A. 4.  
vitque pudorem.

## PARECBASIS.

\* \* \* \* \* \* \* \* \*

Imminutio.

\* \* \* \* \* \* \* \* \*

Contentus esto, Paule mi.

\* \* \* \* \* \* \* \* \*

Rosae. XIV.

**V**er erat: & blando mordentia frigora sensu  
 Spirabat croceo mane revesta dies.  
 Strictior Eeos praecesserat aura jugales,  
 Aestiferum suadens anticipare diem.  
 Errabam riguis per quadra compita in hortis,  
 Maturo cupiens me vegetare die.  
 Vidi concretas per gramina flexa pruinatas  
 Pendere, aut olerum stare cacuminibus:  
 Caulibus & patulis teretes colludere guttas,  
 Et coelestis aquae pondere tunc gravidas.  
 Vidi Paestano gaudere rosaria cultu,  
 Exoriente novo roscida lucifero.

Rara pruinosis canebat gemma frutetis,

Ad primi radios interitura die.

Ambigeres, raperetne rosis aurora ruborem,

An daret: & flores tingeret orta dies.

Ros unus, color unus, & unum mane duorum.

Sideris, & floris, nam domina una Venus.

Forsan & unus odor: sed celsior ille per auras

Difficit: expirat proximus iste magis.

Communis Paphie dea sideris, & dea floris,

Praecipit unius muricis esse habitum.

Momentum intererat: quo se nascentia florum

Germina comparibus dividerent spatiis.

Haec viret angusto foliorum testa galero:

Hanc tenui folio purpura rubra notat.

Haec aperit primi fastigia celsa obelisci,

Mucronem absolvens purpurei capitis.

Vertice collectos illa exsinuabat amictus,

Iam meditans foliis se numerare suis:

Nec mora: ridentis calathi patefecit honorem,

Prudens inclusi semina densa croci.

Haec modo, quae toto rutilaverat igne comarum,

Pallida collapis deferitur foliis.

Mirabar celerem fugitiva aetate rapinam,  
 Et dum nascuntur, consenuisse rosas.  
 Ecce & defluxit rutili coma punica floris,  
 Dum loquor: & tellus testa rubore mictat.  
 Tot species, tantosque ortus, variosque novatus  
 Vna dies aperit: conficit una dies.  
 Conquerimur, Natura, brevis quod gratia florum est,  
 Ostentata oculis illico dona rapis.  
 Quam longa una dies, aetas tam longa rosarum,  
 Quae pubescentis juncta senecta premit.  
 Quam modo nascentem rutilus conspexit Eous,  
 Hanc rediens fero vespere vedit anum.  
 Sed bene, quod paucis licet interitura diebus,  
 Succedens aerum prorogat ipsa suum.  
 Collige virgo rosas, dum flos, novus, & nova pubes,  
 Et memor esto aerum sic properare tuum.

**Ex Graeco, Pythagoricum de ambiguitate  
 eligendae vitae. XXV.**

Quod viuo sedulariter? si plena tumultu  
 Sunt foras: si curis domus anxias: si peregrinos  
 Cura domus sequitur: mercantes: si nova semper

Damna manent: cessare vetat si turpis egestas:  
 Si vexat labor agricolam, mare naufragus horror  
 Infamat, poenaeque graves in coelibe vita,  
 Et gravior cautis custodia vana maritis.  
 Sanguineum si Martis opus: si turpia lucra  
 Foenoris, & velox inopes usura trucidat?  
 Omne aevum curae: cunctis sua displicet aetas.  
 Senus abest parvis lactentibus: & puerorum  
 Dura rudimenta, & juvenum temeraria pubes,  
 Afflictat fortuna viros per bella, per aequor,  
 Irasque, insidiasque, catenatosque labores  
 Mutandos semper gravioribus. Ipsa senectus  
 Expectata diu, votisque optata malignis  
 Objicit innumeris corpus lacerabile morbis.  
 Spernimus in commune omnes praesentia; quosdam  
 Constat nolle deos fieri. Inturna reclamat,  
 Quo vitam dedit aeternam? Cur mortis adempta est  
 Conditio? Sic Caucasea sub rupe Prometheus  
 Testatur Saturnigenam, nec nomine cessat  
 Incusare Iovem, data sit quod vita perennis.  
 Respice & ad cultus animi. Sic nempe pudicum  
 Perdidit Hippolytum non felix cura pudoris.

At contra illecebris maculosam ducere vitam  
Quem juvat, aspiciat poenas, & crimina regum,  
Tereos incesti, vel mollis Sardanapali.  
Perfidiam vitare monent tria Punica bella:  
Sed prohibet servare fidem deleta Saguntos.  
Vive, & amicitias semper cole. Crimen ob istud  
Pythagoreorum perit schola docta sophorum.  
Hoc metuens igitur, nullas cole. Crimen ob istud  
Timon Palladiis olim lapidatus Athenis.  
Dissidet ambiguis semper mens obvia votis.  
Nec voluisse homini satis est. Optata recusat.  
Esse in honore placet. Mox poenitet. Et dominari  
Ut possit, servire volet. Idem auctus honore,  
Invidiae objicitur. Pernox est cura disertis:  
Sed rudis ornatu vitae caret. Esto patronus,  
Et defende reos: sed gratia rara clientis.  
Esto cliens: gravis imperii persona patroni.  
Exercent hunc vota patrum. Mox aspera curis  
Sollicitudo subit. Contemnitur orba senectus,  
Et captatoris praeda est heredis egenus.  
Vitam parcus agas: avidi lacerabere fama.  
At largitorem gravius censura notabit.

Cuncta sibi adversis contraria casibus. Ergo  
 Optima Grajorum sententia. Quippe homini ajunt  
 Non nasci esse bonum, natum aut cito morte potiri.

**De viro bono, Πυθαγορικὴ ἀκρόασις. XVI.**

Vir bonus, & sapiens, qualem vix repperit unum  
 Millibus e multis hominum consultus Apollo,  
 Index ipse sui, totum se explorat ad unguem.  
 Quid proceres, vanique ferat quid opinio vulgi  
 Securus, mundi instar habens, teres, atque rotundus:  
 Externae ne quid labis per levia fidat.  
 Ille, dies quam longus erit, sub sidere Cancri,  
 Quantaque nox tropico se porrigit in Capricorno,  
 Cogitat, & justo trutinae se examine pendit,  
 Nequid hiet, nequid protuberet, angulus aequis  
 Partibus ut coēt, nil ut deliret amissis,  
 Sit solidum quodcumque subest: nec inania subtus  
 Indicet admotus digitis pelleatibus ictus.  
 Non prius in dulcem declinat lumina somnum,  
 Omnia quam longi reputaverit acta diei.]  
 Quae praetergressus? Quid gestum in tempore?  
 Quid non?

Cur isti factio decus abfuit; aut ratio illi?  
 Quid mihi praeteritum; cur haec sententia sedet,  
 Quam melius mutare fuit? Miseratus egentem,  
 Cur aliquem fracta persensi mente dolorem?  
 Quid volui, quod nolle bonum foret? Utile honesto  
 Cur malus antetuli? Num dicto, aut denique vultu  
 Perstrictus quisquam? Cur me natura magis, quam  
 Disciplina trahit? Sic dicta, & facta per omnia  
 Ingrediens, ortoque a vespere cuncta revolvens,  
 Offensus pravis, dat palmam & praemia rectis.

*Nā̄ καὶ Οὐ πυθαγορικόν. XVII.*

**E**st, & Non, cuncti monosyllaba nota frequentant.  
 His demptis, nihil est, hominum quod sermo voluet.  
 Omnia in his, & ab his sunt omnia, sive negoti,  
 Sive otī quicquam est, seu turbae, sive quietis.  
 Alterutro pariter nonnunquam, saepe seorsis  
 Obsistunt studiis: ut mores, ingeniumque  
 Vel faciles, vel difficiles contentio nausta est.  
 Si consentitur, mora nulla intervenit, Est, Est.  
 Sin controversum, dissensio subjicit, Non.  
 Hinc fora dissultant clamoribus: hinc furiosi

Iurgia sunt Circi: cuneati hinc laeta theatri  
 Seditio: & tales agitat quoque curia lites.  
 Conjugia, & nati cum patribus, ista quietis  
 Verba ferunt studiis, salva pietate loquentes.  
 Hinc etiam placitis schola consona disciplinis  
 Dogmaticas agitat placido certamine lites.  
 Hinc omnis certat dialectica turba sophorum.  
 Est lax, estne dies ergo? Non convenit istuc.  
 Nam facibus multis, aut fulguribus quotiens lux  
 Est nocturna homini, non est lux ista diei.  
 Est & Non igitur, quotiens lucem esse fatendum est,  
 Sed non esse diem. Mille hinc certamina surgunt.  
 Hinc pauci, multi quoque talia commeditantes  
 Murmure concluso rabiosa silentia rodunt.  
 Qualis vita hominum, duo quam monosyllaba versant!

## De aetatibus animalium, Hesiodion.

## XVIII.

Ter binos, deciesque novem super exit in annos  
 Iusta senescentum quos implet vita virorum.  
 Hos novies superat vivendo garrula Cornix:  
 Et quater egreditur cornicis saecula Cervus.

Alipedem cervum ter vincit Corvus: & illum  
 Multiplicat novies Phoenix, reparabilis ales.  
 Quam vos perpetuo decies praevertitis aevo  
 Nymphae Hamadryades: quarum longissima vita est.

Hi cohibent fines vivacia fata animantium.

Caetera secreti novit Deus arbiter aevi  
 Tempora: quae Stilbon volvat, quae saecula Phaenon,  
 Quos Pyrois habeat, quos Iuppiter igne benigno  
 Circuitus: quali properet Venus alma recursu:  
 Qui Phoeben, quanti maneant Titana labores.  
 Donec consumpto, Magnus qui dicitur, anno  
 Rursus in antiquum veniant vaga sidera cursum:  
 Qualia dispositi steterant ab origine mundi.

### Monosticha de aerumnis Herculis. xix.

Prima Cleonaei tolerata aerumna leonis.  
 Proxima Lerneam ferro & face contudit hydram.  
 Mox Erymantheum vis tertia perculit aprum.  
 Aeripedis quarto tulit aurea cornua cervi.  
 Stymphalidas pepulit volucres discrimine quinto.  
 Threiciam sexto spoliavit Amazona baltheo.  
 Septima in Augeis stabulis impensa laboris.

Oftava expulso numeratur adorea tauro.

In Diomedeis victoria nona quadrigis.

Geryone extincto decimam dat Iberia palmam.

Vndecimo mala Hesperidum destricta triumpho.

Cerberus extremi suprema est meta laboris.

### Musarum inventa & munera. xx.

**C**LIO gesta canens, transactis tempora reddit.

**MELPOMENE** tragico proclamat moesta boatu.

Comica lascivo gaudet sermone **THALIA**.

Dulciloquos calamos **EVTERPE** flatibus urget.

**TERPSICHORE** affectus citharis movet, imperat,  
auget.

Plestra gerens **ERATO**, saltat pede, carmine, vultu.


Carmina **CALLIOPE** libris heroïca mandat.


**VRANIE** caeli motus scrutatur & astra.

Signat cuncta manu, loquitur **POLYHYMNIA** gestu.

Mentis Apollineae vis has movet undique Musas.

In medio residens complectitur omnia Phoebus.





# A V S O N I I E C L O G A R I V M

---

## De ratione Librae.

**M**IRARIS quicunque manere ingentia mundi  
 Corpora, sublimi caeli circumdata gyro,  
 Et tantae nullam moli intercedere labem:  
 Accipe, quod mirere magis. Tenuissima tantis  
 Principia, & nostros non admittentia visus,  
 Parvarum serie constant connexa atomorum.  
 Sed solidum in parvis, nullique secabile segmen.  
 Vnde vigor viresque manent, aeternaque rerum  
 Mobilitas: nulloque unquam superabilis aevo.  
 Divinis humana licet componere. Sic est  
 As solidus, quoniam bis sex de partibus aequis  
 Constat: & in minimis paribus tamen una manet vis.  
 Nam si quid numero minuatur, summa vacillat,  
 Convulsaeque ruunt labefacto corpore partes.

Vt

Vt medium si quis vellat de fornice saxum,  
Incumbunt cui cuncta, simul devexa sequentur  
Caetera, communemque trahent a vertice lapsum.  
Non aliter libra est, si defuit uncia, totus  
Non erit as: nomenque deunx jam cassus habebit,  
Nec dextans retinet nomen, sextante remoto.  
Et dodrans, quadrante carens, auctore carebit.  
Divulsusque triens prohibet persistere bessem.  
Iam quincunx tibi nullus erit, si prima revellas.  
Et semis, cui semis erit pereuntibus assis  
Partibus: & cujus librae pars septima, septunx?  
Libra igitur, totum si nulla in parte vacillet.  
Ponderis, & numeri, morumque, operumque, &  
aquarum  
Libra; nec est modulus, quem non hoc nomine signes:  
Telluris, medio quae pendet in aëre, libra est,  
Et Solis, Lunaeque vias sua libra coërcet.  
Libra die, somnique pares determinat horas.  
Libra Caledonios fine littore continet aestus.  
Tu quoque certa mane morum mihi libra meorum.

## De ratione puerperii maturi.

Omnia, quae vario rerum metimur in actu,  
 Astrorum dominatus agit: terrenaque tantum  
 Membra homini. E superis fortuna, & spiritus auris,  
 Septeno moderanda choro: sed praesidet ollis  
 Sortitus regimen nitidae sol aureus ethrae.  
 Nec sola in nobis moderatur tempora vitae,  
 Dum breve solliciti spatium producimus aevi:  
 Creditur occultosque satus, & tempora vitae  
 Materno ducenda utero, formare videndo,  
 Et nondum exortae leges componere vitae.  
 Namque ubi conceptus genitali insederit arvo,  
 Haud dubium solem cuicunque insistere signo.  
 Qui quum vicini stationem ceperit altri,  
 Contiguos nullum transfundit lumen in ortus.

Ast ubi conversis post menstrua tempora habenis,  
 Scandit purpureo jam tertia sidera curru:  
 Obliqua exilem demittit linea lucem,  
 Aspirans tenues per inertia pondera motus.  
 Quarta in sede viget primi indulgentia solis.  
 Suadet & infusus teneros coalescere fetus.

Fulgor tetragono aspectu vitale coruscat,  
 Clarum, & lene micans: quinti qui cardine signi  
 Incutit attohitam vegetato infante parentem.  
 Nam sexto vis nulla loco: quia nulla tuendi  
 Aequati lateris signatur regula Phoebo.  
 Ast ubi signiferae media in regione cohortis  
 Septimus accepit limes rutilantia flammis  
 Recto castra situ: turgentis foedera partus  
 Iam plena sub luce videt. Nec fulgura parci  
 Luminis intendens, toto foveat igne coronae.  
 Hinc illud, quod legitimos Lucina labores  
 Praevenit; & gravidos sentit subrepere nixus  
 Ante exspectatum festina puerpera votum.  
 Quod nisi, septeno quum lumina ludit ab astro,  
 Impulerit tardi claustra obluctantia partus,  
 Posterior nequeat, possit prior: an quia sexto  
 Aemulus octavi conspectus inutilis astri  
 Nescit compariles laterum formare figuras?  
 Sed nono incumbens signo, cunctantia matrum  
 Vota levat, trigono vires sociante sequenti.  
 At si difficilis partus trahit Ilythyia  
 Tetragono absolvet dubiarum vincla morarum.

## Signa coelestia.

**A**d Boreae partes Arcti junguntur, & Anguis.  
 Post has Arctophylax, pariterque Corona, Genuq;  
 Prolapsus, Lyra, Avis, Cepheus, & Cassiopea,  
 Auriga, & Perseus, Deltoton, & Andromedae astru  
 Pegasus, & Delphinus, Telum, Aquila, Anguit  
 nensque.

Signifer inde subest; bis sex & sidera compleant.  
 Hic Aries, Taurus, Gemini, Cancer, Leo, Virg  
 Libra, Scorpius, Arcitenens, Capricornus, & Vrna  
 Qui tenet, & Pisces. Post hos in partibus Austr  
 Orion, Procyon, Lepus, ardens Sirius, Argo,  
 Hydrus, Chiron, Thuribulum quoque, Piscis & ingen  
 Hunc sequitur Pistrix, simul Eridanique fluenta.  
 Sed vaga praeterea dicuntur lumina septem,  
 Luna & Mercurius, Venus, ac Sol, Mars quoqr  
 fulgens.

Hic Iovis & sidus super omnia sidera lucens.  
 Celsior his Saturnus, tardior omnibus astris.

## Ratio dierum anni vertentis.

**N**onaginta dies & quattuor, ac medium Sol  
**C**onficit, a tropice in tropicum dum permeat astrum,  
**O**ctipedem in Cancrum Phryxeo ab Ariete pergens.  
**H**oc spatio aestivi pulsusque, & meta diei.  
**S**emidiemque, duosque dies; deciesque novenos,  
**A** Cancro in Chelas, aequatae tempora noctis  
**A**tque dii, cursu peragit Sol aureus altero,  
**A**utumni Aestatisque simul confinia miscens.  
**V**nde autumnales transcurrens ordine menses,  
**A**d tropicum pergit signum gelidi Capricorni,  
**O**cto dies decies octonis insuper addens,  
**Q**uadrantemque dii: quinto qui protinus anno  
**M**ense Numae extremo nomen capit embolimaei.  
**I**nde ad Agenorei festinans cornua tauri,  
**S**candit Lanigeri tropicum Sol aureus astrum,  
**N**onaginta dies decreto fine coërcens.  
**H**ic tibi circus erit semper vertentibus annis,  
**T**ercentum, ac senis decies & quinque diebus.

## De nominibus septem dierum.

Nomina, quae septem vertentibus apta diebus  
 Annus habet, totidem errantes fecere planetae.  
 Quos indefessa volvens vertigine mundus,  
 Signorum obliqua jubet in statione vagari.  
 Primum, supremumque diem radiatus habet Sol.  
 Proxima fraternali succedit Luna coronae.  
 Tertius assequitur Titania lumina Mavors.  
 Mercurius quarti sibi vendicat astra diei.  
 Inlustrant quintam Iovis aurea fidera Zonam.  
 Sexta salutigerum sequitur Venus alma parentem.  
 Cuncta supergrediens Saturni septima lux est.  
 Octavum instaurat revolubilis orbita Solem.

Hic versus sine auctore est. Quid quoque  
 die demi de corpore oporteat.

Vngues Mercurio, barbam Iove, Cypride crines.

Hoc sic refellendum.

Mercurius furto probat ungues semper acutos,  
 Articulisque aciem non sinit imminui.

**B**arba Iovi, crines Veneri decor: ergo necesse est,

Vt nolint demi, quo sibi uterque placet.

**M**avors imberbes, & calvos Luna adamasti.

Non prohibent comi tum caput atque genas.

**S**ol & Saturnus nihil obstant unguibus. Ergo

Non placitum Divis tolle monostichium.

### De mensibus, & quattuor anni temporibus.

**A**eternos menses, & tempora quattuor anni,

Quattuor ista tibi subjecta monosticha dicent.

**M**artius, **A**prilis, **M**ajus sunt tempora Veris.

**I**ulius, **A**ugustus, nec non & **I**unius, Aestas.

**S**eptembri, **O**ctobri **A**utumnus, totoque Novembri.

**B**rumales, **I**anus, **F**ebruarius, atque December.

### De mensibus monosticha.

**P**rimus Romanas ordiris, **I**ane, **C**alendas.

Februa vicino mense Numa instituit.

**M**artius antiqui primordia protulit anni.

Foetiferum Aprilem vindicat alma **V**enus.

**M**ajorum dictus patrum de nomine **M**ajus.

**I**unius aetatis proximus est titulo.

Nomine Caesareo Quintilem Iulius auget.

Augustus nomen Caesareum sequitur.

Autumnum Pomona tuum September opimat.

Triticeo October fenore ditat agros.

Sidera praecepitas pelago intempeste November.

Tu geniale Hyemem, feste December, agis.

### Disticha de iisdem mensibus.

Iane nove, primo qui das tua nomina mensi,

Iane bifrons, spectans tempora bina simul.

Post superum cultus, vicino Februa mense

Dat Numa cognatis Manibus inferias.

Martius & generis Romani praeful & anni,

Prima dabas Latiis tempora consulibus.

Aeneadum genitrix vicino nomen Aprili

Dat Venus; est Marti namque Aphrodita comes;

Maja dea, an major, Maï, te fecerit aetas,

Ambigo: sed mensi est auctor uterque bonus.

Iunius hunc sequitur duplici celebrandus honore,

Seu nomen Iuno, sive Iuventa dedit.

Inde Dionaeo praefulgens Iulius astro,

Aestatis mediae tempora certa tenet.

**Augustus** sequitur, cognatum a Caesare nomen:

Ordine sic anni proximus, ut generis.

**N**e*c*tuntur post hos, numerumque ex ordine signant:

**S**eptember, Bacchi munere praela rigans:

**E**t qui fementis per tempora, fenore laetus,

**O**ktober, cupidi spem fovet agricolae:

**Q**uique fallo mergens sollemnia signa November

**P**rae*c*ipitat, coelo mox redditura suo.

**C**oncludens numerum, genialia festa December

**F**init, ut a bruma mox novus annus eat.

Quoteni dies sint mensū singulorum.

**I**mplet tricenas per singula menstrua luces

**I**unius, Aprilisque, & cum Septembre November.

**V**nus ter denis cumulatius adde diebus

**P**er septem menses, Iani Martisque Calendis,

**E**t quas Majus agit, quas Iulius, Augustusque,

**E**t quas October, positusque in fine December.

**V**nus erit tantum duodetriginta dierum,

**Q**uem Numa praeposito voluit succedere Iano.

**S**ic tercentenis decies accedere senos,

**Q**uadrantemque, & quinque dies sibi computat annus;

De tribus menstruis mensium.

Bis feras anno reparat Lucina Calendas:  
 Et totidem medias dat currere Iupiter Idus.  
 Nonarumque diem faciunt infra octo secundi.  
 Haec sunt Romano tantum tria nomina mensi.  
 Caetera per numeros sunt cognomenta dierum.

Quo mense quotae Nonae, vel Idus sint.

At Nonas modo quarta aperit, modo sexta refert lux.  
 Sexta refert Maïi, Octobris, Martisque recursu,  
 Et qui solstitio sua tempora Iulius infert.  
 Caetera pars mensum quartis est praedita Nonis.  
 Omnes vero Idus octava luce recurrent.

Quotae Calendae sunt mensium singulorum.

Post Idus, quas quisque suas habet ordine mensis,  
 Diversae numero redeunt variante Calendae:  
 Dum rursumque iterumque vocantur,  
 Ut tandem oblati procedant temporis ortus.  
 Ter fenis, unoque die genitalia festa  
 Porrigit, ut Ianum arcessiat nova bruma morantem.

Hoc numero mensisque Numae redit , Autumnique  
 Principium referens Bacchi September alumnus.  
 Iulius , & Maius , positusque in fine December,  
 Octoberque die revocatur tardius uno.  
 Inde die redeunt minus uno , quattuor ultra ,  
 Quos numero adjiciam , Sextilis , Iunius atque  
 Aprilis , post quos paenultima meta November.  
 Ter quinis , unoque die , Iunonie Mavors ,  
 Ut redeas , referasque exordia prima , cieris.  
 Hoc numero ad plenum vertens reparabitur annus ,  
 In quo mense quod signum sit ad cursum  
 Solis.

P rincipium Iani sancit tropicus Capricornus.  
 Mense Numae in medio solidi stat fidus Aquari.  
 Procedunt duplices in Martia tempora Pisces.  
 Respicias Apriles , Aries Phryxes , Calendas.  
 Maius Agenorei miratur cornua Tauri.  
 Iunius aequatos coelo videt ire Laconas.  
 Solstitio ardantis Cancri fert Iulius astrum.  
 Augustum mensem Leo fervidus igne perurit.  
 Sidere , Virgo , tuo Bacchum September opimat.

**Aequat & October fementis tempore Libram.**

**Scorpion hybernum praecipit jubet ire November.**

**Terminat Arcitenens medio sua signa Decembri.**

**Q. Ciceronis versus eo pertinent, ut quod  
signum quo tempore illustre sit, noverimus.**

**Quod superius quoque nostris versibus  
expeditur.**

**F**lumina verna carent obscuro lumine Pisces.

**Curriculumque Aries aequat noctisque diique.**

**Cornua quem condunt florum praenuncia Tauri.**

**Aridaque aestatis Gemini primordia pandunt.**

**Longaque jam minuit praeclarus lumina Cancer.**

**Languificusque Leo proflat ferus ore calores.**

**Post, modicum quatiens Virgo fugat orta vaporem.**

**Autumna referat portas, aequatque diurna**

**Tempora nocturnis dispenso fidere Libra.**

**Et fetos ramos dinudat flamma Nepai.**

**Pigra Sagittipotens jaculatur frigora terris.**

**Bruma gelu glacians jubare spirat Capricorni.**

**Quam sequitur nebulas rorans liquor altus Aquari:**

**Tenta supra, circaque vigent ubi flumina mundi.**

At dextra, laevaque ciet rota fulgida Solis  
 Mobile curriculum, & Lunae simulacra feruntur.  
 Squamma sub aeterno conspectu torta Draconis  
 Eminet. Hunc inter fulgentem sidera septem  
 Magna quatit stellans: quam servans serus in alta  
 Conditur Oceani ripa cum luce Bootes.

### A solstitio in aequinoctium ratio.

Sol profectus a tempore veris aequinoctio,  
 Post semidiem postque totos nonaginta & quattuor,  
 Fervidis flagrans habenis pulsum aestivum conficit.  
 Inde Autumnus noctis horas librans aequo lumine,  
 Octo & octoginta goeris, & super trihorio.  
 \* \* \* \* \* \* \* \* \* \* \*  
 Inde floridum reflexis ver revisit oreis  
 Additis ad hos priores goeros geminis orbibus.

### De Feriis Romanis.

Nunc & Apollineos Tiberina per ostia ludos,  
 Et Megalesiacae matris operta loquar.  
 Vulcanique dies autumni exordia primi,  
 Quinquatrusque Deae Pallados expediam:

Et medias Idus, Maji, Auguftique recurſu,  
 Quas ſibi Mercurius, quasque Diana dicat.  
 Matronae quae ſacra colant pro laude virorum,  
 Mavortis primi cum rediere dies.  
 Festa Caprotinis memorabo celebria nonis.  
 Quum ſtola matronis dempta teget famulas:  
 Quattuor illa etiam discretis partibus anni  
 Solſtitia, & luces nocte, dieque pares.  
 Nec Regifugium pulsis ex urbe tyrannis,  
 Laetum Romanis fas reticere diem.  
 Viſne Opis ante ſacrum, vel Saturnalia dicam,  
 Festaque ſervorum, quum famulantur heri?  
 Et nunquam certis redeuntia festa d̄iebus,  
 Compita per vicos quum ſua quisque colit?  
 Aut duplīcem cultum, quem Neptunalia dicunt,  
 Et quem de Conſo confiliisque vocant?  
 Festa haec, navigiis, aut quae celebrata quadrigis  
 Iungunt Romanos finitimosque duces?  
 Adjiciam cultus, peregrinaque ſacra deorum,  
 Natalem Herculeum, vel ratis Iſiacae:  
 Nec non laſcivi Floralia laeta theatri,  
 Quae ſpectare volunt, qui voluiffe negant.

Nunc etiam veteres celebrantur Equiria ludi.

Prima haec Romanus nomina Circus habet.

Et Dionysiacos Latio cognomine ludos

Roma colit, Liber quae sibi vota dicat.

Aediles plebeji etiam, aedilesque curules

Sacra, Sigillorum nomine dicta, colunt.

Et gladiatores funebria proelia notum

Decertasse foro: nunc sibi harena suos

Vendicat: extremo qui jam sub fine Decembris,

Falcigerum placant sanguine Coeligenam.

### De lustralibus agōnibus.

Quattuor antiquos celebravit Achaïa ludos.

Coelicolūm duo sunt, & duo festa hominum.

Sacra Iovis, Phoebique, Palaemonis, Archemorigue:

Serta quibus pinus, malus, oliva, apium.

### De locis agonum.

Prima Iovi magno celebrantur Olympia Pisae.

Parnassus Clario sacravit Pythia Phoebo.

Isthmia Portuno bimaris dicat aeta Corinthi.

Archemori Nemeaea colunt funebria Thebae.

## De auctoribus agonum.

**P**rimus Olympiacae sacravit festa coronae  
**I**uppiter Argivi stadia ad longissima Circi.  
**P**roximus Alcides Nemeae sacravit honorem.  
**H**aec quoque temporibus quinquennia sacra notandis.  
**I**sthmia Neptuno data sunt: & Pythia Phoebo,  
**A**ncipiti cultu divisorum hominumque sepultis.

**Q**uod iidem, qui sacri agones sunt, & funebres ludi habeantur.

**T**antalidae Pelopi moestum dicat Elis honorem.  
**A**rchemori Nemeaea colunt quinquennia Thebae.  
**I**sthmia defuncto celebrata Palaemone, notum.  
**P**ythia placando Delphi statuere Draconi.



**A V S O N I I**  
**BVRDIGALENSIS**  
**E P I S T O L A R V M**  
**L I B E R —**

---

**A V S O N I V S ad patrem, de suscepto filio.**

**EPISTOLA I.**

**C R E D I D E R A M** nil posse meis affectibus addi,

Quo, venerande pater, diligere magis.

**A C C E S S I T** (grates superis medioque nepoti,

Bina dedit nostris qui juga nominibus.

**I P S E** nepos te fecit avum. Mihi filius idem.

Et tibi ego. Hoc nato nos sumus ambo patres.

**N E C** jam sola mihi pietas mea suadet amorem:

Nomine te gemini jam genitoris amo.)

**A C C E S S I T** titulus, tua quo reverentia crescat:

Quo doceam natum, quid sit amare patrem.

Quippe tibi aequatus videor, quod parvulus iste  
Nomine honoratum me quoque nobilitat;  
Atque aetas quia nostra eadem. Nam supparis aevi  
Sum tibi ego, & possum fratris habere vicem.  
Nec tantum nostris spatium interponitur annis,  
Quanta solent alias tempora dividere.  
Vidi ego natales fratrum distare tot annis,  
Quot nostros. Aevum nomina non onerant.  
Pulchra juventa tibi senium sic jungit, ut aevum,  
Quod prius est, maneat: quod modo, ut incipiatur.  
Et placuisse reor geminis aetatibus, ut se  
Non festinato tempore utraque daret.  
Leniter haec flueret, haec non properata veniret,  
Maturam frugem flore manente ferens.  
Annos me nescire tuos, pater optime, testor:  
Totque putare meos, quot reor esse tuos.  
Nesciat hos natus, numeret properantior haeres,  
Testamenta magis, quam pia vota fovens:  
Exemplaque docens pravo juvenescere natos,  
Ut nolint patres se quoque habere senes.  
Verum ego primaevi genitus genitore, fatebor  
Supparis haec aevi tempora grata mihi.

Debeo quod natus, suadet pia cura nepotis,  
 Addendum patri, quo veneremur avum.  
 Tu quoque, mi genitor, geminata vocabula gaude,  
 Nati primaevi nomine factus avus.  
 Exiguum, quod avus. Faveant pia numina divum,  
 Deque nepote suo fiat avus proavus.  
 Largius & poterunt producere fata senectam :  
 Sed rata vota reor, quae moderata magis.

Pater ad filium ; quum temporibus tyran-  
 nicis ipse Treveris remansisset, & filius  
 a patre profectus esset. Hoc inchoatum  
 neque impletum sic de liturariis scri-  
 ptum. II.

Debeo & hanc nostris, fili dulcissime, curis  
 Historiam : quamquam titulo non digna sereno  
 Anxia moestiarum fuerit querimonia rerum.  
 Iam super egelidae stagnantia terga Mosellae  
 Protulerat te, nate, rates : moestique parentis  
 Oscula & amplexus disreverat invidus amnis.  
 Solus ego ; & quamvis coetu celebratus amico,  
 Solus eram : profugaeque dabam pia vota carinae,

Solus adhuc te, nate, videns: celerisque remulci  
 Culpabam properos adverso flumine cursus.  
 Quis fuit ille dies? Non annus longior ille es,  
 Attica quem docti collegit cura Metonis.  
 Desertus, vacuis solisque exerceor Aris.  
 Nunc ego pubentes salicum deverbero frondes:  
 Gramineos nunc frango toros: viridesque per ulvas  
 Lubrica substratis vestigia libro lapillis.  
 Sic lux prima abiit: sic altera meta diei.  
 Sic geminas alterna rotat vertigo tenebras,  
 Sic alias: totusque mihi sic annus abibit,  
 Restituant donec tua me tibi fata parentem.  
 Hac ego conditions licet, vel morte paciscar:  
 Dum decores suprema patris, tu nate, superstes.

## A V S O N I V S Hesperio. III.

Qualis Picenae populator turdus olivae,  
 Clunes opimat cereas:  
 Vel qui lucentes rapuit de vitibus uvas,  
 Pendetque nexus retibus:  
 Quae vespertinis fluitant nebulosa sub horis,  
 Vel mane tenta roscido:

Tales hybernis ad te de sepibus, ipsos  
 Capi volentes, misimus,  
 Bis denos. Tot enim crepero sub lucis Eoae  
 Praecepis volatus intulit.  
 Tum quas vicinae fugessit praeda lacunae,  
 Anates maritas junximus,  
 Remipedes, lato populantes caerulea rostro,  
 Et crure rubras punico.  
 Iricolor vario pinxit quas pluma colore,  
 Collum columbis aemulas.  
 Defradata meae non sunt hoc fercula mensae.  
 Vescente te, fruimur magis.  
 Vale bene, ut valeam.

## AVSONIVS Theoni suo S. iv.

AVSONIVS, cuius ferulam nunc sceptr'a verentur,  
 Paganum Medulis jubeo salvere Theonem.

Quid geris, extremis positus telluris in oris,  
 Cultor harenarum vates? Cui littus arandum,  
 Oceani finem juxta, Solemque cadentem:  
 Vilis arundineis cohibet quem pergula tectis:

Et tingit piceo lacrymosa colonica fumo.  
 Quid rerum, musaeque gerunt, & cantor Apollo?  
 Musae non Helicone satae, nec fonte caballi:  
 Sed quae fecundo de pectore Clementini,  
 Inspirant vacuos aliena mente poëtas.  
 Iure quidem: nam quis malit sua carmina dici,  
 Qui te securo possit proscindere risu?  
 Haec quoque ne nostrum possint urgere pudorem,  
 Tu recita: & vere poterunt tua dicta videri.  
 Quam tamen exerces Medulorum in littore vitam?  
 Mercatusne agitas, leviore nomismate captans,  
 Insanis quod mox pretiis gravis austio vendat?  
 Albentes sevi globulos, & pinguia cerae  
 Pondera, Naryciamque picem, scissamque papyrus,  
 Fumantesque oolidum paganica lumina taedas?  
 An majora gerens, tota regione vagantes  
 Persequeris fures? Qui te, postrema timentes,  
 In partem, praedamque vocent. Tu mitis, & osor  
 Sanguinis humani condonas crimina nummis,  
 Erroremque vocas, pretiumque imponis abaftis  
 Bobus, & in partem scelerum de judice transis?  
 An cum fratre vagos dumeta per avia cervos

Circundas maculis, & multa indagine pinnae?  
 Aut spumantis apri cursum clamoribus urges,  
 Subsidisque fero? Moneo tamen, usque recuses  
 Stringere fulmineo venabula cominus hosti.  
 Exemplum de fratre time, qui veste reducta  
 Ostentat foedas prope turpia membra lacunas,  
 Perfoſſasque nates vicino podice nudat.  
 Inde ostentator volitat: mirentur ut ipsum  
 Gedippa, Vrſinusque ſuus, prolesque Iovini,  
 Taurinusque, ipsum priscis heroibus aequans.  
 Qualis in Olenio viitor Calydonius apro,  
 Aut Erymantheo pubes fuit Attica monſtro.  
 Sed tu parce feris venatibus, & fuge nota  
 Crimina ſylvarum: ne ſis Cinyreia proles,  
 Accedasque iterum Veneri plorandus Adonis.  
 Sic certe crinem flavus, niveusque lacertos,  
 Caſariem rutilam per candida colla refundis:  
 Peſtore ſic tenero, plana ſic junceus alvo,  
 Per teretes feminum gyros, ſurasque nitentes  
 Descendis, talos a vertice pulcher ad imos.  
 Qualis floricomam quondam populator in Aetna,  
 Virgineas inter choreas Deoida raptam

Sustulit emersus stygiis fornacibus Orcus.  
An quia venatus ob tanta pericula vitas,  
Piscandi traheris studio? Nam tota fupellex  
Domnotoni tales solita est ostendere gazas:  
Nodosas vestes animantium Nerinorum,  
Et jacula, & fundas, & nomina villica lini,  
Colaque, & indutos terrenis vermibus hamos.  
His opibus confise tunes? Domus omnis abunda  
Littoreis dives spoliis, referuntur ab unda  
Corroco, letalis Trygon, mollesque Plateissae,  
Vrentes Thynni, & male tecti spina Elegati.  
Nec duraturi post bina trihora Corvi.  
An te carminibus juvat incestare canoras:  
Mnemosynes natas, aut tris, aut octo sorores?  
Et quoniam huc ventum, si vis cognoscere, quid  
Inter doctrinam, deridendasque camoenas:  
Accipe congestas mysteria frivola nugas,  
Quas tamen explicitis nequeas deprendere chartis  
Scillite decies non si purgeris aceto,  
Anticipesque tuo Samii Lucumonis acumem:  
Aut adsit interpres tuus,  
Aenigmatum qui cognitor

Fuit meorum: quum tibi  
 Cadmi nigellas filias,  
 Melonis albam filiam,  
 Notasque furvae sepiæ,  
 Cnidiosque nodos prodidit.  
 Nunc adsit: & certe modo  
 Praesul creatus litteris,  
 Enucleabit protinus  
 Quod militantes scribimus.

Notos fingo tibi poëta versus:  
 Quos scis Hendecasyllabos vocari.  
 Sed nescis modulis tribus moveri.  
 Istos composuit Phalaecus olim,  
 Qui Penthemimerin habent priorem:  
 Et post semipedem duos jambos.  
 Sunt quos Hexametri creant revulsi:  
 Ut Penthemimeris prior locetur:  
 Tum quod bucolice tome relinquit.  
 Sunt & quos generat puella Sappho:  
 Quos primus regit Hippius secundus:  
 Ut claudat Choriambon Antibacchus.  
 Sed jam non potis es, Theon, doceri:

Nec fas est mihi regio magistro  
 Plebeiam numeros docere pulpam.  
 Verum protinus ede, quod requiro.  
 Nil quaero, nisi quod libris tenetur:  
 Et quod non opicae tegunt papyri.  
 Quas si solveris, ô poëta, nugas,  
 Totam trado tibi simul Vacunam,  
 Nec jam post metues ubique dictum,  
 Hic est ille Theon poëta falsus,  
 Bonorum mala carminum taberna.

## Eidem Theoni. v.

**A**VSONIVS Salve caro mihi dico THEONI,  
 Versibus experiens quod volo, quodve queror.

Tertia fissipedes renovavit Luna juvencas,  
 Vt fugitas nostram, dulcis amice, domum.  
 Nonaginta dies sine te, charissime, traxi:  
 Huc adde aestivos. Hoc mihi paene duplum est.  
 Vis novies denos dicam, deciesque novenos  
 Isse dies? Anni portio quarta abiit.  
 Sexaginta horas super & duo millia centum  
 Te sine consumpsi: quo sine & hora gravis.

Millia bis nongenta jubet demensio legum  
Adnumerata reos per tot obire dies.  
Iam potui Romam pedes ire, pedesque reverti,  
Ex quo te dirimunt millia pauca mihi.  
Scirpea Domnotoni tanti est habitatio vati?  
Pauliacus tanti non mihi villa foret.  
An quia per tabulam medico pugnante notatam,  
Debita summa mihi est; ne repetamus, abes?  
Bis septem rutilos regale nomisma Philippo,  
Nec tanti fuerint, perdere malo, Theon:  
Implicitum quam te nostris interne medullis  
Defore tam longi temporis in spatio.  
Ergo aut praedictos jam nunc rescribe Darios:  
Et redime, ut mora sit libera desidiae:  
Aut alios a me totidem dabo: dummodo cari  
Conficer ora viri, pauperis usque licet.  
Puppe citus propera, sinuosaque linteal veli  
Pande. Medullini te feret aura noti  
Expositum subter paradas, lectoque jacentem:  
Corporis ut tanti non moveatur onus.  
Vnus Domnotoni te littore perferet aestus  
Condarem ad portum: si modo deproperes.

Inque vicem venti, quotiens tua flamina cessant,  
 Remipedem jubeas protinus ire ratem.  
 Invenies praesto subjuncta petorita mulis,  
 Villa Lucani - mox potieris - aco.  
 Rescisco disces componere nomine versum.  
 Lucili vatis sic imitator eris.

## Eidem Theoni. vi.

**A**VSONIVS Consul vatem resaluto THEONEM.  
 Aurea mala, Theon, sed plumbea carmina mittis.  
 Vnius massae quis putet has species?  
 Vnum nomen utrisque: sed est discrimin utrisque:  
 Poma ut Mala voces, carmina vero mala.  
 Vale beatis nomen a divis Theon.  
 Metoche sed ista saepe currentem indicat.

**A**VSONIVS Theoni, quum ei triginta  
 Ostrea, grandia quidem, sed tam  
 pauca misisset. vii.

**E**xpectaveram, ut rescriberes ad ea, quae dudum  
 joculariter luseram de cessatione tua valde impia,  
 & mea efflagitatione, cuius rei munus reciprocum

quoniam in me colendo fastidisti, inventa inter tineas epistola veteri, quam de Ostreis & Musculis affectata obscuritate condideram : quae adolescens temere fuderam, jam senior retractavi. Sed in eundem modum instaurata est satyrica, & ridicula concinnatio, saltem ut nunc respondeas notissimae cantilenae, qui illam novitiam silentio condemnasti.

Ostrea Bajanis certantia, quae Medulorum  
Dulcibus in stagnis reflui maris aestus opimat,  
Accepi, dilecte Theon, numerabile munus.  
Verum quot fuerint, subjecta monosticha signant.  
Quot ter luctatus cum pollice computat index.  
Geryones quot erant, dècies si multiplicentur.  
Ter quot erant Phrygii numerata decennia belli.  
Aut ter ut Aeolidi mensis tenet ignicomus Sol.  
Cornibus a primis quot habet vaga Cynthia noctes.  
Singula percurrit Titan quot signa diebus.  
Quotque annis sublimis agit sua saecula Phaeton.  
Quot numero annorum Vestalis virgo ministrat.  
Dardaniusque nepos regno quot protulit annos.  
Priamidae quot erant, si bis deni retrahantur.  
Bisque viros numeres, qui fata Amphrysia servant.

Quot genuit foetus Albana sub illicibus suis.  
 Et quot sunt aspes, ubi nonaginta trientes.  
 Vel quot habet junctos Vasatica rheda caballos.  
 Quod si figura's fabulis adumbratas,  
 Numerumque doctis involutum ambagibus  
 Ignorat alto mens obesa viscere:  
 Numerare saltim more vulgi ut noveris,  
 In se retortas explicabo summulas.  
 Ter denas, puto, quinquiesque senas.  
 Vel bis quinque, dehinc decem, decemque.  
 Vel senas quater, & bis adde ternas.  
 Septenis quater addito unum & unum.  
 Duc binas decies, semelque denas.  
 Aut ter quattuor adde bis novenis.  
 Octonis quater, hinc duae recedant.  
 Binas ter decies, semel quaternas.  
 Et sex adde novem vel octo septem.  
 Aut septem geminis bis octo junge.  
 Aut ne sim tibi pluribus molestus,  
 Triginta numero fuere cunctae.  
 Iunctus limicolis musculus Ostreis  
 Primo composuit fercula prandio,

Gratus deliciis nobilium cibus,  
Et sumpti modicus pauperibus foci.  
Non hic navifrago quaeritur aequore,  
Vt crescat pretium grande periculis:  
Sed primore vado, post refugum mare,  
Algoſo legitur littore concolor.  
Nam testae duplicitis conditum in specu,  
Quae ferventis aquae fota vaporibus,  
Carnem lacteoli visceris indicat.  
Sed damnoſa nimis panditur area.  
Fac campum replices, Muſa, papyrium:  
Nec jam fissipedis per calami vias  
Graffetur Cnidiae fulcus arundinis,  
Pingens aridulae subdita paginæ,  
Cadmi filiolis atricoloribus.  
Aut cunctis pariter versibus oblinat  
Fulvam lacticolor spongia ſepiam.  
Parcamus vitio Domnotinae domus:  
Ne fit charta mihi carior Ostreis.

---

## AVSONIVS Axio Paulo rhetori-S. VI

Tandem eluctati retinacula blanda morarum,  
 Burdigalae molles liquimus illecebras.  
 Santonicamque urbem, vicino accessimus agro.  
 Quod tibi si gratum est, optime Paule, proba  
 Cornipedes raptant imposta petorita mulae:  
 Vel ciso trijugi, si placet, insilias:  
 Vel celerem mannum, vel ruptum terga veredun  
 Conscendas, propere dummodo jam venias.  
 Instantis revocant quia nos solemnia Paschae:  
 Libera nec nobis est mora desidia.  
 Perfer in excursu vel terjuga millia epodon,  
 Vel falsas lites, quas schola vestra ferit.  
 Nobiscum invenies nullas, quia liquimus istie  
 Nugarum veteres cum sale reliquias.

## AVSONIVS Paulo. IX.

Ostrea nobilium coenis, sumptuque nepotum  
 Cognita, diversoque maris defensa profundo,  
 Aut refugis nudata vadis, aut scrupea subter  
 Antra, & muriceis scopulorum mersa lacunis,

Quae

Quae viridis muscus, quae dedecor alga recondit,  
Quae testis concreta suis, ceu faxa cohaerent,  
Quae mutata loco, pingui mox condita limo,  
Nutrit secretus conclusae uliginis humor,  
Enumerare jubes, vetus ô mihi Paule sodalis,  
Assuefacte meis joculari carmine nugis.  
Aggrediar; quamvis curam non ista senilem  
Solicitent, frugique viro dignanda putentur.  
Nam mihi non saliare epulum, non coena dapalis,  
Qualem Penelopae nebulonum mensa procorum,  
Alcinoique habuit nitidae cutis uncta juventus.  
Enumerabo tamen, famam testesque secutus,  
Pro studiis hominum semper diversa probantum.  
Sed mihi prae cunctis mitissima, quae Medulorum  
Educat Oceanus, quae Burdigalensia nomen  
Vsque ad Caesareas tulit admiratio mensas,  
Non laudata minus nostri quam gloria vini.  
Haec inter cunctas palmam meruere priorem,  
Omnibus ex longo cedentibus; ista & opimi  
Visceris, & nivei, dulcique tenerima succo,  
Miscent aequoreum tenui sale tincta saporem.  
Proxima sint quaevis, sed longe proxima multo

Ex intervallo: quae Massiliensis: portum  
 Quae Narbo ad Veneris nutrit; cultuque carentis  
 Hellestiaci quae protegit aequor Abydi:  
 Vel quae Bajanis pendent fluitantia pilis:  
 Santonicus quae testa salo, quae nota Genonis:  
 Aut Eborum mistus pelago quae protegit amnis,  
 Ut multo jaceant algarum abducta recessu:  
 Aspera quae testis, & dulcia farris opimae.  
 Sunt & Aremorici qui laudent Ostrea ponti:  
 Et quae Pictonici legit accola littoris: & quae  
 Mira Caledonius nonnumquam detegit aestus.  
 Accedunt, quae fama recens Byzantia subter  
 Littora, & insana generata Propontidis acta,  
 Premoti celebrata ducis de nomine, laudat.  
 Haec tibi non vates, non historicus, neque tota  
 Orbe vagus conviva loquor, sed tradita multis:  
 Ut solitum, quotiens dextrae invitatio mensae  
 Sollicitat lenem comi sermone Lyaeum.  
 Haec non per vulgum mihi cognita, perque popinas,  
 Aut parasitorum collegia Plautinorum:  
 Sed, festos quia saepe dies partim ipse meorum  
 Excolui, inque vicem conviva vocatus adivi,

Natális si forte fuit sollemnis amico,  
 Conjugioque dapes, aut sacra repotia patrum,  
 Audivi: memitique bonos laudare frequentes.

## AVSONIVS Paulo. x.

Si qua fides falsis unquam est adhibenda poëtis,  
 Nec plasma semper allinunt,  
 Paule, Camoenarum celeberrime Castaliarum  
 Alumne quondam, nunc pater,  
 Aut avus, aut proavis antiquior, ut fuit olim  
 Tartessiorum regulus:  
 Intemerata tibi maneant promissa memento.  
 Phoebus jubet verum loqui.  
 Et si Pierias patitur lirare Sorores,  
 Nunquam ipse torquet δυλακα.  
 Te quoque ne pigeat consponsi foederis: & jam  
 Citus veni remo, aut rota.  
 Aequoris undosi qua multiplicata recursu,  
 Garumna pontum provocat.  
 Aut iteratarum qua glarea trita viarum,  
 Fert militarem ad Blaviam.

Nos etenim primis sanctum post Pascha diebus  
 Avenimus agrum visere.  
 Nam populi coetus, & compita sordida rixas  
 Fastidientes, cernimus  
 Angustas fervore vias, & congrege vulgo  
 Nomen plateas perdere.  
 Turbida congestis referitur vocibus Echo,  
 Tene, feri, duc, da, cave:  
 Sus lutulenta fugit, rabidus canis impete faevo,  
 Et impares plaustrō boves.  
 Nec prodest penetrare domus & operta subire:  
 Per tecta clamores meant.  
 Haec, & quae possunt placidos offendere mores,  
 Cogunt relinquī moenia:  
 Dulcia secreti repeatantur ut otia ruris  
 Nugis amoena seriū.  
 Tempora disponas ubi tu tua: jusque tuum sit,  
 Ut nil agas, vel quod voles.  
 Ad quae si properas, tota cum merce tuarum  
 Veni camoenarum citus.  
 Daftylicos, elegos, choriambum carmen, epodos,  
 Socci & cothurni musicam,

Carpentis impone tuis: nam tota supellex

Vatum piorum chartea est.

Nobiscum invenies catenoplia, si libet uti,

Non Poena, sed Graeca fide.

A V S O N I V S Paulo S. xi.

**V**ersus meos, utili & conscio sibi pudore celatos,  
carmine tuo & sermone praemissis, dum putas elici,  
repressisti. Nam qui ipse facundus, & musicus,  
editionis alienas prolectat audaciam; consilio, quo  
suadet, exterret. Tegat, oportet, auditor doctrinam  
suam, qui volet ad dicendum sollicitare trepidantem;  
nec emerita adversum tirunculos arma  
concutiat veterana calliditas. Sensit hoc Venus, de  
pueritudo palma diu ambiguo ampliata judicio.  
Pudenter enim, ut apud patrem, velata certaverat;  
neque deterrebat aemulas ornatus aequalis. At post-  
quam in pastoris examen deducta est lis dearum,  
qualis emerserat mari, aut cum Marte convenerat,  
& consternavit arbitrum, & contendentium certamen  
oppressit. Ergo nisi DELIRVS tuus in re te-  
nui non tenuiter laboratus, opuscula mea, quae

promi studueras, retardasset: jamdudum ego, ut  
 palmes audacior, in hybernas adhuc auras impro-  
 bum germen egissem, periculum judicii gravis, in-  
 consultâ festinatione subiturus. Denique dissonum,  
 quem Colonomon existimo proprio a philologis ap-  
 pellatum, ad te mittere, ut jubebas, recenti versuum  
 tuorum lectione non ausus, ea, quae tibi jam cursim  
 fuerant recitata, transmitto. Etenim hoc poposci-  
 sti, atque id ego malui: tu ut tua culpa ad eundem  
 lapidem bis offenderes: ego autem quaecunque for-  
 tunâ esset, semel erubescerem. Vide, mi Paule,  
 quam ineptum lacestieris: in verbis, rudem: in  
 eloquendo, hiulcum: a propositis discrepantem: in  
 versibus, concinnationis expertem: in cavillando,  
 natura invenustum, nec arte conditum: diluti salis,  
 & fellis ignavi: nec de mimo planipedem, nec de  
 comoedis histrionem: ac nisi haec a nobis missa  
 ipse lecturus es, etiam de pronunciatione rideres.  
 Nunc commodiore fato sunt: quod licet apud nos  
 genuina, apud te erunt adoptiva.

Vinum quum bijugo parabo plaustro  
 Primo tempore Santones vehendum,

Ovum tū quoque passeris marini:  
 Quod nunc promus ait procul relictum  
 In fundo patriae Bigerritanae.

## Αὐσόνιος Παύλω. XII.

Ελλαδικῆς μετέχων μάσης, Latiaeque camoenae,  
 Αξίω Ἀυσόνιος, sermone alludo bilingui.  
 Musae quid facimus? τὶ κεναῖσιν ἐπ' ἐλπίσιν ἀντως  
 Ludimus ἀφραδησιν ἐν ἡμαῖς γηράσκουμενοις:  
 Σαντονικοῖς camporum ὅπῃ κρυος ἀσπεῖον ἔσιν,  
 Erramus gelido-τρομεροὶ, rigidique poëtae  
 Πιερίδων τερενοκλονάμων θεράποντες inertes.  
 Πάντα δὲ ἔχει παγετός τε pedum, καὶ κρυμός ὁδόντων,  
 Θαλπωρὴ quia nulla πέλει χιονιδεῖ χώρη,  
 Et duplicant frigus ψυχρὰ carmina μητιόωντες.  
 Αρχόμενος δὲ φρεσκα μῆνιν ἔωιτα . . . .  
 Primitias Παύλω nostro πέμψω μελιηδεῖ.  
 Μημοσύνης ιηθεμνοκόμες πολὺ inclyta τέκνα  
 Ἐγγέα verbosae, κριοσέΦανοι τε puellae.  
 Εὐθὺς ἀγε μοι τολυπενέτ' ἔπη, οὐρώδεα μολπήν,  
 Φρόντibus ὑμετέραις πλέρινον praeferte libellum  
 Τματαρ . . . σίχον . . . .

Παῦλω ἐφαρμόζητε μεμιγμένον . . . φύδην.

Οὐ γὰρ μοι Θέμις ἔσιν in hac regione μένοντι

"Αἴσιον ab nostris ἀπίδευσα εἴσει καμήνατις.

Κεῖνος ἐμοὶ πάντων μέτοχος, qui feria nostra,

Qui joca παντοδαπῇ novit tractare παλαιτέρῃ.

Καὶ νῦν sepositus μοναχῷ ἐνὶ rure Κρεβέννῳ,

'Ασαφύλω ἐνὶ χώρᾳ, habet θυμαλγέα λέσχην.

Οὕτε φίλοις ἐτάροις, nec mensae accommodus ulli.

"Οτις ἀθελεῖνοις αἰεὶ συνεμενούς φάτο μέσσαις.

Iam satis, ὁ φίλος Παῦλος, πόνων ἀπεκειρήθημεν.

"Εντε πορῷ causaiς τε, καὶ ingrañαισί καθέδραις.

Τηγλορικοῖς lυδοῖσι, καὶ ἐπλεθο οὐδὲν ὄνειαρ.

'Αἱ. ηδη κεῖνος μὲν ἀπας juvenalios ἕρως

'Εκκέχυται μελέων, τρομερὴ λάθε βλέμμα senectus.

Καὶ minus in sumptum δαπανᾷς levis arca ministrat.

Οὐ γὰρ ἔχει ἀπάλαμνος ἀγήρ . . . . .

Κλεινικὸς δέ ο γέρων . . . . .

Aequanimus si qua fueris, ἐς πάντα μάλ' ἔνδειν

Malueris, λήθη δὲ πόνος ἔσετ' ηδὲ πενίης.

Κεῖνο δὲ παγκάλλισον, ut omnibus undique mensis

Σὺν φίλῃ η σὺν δέκατῃ συνοπάσονι μεσέων

Θυμῷ ἀκηχεμένῳ solatia blanda requiras.

Hic erit & fructus Δημόπερος ἀγλαοκαρπία.

"Εὐθα σοὶ εἰδαρ ἔστι, πολυχανδέα pocula, θέντι  
Κύριον, ἀκε θελοις, νεκταρ vinois bonoio.

Ambo igitur nostrae παραλέξομεν otia vitae,  
Dum res, & aetas, & sororum

Νήπια πορφύρεα πλέονται.

Αὐστόνιος Παύλω. XIII.

Παμαῖων-ὑπατος ἀρεβαλόγω ήδε ποιητῇ  
Αυστόνιος Παύλω, σπεῦδε· φίλους ιδειν.

Ad eundem Paulum. XIV.

Aequoream liqui te propter, amice, Garumnam.

Te propter campos incolo Santonicos.

Congressus igitur nostros pete : si tibi cura,

Quae mihi, conspectu jam potiere meo.

Sed tamen appropera, quantum pote corpore, & aevo;

Vt salvum videam, sat cito te video.

Si post infaustas vigor integratus habenas,

Et rediit membris jam sua mobilitas:

Si riguam laetis recolis Pimpleida Musis,

Iam vates, & non flagrifer Automedon:

Pelle soporiferi senium, nubemque veterni:

Atque alacri mediam carpe vigore viam.

Sed cisium aut pigrum cautus conscende verendum.

Non tibi sit rhedae, non amor acris equi.

Cantheris moneo male nota petorita vites.

Nec celeres mulas ipse Methyscus agas.

Sic tibi sint musae faciles, meditatio prompta,

Et memor: & liquidi mel fluat eloquii.

Sic, qui venalis tam longa aetate Crebentus

Non habet emptorem, sit tibi pro pretio.

Attamen ut citius venias, leviusque vehare;

Historiam, mimos, carmina, linque domi.

Grande onus in musis: tot saecula condita chartis,

Quae sua vix tolerant tempora, nostra gravant.

Nobiscum invenies ἐπέων πολυμορφέα πληθὺν,

Γραμματιῶν τε πλοκὰς, καὶ λογοδαιδαλίην,

Δάκτυλον ἡρῶν, καὶ ἀοιδοπόλον χορίαμβον,

Σὺν Θαλήῃ τε χόρῳ σύρματα Τερψιχόρης.

Σωταδικόν τε ιλύαιδον, ιώνικὸν ἀμφοτέρωθεν,

Ρύθμῶν πνιδαριῶν ἔννομον ἐνεπίην.

Εἴλιπόδην σκάζοντά, καὶ ὃ σκάζοντα τρίμετρον.

Οὐτῷ Θεκυδίδε, ἔννεα Ἡφέδότε.

Πήγορικῶν θαυμάσα, σοφῶν ἐρικυδέα Φίλα,  
 Πάντα μάλ' ὅσσ' ἔθελοις, καὶ πλέον, ἀλλε θέλοις.  
 Hoc tibi de nostris ἀσπασιηὸν offero libris.  
 Vale. Valere si voles me, jam veni.

## AVSONIVS Tetradio salutem. xv.

O qui venustos uberi facundia  
 Sales opimas, Tetradi:  
 Cavesque, ne sit tristis & dulci carent  
 Amara concinnatio:  
 Qui felle carmen atque melle temperans,  
 Torpere musas non finis;  
 Pariterque facas, quaeque gustu ignava sunt,  
 Et quae sapore tristia:  
 Rudes camoenas qui Sueissae praevenis:  
 Aevoque cedis, non stilo,  
 Cur me propinquum Santonorum moenibus  
 Declinas, ut Lucas boves  
 Olim resumpto praeferoce proelio  
 Fugit juventus Romula?  
 Non ut tigris te, non leonis impetu,  
 Amore sed caro expeto.

Videre alumni gestio vultus mei,  
Et indeole optata frui.  
Invitus olim devoravi absentiae  
Necessitatem pristinae,  
Quondam docendi munere adstrictum gravi  
Iculisma quum te absconderet.  
Et invidebam devio, ac solo loco,  
Opes camoenarum tegi.  
At nunc frequentes, atque claros, nec procul,  
Quum floreas inter viros:  
Tibique nostras ventus Æuras deferat,  
Auresque sermo verberet:  
Cur me supino pectoris fastu tumens,  
Spernis poëtam consulem?  
Tuique amantem, teque mirantem, ac tua  
Desiderantem carmina,  
Oblitus alto negligis fastigio?  
Plectendus exemplo tuo:  
Ni stabilis aevo pectoris nostri fides  
Quanquam recusantes amet.  
Vale: valere si voles me: pervola  
Cum scrinio, & musis tuis.

AVSONIVS Probo praefecto praetorio S.

## XVI.

Oblata per antiquarios mora , scio promissi mei gratiam expectatione consumptam, Probe, vir optime. In secundis tamen habeo non fefeller. Apologos Titiani, & Nepotis Chronica, quasi alias apolologos, (nam & ipsa instar sunt fabularum) ad nobilitatem tuam misi, gaudens atque etiam glorians fore aliquid, quod ad institutionem tuorum , sed utilitatis meae studio, conferatur. Libello tamen apolologorum antetuli paucos epodos , studio in te observantiae meae impudentissimos, paucos quidem, ut ego loquax judico: verum tu, quum legeris, etiam nimium multos putabis. Adjuro benevolentiam tuam , verecundiae meae testem , eos mihi subita persuasione fluxisse. Nam quis hoc diu cogitaret ? Quod sane ipsi per se probabunt. Fors fuat, ut si mihi vita suppetet, aliquid rerum tuarum , quamvis incultus , expoliam: quod tu & si lectum non probes, scriptum boni consulas. Quumque ego imitatus sim vesaniam Choerili, tu ignoscas

magnanimitate Alexandri. Hi igitur, ut Plautus  
ait, interim erunt antelogium fabularum, garruli,  
& deceptores. Qui compositi ad honorificentias  
obsequium, ad aurium convicium concurrerunt.  
Vale, & me dilige.

Ad Librum, ut eat ad Probum.

Perge, ô libelle, Sirmium,  
Et dic hero meo, ac tuo  
Ave atque salve plurimum.  
Quis iste sit nobis herus,  
Nescis libelle? An, quum scias,  
Libenter audis, quod juvat?  
Possum absolute dicere:  
Sed dulcius circumloquar,  
Diuque fando, perfruar.  
Hunc dico, qui lingua potens,  
Minorem Atridam praeterit,  
Orando pauca, & musica.  
Qui grandines Vlixei,  
Mellifluentem Nestora,  
Concinnatorem & Tullium.

Qui solus, exceptis tribus  
Heris, herorum primus est,  
Praetorioque maximus.  
Dico hunc senati praesulem,  
Praefectum eundem, & consulem,  
(Nam consul aeternum cluet)  
Collegam Augusti consulis,  
Columnen curulis Romulae  
Primum in secundis fascibus.  
Nam primus e cunctis erit  
Consul, secundus principi.  
Generi hic superstes aureo,  
Satorque prolis aureae,  
Convicit Ascreaum senem,  
Quoi saeculum omne ferreum:  
Qui vincit aevi injuriam,  
Stirpis novator Anniae:  
Paribusque comit infulis  
Aniciorum stemmata.  
Probum loquor. Scis optime,  
Quem nemo fando dixerit,  
Qui non prius laudaverit.

Perge, ô libelle, & utere  
 Felicitate intermina.  
 Quin & require, si finet  
 Tenore fari obnoxie:  
 Age vera proles Romuli,  
 Effare causam nominis.  
 Vtrumne mores hoc tui  
 Nomen dedere: an nomen hoc  
 Secuta morum regula?  
 An ille venturi sciens  
 Mundi supremus arbiter,  
 Qualem creavit moribus,  
 Iussit vocari nomine?  
 Nomen datum praeconiis,  
 Viraeque testimonio.  
 Libelle felix: quem finu.  
 Vir tantus involvet suo,  
 Nec occupari tempora  
 Gratō queretur otio.  
 Quem mille cum vocis modis,  
 Leni aut susurro impertiet:  
 Cuique vigiles luminum

Vacare

Vacare dignabunt corae.  
Quem mente, & aure consciis,  
Quibusdam omisis, pelleget.  
Quaecunque fortuna est tibi,  
Perge, ô libelle, & utere  
Felicitate intermina.  
Dic me valere, & vivere.  
Dic vivere ex voto pio,  
Sanctis precantem vocibus,  
Vt quem curulis proxima  
Collegio nati dedit:  
Hunc rursus Augustus prior  
Suis perennet fascibus.  
Subiecte & illud leniter:  
Apologos, en, misit tibi  
Ab usque Rheni limite  
Ausonius, nomen Italum,  
Praeceptor Augusti tui,  
Aesopiam trimetriam:  
Quam vertit exili stilo,  
Pedestre concinnans opus,  
Fandi Titianus artifex.

Vt hic avi ac patris decus  
Mixto refulgens sanguine,  
Probianoque, ac Anicio:  
(Vt quondam in Albae moenibus  
Supremus Aenea satus,  
Silvios Iulis miscuit:)  
Sic iste, qui natus tuus,  
Flos flosculorum Romuli  
Nutricis inter lemmata,  
Lallique somniferos modos,  
Suescat peritis fabulis,  
Simul jocari & discere.  
Et adde votum, quod pio  
Concepimus rei Deo:  
Vt genitor Augustus dedit  
Collegio nati Probum:  
Sic Gratianus hunc novum  
Stirpi futurae copulet.  
Rata sunt futura quae loquor.  
Sic merita, sic fatum jubet.  
Sed jam ut loquatur Iulius,  
Fandi modum invita accipe

**Volucripes dimetria:  
Aveque dicto, dic, Vale.**

**A V S O N I V S Symmacho. XVII**

**M**odo intelligo, quam mellea res sit oratio: quam delenifica, & quam suada facundia. Persuasisti mihi quod epistolae meae apud Capuam tibi redditae concinnatio inhumana non esset. Sed hoc non diutius, quam dum epistolam tuam legi: quae me blanditiis inhiantem tuis, velut succo nectaris delibuta, dicit. Vbi enim chartulam pono, & me ipsum interrogo, tum absinthium meum resipit: & circumlita melle tuo pocula deprehendo. Si vero, id quod saepe facio, ad epistolam tuam redii, rursus inilicior: & rursum ille suavissimus, ille floridissimus tui sermonis adflatus; deposita lectione vanescit, & testimonii pondus prohibet inesse dulcedini. Hoc me velut aërius bracteae fucus, aut picta nebula, non longius, quam dum videtur oblectat: Chamaeleontis bestiolae vice, quae de subjectis sumit colorem. Aliud sentio ex epistola tua, aliud ex conscientia mea: & tu me audes facundissimorum

hominum laude dignari? Tu, inquam, mihi sit  
qui te ultra commendationem hominum protulisti?  
Quisquam ne ita nitet, ut comparatus tibi non so-  
deat? Quis ita ad Aesopi venustatem, quis ad si-  
phisticas Isocratis conclusiones, quis ad enthym-  
mata Demosthenis, aut opulentiam Tullianam, a-  
prorietatem nostri Maronis accedat? Quis ita a-  
fectat singula, ut tu implexus omnia? Quid enim  
aliud es, quam ex omni bonarum artium ingeni  
collecta perfectio? Haec, domine mihi, fili Symma-  
che, non vereor, ne in te blandius dicta videantur  
esse, quam verius. Et expertus es fidem meam  
mentis, atque dictorum: dum in comitatu degimus  
ambo, aevi dispari. Vbi tu veteris militiae pra-  
mia tiro meruisti: ego tirocinium jam veteranum  
exercui. In comitatu tibi verus fui, nedium m-  
peregrum existimes composita fabulari. In comita-  
tu, inquam, qui frontes hominum aperit, mente  
tegit, ibi me & parentem, & amicum, & si qui  
utroque carius est, cariorem fuisse sensisti. Se-  
abeamus ab his: ne ista haec commemoratio ad illar-  
Sosiae formidinem videatur accedere. Illud quo

i que, quod pene praeterii, qua affectione addidisti,  
ut ad te didascalicum aliquod opusculum, aut ser-  
monem protrepticum mitterem? Ego te docebo,  
docendus adhuc, si essem id aetatis, ut discerem?  
Aut ego te vegetum atque alacrem commonebo?  
Eadem opera & musas hortabor, ut canant: & ma-  
ria, ut effluant: & auras, ut vigeant: & ignes,  
ut caleant, admonebo: aut, si quid invitatis quoque  
nobis natura fit, superfluus instigator agitabo. Sat  
est unius erroris, quod aliquid meorum, me poe-  
nitente, vulgatum est; quod bona fortuna in ma-  
nus amicorum incidit. Nam si contra id evenisset,  
nec tu mihi persuaderes, placere me posse. Haec  
ad litteras tuas responsa sint. Caetera, quae nōscere  
habes, compendifaciam. Sic quoque jam longa est  
epistola. Julianum familiarem domus nostrae, si  
quid tamen de nobis percunstandum arbitraris, al-  
lego: simul admoneo, ut quum caussam adventus  
ejus agnoveris, juves studium, quod ex parte fo-  
visti. Vale.

Ad Vrsulum grammaticum Trevirorum : c  
strenas Calendis Ianuariis ab Imperatore  
non datas, reddi fecit. XVIII.

Primus jucundi fuit hic tibi fructus honoris,

Augustae faustum munus habere manus.

Proximus ex longo gradus est, Quaestoris amici  
Curam pro strenis excubuisse tuis.

Ergo, interceptos regale nomisma Philippos  
Accipe tot numero, quot duo Geryones.

Quot terni bijuges: demptoque triente Camoena  
Quotque super terram sidera Zodiaci:

Quot commissa viris Romana, Albanaque fata:  
Quotque doces horis, quotque domi resides.

Ostia quot pro parte aperit stridentia Circus:  
Excepto, medium quod patet ad stadium.

Quot pedibus gradiuntur apes, & versus Homer  
Quotque horis pelagus profluit, aut refluit.

Protulit in scenam quot dramata fabellarum,  
Arcadiae medio qui jacet in gremio.

Vel quot juncturas geometrica forma favorum  
Conserit extremis omnibus, & mediis.

Quot telios primus numeris, solusque probatur;

Quot par, atque impar partibus aequiparat.

Bis ternos, & ter binos qui conserit unus:

Qui solus totidem congreginatus habet.

Quot faciunt juncti subterque supraque locati,

Qui numerant Hyadas, Pleiadasque simul.

\* \* \* \* \* \* \* \* \*

Vrsule collega nobilis Harmonio,

Garmonio: quem Claranus, quem Scaurus, & Asper,

Quem sibi conferret Varro, priorque Crates,

Quique sacri lacerum collegit corpus Homeri,

Quique notas spuriis versibus apposuit:

Cecropiae commune decus, Latiaeque camoenae,

Solus qui Chium miscet, & Ammineum.

### A V S O N I V S Ponto Paulino filio. xix.

Condiderat jam solis equos Tartessia Calpe:

Stridebatque freto Titan insignis Ibero:

Iam succedentes quatiebat Luna juvencas:

Vinceret ut tenebras radiis, velut aemula fratri.

Iam volucres, hominumque genus superabile curis,

Mulcebant placidi tranquilla oblivia somni.

Transferant Idus, medius suprema December  
Tempora venturo properabat jungere Iano.  
Et nonas decimas ab se nox longa Calendas  
Iugiter acciri celebranda ad festa jubebat.

Nescis, puto, quid velim tot versibus dicere.  
Medius fidius neque ipse bene intelligo: tamen sus-  
picor. Iam prima nox erat ante diem nonum deci-  
mum Calendarum Ianuariarum, quum redditae sunt  
mihi litterae tuae oppido quam litteratae. His lon-  
ge jucundissimum poëma subdideras, quod de tribus  
Suetonii libris, quos ille de regibus dedit, in epi-  
tomen coëgisti, tanta elegantia, solus ut mihi vi-  
deare asecutus, quod contra rerum naturam est;  
brevitas ut obscura non esset. In his versibus ego  
ista cognovi.

Europamque Asiamque duo vel maxima terrae  
Membra. Quibus Lybiam dubie Sallustius addit,  
Europae adjunctam: possit quum tertia dici:  
Regnatas multis, quos fama obliterat: & quos  
Barbara Romanae non tradunt nomina linguae,  
Illibandum, Numidamque Avelim, Parthumque Vo-  
nonem,

**E**t Caranum, Pellaea dedit qui nomina regum.

**Q**uique Magos docuit mysteria vana Necepsus:

**E**t qui regnavit sine nomine mox Sesoostris.

Haec tu quam perite, & concinne, quam modulate, & dulciter, ita juxta naturam Romanorum accentuum enuntiasti, ut tamen veris ac primigeniis vocibus sua fastigia non perirent. Nam quid de eloquentia dicam? liquido adjurare possum, nullum tibi ad poetica facundiam Romanae juventutis aequari. Certe ita mihi videris. Si erro, pater sum, fer me: & noli exigere judicium, obstante pietate. Verum quum pie diligam, sincere ac severe judico. Affice me, ero, tali munere frequenter: quo & oblector, & honoror. Accessit tibi ad artem poetica mellea adulatio. Quid enim aliud agunt,

Audax Icaro qui fecit nomina ponto,

Et qui Chalcidicas moderate enavit ad arces, nisi ut & vegetam, & sublimem alacritatem tuam, temeritatem voces: me vero, & consultum, & quem filius debeat imitari, salutari prudentia praeditum dicas? Quod equidem contra est. Nam tu summa sic appetis, ut non decidas: senectus mea

fatis habet, si consistat. Haec ad te breviter,  
 illico, vesperis illius secuto mane dictavi. Ita en  
 tabellarius tuus, ut epistolam referret, instab  
 Nam si mihi otium fuerit, oblectabile negotio  
 erit ad te prolixius delirare, te ut eliciam, mi  
 ut satisfaciam, Vale.

## AVSONIVS Paulino S. P. D. xx.

**P**aulino Ausonius. Metrum sic suafit, ut esses  
 Tu prior, & nomen praegrederere meum.  
 Quanquam & fastorum titulo prior, & tua Roma  
 Praecessit nostrum sella curulis ebur.  
 Et quae jamdudum tibi palma poëtica pollet,  
 Lemnisco ornata est, quo mea palma caret.  
 Longaevae tantum superamus honore senectae.  
 Quid refert? Cornix non ideo ante cycnum.  
 Nec quia mille annos vivit Gangeticus ales,  
 Vincit centum oculos, regie pave, tuos.  
 Cedimus ingenio, quantum praecedimus aevo.  
 Assurgit musae nostra Camoena tuae.  
 Vive, vale: & totidem venturos congere Ianos,  
 Quot tuus, aut noster conferuere patres.

## AVSONIVS Paulino suo S. D. XXI.

Quanto me affecit beneficio, non delata quidem,  
sed suscepta querimonia mea, Pauline fili! veritus  
displicuisse oleum, quod miseris, munus iterasti.  
addito etiam Barcinonensis muriæ condimento, cu-  
mulatorius præstitisti. Scis autem me id nomen Mv-  
RIAE, quod in usu vulgi est, nec solere, nec posse  
dicere: quum scientissimi veterum & Graeca vo-  
cabula fastidientes, Latinum in GARI appellatione  
non habeant. Sed ego quocunque nomine loquar,  
liquor iste SOCIORVM vocatur. Vale.

Iam patinas implebo meas, ut parcior ille  
Majorum mensis applaria succus inundet.

Quid autem tam amabile, tamque hospitale, quam  
quod tu, ut me participes, delicias tuas in ipsa pri-  
mitiarum novitate defraudas? O melle dulcior, ô  
gfatiae venustate festivior, ô ab omnibus patrio  
stringende complexu! Sed haec atque alia hujus-  
modi documenta liberalis animi, alicui fortasse, &  
aliquando, quamvis rarius: illud de epistolarum  
tuarum eruditione, de poëmatis jucunditate, de in-

ventione, & continuatione, juro omnia, nulli unquam imitabile futurum: et si fateatur imitandum. De quo opusculo, ut jubes, faciam. Exquisitus universa limabo: & quamvis per te manus summa contigerit, caelum superfluae expositionis adhibeo: magis ut tibi paream, quam ut perfectis aliquid adjiciam. Interea tamen, ne sine corollario poetico tabellarius tuus rediret, paucis jambicis prae-ludendum putavi: dum illud, quod a me heroico metro desideras, inchoatur. Isti tamen, ita te & Hesperium salvos habeam, quod spatio lucubratunculae unius effusi, quanquam hoc ipsi de se probabunt, tamen nihil diligentiae ulterioris habuerunt.

Vale.

Iambe Parthis, & Cydonum spiculis,  
 Iambe pinnis alitum velocior,  
 Padi ruentis impetu torrentior,  
 Magna sonorae grandinis vi densior,  
 Flammis corusci fluminis vibratior,  
 Iam nunc per auras Persei talaribus,  
 Petasoque ditis Arcados vectus, vola.  
 Si vera fama est Hippocrene, quam pedis

Pulsu citatam cornipes fudit fremens:  
Tu fonte in ipso procreatus Pegasi,  
Primus novorum metra junxisti pedum:  
Ilicque musis concinentibus novem,  
Caedem in draconis concitasti Delium.  
Fer hanc salutem praepes & volucipes  
Paulini ad usque moenia. Hebromagum loquor.  
Et protinus, jam si resumptis viribus  
Alacri refecti corporis motu viget,  
Salvere jussum mox reposce mutuum.  
Nihil moreris: jamque dum loquor, redi,  
Imitatus illum stirpis auctorem tuae:  
Triplici furentem qui Chimaeram incendio  
Supervolavit, tutus igne proximo.  
Dic & Valere: dic, Avere te jubet  
Amicus, & vicinus, & fautor tuus,  
Honoris auctor, altor ingenii tui.  
Dic & magister, dic parens, dic omnia  
Blanda atque sancta caritatis nomina.  
Aveque dicto, dic Vale, & astutum redi.  
Quod si rogabit, quid super scriptis novis  
Maturus aevi, nec rudas dijudicem:

Nescire dices, sed paratum jam fore  
 Heroicorum versuum plenum effedum.  
 Cui subjugabo de molarum ambagibus,  
 Qui machinali faxa volvunt pondere,  
 Tripedes caballos terga ruptos verbere:  
 His ut vehantur tres sodales nuntii.  
 Fors & rogabit, quos sodales dixeris  
 Simul venire: dic, Trinodem daftylum  
 Vidi paratum crucianti canterio:  
 Spondeus illi lentipes ibat comes,  
 Paribus moratur qui locis cursum meum:  
 Mihique similis, semper adversus tamen,  
 Nec par, nec impar, qui Trochaeus dicitur.  
 Haec fare cursim, nec moratus pervola,  
 Aliquid reportans interim munusculi  
 De largitate musici promptarii.

## AVSONIVS Paulino suo. XXII.

Multas, & frequentes mihi gratiae tuae causas, &  
 occasio subinde nata concinnat, & naturae tuae fa-  
 cilitas benigna conciliat, Pauline fili. Nam quia  
 nihil, poscente me, abnus, magis acuis procaciam

quam retundis: ut nunc quoque in causa Philonis procuratoris quondam mei experiere: qui apud Hebromagum conditis mercibus, quas per agros diversos coëmit, concessò ab hominibus tuis usus hospitio, immature periclitatur expelli. Quid nisi indulseris, rogante me, ut & mora habitandi ad commodum suum utatur: & naufo, aliave quavis navi usque ad oppidum præbita, frugis aliquantulum nostrae advehi possit, Lucaniacus ut inopia liberetur mature: tota illa familia hominis litterati non ad Tullii frumentariam, sed ad Curculionem Plauti pertinebit. Hoc quo facilius impetrarem, aut quo majorem vereris molestiam, si negares; concinnatam jambis signatamque ad te epistolam misi, ne subornatum dices tabellarium, si ad te sine signi fide veniret. Signavi autem; non ut Plautus ait:

*Per ceram, & linum, literasque interpretes,  
sed per poëticum characterem magis notavimus,  
tanquam signum impressum judicares.*

Philon, meis qui villicatus praediis,

Vt ipse vult epitropos;

(Nam gloriosum Graeculus nomen putat,

Quod sermo fucat Doricus)

Suis querelis afferit nostras preces :

Quas ipse latus prosequor.

Videbis ipsum , qualis astet comminus ,

Imago fortunae suae ,

Canus , comosus , hispidus , trux , attubus ,

Terentianus Phormio.

Horrens capillis ut marinus asperis

Echinus , aut versus mei.

Hic saepe falsus messibus vegrandibus ,

Nomen perosus villici ,

Semente fera , sive multum praecoqua ,

Et fiderali infcitia ,

Coelum lacefens , seque culpae subtrahens ,

Reos peregit coelites.

Non cultor instans , non arator gnaruris ,

Promusque , quam condus magis.

Terram infidelem , nec feracem criminans ,

Negotiari maluit.

Mercatur quoquo foro venalium.

Mutuatur ad Graecam fidem.

Sapien.

Sapiensque supra Graeciae septem viros,

Octavus accessit sophos.

Et nunc paravit triticum casco sale,

Novusque pollet emporus.

Adit inquilinos, rura, vicos, oppida,

Soli & fali commercio,

Acatis, phaselis, lintribus, stlatis, rate,

Tarnim & Garumnam permeat.

Ac lucra damnis, damna mutans fraudibus,

Se ditat, & me pauperat.

Is nunc ad usque vectus Hebromagum tuam,

Sedem locavit mercibus.

\* \* \* \* \* \* \* \* \* \*

Vt inde naufo devehat

\* \* \* \* \* \* \* \* \* \*

Nostros in usus, ut refert,

Hunc ergo paucis ne graveris hospitem;

\* \* \* \* \* \* \* \*

Adjutus ut mox navis auxilio tuae,

Ad usque portus oppidi,

Iam jam Perusina, & Saguntina fame,

Lucaniacum liberet.

Hoc si impetratum munus abs te accepero,  
Prior colere, quam Ceres.

Triptolemon olim, sive Epimenidem vocant,  
Aut Bulianum Buzygen,

Tuo locabo postferendos nomini.  
Nam munus hoc fiet tuum.

### AVSONIVS Paulino. XXIII.

Proxima, quae nostrae fuerat querimonia chartae,  
Credideram, quod te, Pauline, infletere posset,  
Eliceretque tuam blanda objurgatio vocem.  
Sed tu juratis velut alta silentia sacris  
Devotus teneas, perstas in lege tacendi.  
Non licet: an ne pudet, si quis tibi jure paterno  
Vivat amicus adhuc, maneasque obnoxius heres?  
Ignavos agit et talis timor. At tibi nullus  
Sit metus: & morem missae, acceptaeque salutis  
Audacter retine. Vel si tibi proditor instat,  
Aut quaesitoris gravior censura timetur,  
Occurre ingenio, quo saepe occulta teguntur.  
Threicci quondam quam saeva licentia regis  
Fecerat elinguem, per licia texta querelas

Edidit, & tacitis mandavit crimina telis.  
Et pubibunda suos malo commisit amores,  
Virgo, nec erubuit tacituro conscientia pomo.  
Depressis scrobibus vitium regale minister  
Credidit, idque diu texit fidissima tellus:  
Inspirata dehinc vento cantavit arundo.  
Laete incide notas: arescens charta tenebit  
Semper inaspicuas: prodentur scripta favillis.  
Vel Lacedaemoniam scytalen imitare, libelli  
Segmina Pergamei tereti circumdata ligno  
Perpetuo inscribens versu: qui deinde solutus  
Non respondentes sparso dabit ordine formas,  
Donec consimilis ligni replicetur in orbem.  
Innumeras possum celandi ostendere formas,  
Et clandestinas veterum referare loquelas,  
Si prodi, Pauline, times, nostraque vereris  
Crimen amicitiae, Tanaquil tua nesciat istud.  
Tu contemne alias, nec dignare parentem  
Adfari verbis. Ego sum tuus altor, & ille  
Praeceptor primus, primus largitor honorum,  
Primus in Aonidum qui te collegia duxi.

## AVSONIUS Paulino S. XXIV.

Discutimus, Pauline, jugum, quod certa fovebat  
 Temperies: leve quod positu, & tolerabile junctis,  
 Tractabat paribus concordia mitis habenis:  
 Quod per tam longam seriem volventibus annis  
 Fabula non unquam, numquam querimonia movit.  
 Nulla querela loco pepulit, non ira, nec error,  
 Nec quae compositis malesuadae credula causis,  
 Concinnat verisimilis suspicio culpas.  
 Tam placidum, tam mite jugum: quod utriusque parentes  
 Ad senium nostrum traxere ab origine vitae:  
 Impositumque piis heredibus, usque manere  
 Optarunt dum longa dies dissolveret aevum.  
 Et mansit, dum laeta fides, nec cura laborat  
 Officii servare vices: sed sponte feruntur  
 Incustoditum sibi continuantia cursum.  
 Hoc tam mite jugum docili cervice subirent  
 Martis equi, stabuloque feri Diomedis abafti:  
 Et qui mutatis ignoti Solis habenis  
 Fulmineum Phaëtonta Pado merfere jugales.  
 Discutimus, Pauline, tamen: nec culpa duorum

sita, sed unius tantum tua. Namque ego semper  
 Contenta cervice feram. Con sorte laborum  
 Destituo. Nec tam promptum gestata duobus  
 Vnum deficiente pari perferre sodalem.  
 Non animus, viresque labant: sed iniqua ferendo  
 Conditio est oneri, quum pondus utrumque relitto  
 Ingruit; acceduntque alienae pondera librae.  
 Sic pars aegra hominis trahit ad contagia sanum  
 Corpus; & exigui quamvis discrimine membra,  
 Tota per innumeros artus compago vacillat.  
 Obruar usque tamen, veteris ne desit amici  
 Me durante fides: memorique ut fixa sub aevo  
 Restituant profugum solatia casta sodalem.  
 Impie, Pirithoo disjungere Thesea posses,  
 Euryalumque suo socium fecernere Niso.  
 Te suadente fugam, Pylades liquisset Orestem;  
 Nec custodisset Siculus vadimonia Damon.  
 Quantum oblectamen populi, quae vota bonorum  
 Sperato fraudata bono? Gratantia cuncti  
 Verba loquebantur. Iam nomina nostra parabant  
 Inserere antiquis aevi melioris amicis.  
 Cedebat Pylades: Phrygii quoque gloria Nisi

Iam minor, & promissa obiens vadimonia Damon.  
 Nos documenta magis felicia: qualia magnus  
 Scipio, longaeisque dedit sapientia Laeli.  
 Nos studiis animisque iisdem, miracula cunctis:  
 Hoc majora, pares fuimus quod dispare in aevo.  
 Ocyus illa jugi fatalis solvere lora  
 Pellaicum potuisse ducem reor, abdita opertis  
 Principiis, & utroque caput celantia nodo.  
 Grande aliquod verbum nimirum diximus, ut se  
 Inferret nimiis vindex Rhamnusia votis;  
 Arsacidae ut quondam regis non laeta triumphis  
 Grandia verba premens ultrix dea Medica belli  
 Sistere Cecropidum in terris monumenta paranti  
 Obstitit: & Graio jam jam fingenda tropaeo,  
 Vltro etiam viatis Nemesis stetit Aetica Persis.  
 Quae tibi Romulidas proceres vexare libido est?  
 In Medos, Arabasque tuos per nubila, & atrum  
 Perge chaos. Romana procul tibi nomina funto.  
 Illuc quaere alios oppugnatura sodales:  
 Livor ubi iste tuus, ferrugineumque venenum  
 Opportuna tuis inimicat pectora fucis.  
 Paulinum, Ausoniumque, viros, quos sacra Quirini

Purpura, & auratus trabeae velavit amictus,  
 Non decet insidiis peregrinae cedere divae.  
 Quid queror, Eoique insectior crimina monstri?  
 Occidui me ripa Tagi, me Punica laedit  
 Barcino, me bimaris juga ninguida Pyrenaei.  
 Quaeque suo longe dirimit provincia tractu  
 Trans montes, solemque alium, trans flumina & urbes,  
 Et quod terrarum, coelique extenditur inter,  
 Emeritensis Anae, lataeque fluenta Garumnae.  
 Quod si intervallis spatium tolerabile limes  
 Poneret exiguum: (quamvis longa omnia credant,  
 Qui simul esse volunt:) faceret tamen ipsa propinquos  
 Cura locos, mediis jungens distantia verbis,  
 Moenibus e patriis formam quoque vestis & oris.  
 Santonus ut sibi Burdigalam, mox jungit Aginnum  
 Illa sibi, & populos Aquitanica rura colentes:  
 Vtque duplex Arelas, Alpinæ tecta Viennæ,  
 Narbonemque pari spatio sibi conserit: & mox  
 Quincuplicem socias tibi Martie Narbo Tolosam.  
 Hoc mihi si spatium vicinis moenibus esset,  
 Tunc ego te ut nostris aptum complesterer ulnis:  
 Adflaretque tuas aures nostræ aura loquelaæ.

Nunc tibi trans Alpes, & marmoream Pyrenen  
Caesareae Augustae domus est. Tyrrhenica propter  
Tarraco, & ostrifero superaddita Barcino ponto.  
Ter juga Burdigalae, trino me flumina coetu  
Secerunt turbis popularibus; otiaque inter  
Vitiferi exercent colles, laetumque colonis  
Vber agri, tum prata virentia, tum nemus umbriae  
Mobilibus, celebrique frequens ecclesia vico:  
Totque mea in Novero sibi proxima praedia pago,  
Dispositis totum vicibus variata per annum:  
Egelidae ut tepeant hyemes, rabidosque per aestus  
Adspirent tenues frigus subtile aquilones.  
Te sine sed nullus grata vice provenit annus.  
Ver pluvium sine flore fugit. Canis aestifer ardet,  
Nulla autumnales variat Pomona sapores.  
Effusaque hyemem contristat Aquarius unda.  
Agnoscisne tuam, Ponti dulcissime, culpam?  
Nam mihi certa fides, nec commutabilis unquam  
Paulini illius veteris reverentia durat:  
Quaeque meo, atque tuo fuerat concordia patri.  
Si tendi facilis cuiquam fuit arcus Vlixei,  
Aut praeter dominum vibrabilis ornus Achillei,

Nos quoque tam longo Rhamnusia foedere solvet.  
 Sed cur tam moesto sero tristia carmina versu?  
 Et non in meliora animus se vota propinquat?  
 Sit procul iste metus. Certa est fiducia nobis:  
 Si genitor natusque Dei pia verba volentum  
 Accipiat, nostro reddi te posse precatu:  
 Ne sparsam raptamque domum, lacerataque centum  
 Per dominos, veteris Paulini regna fleamus:  
 Teque vagum toto quam longa Hispania tractu,  
 Immemorem veterum, peregrinis fidere amicis.  
 Accurre, ô nostrum decus, ô mea maxima cura,  
 Votis, omnibusque bonis, precibusque vocatus,  
 Adpropora: dum tu juvenis, dum nostra senectus  
 Servat inexhaustum tibi gratificata vigorem.  
 Et quando iste spreas impellet nuntius aures?  
 Ecce tuus Paulinus adest. Iam ninguida linquit  
 Oppida Iberorum, Tarbellica jam tenet arva.  
 Hebrromagi jam tecta subit; jam praedia fratris  
 Vicina ingreditur; jam labitur amne secundo;  
 Iamque in conspectu est; jam prora obvertitur amni;  
 Ingressusque sui celebrata per ostia portus  
 Totum occursantis populi praevertitur agmen:

Et sua praeteriens, jam jam tua limina pulsat.  
Credimus, an, qui amant, ipsi sibi somnia fingunt


## AVSONIVS Paulino suo S. xxv.

Quarta tibi haec notos detexit epistola questus,  
Pauline: & blando residem sermone lacepsit.  
Officium sed nulla pium mihi pagina reddit,  
Fausta salutigeris adscribens orsa libellis.  
Vnde istam meruit non felix charta repulsam,  
Spēnit tam longo cessatio quam tua fastu?  
Hostis ab hoste tamen per barbara verba salutem  
Accipit: & Salve mediis intervenit armis.  
Respondēt & faxa homini. Percussus ab antris  
Sermo redit. Redit & nemorum vocalis īmago:  
Littorei clamant scopuli, dant murmura rivi,  
Hyblaeis apibus sepes depasta susurrat.  
Est & arundineis modulatio musica ripis:  
Cumque suis loquitur tremulum coma pinea ventis.  
Incubuit foliis quotiens levis Eurus acutis,  
Dindyma Gargarico respondent cantica luco.  
Nil mutum natura dedit. Non aëris ales,  
Quadrupedesve silent, habet & sua sibila serpens,

Et pecus aequoreum tenui vice vocis anhelat.  
Cymbala dant fictu sonitum, dant pulpita saltu  
Ista pedum. Tentis reboant cava tympana tergis.  
Isiacos agitant Mareotica fistra tumultus.  
Nec Dodonaei cessat tinnitus aheni,  
In numerum quotiens radiis ferientibus istae  
Respondent dociles modulato verbere pelves.  
Tu velut Oebaliis habites taciturnus Amyclis,  
Aut tua Sigalion Aegyptius oscula signes,  
Obnixum Pauline taces. Agnosco pudorem:  
Quod vitium fovet ipsa suum cessatio jugis.  
Dumque pudet tacuisse diu, placet officiorum  
Non servare vices: & amant longa otia culpam.  
Quis prohibet Salve atque Vale brevitate parata  
Scribere? felicesque notas mandare libellis?  
Non ego longinquos ut texat pagina versus  
Postulo: multiplicique oneres sermone tabellas.  
Vna fuit tantum, qua respondere Lacones,  
Littera: & irato regi placucre negantes.  
Est etenim comis brevitas. Sic fama renatum  
Pythagoram docuisse refert. Quum multa loquaces  
Ambiguis sererent verbis, contra omnia solum

**E**st, respondebat, vel Non. O certa loquendi  
 Regula! nam brevius nihil est, nec plenius istis:  
**Q**uae firmata probant, aut infirmata relidunt.  
**N**emo filens placuit: multi brevitatem loquendi.  
**V**erum ego quo stulte dudum spatiofa locutus  
**P**rovehor? Ut diversa sibi vicinaque culpa est,  
 Multa loquens & cuncta silens; non ambo placemus:  
**N**ec possum reticere, jugum quod libera nunquam  
**F**ert pietas, nec amat blandis postponere verum.  
**V**ertisti, Pauline, tuos dulcissime mores?  
**V**asconis hoc saltus, & ninguida Pyrenaei  
**H**ospitia, & nostri facit hoc oblivio coeli?  
**I**mprecer ex merito quid non tibi Iberica tellus?  
**T**e populent Poeni: te perfidus Annibal urat:  
**T**e belli sedem repetat Sertorius exul.  
**E**rgo meum, patriaeque decus, columenque senati,  
 Bilbilis, aut haerens scopulis Calagorris habebit?  
**A**ut quae dejectis juga per scruposa ruinis  
**A**rida torrentem Sicorim despectat Hilerda?  
**H**ic trabeam, Pauline, tuam, Latiamque curulem  
**C**onstituis, patriosque istic sepelibus honores?  
**Q**uis tamen ista tibi tam longa silentia suavit?

Impius ut nullos hic vocem vertat in usus:  
Gaudia non illum vegetent: non dulcia vatum  
Carmina, non blanda modulatio querelae,  
Non fera, non illum pecudes, non mulceat ales,  
Non quae pastorum nemoralibus abdita lucis  
Solatur nostras Echo refecuta loquelas.  
Tristis, egens, deserta colat: tacitusque pererret  
Alpini convexa jugi: ceu dicitur olim  
Mentis inops, coetus hominum, & vestigia vitans,  
Avia perlustrasse vagus loca Bellerophontes.  
Haec precor, hanc vocem Bœotia numina musae  
Accipite: & Latias vatem revocate Camoenis.



## AVSONII

BVRDIGALENSIS

AD

GRATIANVM

IMPERATOREM

DISCIPVLVM,

GRATIARVM ACTIO

PRO CONSULATV.

AGO tibi gratias, Imperator Auguste; si possem,  
etiam referrem. Sed nec tua fortuna desiderat re-  
munerandi vicem: nec nostra suggesterit restituendi  
facultatem. Privatorum ista copia est, inter se esse  
munificos. Tua beneficia ut majestate praecellunt,  
ita mutuum non reposcunt. Quod solum igitur  
nostrae opis est, gratias ago: verum ita, ut apud  
Deum fieri amat, sentiendo copiosius, quam lo-  
quendo. Atque non in sacrario modo imperialis  
oraculi, qui locus horrore tranquillo & pavore ve-

merabili raro eundem animum praefat & vultum:  
sed usque quaque gratias ago, tum tacens, tum lo-  
quens, tum in coetu hominum, tum ipse mecum,  
& cum voce patui, & cum meditatione secessi, omni  
loco, astu, habitu, & tempore. Nec mirum, si  
ego terminum non statuo tam grate profitendi, quum  
tu finem facere nescias honorandi. Quis enim lo-  
cus est, aut dies, qui non me hujus, aut similis gra-  
tulationis admoneat? Admoneat autem? O inertiam  
significationis ignavae! Quis, inquam, locus est,  
qui non beneficiis tuis agitet, inflammet? Nullus,  
inquam, Imperator Auguste, quin admirandam spe-  
ciem tuae venerationis incutiat: non palatum, quod  
tu, quum terrible acceperis, amabile praestitisti:  
non forum, & basilica olim negotiis plena, nunc  
votis, votisque pro tua salute susceptis: (nam de  
sua cui non, te imperante, securitas?) non curia  
honorificis modo laeta decretis, olim sollicitis moe-  
sta querimoniis: non publicum, in quo occursus  
gaudentium plurimorum neminem patitur solum  
gratulari: non domus commune secretum. Lectus  
ipse, ad quietem datus, beneficiorum tuorum repu-

tatione tranquillior. Somnus, abolitor omnium,  
imagines tuas offert. Ipsa autem sedes honoris,  
Sella curulis, gloria pompis imperialis officii, in  
cujus me fastigio (ex qua mediocritate?) posuisti,  
quotiens a me cogitatur, vincor magnitudine, re-  
diger ad silentium, non ingratus beneficiis, sed  
oppressus. Ades enim locis omnibus. Nec jam mi-  
ramur licentiam poctarum, qui omnia Deo plena  
dixerunt. Spem superas, cupienda praevenis, vota  
praecurris: quaeque animi nostri celeritas Divinum  
instar affectat, beneficiis praeeunibus anteceditur.  
Praestare tibi est, quam nobis optare, velocius.  
Ago igitur gratias, optime Imperator. Ac si quis  
nunc sermonem meum iisdem verbis tam saepe re-  
petitum inopiae loquentis assignat, experiatur hoc  
idem persequi: sed nihil poterit proferre facundius.  
Aguntur enim gratiae non propter majestatis am-  
bitum, nec sine argumentis, Imperatori Fortissimo:  
testis est uno pacatus anno & Danubii limes, &  
Rheni. Liberalissimo: ostentat hoc dives exercitus.  
Indulgentissimo: docet securitas erroris humani.  
Consultissimo: probat hoc tali Principe Oriens ordi-  
natus.

natus. Piissimo: hujus vero laudis locupletissimum testimonium est pater divinis honoribus consecratus: instar filii ad imperium frater ascitus: a contumelia belli patruus vindicatus: ad praefectureae collegium filius cum patre conjunctus: ad consulatum praceptor electus. Possem ire per omnes appellationes tuas, quas olim virtus dedit: quas proxime fortuna concessit: quas adhuc indulgentia divina meditatur. Vocarem Germanicum, ditione gentilium: Alemanicum, traductione captorum: vincendo & ignoscendo, Sarmaticum. Connefterem omnia merita virtutis, & cognomina felicitatis: sed alia est ista materia, & suo parata secreto: quum placuerit signanter & breviter omnia, quae novimus, indicare, nec persequi: ut qui terrarum orbem unius tabulae ambitu circumscribunt, aliquando detrimento magnitudinis, nullo dispendio veritatis. Nunc autem, quod diei hujus proprium, de consulatu gratias agam. Sed procurrunt & aliae dignitates, atque in vocem gratulationis erumpunt, ac se prius debere profitentur. Tot gradus nomine Comitis propter tua incrementa congesti, ex tuo merito, te

ac patre principibus, Quaeftura communis: & tu tantum Praefectura beneficii, quae & ipsa non vult vice simplici gratulari, liberalius divisa quam juncta: quum teneamus duo integrum, neuter desideret separatum. Sed illa, ut paucio ante promisi, habebunt sui muneric peculiare secretum. Consulatus hic meus orat atque obfecrat, ut obnoxiam tibi uni finas fieri ejus dignitatem, quem omnibus praetulisti. Quot quidem & ipfe sibi invenit gradus? Cum clarissimo viro collega meo honore conjunctus, nuncupatione praelatus, Consul ego, Imperator Auguste, munere tuo non passus septa, neque campum, non suffragia, non puncta, non loculos: qui non prensaverim manus, nec consalutantium confusus occurſu, aut sua amicis nomina non reddiderim, aut aliena imposuerim: qui Tribus non circumvi, Centurias non adulavi, jure vocatis classibus non intremui, nihil cum sequeſtre deposui, cum diribitore nil pepigi. Romanus populus, Martius campus, Equeſter ordo, rostra, ovilia, fenantus, curia, unus mihi omnia Gratianus. Iure meo, Auguste Maxime, affirmare possum incolumi omnium

gratia, qui ad hunc honorem diversa unquam virtute venerunt, venturique sunt, (suum enim cuique animus, suum meritum, sibiique mens conscientia est) jure, inquam, meo affirmare possum, me mihi videri a caeteris esse secretum. Sunt, quos votorum cruciat inanitas: non optavi. Quos exercet ambitus: non petivi. Qui assiduitate exprimunt: non coegeri. Qui offeruntur occasione: non affui. Quos juvat opulentia: obstat temporum disciplina. Non emi: nec possum continentiam jactare; non habui. Vnum praestare tentavi, & hoc ipsum quasi meum vendicare non possum: in tua enim positum est opinione, si merui. Fecisti autem & facies alios quoque consules, Piissime Gratiane, sed non & causa pari. Viros gloriae militaris: habent enim tecum, ut semper laboris, ita dignitatis plerumque consortium. Virtutis quam honoris antiquiore collegio. Viros nobilitatis antiquae: dantur enim multa nominibus; & est Roma pro merito, viros fide inclytos, & officiis probatos: quorum me etsi non fecerno numero, tamen, quod ad honoris viam pertinet, ratione dispertio. Quartum hunc gradum

novi beneficii tui, Auguste, constituis auferre tibi  
ipſi, quo alter ornetur: bona animi tui ad alienam  
referre praeſtantiam, eruditionemque naturae, quam  
Deo & patri & tibi debes, ad alterius gratiam gratius  
retorquere, quam verius. Tua haec verba funt a te  
mihi scripta: SOLVERE TE, QVOD DEBEbas:  
ET ADHVC DEBERE, QVOD SOLVERIS. O  
mentis aurea dictum bracteatum! O de pectore can-  
didissimo lactei sermonis alimoniam! Quisquamne tam  
parcus est in ostentatione beneficij? Quisquam pondus  
gratiae suae vim meriti profitetur alieni? Quisquam  
denique quod indulget, quasi ab obnoxio deferatur,  
pretium mavult vocare quam donum? Certent huic  
sententiae veteres illi & Homerici oratores, subtilis  
deducta oratione Menelaus, & instar profundae gran-  
dinis ductor Ithaceſius, & melleo delibutus eloquio  
jam tertiae Nestor aetatis: sed neque ille concin-  
nius eloquetur, qui se Laconica brevitate collegit:  
neque ille contortius, qui cum sensibus verba glo-  
meravit: nec iste dulcior, cuius lenis oratio mul-  
cendo potius, quam extorquendo persuasit. Solvers  
te dicis, quod debebas: & debitum esse, quum

folveris. Auguste juvenis, coeli tibi & humani generis rector hoc tribuat, ut praelatus antiquis, quos etiam elegantia sententiae istius antecessisti, vincas propria singulorum: in Menelao regiam dignationem, in Vlixe prudentiam, in Nestore senectutem. Subjiciet aliquis, ista quidem adeptus es: sed effare, quo merito? Quid me oneras sciscitator? RATIO NEM FELICITATIS NEMO REDDIT. Deus, & qui Deo proximus, tacito munera dispertit arbitrio: & beneficiorum suorum indignatus per homines stare judicium, mavult de subditis dedisse miraculum. Quo, inquis, merito? Ego nullum scio, nisi quod tu, Piissime Imperator, debere te dicis: & hoc debere, latissime pertinet: siue hoc eruditonis tuae foenus existimas: siue sine foenore gloriam liberalitatis affectas: siue te pondere conceptae sponsonis exoneras: seu fideicommissum patris exsolvis: seu magnanimitate coelesti, ostentatione suppressa, Dei munus imitaris. Debere te dicis. Cui? Quando? Quo nomine? Lege syngrapham, nomina creditorem. Accepti & expensi tabulae conferantur: videbis alio summae istius transire rationem. Tibi

coepit Deus debere pro nobis. Quid autem mihi  
debes, Gratissime Imperator? Patitur enim huma-  
nitas tua, ut praeter regias virtutes, privata appella-  
tione lauderis. Quid tu mihi debes? & contra,  
quid non ego tibi debeo? Anne quod docui? Hoc  
ego possum verius retorquere, dignum me habitum,  
qui docerem: tot facundia, doctrinaque praestantes,  
inclinata in me dignatione praeteritos, ut esset,  
quem tu matura jam aetate subcinctum per omnes  
honorum gradus festinata bonitate proveheres: ti-  
mere ut videreris, ne in me vita deficeret, dum  
tibi adhuc aliquid, quod deberes praestare, super-  
esset. Negat Cicero consularis ultra se habere, quod  
cupiat. Ego autem jam consul, & senex, adhuc  
aviditatem meam jam fatebor. Te videre saepius in  
hoc magistratu, Gratiane, desidero: ut & sex Valerii  
Corvini, & septem Caji Marii, & cognominis tui  
Augusti tredecim consulatus unus aequipares. Tibi  
plures potest aetas & fortuna tua praestare: verum  
ego in numero parcior, quia tu in munere libera-  
lior: ipsum enim te saepius hoc honore defraudas,  
ut & aliis largiaris. Scis enim, Imperator Doctissi-

me, (rursum enim utar laude privata) scis, inquam, septem ac decem Domitiani consulatus, quos ille, invidia alteros provehendi, continuando conferuit, ita in ejus aviditate derisos, ut haec eum pagina Fastorum suorum, immo fastidiorum, fecerit insolentem, nec potuerit praestare felicem. Quod si Principi honoris istius temperata & quae vocatur, aurea debet esse mediocritas; quid privati status hominibus? Quid aequanimis? Quid jam senibus erga se oportet esse moderaminis? Ego quidem, quod ad honores meos pertinet, & vota saturavi: tu tamen, Imperator Optime, tu Piissime, tu quem non fatigat liberalitas, nisi quando cessavit: tu, inquam, Indulgentissime Gratiane, ut ad beneficiendum subito es, nec opinus ingenio, adhuc aliquid, quod hoc nomine mihi praestetur, invenis. Sic intellexere omnes. Sic nobis ordinem ipse fecisti. Sic amicus Deo es, ut a te jam impetratum sit, quod optatur: a quo, & quod nondum optamus, adipiscimur. At rursum aliquis adjiciat, aut sermone libere, aut cogitatione liberius: nonne olim & apud veteres multi ejusmodi doctores fuerunt? An tu solus pree-

ceptor Augusti? Immo ego cum multis conjunctus officio; sed cum paucissimis secretus exemplo. Nolo Constantini temporum taxare collegas: Caesares docebantur. Superiora contingam. Dives Seneca, nec tamen consul, arguetur rectius, quam praedicabitur, non erudiisse indolem Neronis, sed armasse faevitiam. Quintilianus consularia per Clementem ornamenta fortitus: honestamenta nominis potius videatur, quam insignia potestatis habuisse. Quomodo & Titianus magister. Sed gloriosus ille municipalem scholam apud Visontionem Lugdunumque variando, non aetate quidem, sed vilitate consenuit. Vnica mihi amplectenda est Frontonis imitatio: quem tamen Augusti magistrum sic consulatus ornavit, ut praefectura non cingeret. Sed consulatus ille cujusmodi? Ordinario suffectus, bimestri spatio interpolitus, in sexta anni parte consumptus: quaerendum, ut reliquerit tantus orator, quibus consulibus gesserit consulatum. Ecce aliud, quod aliquis opponat: In tanti ergo te oratoris fastigium gloriosus attollis? Cui talia requirenti respondebo breviter. Non ego me contendo Frontoni, sed Antonino praefero Gra-

tianum. Celebrant quidem sollemnes istos dies omnes ubique urbes, quae sub legibus agunt, & Roma de more, & Constantinopolis de imitatione, Antiochia pro luxu, & Carthago discincta, & domus fluminis Alexandria: sed Treviri principis beneficio: & mox cum ipso auctore beneficii. Loca inter se distant, vota consentiunt. Vnus in ore omnium Gratianus, potestate Imperator, virtute Victor, Augustus sanctitate, Pontifex religione; indulgentia Pater, aetate Filius, pietate utrumque. Non possum fidei causa ostendere imagines majorum meorum, ut ait apud Sallustium Marius: nec deductum ab Heroibus genus, ad deorum stemma replicare: nec ignotas opes, & patrimonia sparsa sub regnis: sed ea, quae nota sunt, dicere potius quam praedicare, patriam non obscuram, familiam non poenitendam, domum innocentem, innocentiam non coetiam, angustas opes, veruntamen libris & liberis dilatatas: frugalitatem sine sordibus, ingenium liberale, animum non illiberalem, vinctum, vestitum, supellecilem, munda, non splendida: veteribus ut illis consulibus (excepta, quae tum erat, bellicarum

collatione virtutum) si quis me conferre dignetur,  
seponat opulentiam, non derogaturus industriam.  
Verum quoniam gratiis agendis jam dudum succum-  
bo materiae: tu orationi meae, Gratiane, succede.  
Tu Gratiane, qui hoc nomen sic per fortunam ad-  
eptus es, ut nemo verius ambitione quaeasierit: [ne-  
que enim justius Metellus cognomento Pius, patre  
revocato, qui esset impius exsulante; aut verius  
Sylla Felix, qui felicior ante, quam vocaretur;  
quam tu, Gratianus: cui & hoc nomen est, & illa  
Metelli Syllaeque cognomina.] Tu, inquam, Gra-  
tiane, qui hoc non singulis factis, sed perpetua grata-  
menti benignitate meruisti; cui, nisi ab avo de-  
ductum esset, ab omnibus adderetur: tu ipse tibi,  
inquam, pro me gratiam refer: tu, tuaeque virtu-  
tes: bonitas, qua in omnes prolixus es, perpetuus  
in me: pietas, qua Orhem tuum temperas, quam-  
que in ulciscendo patruo probas, tuendo in fratre  
cumulas, ornando in praceptorē multiplicas. Agat  
gratias clementia, quam humano generi impertis:  
liberalitas, qua ditas omnes: fortitudo, qua vincis;  
& mens ista aurea, quam de communi Deo plus

quam ullus haufisti. Agant & pro me gratias voces omnium Galliarum: quarum Praefecto hanc honorificentiam detulisti. Ultra progredior; & hoc quia debere te dicis, agat, quae optime agere potest, vox ista, quam docui. Iam dudum autem quam grati animi, tam sermonis exigui, ut supra dictum est, succumbo materiae, neque adhuc illa perstrinxi, quae ne infantissimus quidem, nisi idem impissimus, eminentia per famam, & omnium gaudiis testata supprimeret; quae supra vires dicendi meas posita, cunctor attingere, aut ingrati crimine arguendus, aut temerarii professione culpandus: tamen alterum quum subeundum sit, audaciam quam malevolentiam malo reprehendi. Tu, Auguste venerabilis, districtus maximo bello, assultantibus tot milibus barbarorum, quibus Danubii ora praetexitur, comitia consulatus mei armatus exerces. Tributa ista, quod in urbe Sirmio geruntur, an, quod in procinctu, Centuriata dicentur? An (ut quondam) Pontificalia vocabuntur, sine arbitrio multitudinis sacerdotum tractata collegio? Sic potius, sic vocentur, quae tu Pontifex Maximus Deo participatus

habuisti. Non est ingenii mei, Piissime Imperator,  
talia comminisci. Verba sunt literarum tuarum:  
quibus apud me auctoritatem summi numinis, &  
vim tuae voluntatis amplificas. Sic enim loqueris:  
**QVVM DE CONSVLIBVS IN ANNVM CREANDIS SOLVS MECVM VOLVTAREM , VT ME NOSTI, VT FACERE DEBVI, VT VELLE TE SCIVI CONSILIVM MEVM AD DEVVM RETVLI. EIVS AVCTORITATI OBSECVTVS, TE CONSULEM DESIGNAVI, ET DECLARAVI, ET PRIOREM NVNCVPAVI.** Cujus orationis ordo lucidior? Quae doctrina tam diligens propriis comitiotum verbis lequi, nec vocabulis moris antiqui nomina peregrina miscere? Valete modo classes populi, & urbanarum tribuum praerogativaes, & Centuriae jure vocatae. Quae comitia pleniora unquam fuerunt, quam quibus praestitit Deus consilium, Imperator obsequium? Et nunc ego, Piissime Imperator, ne fastigium auditorii sacri dictorum tuorum timidus interpres offendam, divinitatis tuae prope cum piaculo verba transcurro. **QVVM DE CONSVLIBVS, inquis, IN ANNVM CREANDIS.**

Erudita vox, & cura solemnis! SOLVS MECVM VOLVTAREM. O profundi altitudo secreti! Ha-  
bes ergo consiliatorem, & non metuis proditorem,  
VT ME NOSTI. Quid familiarius? VT FACERE DEBVI. Quid constantius? VT VELLE TE SCIVI.  
Quid dici blandius potest? CONSILIVM MEVM AD DEVVM RETVLLI. Et quemadmodum SOLVS,  
cui praesto est tam grande consilium? An plenius cum Senatu, cum Equestris ordine, cum plebe Ro-  
mana, cum exercitu tuo, & provinciis omnibus deliberasses? CONSILIVM MEVM AD DEVVM RETVLLI. Non ut, credo, novum sumeres, sed ut sanctius fieret, quod volebas. EIVS AVCTORITATI OBSECVTVS: scilicet ut in consecrando patre, in  
ulciscendo patruo, in cooptando fratre fecisti. TE CONSULEM DESIGNAVI, ET DECLARAVI,  
ET PRIOREM NVNCVPAVI. Quis haec verba te docuit? Ego tam propria & tam Latina nescivi.  
DESIGNAVI, ET DECLARAVI, ET NVNCV-  
PAVI. Non fit hoc temere. Habet moras suas  
dispertitis gradibus tam matura cunctatio. Has ego  
litteras tuas si in omnibus pilis atque porticibus,

unde de pleno legi posint, inquit editi penderit  
mandavero: nonne tot statuis honorabor, quot fu-  
erint paginae libellorum? Sed ad blandiora festino.  
Ab hac enim litterarum ad me datarum parte di-  
gresus, eo quoque descendisti, ut quereres, qua-  
lis ad me trabea mittetur. Omne largitionum  
tuorum ministerium sollicitudine fatigasti. Non ergo  
sopra consiliorum mihi est adhibita per te cura tam  
diligens, pro me cura tam felix? In Illyrico arma  
quarierunt. Tu mea causa per Gallias civilium de-  
corum indumenta dispensas. Loricatus de toga mea  
tractas. In procinctu, & cum maxime dimicaturus,  
palmatae uestis meae ornamenta disponis: feliciter,  
& bono omne. Namque iste habitus, ut in pace  
consulis est, sic in victoria triumphantis. Parum  
est, si qualis ad me trabea mittatur, interroges: te  
coram promi jubes. Nec satis habes, ut largitio-  
num ministri ex more fungantur: eligis ipse de mul-  
tis: & quum elegeris, munera tua verborum ho-  
nore prosequeris. PALMATAM, inquis, TIBI  
MISI, IN QVA DIVVS CONSTANTIVS PA-  
RNS NOSTER INTEXTVS EST. Me beatum!

cujuſ insignibus talis cura praefetur. Haec plane, haec eſt picta, ut dicitur vestis, non magis auro ſuo, quam tuis verbis. Sed multo plura ſunt in ejus ornatu, quae per te inſtructus intelligo. Geminum quippe in uno habitu radiat nomen Auguſti. Conſtantius in argumento vestis intexitur: Gratianus in muneris honore ſentitur. Accessit tam impenſo be‐neſcio tuo pondus quorundam ſciftatione cumula‐tum. Interrogatus, quem priorem decerneres con‐ſulem, NEC DVBITANDVM eſſe dixisti tu: &, qui tecum boni ſunt, dubitare non poterant. Sed tamen ad hoc diſtum erexerant animos, qui libenter cla‐riffimum virum, collegam meum, quem praefentem habebat occasio, praelatum credidiffent. Fatigantes tamen, quod intellexerant, requirebant. Hic tu, ſicut mihi renuntiatum eſt, noto illo pudore tuo paulisper haefiſti: non rationis ambiguum, ſed eo‐rum dubitationem vultu & rubore condemnans, qui ſtudium ſuum interpretationis errore palpabant. Deinde illico ſubdidiſti: QVID DE DVOBVS CONSVLIBVS DESIGNATIS QVAERITIS, QVIS ORDO SIT NVNCVATIONIS? ANNE

ALIVS, QVAM QVEM PRAEFECTVRA CON-  
STITVIT? O felicem verecundiam tuam, cui ista  
popularis ratio tam prudenter occurrit! Scisti aliud,  
Gratiane, quod dices: sed propter quorundam  
verecundiam dicere noluisti. Scrupulosus hic mihi  
locus est: & propter eam, quam nunquam appetivi,  
gloriam, recusandus. Cum prior renunciatus sim,  
satis est tuum tenere judicium. Interpretes valete  
meritorum. Neque autem ego, Sacratissime Impe-  
rator, in tenui beneficio gradum nuncupationis am-  
plector. Num est haec gloria ignota Ciceroni?  
Praetorem me, inquit, populus Romanus primum  
fecit, consulem priorem. Ex ipsa ejus sententia  
intelligitur commendabilius ei videri, uni quam plu-  
ribus esse praepositum. Nulla enim est quidem con-  
tumelia secundi: sed ex duobus gloria magna piae-  
lati. Alexandri Macedonis hoc fertur, quum le-  
gisset illos Homericos versus, quibus Hectore pro-  
vocante, e novem ducibus, qui omnes pugnare cu-  
piebant, unum deligi placeret fortis eventu, trepidi  
ubi conceptione votorum Iovem Optimum Maxi-  
mum totus precatur exercitus, ut Ajacem, vel

Tydei

Tydei filium, aut ipsum regem ditium Mycenarum  
fortiri patiatur Agamemnonem: Occiderem, inquit,  
illum, qui me tertium nominasset. O magnanimita-  
tem fortissimi viri! nominari inter novem tertius  
recusabat; ubi certe pluribus antecelleret, quam  
subesset. Quanta hic verecundia gravaretur poste-  
rior de duobus? Est enim in hoc numero arduae  
plena dignationis electio. Quum universis mortalibus  
duo, qui fiant Consules, preferuntur, qui alteri  
praeponitur, non uni, sed omnibus antefertur.  
Expectare nunc aures praesentium scio, & eminere  
in omnium vultu intelligo, quid desiderio conci-  
piatur animorum. Existimant enim, quum ea, quae  
ad grates agendas pertinebant, summatim tenuiore  
filo, ut dicitur, deducta libaverim, aliqua me etiam  
de majestatis tuae laudibus debere perstringere.  
Quanquam me istam dixerim se posuisse materiam,  
& in tempus aliud reservare, nihilominus tamen,  
ut nunc aliqua contingam, nutu & prope murmure  
cohortantur. Itaque faciam; quando cogunt volen-  
tem. Sed majoribus separatis, tenuiora memorabo,  
nulla spe ad plenum exequendi: sed universi ut in-

telligent, eorum, quae intus praedicanda sunt, & me poscendam esse notitiam, ab aliis dignitatem. Nec excellentia, sed quotidiana tractabo. Nullum tu unquam diem ab adolescentia tua, nisi adorato Dei numine, & reus voti, & illico absolutus egisti; laitis manibus, mente pura, immaculabili conscientia, & quod in paucis est, cogitatione sincera. Cujus autem unquam egressus auspiciator fuit, aut incessus modestior, aut habitudo cohibitior, aut familiaris habitus condecoratior, aut militaris accinctior? In exercendo corpore quis cursum tam perniciiter incitavit? Quis palaestram tam lubricus expedivit? Quis saltum in tam sublime collegit? Nemo adductius jacula contorsit, nemo spicula crebrius jecit, aut certius destinata percussit. Mirabamur poëtam, qui infrenos dixerat Numidas: & alterum, qui ita collegerat, ut diceret, in equitando verbera & praecepta esse fugae, & praecepta sistendi. Obscurum hoc nobis legentibus erat. Intelleximus tamen evidentes, quum idem arcum intenderes, & habendas remitteres: aut equum segnius euntem verbere concitares, vel eodem verbere intemperantiam

coērcéres. Qui te visi sunt hoc docuisse, non faciunt: immo qui visi sunt docuisse, nunc discunt. In cibis autem, cuius sacerdotis abstinentior ceremonia? In vino, cuius senis mensa frugalior? Operto conclave tui non sanctior ara Vestalis, non Pontificis cubile castius, nec pulvinar Flaminis tam pudicum. In officiis amicorum non dico paria reddis: antevenis, & quotiens in obsequendo praecedimus, erubescis pudore tam obnoxio, quam in nobis esse deberet ab Imperatore praeventis. In illa vero sede, ut ex more loquimur, Consistorii, ut ego sentio, sacrarii tui, nullus unquam superiorum aut dicenda pensius cogitavit, aut consultius cogitata disposuit, aut disposita maturius expedivit. Et aliqua de oratoriis virtutibus tuis dicerem, nisi vererer mihi gratificari. Non enim Sulpicius acrior in concionibus, nec majoris Gracchi commendabilior modestia fuit, nec patris tui gravior auctoritas. Qui tenor vocis, quum incitata pronuncias! quae inflexio, quum remissa! quae temperatio, quum vtraque dispensas! Quis oratorum laeta jucundius, facunda cultius, pugnantia densius, densata glomeratus, aut dixit,

aut, quod est liberum, cogitavit? Vellem, si  
rum natura pateretur, Xenophon Attice, in aev  
nostrum venires, tu qui ad Cyri virtutes exsequ  
das votum potius, quam historiam commoda  
quum dices, non qualis esset, sed qualis esse  
beret. Si nunc in tempora ista procederes,  
nostro Gratiano carneres, quod in Cyro tuo  
videras, sed optabas. Atque ista omnia, quae q  
punctis quibusdam acuminata signavi, si facun  
pro voluntate suppeteret, & quamquam non copio  
exequerer, ubertatem stilo rerum magnitudine f  
gerente. Sed nec hujus diei, nec hujus ista ma  
riae. Qui dicturi estis laudes Principis nostri,  
betis velut seminarium, unde orationum vestrar  
jugera compleatis. Ego ista perstrinxi, atque  
sciunt omnes, possum videri familiaris notitiae  
cretus interpres domestica istaec non tam prae  
care, quam prodere. Atque ut ista dixi de cogni  
mihi, atque intra aulam familiaribus: possem  
foris celebrata memorare; nisi omnia omnes, &  
paratim sibi quisque novisset. Possem pari brevita  
dicere superiora. EMENDATISSIMI VIRI E:

**P**OENITENDA NON FACERE. At tu nunquam  
 poenitenda fecisti, & semper veniam poenitentibus  
 obtulisti. **P**VLCHRVM EST INDVLGERE TI-  
 MENTIBVS: sed tu perpetuae bonitatis edictis  
 occurristi omnibus, ne timerent. **M**AGNIFICVM  
 E<sup>S</sup>T LARGIRI HONORES. Tu honoratos & libe-  
 ralitate ditaſti. **L**AVDABILE EST IMPERATO-  
 REM FACILES INTERPELLANTIBVS PRAE-  
 BERE ADITVS, NEC DE OCCUPATIONE CAV-  
 SARI. Tu confirmas adire cunctantes: etiam que-  
 rimoniis explicatis, ne quid adhuc fileatur, inter-  
 rogas. Celebre fuit Titi Caesaris dictum, **P**ER-  
 DIDISSE SE DIEM, QVO NIHIL BONI FE-  
 CERAT. Sed celebre fuit, quia Vespasiani successor  
 dixerat: cuius nimia parsimonia & austertas vix  
 ferenda miram fecerat filii lenitatem. Tu Valen-  
 tiniano genitus, cuius alta bonitas, praesens comi-  
 tas, temperata severitas fuit, parto & condito  
 optimae reipublicae statu, intelligis posse te esse  
 lenissimum sine dispendio disciplinae. Neque vero  
 unum aliquod bonum uno die praestas: sed indul-  
 gentias saeculares per singula horarum momenta

multiplicas. Vel illud unum cujusmodi est, de condonatis residuis tributorum? quod tu quam cumulata bonitate fecisti! Quis unquam imperatorum hoc provinciis suis aut uberiore indulgentia dedit, aut certiore securitate prospexit, aut prudenter consulta consultiore munivit? Fecerat & Trajanus olim: sed partibus retentis, non habebat tantam oblectationem concessi debiti portio, quanta suberat amaritudo servati. Et Antoninus indulserat: sed imperii non beneficii successor invidit, qui ex documentis tabulisque populi condonata repetivit. Tu argumenta omnia flagitandi publicitus ardere jussisti. Videre in suis quaeque foris omnes civitates conflagrationem salubris incendii. Ardebat stirpes fraudum veterum: ardebant seminaria futurarum. Iam se cum pulvere favilla miscuerat, jam nubibus fumus involverat: & adhuc obnoxii in paginis concrematis ductus apicum, & sesteriorum notas cum titubantia & trepidatione cernebant: quod meminerant lectum, legi posse, etiam tunc verentes. Quid te, Imperator Auguste, indulgentius? Quid potest esse consultius? Quae bona praestas, efficis ne caduca

*Sint: quae mala adimis, prospicis ne possint esse recidiva. Haec provincialibus indulgentiae bona. Quid illa nostro ordini? Quid illa militibus? Antoninorum comitas fuit; & jam inde Germanicorum, cohorti amicorum, & legionibus familiaris humanitas. Sed ego nolo benevolentiam tuam aliorum collatione percellere. Abundant in te ea bonitatis & virtutis exempla, quae sequi cupiat ventura posteritas; & si rerum natura pateretur, adscribi sibi voluisse antiquitas. Necesse est tamen aliquid comparari, ut possit intelligi, bona nostra quo praestent. Aegrotantes amicos Trajanus visere solebat: hactenus in eo comitas praedicanda est. Tu & visere solitus, & mederi. Praebes ministros, instruis cibos, fomenta dispensas, sumptum adjicis medelarum, consolaris affectos, revalescentibus gratularis. In quot vias de una ejus humanitate progrederis? Legionibus universis, ut in communi marte evenit, si quid adversi acciderat, vidi te circumire tentoria, Satin salvae, quaerere: tractare vulnera fauciorum: & ut salutiferae apponenterunt medelae, atque ut non cessaretur, instare. Vidi quosdam fastidientes*

cibum te commendante, sumpsisse. Audivi confirmantia ad salutem verba profari: occurtere desideriis singulorum: hujus sarcinas mulis aulicis vehere: his specialia jumenta praebere: illis ministeria perditorum instaurare lixarum: aliorum egestatem tolerare sumptu: horum nuditatem velare vestitus: Omnia agere indefesse, & benigne, pietate maxima, ostentatione nulla: omnia praebere aegris, nihil exprobrare sanatis. Inde cunctis salute nostra carior factus, meruisti, ut haberes amicos obnoxios, promptos, devotos, fideles, in aevum omnem mansuros: quales caritas, non fortuna conciliat. Concludam deinceps orationem meam, Piissime Auguste, sermonis magis fine, quam gratiae. Namque illa perpetua est: & spatio non transmeabiliterminum calcis ignorat. Flexu tamen parvo, nec a te procul, convertar ad Deum. Aeterne omnium genitor, ipse non genite; opifex, & causa mundi, principio antiquior, fine diuturnior, qui templi tibi & aras penetralibus initiatorum mentibus condidisti: tu Gratiano humanarum rerum domino, ejusmodi semina nostri amoris inolesti, ut nihil in

digressu legnior factus, meminisset & reliqui: illustraret absentem, praesentibus anteferret. Dein quia interesse primordiis dignitatis per locorum intervalla non poterat; ad sollemnitatem condendi honoris occurreret beneficiis, ne deesset officium. Quae enim memoria unquam transcursum tantae celeritatis; vel in audacibus Graecorum fabulis, commenta est? Pegasus volucr actus a Lycia, non ultra Ciliciam permeavit. Cyllarus atque Arion inter Argos Nemeamque senuerunt. Ipsi Castorum equi, quod longissimum iter est, non nisi mutato vectore transcurrunt. Tu Gratiane, tot Romani imperii limites, tot flumina & lacus, tot veterum intersepta regnum ab usque Thracia, per totum, quam longum est, latus Illyrici, Venetiam, Liguriāmque, & Galliam veterem, insuperabilia Rhaetiae, Rheni aquosa, Sequanorum invia, porrecta Germaniae, celeriore transcursu, quam est prope ratio nostri sermonis, evolvis, nulla requie otii, ne somni quidem, aut cibi munere liberali, ut Gallias tuas inopinatus illustres: ut consulem tuum, quamvis desideratus, anticipes: ut illam ipsam,

quae auras praecedere solet, famam , facias tardior-  
rem. Hoc senectuti meae , hoc honori a te datum.  
Supremus ille Imperii , & consiliorum tuorum Deus  
conscius , & arbiter , & auctor , indulxit , ut sellam  
curulem (cujus sedem frequenter ornabis) ut praetextam  
meam purpurae tuae luce fucatam , ut tra-  
beam non magis auro suo , quam munere tuo splen-  
didam , quae ab Illyrico sermonis dignitas honesta-  
vit , apud Gallias illustriora praestares : quaestorem  
ut tuum , praefectum ut tuo praetorio , consulem  
tuum , & quod adhuc cunctis meis nominibus ante-  
ponis , praceptorum tuum , quem pia voce decla-  
raveras , justa ratione praetuleras , liberali largitate  
ditaveras , Augustae dignationis officiis consecrare.

APVD GRATIANVM AVGVSTVM.

AVSONI  
BVRDIGALENSIS  
PERIOCHAE  
IN  
HOMERI ILIADEM  
ET  
ODYSSEAM

---

IN ILIADEM.

**S**i Homerum scriptorem Troici belli eatenus, qua Iliadem suam incipit, quaque finit; percenseamus: orsum ab iracundia Achillis ad sepulturam Heitoris, quattuor & viginti libros contexuisse monstrabimus. Haec ejus species appetet summam cutem primi operis intuenti. Verum hoc scripturæ ipsius tempus Trojano bello non totum, sed pâene ultimum fuit. Nam si ratio putanda est oppugnationis decennis, nonus fere annus, idemque prope finem sui,

ea negotia continebit, quae ab injuria Agamemnonis, ac Briseidis usurpatione, usque ad funus Hectoris digna memoratu erunt: illa temporum series, quae ab ejusdem belli causis, atque origine, pertinent ad urbis excidium. Atqui ex eo eveniet, ut ignoris judicandi, & poëticae oeconomiae expertibus, multa nobilia ab exordio belli usque ad Achillei jurgium omissa videantur. Nec minus multa ab Hectoris funere ad usque deletum Ilium. Quorum quidem maxima expectatio erat, propter tam longi certaminis consummationem: sed ut divinum poëtam nihil, quod illustre fuerit, omisso appareat: atque omnia, quae finiri oportuit, contigisse: breviter, & in epitomae speciem, belli Troici causam originis, apparatusque, quae annis superioribus acciderunt, retexuimus. Horum omnium prima origo est Paridis judicium inter deas: deinde classis contextio: qua idem Paris in Europam navigavit. Tum raptio Helenae: quae opinione veterum bipartita est: quod plerique Helenam juxta Homericum plasma ad Trojam deportatam fuisse existimaverunt: nonnulli autem opinati sunt, quum Alexan-

der cursu deerrasset, delatusque ad Aegyptum fuisset, cognita hospitalis foederis injuria, per Aegyptium regem servantissimum justi virum, Helenam cum iis, quae una cum eadem fuerant abrepta, Paridi sublatam, expugnatoque demum Ilio Menelaō restitutam.

### Periocha libri i Iliados.

*Iram diva refer nati Peleos Achillei  
Pestiferam: quae mille dedit discrimina Achivis.*

Chryses Apollinis facerdos, ob redimendam filiam quum Agamemnoni supplicasset, contumelioso repulsus, deum precatur ultorem. Insecuta subinde gravi pestilentia, quum Graecorum exercitus interiret; cogit Achilles concilium; & ab eodem invitus Calchas morbi causam compellitur indicare. Qua cognita, Agamemnon concitatur in Achillem: qui percitus iracundia, etiam caedem regis audebat, nisi eum in ultimum furem progreendi Minerva venuisset. A quo Briseis concubina in locum Chryseidis, quae patri reddebatur, abducta est. Inde Thetis mater ad coelum, lacrymas & contumelia filii misere-

rata, proficiscitur. Quae fiducia defensi quondam cum Aegeone Iovis, ultum iri affectans injuriam, obtestatur summum deorum, ut Trojanos in rebus belli superiores esse patiatur. Quibus Iuno compertis, iracunde adversum conjugem commovet. Sed gliscens jurgium, per deridiculum, ministrante Vulcano, simul consilii specie intercedente, lenitur.

### Periocha II. Iliados.

*Coelestes, hominumque genus superabile curis,  
Tranquilla obscuri carpebant munera somni.  
At non per vigilem nox irrequieta Tonantem  
Leniit, immodosos volventem corde paratus,  
Caedibus ut Grajum laesum ulciscatur Achillem.*

Iupiter Agamemonem somno monet proelii faciendi tempus adesse: ne cunctetur dimicare. Tum ille in concilium proceribus advocatis, mandatum Iovis, & speciem nocturnae quietis explanat. Mox in concione, multitudine congregata, pertentat militum voluntatem: utque deposito bello ad sua qui-que redeant, cohortatur. Iamque omnibus navigationem adornantibus, foeda discessio ab Vlixe cohi-

betur: a quo etiam Therites deformis, & loquax, in Heroum contumelias verborum licentia promptus, cum acerba objurgatione pulsatur. Ipse Minervae monitu cupidos a profectione deterret. Sumpto deinde cibo armatur exercitus. Neque secius a Trojanis instructa acies, Iride ita monente, producitur. Sequitur enumeratio copiarum viritim: ut per catalogi seriem milites, naves, duces, patriae referantur.

### Periocha III Iliados.

*Argivos sua quemque acies in bella sequuntur.  
Dispositi in turmas equitum, cuneosque pedestres,  
Turbida clangentes confundunt agmina Troes.*

Instructum proelio exercitum, priusquam feriret acies, Priamus spectat e muris: & monstratu Helenae, de viris insignibus edocetur. Dehinc Menelaus ad singulare certamen ab Alexandro provocatur. Qui frustra Agamemnone dehortante, congregatur, facta inter utrosque populos sponsione, & foedere per sacra firmato, sub ea conditione, ut victorem Helena cum dote sequeretur. Sed super-

tus Paris, regressisque ad urbem, jurgio-uxoris excipitur. Ab Agamemnōne foederis pacta repetuntur.

### Periocha iv Iliados.

*Jupiter interea cum Diis genitalibus una  
Concilium cogit superum, de rebus Achivis.*

Iovi placet delere Trojam: ad quod pertinacia Iunonis urgetur. Quumque id fieri Minerva properaret, discidum foederis comminiscitur: & Pandarum sagittandi peritum astu suadentis aggreditur, ut clam vulnerato Menelao belli causa crudescat. Quo facto, a Graecis proelium instauratur: congressisque exercitibus mutua clade decernitur.

### Periocha v Iliados.

*Hic & Tydidem monitum Tritonia Pallas  
Audaci virtute replet. Vomit aurea flamas  
Cassis, & undantem clipeus defulgurat ignem.  
Ipse autumnali clarum micat aemulus astro.*

Diomedes auxilio Minervae strenue proeliatur. Venus quoque filio subvenire conata, vulnere affeta digreditur. Mars etiam fit saucius, exceditque bello.

vello. Sequitur Tlepolemi, Sarpedonisque congressio; & Tlepolemus Herculis filius certamine victus, occiditur.

### Periocha vi Iliados.

*Solae decertant acies sine numine Divum,  
Defante auxilio; sua cuique exorsa laborem,  
Fortunamque ferunt, proprii discrimine fati.*

Trojanis fortuna inclinatiore pugnantibus, vaes Helenus suadet, ut Minerva placetur. Igitur Iecuba ab Hectore monita, ut peplum in arcem nferat, peragit vota cum matribus. Alexander oburgatus a fratre, pergit in proelium. Glaucus Ly- ius, Aetolusque Diomedes congressi ut dimicarent, uum jam certamen oriretur, paterna inter se hopitia recordati, facta armorum permutatione, dis edunt.

### Periocha vii Iliados.

*Taec ubi dicta dedit, portis sese extulit Hector.*

Minervae Apollinisque consensu, fortissimus Graecorum ab Hectore provocatur. Novem ducibus

ad dimicandum paratis, pugnaturum deligi plac  
fortis eventu. Ab Ajace Telamonio proelium si  
gulare conseritur. In quo Hector, lapide ictus,  
suorum se recipit multitudinem. Perseverante ce  
tamine caduceator Idaeus intervenit. Tum invice  
missis muneribus pugna sedatur. **Hector** Ajace  
gladio, Ajax Hectorem balteo muneratur: interce  
noctis exercitus quique in sua discedunt. Die  
tero interfectorum humatio procuratur. Graec  
rum etiam navalia, fossa ac vallo circumdata, m  
niuntur.

### Periocha VIII Iliados.

*Aurora in croceis fulgebat lutea bigis.*

Acto deorum concilio, Iupiter pro parte pr  
nunciat, sua quisque exercitus forte decernat: Ni  
lus deorum odio in alteros vel favore procedat.  
Idam montem ipse digressus. Vnde Graeci immi  
terrore conterriti, turpi fuga ad munimenta co  
puli, fossa & aggeribus fese tuentur. Iunonem  
Minervam Graecis auxiliari volentes, monitis lo  
Iris exterret: diremptoque ob noctem certamin-

victores Trojani in ipso proelii loco excubias obſi-  
dionis instituunt: multisque ignibus factis per totam  
noctem de belli ratione consultant.

### Periocha IX Iliados.

*Interea vigilum excubitis cohibentur Achivi.*

Graecis & præterita dimicatione perculsis, & in-  
stante conterratis, proceres ab Agamemnōne convo-  
cantur. Quibus rex fugae consilia, & apparatus  
ordinandæ per noctem navigationis indicit, Diome-  
de & Nestore dehortantibus. Suadente autem Ne-  
store, Ajax & Vlices legantur ad Achillem, dona in-  
gentia pollicentes, si desistat irasci, & se auxiliato-  
rem fessis rebus accommodet. Sed Achille in ira-  
cundia pertinaciter permanente, legati Achivorum,  
re non impetrata, irriti revertuntur.

### Periocha x Iliados.

*Caetera per naves somno sopita manebat*

*Turba ducum, solum cura anxia vexat Atriden.*

Vlices & Diomedes speculatum nocte progressi,  
Dolonem conspicantur, qui & ipse promissis Hecto-

ris incitatus, Graecorum consilia exploratum proficerat: & fateri universa compulsum eodem loco interficiunt. A quo de adventu Rhoei Thracum regis edocti, ipsum, & cum eo duodecim obtruncant: equosque ejus praemium simul & testimonium grassationis abducunt, insignes candore & celeritate, ut & nivibus & ventis antecederent.

### Periocha xi Iliados.

*Tithōtū croceum linquens aurora cubile  
Spargebat terras, referens opera atque labores.*

Ab omnibus Graecis egregie quidem, sed impotente dimicatur. Quorum proceribus vulneratis, incognitae multititudini pugna committitur. Quia afflictione fortunae Achilles paulisper inflexus, Patroclum mittit praesentia cognitum. Qui quum adversi status nuntius reverteretur, Eurypylum contemplatur aegrum ex vulnere; fomentisque medicis artis admotis, redintegrat sanitati.

---

## Periocha XII Iliados.

*Actorides fovet Eurypylum dum vulnere fessum.*

Res dubiae apud Graecos vel potius afflictæ,  
ultimæ fortunæ statu aguntur, præstantibus pro-  
cerum vulneratis, caetero exercitu fugato aut for-  
midine perculso. Trojani navalium munimenta re-  
scindunt: vallumque transgressi auguriis juvantur ex  
eventu ambiguis. Itaque & pars muri ab Sarpedone  
convellitur, & ab Hectore istu lapidis porta discen-  
titur, & in ipsis navalibus pugna conseritur.

## Periocha XIII Iliados.

*Juppiter admovit Troës, atque Hectora classi.*

Neptunus miseratione commotus, Argivorum  
tuendis navibus auxiliator accedit: & usurpata va-  
tis effigie, Ajaces duos in proelium cohortatur: nec  
minus caeteram multitudinem præsentia majestatis  
instigat. Idomeneus egregio certamine eminet.  
Trojani jam referentes gradum, firmati rursus per  
Hectorem, contrahuntur, & ingenti clamore utrin-  
que certatur.

### Perioda XIV Iliados..

*Concussit, quamvis potantem, Nestora clamor,  
Attonitasque aures pepulit gravitate tumultus.*

Iuno vinculum Veneris, cui Cesto nomen el  
mutuata, ad Iovem pergit in secessum montis Ida  
exoratoque Somno, ut eum committeret in sop  
rem: dehinc vigilias ejus uxoriis labefactat ille  
bris. Cujus ignoratione Neptunus abutitur: for  
namque Graecorum promptius auxiliando restitu  
Ajace Locro ultra caeteros proeliante.

### Perioda XV Iliados.

*Iam vallum fossamque super Trojana juventus  
Institerat, caprae minitans incendia classi.*

Iupiter somno exergitus, vidit statum certar  
nis innovatum, pellique Trojanos, Graecis op  
ferente Neptuno. Itaque aspero lunone increpa  
& minaciter per Iridem conterrito fratre, jut  
auxiliatorem desistere. Ipse Apollinem recrean  
allegat Hectori: monetque pro Phrygibus belli i  
staurare fortunam. Tum & Ajax Telamonius str

— nus proeliatur: & ab eodem plurimis hostium interfectis, conflagratio classis arcetur.

### Periocha XVI Iliados.

⇒ *Dum face, dum ferro celsam oppugnare carinam*

⇒ *Troës, & Argolici pergunt defendere reges.*

Achilles Graecorum statum jam sub extrema forte miseratur. Armis suis Patroclum permittit armari. Qui cum Myrmidonum produxisset exercitum, consternatosque Trojanos Achillis specie fellisset, ruentes supra vallum, & invicem officientes, caeco pavore usque ad campi aperta compellit. Deinde congressus Sarpedonem perimit: multisque hostium caesis, ipse ab Hectori interficitur, prius ab Euphorbo vulneratus.

### Periocha XVII Iliados.

*Agoridem caesum nec te Menelae fecellit.*

Circa interemptum Patroclum pugna contrahitur. Cum in diversa exercitus contendenter: Graeci, ut corpus defenderent; Trojani, ut ad ludibrium cadaver eriperent: a Menelao Euphorbus occidi-

tur: & ad ostentationem gloriosi facinoris A  
exuvias Hector armatur, Antilochus ad Acl  
nuntius clavis acceptae, Menelao instante, fe  
Qui & ipse postea cum Merione intra navaliu  
nimenta se recipit: quum tota moles belli A  
ingruisset.

### Periocha XVIII Iliados.

*Dum furit in medio belli vis ignea Martis.*

Achilles in miserabilem modum Patrocli  
interitum. Quem vi doloris affectum consola  
verbis mater alloquitur: nec inultum amicur  
pollicens, perlaturam sese Vulcani arma pro  
Interea & Iris ab Iunone dimititur: cuius i  
tia Achilles extra vallum, quanquam inermis,  
ditur: conterritisque Trojanis super alias aliis  
cipitantibus, late fuga & latius formido porr  
Eodemque tempore & Vulcanus exoratus a  
de, tota nocte, quam longa est, coelestia in gi  
Nymphae arma molitur.

## Periocha xix Iliados.

*Oceanum interea surgens Aurora reliquit.*

Achilles armis coelestibus ope Vulcani, & munere matris, instruitur. Dein Graecorum primoribus in concilium vocatis, iracundiam suam abolitione deponit: & promissis ab rege muneribus coram concione ditatur. Tum militibus cibum capere jussis, ipse abstinet. Infesto deinde atque intento exercitu, pergit in proelium.

## Periocha xx Iliados.

*Iamque adeo celsis armati e navibus ibant,  
Millia, quot magnis unquam venere Mycenis.*

At integris amborum copiis inter utroique exercitus pugna conseritur. Dein permisso Iovis, in partes deorum studia dividuntur. Quum pro Graecis Iuno & Minerva decertarent, neque fecius eos Neptunus & Mercurius & Vulcanus assererent: Trojanos Apollo cum Venere, & Diana cum matre; Mars etiam, & cum eis Scamander, adjuvarent: tum Aeneam, diis & viribus inquis cum Achille.

congressum, quanquam studens Graecis, nub  
cundatum Neptunus eripuit.

### Periocha xxI Iliados.

*Intulerat fluvio trepidas fuga foeda catervas.*

Trojanis usque ad Scamandri fluminis al  
fuga & terrore compulsis, quum jam longius a  
di spatiū non pateret: in ipso amne quau  
men exundat, ibi ab Achille duodecim Trojan  
juvenum vinciuntur: qui Patrocli inferiis im  
rentur. Ipse Vulcanus ardoribus suis vim tor  
exurit. Tum in campum Achille progresso, 1  
studia deorum pro sua singulari parte depug  
Trojanorum exercitus, instante victore, in m  
urbis impingitur.

### Periocha xxII Iliados.

*Pulsa metu Phrygios luſtrabant agmina muros.*

Hector singulari certamine cum Achille ce  
ditur, Priamo atque Hecuba, ne pugnaret, oī  
bus: Minerva e contrario specie Deiphobi, i  
micet, adhortante. Hector imperfectus & reli

ad currum, ter circum moenia Trojana raptatur:  
deinde lacerum corpus defertur ad naves, ultione  
Patrocli, & victoris iracundia, ad ulteriora supplicia  
reservandum.

### Periocha xxiii Iliados.

*Troja vacat lacrymis, ludis Argiva juventus.*

Funebres ludi in honorem Patrocli frequentan-  
tur. Quibus Diomedes equis superat, lucta & cursu  
Vlices, alioque alii certationis genere antestant.

### Periocha xxiv Iliados.

*Quisque suas reperunt missō certamine naves.*

Iupiter Thetidem mittit ad filium, cum manda-  
tis ejusmodi, ut in defunctum saevire desistat, fati-  
que hominum in exanimo hoste vereatur, ad sepul-  
turam corpore restituto. Ejusdem jussu & Iris co-  
hortatur Priamum, ut auro filium rependat exāni-  
mum. Qui Mercurio duce inter nocturnas hostium  
profectus excubias, Achilli supplex advolvitur: re-  
demptumque filium justitio publico & dolet, &  
sepelit.

## IN ODYSSEAM.

## Periocha libri I Odyssae.

*Dic mihi Musa virum, captae post tempora Trojae,  
Qui mores hominum multorum vidit & urbes.*

Minerva in Itacham, Iove ita volente, descendit: Mentisque Taphiorum ducis sumit effigiem, suasura Telemacho, ut ad Nestorem Menelaumque festinet: qui recens domum regressi, certi aliquid de Vlixe novissent. Tunc Phemius citharista, adhibitus convivio procorum, inchoat flebilem cantilenam navigationis improsperae: quae profectos ab Ilio Graecos diversis sparsit exiliis. Quem Penelope degressa Chalcidico, argumento tam miserabilis offensa materiae, ut alia concinat, adhortatur.

## Periocha II Odyssae.

*Oceano extulerat roseos Aurora jugales.*

Telemachus Ithaceios proceres cogit ad curiam: atque ibidem de contumelia domus, & bonorum profagatione conquestus, consilia profectionis exponit, Antino resistente: qui eum, priusquam ma-

ter nuberet, abire prohibebat. Qua altercatione diu protracta, concilium dissolutum est. Telemachus ad littus procis ignorantibus pergit: adstantem sibi adorans Minervam, peregrinationi accommoda parat, hortante maxime dea: quae populum, ipsumque Telemachum Mentoris simulatione fallebat. Instructo ergo remigio, & nave deducta, Telemachus & Minerva de portu vespere instante solverunt.

### Periocha III Odysseae.

*Jam Sol Oceano radiatos promperat ortus.*

Telemachus Nestorem de patre percontatus, nihil novi accipit ab ignorantе: verum idem senex sequenti die, cum Pisistrato filio ut ad Menelaum perget, hortatur. Nec mora facta consilio. Nocte quippe ea, quae consecuta est, apud Pheras oppidum hospitio Dioclis diversati, altera Lacedaemonem pervehuntur.

### Periocha IV Odysseae.

*Jamque adeo ventum validae Lacedaemonis arcis.*

Telemachum, & qui cum eo venerant, Menelaus

comiter hospitio accipit. Saneque sub vespera  
dam de Vlixe cognoscunt. Die vero altera,  
navigationis ordinem Menelaus explanat: qu  
in Ogygia insula, promissis & illecebris nyr  
Calypsonis, Vlixes remoratur, exponit. Qua  
dem Proteus eidem narraverat de Graecorum  
bus requirenti. Proci autem postquam de  
Telemachi compererunt, instruta deductaque  
viginti, qui se se legerant, navigavere, redever  
fidias molientes. Circa Asteriam ergo insulam,  
Ithacam Samumque interjacet, delitescentes,  
fionem fraudis exspectant.

### Periocha v Odysseae.

*Liquerat in tepido Tithonum Aurora cubili.*

Mercurius in Ogygiam insulam devolat, vis monitis Calypso conterrita, Vlixem patiatus cedere. Qui contextu ratis temere properata navigationem solus aggreditur. Duodevigesima tempestate comamota, ex iracundia infestante Nino, trabium compago dissolvitur. Quo casu perturultur ultimae spei: & irritis conatibus nando al-

dea misericorde servatur. Quae calanticam capit  
suo demptam natanti accommodat. Cujus ille sus-  
tentatu ad usque Phaeacum littus evadit.

### Periocha vi Odysseae.

*Carpebat somnos dudum aerumnosus Vlixes.*

Vlixes postquam ad Phaeacum littus enaverat, fa-  
tigationem diluit somno. Sed quum virgo Nausicaa  
regis Alcinoi, ludum in aeta cum aequalibus exer-  
ceret, somno excitatus, ut erat nudus, erupit, fo-  
liorum oppositu pudenda velatus: & quum supplex  
ad genua regiae virginis advolveretur, Minervae  
instinctu movit misericordiam salutarem: impositu-  
que carpento & veste donatus, usque ad templum  
Minervae, quod ante urbem est, ita suadente vir-  
ginis pudore, provehitur: ibique familiare sibi nu-  
men solita veneratione precatur.

### Periocha vii Odysseae.

*Orabat superos dudum Laërtia proles.*

Minerva in puellae speciem mutata, Vlixem pri-  
mum in oppidum, mox in domum regiam ducit.

Quumque Arete uxor Alcinoi, & unde veste  
beret, & cujas esset, & qua sorte delatus, se  
ipsius comperisset: bonum animum habere  
suadente vespere, concedit quieti.

### Perioda VIII Odysseae.

*Iam coelum rustikat roseis Aurora quadrigis.*

Alcinous navigationis aerumnam summati  
Vlixe cognoscit. Exinde jussis primoribus  
riam convenire, adventum hospitis & info-  
diutinae jaftationis explanat. Accitoque ad  
vium Vlixe, citharam jubet pulsare Demodoc  
qui, quum de Dureo equo & de Troico ca-  
excidio, lacrymas Vlixi, memoria fortunae  
rioris, elicuit. Quas quum occultare sedulo  
retur, aut vultu dissimulans, aut veste deter-  
oculos in se omnium, & maxime regis ad-  
Tum Alcinous, causa fletuum cognita, ut  
ex ordine tolerata differeret, benigne omnia  
citus adhortatur.

Perioda

## Periocha ix Odysseae.

*Tum vice sermonis fatur Laërtius heros.*

Quattuor istinc libri de Vlixis errore contextiunt. Namque ab Alcinoo rogatus, seriem multipli-  
is erroris exponit, ut ab Ilio profectus, primum  
d Ciconas delatus sit, atque illic expugnata Ismaro  
ivitate, multis amissis fugatus abscesserit, utque  
nde Maleam Laconiae promontorium circumegerit,  
c. dein ad Lotophagos venerit, mox ad Cyclopum  
insulam, quae Lotophagis adjacet, cum una nave  
rocesserit: eaque sedulo occultata, ipse cum duo-  
ecim sociis in antrum Polyphemi penetraverit:  
ui cruentis dapibus expletus, quas caede sociorum  
jus instruxerat, vino etiam, quod Vlices inge-  
sat, temulentus, quum in somnum procubuisset, ab  
Vlige caecatus, poenas immanitatis exsolvit.

## Periocha x Odysseae.

*Aeoliam ventorum agimus patriamque domumque.*

Hinc refert Aeoliam se fuisse pervectum, donis-  
ue donatum ab Aeolo rege ventorum, qui omni-

bus comiter praebitis, quo securior navigaret, ventos etiam dederit utre conclusos: utque, cum jam Ithacae propinquaret, refusus sit in soporem; socii- que ejus opes aliquas in scorto inesse existimantes, dormiente ipso, vincula dissolverint: adversisque flatiibus ab ipsa patria jam sint relati. Inde ut Antiphatem, Laestrygonaque delatus sit. Ibi amissis, una minus, caeteris navibus, Circeum littus accesserit: ibique beneficio potentis deae Eurylochus, & praemissi cum eo socii in ferarum ora conversi sint. Ipse etiam similia passurus, Mercurio procurante vitaverit; caeterosque socios ad speciem pristinam redigi, virtutis admiratione, compulerit.

### Periocha xi Odyssae.

*At postquam ventum ad naves & littora ponti.*

Digressus a Circe Avernum pervenit: qui locus descensus ad Manes existimatur. Ibi sacris rite perfectis, scrobem completer sanguine victimarum: & circumvolantibus animabus, nullam sinit haustum cruoris attingere, nisi, ut Circe monuerat, prius Tiresias vates inde libasset. Ibi & Heroidas, pluri-

mas videt. Quarum enumerationem multa veterum fabularum venustate contexit.

### Periocha XII Odyssae.

*Iamque adeo Oceani liquidos pede liquerat amnes.*

Compertis a Tirefia vate, quae oportuit scire, regreditur ad Circen: ab eaque, ut evitet mala cætera, edocetur: ut Sirenas praetereat, letalem navigantium cantilenam: ut Scyllam praetervehatur, & Charibdim, freti Siculi famosa portenta. Quibus malis non sine gravi perpeſſione ſuperatis, Trinacriam pervehitur, ubi incuſtodita Solis armenta, fruſtra prohibente ipſo, caeteri ſocii, penuria cogente, dilaniant: dirisque prodigiis admissa boum caede, terrentur: ac mox inde navigantes, fulmine ad unum omnes intereunt, excepto Vlixe; qui fragmento lacerae navis inhaerens, & adminiculo ejus adjutus, ad Ogygiam iſculam ſolus enavit.

### Periocha XIII Odyssae.

*Conticuere omnes, intentique ora tenebant.*

Enarratis omnibus, quae in multiplici errore

pertulerat, a principibus Phaeaciae viris donis & rimis honoratur; a quibus remigio, & necessaria omnibus navis instruitur; dormiensque in Ithaca quietissima navigatione devehitur. Atque illuc portu patrio cum muneribus universis quiescet & omnium ignarus exponitur; Phaeacibus eo dormiente remeantibus.

### Periocha XIV Odyssae.

*Egreditur portu, tenuis quo semita dicit.*

Somno expergitus Vlices portum & littus patrum non sine animi consternatione cognoscit: admirata que, ut adiectus, ut expositus, ut relictus sit, cuncta nesciret. Requirit universa donorum: qui postquam incolumia videt, quam potest tutissimum occultat; consiliisque a Minerva confirmatus, servum suum Eumaeum subulcum simulatus accedit naufragi, & mendicantis imitatu. Interrogatus cuncte quis esset, ait se esse Cressum: in Aegyptum navigantem Troja fuisse delatum. Eumaeum etiam cum affectione moestissima perurgens, & cogenitum denique vespero, & imbre continuo, sagulo amic

tur. Atque ibidem multa secum volvens, tandem concedit quieti.

### Periocha xv Odysseae.

*At Lacedaemonias arces Tritonia Pallas.*

Telemachus a Minerva per somnium commoneatur, domum ut rediret. Matureque digressus cubili, a Menelao veniam reversionis exorat. Qua comiter impetrata, regreditur ad navem in portu Pylio manentem. Pisistratoque ad urbem atque ad patrem remisso, ipse propere solvit e littore, comite navigationis assumpto Theoclymeno vate Argivo, uno ex iis, quos Melampus Amythaonis erudivit. Vitasque insidiatoribus procis, advehitur in patriam. Et sociis quidem portum petere jussis, ipse diverso itinere ad agrum Eumaeumque proficiscitur.

### Periocha xvi Odysseae.

*Commune Eumaeus mapale & divus Ulixes.*

Telemachus Eumaeum, nuntium redditus, mittit ad matrem. Ipse, Minerva ita volente, patrem cognoscit: & cum eo deinceps agenda disponit.

Penelope autem cognito reditu filii, in comprocorum, qua verecundia sinebat, egreditur crepatisque insidiatoribus filii, non minus quam moesta discedit.

### Perioda XVII Odysseae.

*Jam coelum roseis rutilat Tritonia bigis.*

Telemachus anxiae matri ordinem peregrinis enarrat. Vlices ad oppidum, Eumaeo certe, perducitur. Domum, in qua proci epulum ingressus, emendicat cibos, miserabiliter annulat. Inde ab Antinoo injuriose afficitur. Cui fidiras ob inhumanum facinus imprecatur. A fatus Eumeus est, ut hospes, sic enim se ferem provocaretur. Qui tum quidem invitatiam facit: sed venturum fese ad vesperam per-

### Perioda XVIII Odysseae.

*Irus adest populi per mendicabula notus.*

Mendicante intra proprios lares Vlige, a que pari egestate Irus accessit, popularis Italus in triviis solitus rogare. Iurgium ei-

piae communis aemulatione conseritur, quod ex verbis processit ad manus, hortantibus procis, quo magis rixa crudeliceret, propositoque praemio capriani ventris omento. Victor igitur Vlices, seminecum Irum extra januam projicit, ridicula adhortatione compellans. Penelope etiam munera sibi a procis, pro opibus cujusque conferri, singulorum studia experiens, depositis: quae mature, utpote a cupientibus, offeruntur.

### Periocha XIX Odysseae.

*At parte interiore domus secretus Vlices.*

Vlices & Telemachus arma omnia de medio amoliuntur, procis perniciem comparantes: ne quid aut munimenti, aut teli relinquatur, qui vel caveret vim, vel inferre possent. Ad Penelopen inde accitu ipsius pergit: ibique, ut Eumaeo dixerat, Cretensem se esse mentitur, Vlixemque apud se hospitio diversatum comminiscitur. Mox cum Eryclia ejus nutrix, hospitalis officii causa, pedes ejus elueret, tactu manus animadvertisit cicatricem, quam habebat ex vulnere in Parnasso quondam suis den-

te percussus. Quo argumento, alumnum suum agnoscit. Sed ab eodem, ne quid ultra vel quae vel garriat, coercetur.

### Perioda xx Odysseae.

*Iamque procis genua amplectens orabat Vlices.*

Epulantibus procis Ctesippus in Vlixem crubulum jacit: sed destinatione non potitur. Tl clymenus autem apud Ithacenses divinationis extus, imminens procis vaticinatur exitium. Cum multa cavillatione derisus, mensa & detanquam furiosus, excluditur.

### Perioda xxi Odysseae.

*Hic mentem dedit Icariae Tritonia Pallas.*

Vlices Eumaeo & Philoetio, fidei eorum industrius confusus, quis sit revelat. Et postquam facta gnitio est, caedem procorum tempore instrui placet. Quos Vlices astu aggreditur, ut ipsum quoque tendendo arcum, vires seniles explorare patiantur. Uni quondam Vixi facilem, si quis intendebit habiturus esset praemium, jus Penelopes nuptiarum

Sed prohibentibus procis, ne id ridiculus & mendicus auderet, quod frustra juventus tam lesta tentasset, dat Telemachus Vlixi, caeteris abnuentibus, experiendi potestatem. Et hinc nascitur admiratio prima virtutis, dedecore suo caeteris erubescientibus, quorum ignaviam senex & mendicus arguerit.

### Periocha xxii Odysseae.

*Squallentes humeris habitus rejicit Vlices.*

Vlices locq ulteriore capto intendit arcum, omnibusque foribus occlusis, ne qua pateret effugium, plerosque vino saucios, aut novitate rei stupidos, aut quidlibet aliud meditantes conficit. Quum primum omnium confixisset Antinoum, qui audacia & petulantia caeteros superaverat: Eumaeus, & Telemachus, & Philoetius sumptis & ipsi armis, egregia in consternatos caede grassantur. Iamque omnibus interemptis, duobus tantummodo parcitur: Phemio citharoedo, qui ministerii causa adhibitus, nihil omnino in Vlixis domo, quod contumeliosum esset, ediderat: & Medonti praeconi, cuius modestiae etiam Telemachus suffragabatur. Et qui cum Tele-

te percussus. Quo argumento, alumnum suum esse agnoscit. Sed ab eodem, ne quid ultra vel quaerat vel garriat, coercetur.

### Periocha xx Odyssae.

*Jamque procis genua amplectens orabat Vlixes.*

Epulantibus procis Ctesippus in Vlixem crus bulbum jacit: sed destinatione non potitur. Theoclymenus autem apud Ithacenses divinationis expertus, imminens procis vaticinatur exitium. Quorum multa cavillatione derisus, mensa & domitanquam furiosus, excluditur.

### Periocha xxi Odyssae.

*Hic mentem dedit Icariae Tritonia Pallas.*

Vlixes Eumaeo & Philoetio, fidei eorum industriaeque confisus, quis sit revelat. Et postquam facta cognitio est, caedem procorum tempore instrui placet. Quos Vlixes astu aggreditur, ut ipsum quoque intendendo arcum, vires seniles explorare patientur, quem uni quandam Vlixi facilem, si quis intenderet, habiturus esset praemium, jus Penelopes nuptiarum.

Sed prohibentibus procis, ne id ridiculus & mendicus auderet, quod frustra juventus tam lecta tentasset, dat Telemachus Vlixi, caeteris abnuentibus, experiendi potestatem. Et hinc nascitur admiratio prima virtutis, dedecore suo caeteris erubescitibus, quorum ignaviam senex & mendicus arguerit.

### Periocha xxii Odyssae.

*Squallentes humeris habitus rejectit Vlices.*

Vlices locq ulteriore capto intendit arcum, omnibusque foribus occlusis, ne qua pateret effugium, plerosque vino faucios, aut novitate rei stupidos, aut quidlibet aliud meditantes conficit. Quum primum omnium confixisset Antinoum, qui audacia & petulantia caeteros superaverat: Eumaeus, & Telemachus, & Philoetius sumptis & ipsi armis, egregia in consternatos caede grassantur. Iamque omnibus interemptis, duobus tantummodo parcitur: Phemio citharoedo, qui ministerii causa adhibitus, nihil omnino in Vlixis domo, quod contumeliosum esset, ediderat: & Medonti praeconi, cuius modestiae etiam Telemachus suffragabatur. Et qui cum Tele-

macho erant, Melanthium, famulorum Vlixis unum, qui procorum proterviam semper armaverat, cruciabiliter occidunt. Puellas inde duodecim, quae cum procis flagitiose consueverant, suspendio perimunt. Vlices caede ad plenum perpetrata, ignem adolet: incensoque sulfure domum piaculo purgat.

### Periocha xxiii Odyssae.

*Chalcidicum gressu nutrix superabat anili.*

Euryclia nutrix gestae rei nuntia, Penelope de somno excitat. Quae advenientem ad se maritum non temere ipsum esse persuadet. Quadam cubiculi lege, & genialis lectuli positu sibi tantum & Vlxi cognito, an ipse sit maritus, explorat. In coetum deinde conveniunt, totamque noctem mutuo sermone consumunt. Et hinc quidem elegans replicatio laborum, quos Vlices pertulit, mira concinnations colligitur.

### Periocha xxiv Odyssae.

*Tartaream vocat in sedem Cyllenius umbras.*

Procorum animas recenti & communi caede con-

festas, catervatim Mercurius ad inferna compellit.  
Tunc circa Agamemnonem Manes heroici congregantur. Miratique lectorum juvenum, congregem densitatem, uno agmine commeantem, causas interditionis accipiunt. Tum apud inferos quoque virtus Vlifix, & Penelopes pudicitia praedicantur, ab Agamemnione p[re] caeteris, cui dispar fuerat in utroque fortuna. Vlifix ad Laertem patrem in agrum profectus, & inopinato reditu, & rerum gestarum relatu, afficit senem: afficitur ab eo cognitis, quas exantlasset aerumnis. Subinde & patres procorum, neces juvenum properant ultum ire: consilioque, & vi communicatis, ante expectatum, agro superveniunt. Sed eos jam comitatiōr Vlifix fundit, fugatque. Verum gliscētibus odiis, & majore seditione aut tumultu spectato, ex sententia Iovis in Ithacam Minerva descendit: & conciliata utrinque pace, studia, & motus partium, rerum gestarum abolitione componit.

---

AVSONII  
BVRDIGALENSIS  
PRAEFATIVNCVLA  
TRES

---

Theodosio Augusto AVSONIVS.

**A**GRICOLAM si flava Ceres dare semina terrae  
 Gradivus jubeat si capere arma ducem,  
 Solve de portu classem Neptunus inermem:  
 Fidei tam fas est, quam dubitare nefas:  
 Insanum quamvis hiemet mare, crudaque tellus  
 Seminibus, bello nec satis apta manus.  
**N**il dubites auctore bono. Mortalia quaerunt  
 Consilium. Certus jussa capesse Dei.  
**S**cribere me Augustus jubet: & mea carmina posci:  
 Penè rogans: blando vis latet imperio.  
**N**on habeo ingenium: Caesar sed jussit: habebo.  
 Cur me posse negem, posse quod ille putat?

Invalidas vires ipse excitat: & juvat idem,  
 Qui jubet. Obsequium sufficit esse meum.  
 Non tutum renuisse Deo. Laudata pudoris  
 Saepe mora est: quotiens contra parem dubites.  
 Quin etiam non jussa parant erumpere dudum  
 Carmina. Quis nolit Caesaris esse liber?  
 Ne ferat indignum vatem, centumque lituras,  
 Mutandas semper deteriore nota?  
 Tu modo te jussisse, pater Romane, memento:  
 Inque meis culpis da tibi tu veniam.

## AVSONIVS Syagrio suo S.

Ausonius genitor nobis. Ego nomine eodem  
 Qui sim, qua secta, stirpe, lare, & patria,  
 Adscripti, ut nossem, bone vir, quicunque fuisse,  
 Et notum memori me coleres animo.  
 Vasates patria est patri: gens Aedua matri  
 De patre: Tarbellis sed genitrix ab Aquis.  
 Ipse ego Burdigalae genitus: divisa per urbes  
 Quattuor antiquas stirpis origo meae.  
 Hinc late fusa est cognatio, nomina multis  
 Ex nostra, ut placitum, ducta domo veniant

Derivata aliis. Nobis ab stemmate primo  
Et non cognati, sed genitiva placent.  
Sed redeo ad seriem: genitor studuit Medicinae,  
Disciplinarum quae dedit una Deum.  
Nos ad grammatiken studium convertimus: & mox  
Rhetorices etiam quod satis attigimus.  
Nec fora non celebrata mihi: sed cura docendi  
Cultior: & nomen grammatici merui:  
Non tam grande quidem, quo gloria nostra subiret  
Aemilium aut Scaurum, Berytiumque Probum;  
Sed quo nostrates, Aquitanica nomina, multos  
Collatus, non & subditus, adspicerem.  
Exactisque dehiuc per trina decennia fastis  
Afferui doctor municipalem operam.  
Aurea & Augusti palatia jussus adire  
Augustam sobolem grammaticus docui:  
Mox etiam rhetor. Nec enim fiducia nobis  
Vana, aut non solidi gloria judicii.  
Cedo tamen fuerint fama potiore magistri,  
Dum nulli fuerit discipulus melior.  
Alcides Atlantis, & Aeacides Chironis,  
Paene Jove iste fatus, filius ille Jovis,

Theſſaliam, Thebaſque ſuos habuere penates:  
 At meus hic toto regnat in orbe ſuo.  
**Cujus ego Comes, & Quaefor, & culmen honorum,**  
**Praefectus Gallis, & Libyae, & Latio:**  
**Et prior indeptus fasces, Latiamque curulem,**  
**Consul, collega posteriore, fui.**  
**Hic ego Ausonius: sed tu ne temne, quod ultro**  
**Patronum nostris te paro carminibus,**  
**Pectoris ut nostri ſedem colis, alme Syagri,**  
**Communemque habitas alter ego Ausonium:**  
**Sic etiam noſtro praefatus habebere libro,**  
**Differat ut nihilo, ſit tuus, anne meus.**

**A U S O N I U S** Latino Pacato Drepanio,  
 filio.

**C**ui dono lepidum novum libellum?  
**Veronensis ait poëta quondam:**  
**Inventoque dedit statim Nepoti.**  
**At nos illepidum, rudem libellum,**  
**Burras, quisquilias, ineptiasque,**  
**Credemus gremio cui fovendum?**  
**Inveni trepidae filete nugae,**

Nec doctum minus, & magis benignum,  
 Quam quem Gallia praebuit Catullo.  
 Hoc nullus mihi carior meorum.  
 Quem pluris faciunt novem Sorores  
 Quam cunctos alios, Marone dempto.  
 PACATVM haud dubie, Poëta, dicis.  
 Ipse est. Intrepide volate versus:  
 Et nidum in gremio foyete tuto.  
 Hic vos diligere, hic volet tueri.  
 Ignoscenda teget, probata tradet.  
 Post hunc judicium timete nullum.





